



3 1761 05646305 2

کتابخانه کنگرہ

ایکنجی ترتیب

اسامی آثار

۱۵۴۵ برنجی ترتیب

جلد ۷

کتابدر ۱۲

اسامی

غروش

اسامی

- جلد حزو
- [۱] عمانی تاریخی ۲۰ •
- [۲] تاریخ اسلام ۱۰ ۲
- [۳] آثار برا کنندہ ۰ •

- [۱] روان مدافعه نامہ سی نشر اولندی ۳
- [۲] قارہ بلا نشر اولندی ۵
- [۳] مقالات سیاسیہ و ادیبیہ و رویا ۲۰
- [۴] وطن، کتھال، ما کف، زوالی { ۱۰
- چو جق
- [۵] اشعار کمال ۲۵
- [۶] جلال الدین خوارزمشاہ ۱۲
- [۷] مکاتیب خصوصیہ دن برنجی جلد ۲۰
- [۸] اوراق پریشان مجموعہ سی ۷,۵
- [۹] منتخبات محررات رسمیه ۲۰
- [۱۰] جزئی و انباء ۷,۵
- [۱۱] مکاتیب خصوصیہ دن ایکنجی جلد ۲۰
- [۱۲] تعقیب و تخریب خرابات
- رسالہ لری و ساثرہ ۵

ہر جزو ک فیثانی (۳) غروشدر

کتاب اولہرق }
 ہر ایک آیدہ بر . }
 برنجی ترتیب }
 جزو جزو اولہرق ہر }
 ایکنجی ترتیب }
 اون بش کوندہ برنشر }
 اولنہ جقدر . }
 ایک ترتیب دہ برابر اولہرق صرہ سیلہ
 منتظماً طبع و نشر اولنور .

ابونہ شرائطی

مقسطاً تادیہ ابدلک شرطیلہ ابونہ
 شرائطی

یکونی پشین اولہرق تادیہ ابدلک
 اوزرہ ابونہ شرائطی :

غروش

غروش

۲۱۶ آرلر ادارہ خانہ دف الفق و بقیہ اولہرق بارم
 و متعاقباً ہر اراج آیدہ بر یاریمشر ایرا تادیہ
 ابدلک شرطیلہ .
 ۳۰۰ پوستہ اجرشدن طولانی تقسیمطر ۶۰ غروش
 لہرق پشین ۳ مجیدیہ و ہر اراج آیدہ ۳ مجیدیہ
 و برلک شرطیلہ اقامتکاہہ کوندلک اوزرہ .

۲۰۰ ادارہ خانہ دف الفق شرطیلہ .
 ۲۲۵ ہر سماعت و ولایات و عاک اجنبیہ ایچون
 پوستہ اجرشدہ داخل اولہرق
 کوندلک شرطیلہ .

بوجزو ک فیثانی (۳) غروشدر

طشرہ ایچون پوستہ اجرشدن ضم اولنور .

١	٥٤
٢	٥٦
٣	٥٧
٤	٥٨
٥	٥٩
٦	٦٠
٧	٦١
٨	٦٢
٩	٦٣
١٠	٦٤
١١	٦٥
١٢	٦٦
١٣	٦٧
١٤	٦٨
١٥	٦٩
١٦	٧٠



.....

.....

.....

.....

.....

.....

.....

علماسندن ایدیلر . اوعصرك معروف اولان مشایخی ده اق بیق سلطان ویاریجی اوغلی محمد افندی و برادری احمد یجان و تاج الدین یخشیدر .

بوناردن ملا یکان محمد بک خضر بک کبی بر علامه یه استاد اولمق شرفی احراز ایتمش و خضر بک ایسه عثمانلی ملک کنده ترقیات علمیه نك معلم اولی اولمش ایدی . شمس الدین کورانی فاتحک تحصیلنه خدمتله علمای عثمانیه ارسنده الك زیاده مشکور المساعی عد اولمغه اکتساب لیاقت ایتمشدر . مولانا شکر اه ده سفارتله قرمانه کوندرلدیکندن اکلشلدیغنه کوره خدمات سیاسییه ده قوللانیلوردی .

مراد ثانی ادرنده بر جامع و بر عمارت و بر مکتب و اوچ مدرسه و بر مولویخانه و بروسه ده بر جامع و بر عمارت و بر مدرسه انشا ایتدیرمش ایدی . ادرنده کی جامعی اوچ شرفه لی عنوانیه معروفدر . الك بیوک خیر اتندن بری ده ارکنه کوپریمی اوله رق ارکنه قصبه سنده ده بعض انشآت خیره نسبی و سلانیک ایله یکیشهر آرسنده ده بر بیوک کوپریمی واردر .

اوچنجی جلدک صوکی



فرنك تاريخلری اسکندر بك محاربه لرنده مغلوب اولمش بر علی پاشا بر فیروز پاشا برده مصطفی پاشا ذکر ایدر لر سده بزم تاریخلرده او یله پاشا لر کور یله مز . بناء علیه بونلر او یله اوافق تفك سرحد امراسندن دکلسه لر اسکندرده مداحلق ایدن بارلسیوسك اشخاص مخیله سندن عد اولنق لازم کلیر .

صدراعظم خلیل پاشا ، صاروجه پاشا ، خادم شهاب الدین پاشا ، اسحق پاشا ، رغنوس پاشا ، داود پاشا ، طورخان بك ، اورنوس زاده علی بك ، اورنوس زاده عیسی بك ، اسحق پاشا زاده عیسی بك ، اوزغور اوغلی عیسی بك ، فیروز زاده محمد بك ، حسن بك زاده مصطفی بك ده بو عصرک مشاهیر ننددر . ایلریده ده بر طاقم فعللری کورورز .

منلا یکان دینلن محمد بك ارمغان اوغلرندن محمد شاه ویوسف بالی و محمد بن بشیر و شرف الدین قریمی و احمد بن عبده قریمی و علاء الدین علی سمرقندی و مولانا شمس الدین کورانی و مولانا خضر بك و شکره و خطیب زاده تاج الدین و خضر شاه و قاضی زاده محمد و علاء الدین طوسی و مولانا ابن تمجید و مولانا سید علی عجمی و سید علی قومناقی و حسام الدین توقادی و الیاس بن ابراهیم و الیاس بن یحیی و قاضی میاس اوغلی محمد و قوجه حصاری علاء الدین علی و محمد قطب الدین و فتحاه شروانی و اسکوب شیخی شجاع الدین الیاس و صدر اعظم خلیل پاشا زاده سلیمان چلبی سلطان مراد عصرینک مشاهیر

استحصال ايتدكدن صكره هونياك قوه كليهنه قارشى معيتنده
 قالان فرقه مقاومت ابدمهيهرك طاغلمش در . لکن كنديسى
 شهيد اولنجهيه قدر مركزنده ثبات ايمش ايدى . دده مزاقزاده
 بمقوب بك تيمور طاشزاده عثمان چلبى ايله فيروز بكة رفيق ثبات
 اولهرق احراز شهادت ايتديكندن يشقه تاريخلرده بر اثرى
 كورلمز ميخال اوغلى خضر بلك يالكز قوصوه محاربه ثانيهنده
 نامى كورينور .

ديكر بر خضر بك نامى ده عثمان چلبى ايله برابر مركز
 ثباتده قالان شهدا آرهسنده كورينور .
 عمر بك بونكده نامى ياد ايتدبرن او قهرمانلرله برابر شهيد
 اولنجهيه قدر مقام حميده ثابت اولماسيدر .

سلطان مراد ثانى عصرينك بو قدر شانلى شانلى اعاضى
 آرهسنده ينه جملهسندن پارلاق جملهسندن محترم بر يكيچرى
 اسميدركه اوده وارنده مجار قرالنك كلهسنى كسهرك نيزهيه ،
 كرمه حصار هجومنده عثمانليرك علم شجاعتنى يد قهرمانيسنه الهرق
 هر كسندن اول قلعهنك برجنه ركز ايمش اولان قوجه خضر ك
 مقدس ناميدر . بو قدر پارلاق ايكي موفقيت دنياده هيچ
 بر نفره نصيب اولماش اولسه كر كدر .

پادشاهك دامادى صدراعظمك اوغلى اولان محمود چلبى
 كرك اسارتندن وكرك تخلصندن طولايى تاريخجه چركين
 و ترابدار الياس شهزاده مصطفىيه ايلديكى خيانت مناسبتيله ملعون
 بر نام ابقا ايتشاردر .

مدافعه‌سنده قهرمانجه برثبات کوسترمش ایدی. او وقعه‌دن سکره برطرفده نامی ایشیدلمز .

فیروز بك زاده حمزه بك افلاق فاتحاری اولان فیروز پاشا و فیروز بكدن بشقه اوله‌رق انطالیه‌ده بولسان فیروز بكك اوغلیدرکه یدرینك وفاتی اوزرینه انطالیه‌نك تکه اوغلی عثمان چلبی‌به فارشی مدافعه‌سنه شتاب ایدرك عثمان چلبی‌بی برکیجه باصقینی و امدادینه‌کلان قرمان اوغلی محمدبکی‌ده برطوب کوله‌سیله اعدام ایتمش و طرف پادشاهیدن آت و قلیچ هدیه‌سیله تلطیف اولمش ایدی . تاریخارده بشقه برفعله تصادف اولنماز .

یخشی بك جنید اوغلك دفعنده حمزه بکه معین اولمش و بزم تاریخلك روایتنه کوره حمزه بكك رأی اولمق‌سزین جنید اوغلی اعدام ایتدیرمش ایدی .

خلیل بك بوده جنید اوغلك تکلیفده حمزه بکه و اعدامنده یخشی بکه معاونتدن بشقه بر فعل ایله معروف دکلدز .

سنان بك برتهور لوندانه ایله روم ایلی بکلبکی سنان پاشایه تعرض ایدرك تحریکات و اقدامات دایرانه‌سیله آلاجه حصار مظفریته سبب اولمشدر ، تاریخارده بشقه برفعله تصادف اولنماز .

مزید بك سلطان بایزیدمرحومك سیواسده استیمان ایتدیردیکی مشهور حرامی مزیددرکه چلبی سلطان محمد شجاعته حرمه کندیسنی عفو ایتمش و توبه ایتدیرهرك یانه آلمش ایدی . سلطان مراد زماننده مجارستان اوزرینه مأمور اولمش و بر غلبه

شاهین پاشا بوزغوننده عودتدن استکبار ایدرک برقاچ رفیق
جلادتی ایله برابر شهید اولمش و بصورتله منسوب اولدبغی
خاندان جلادتک عنوان مفاخرینی برقات ده اعلایتمش ایدی.
عثمانیلرده ظهور ایدن جلادت او جاقلرینک قهرمانلقه و فانی
جمع ایتک اعتباریله اک کریم و عالیشانی ایفودالب خاندانی و بو
عثمان بکده او خاندان حیتک خاتمہ شانی در .

بایزید پاشا برادری حمزه بک قاردشیله برابر دوزمهجه
مصطفی نیک پنجه قهرینه دوشدیکی حالمه هر نعلسه قورتیله بیلمش
و صکره اناطولی بکلربیکی اوله رق جنید اوغلانی محو ایتمش ایدی.
سلانیک محاصره سنده ده اناطولی عسکر یله پادشاهک خدمتنده
بولندی . آندن صکره تاریخلرده نامی کولمز . کفایتده برادری
درجه سنه واره مادی ایسه ده ینه دولتک اک مشکور الخدمه امرای
عظامندندر .

فیروز بک سلطان مراد طرفندن افلاقه سوق اوله رق
ضرب دستیه افلاقی تکرار دولت علیه خرج کگذار ایتمش
ایدی . افلاق سفر پنجه مشهور فیروز پاشایه ثانی عد اولنسه
شایسته در . قوله شاهین پاشا وقع سنده تیمور طاش حفیدی عثمان
چلبی ایله برابر احراز شهادت ایدن فدا کاران حیتدندر .

فیروز اوغلی علی بک تیمور وقع سنده شهید اولان مشهور
فیروز پاشانک اوغلی و بدوی چاردقه هدر اولان طالعبر
یعقوب بکلک برادریدر . شهزاده مصطفی چلبی به قارش ازیقک

قازانمش اولان اعظامدندر. سلطان مرادك تأييد سلطنتى يولنده
احراز شهادت ايلدى .

تيمور طاش باشا زاده امور بك هر معرکه حميته خاندانك
شان قهرمانيسى محافظه ايتمش و نهايت موسى چلبينك خدمتنده
محو اولورجه سنه ثبات ايدرك عيسى چلبى يه فداى جان ايدن
تيمور طاشك نجل كزىنى اولديغى اثبات ايلش ايدى . ۸۳۵
سنه سنه قدر اناطولى بكار بكيلىكنده نامى كوريلور .

تيمور طاش زاده اوروج بك ده اعضاي خاندانى كې هر معرکه
حميته اثبات وجود ايدرك عثمانلى نامنك شرفى آرتيران ذوات
معدوده دندر . او قدر قهرمانلى ايله برابر ذوق و صفاسندن ده
كرى قالمازدى . دور فترده سليمان چلبى ايله بولندى ، اوده
شهزاده نك خدمتنده محو اولورجه سنه ثبات ايلدى . حتى سليمان
چلبى ادرنه دن قاچديغى زمان ياننده قالان اوچ رفيق فلاكتنك
رى ايدى . اناطولى بكار بكي ايكن ۸۲۹ سنه سنه ارتحال
ايتمشدر .

تيمور طاش زاده على بك خاندانك ايچنده الك زياده اشتهار
بولش برذاتدر . سلطان محمد و سلطان مرادك اكثر محاربه لرنده
برابر ايدى . زمان وفاتى معلوم دكلدر . بو برادرلرک اوچنده
سلطان مرادك مبادى سلطنتنده وزير اولمش و دوزمه جه مصطفى
وقعه سنه بيوك خدمت ايتمش ايديلر .

تيمور طاش زاده عثمان بك امور بلك نجل كزىنيدر . قوله

اولمش ایدی . وارنه ملحمه کبراسنده آناتولی بکربی بولندی . دشمنک همان بتون اردوسنه قارشی شهید اولنجه یه قدر اظهار ایتدیکی ثبات قهرمانی ایله واصل اولدینی مرتبه نك قرابتدن زیاده لیاقت محصولاتندن اولدینی لایقیله اثبات ایلدی .

قاسم پاشا روم ایلی بکرب بکیلرندن ایدی . برقوله کوره سفرده شهید اولمش و بردیگر روایتیه نظراً اسیر اولدینی حالده وفات ایلش در .

فضلاء پاشا ککبوزه قاضیسی ایکن استانبول ایمراطوریله مناسبت حاصل ایلدیکنندن طولای چلبی سلطان محمد طرفندن سفیرلکده استخدام اولنان ذاتدر . صکره سلطان مراده طیب اولمش وامور دولتده حسن تدبیر ابراز ایلدیکی ایچون کندیسنه وزارت ویرلش اولدینی صحائف الاخبار بیان ایدر . فقاهت و طبابت و سفارت و وزارتده ابراز اقتدار بیوک برجامعیتدر .

بلبان پاشانک سلطان مراد عصرنده یالکزجه توقاده والی تمین اولدینی و محمود چلبی بوزغوننده مجارلره اسیر دوشدیکی کوریلور . تاریخلر حرباً و سیاستاً هیچ برخدمتی بیان ایتمزله . میخال اوغلی محمد بک طوتدینی مسلك اداره ایله سلطان محمد قارشی ارتکاب ایتدیکی مناسبتسزلکک سلطان مراد عصرنده مع زباده آجیسنی چیقارمش و پادشاهک ادامه سلطنتنه سبب اولمش ایدی . امرای عثمانیه ایچنده اک زیاده قدم واشتار

تقییح دکلسه ده ینه چابی سلطان محمدن پک یوز بوله ماش
ایدی. سلطان مراد عصرنده روم ایلی بکربیکی اولدی مآثر
جلادتی وهله (ودین سنانی) نامیه معروف اولان سنان بکدن
ایشتدیکی اغراغر سوزلره قارشو انک صولت متهورانه سنه
معاونشدن بشقه برشی یامامقده کی حیتی محللرنده ذکر اولتمش
ایدی. ۸۴۵ تاریخلرینه طوغری روم ایلی بکربکلیکنده قوله
شاهین پاشانک آدی ایشیدلمکه پاشلار. آندن صکره ده سنان
پاشانک هیچ نامی ایشیدلمز که بو حال اوصرم کرده وفات ایلدیکنه
دلیلدر.

قوله شاهین پاشا ۸۴۵ سنه سنده سردار اوله رق بوسنه
اوزرینه کیدن بیچاره درکه هم شهید اولدی همده تاریخلر
مغاله ضیعمایه جق برطاقم یاوه لرله نامی لکه دار ایلدی. بوجهته
آجنه جق یدطالعلردندر.

یوزکج پاشا سلطان مراد ناینیک لالاغندن امامیه والیکینه
چیقمش ایدی. قزل قوجه اوغلی طاقنه انتدیکی معامله جلادانه،
الب اوغلی حسین بکه ایلدیکی ظلم واقفرا، قره قیونلی پادشاهی
قره اسکندر بک حقه یازدینی معروضات بند خواهانه
شر وظلمدن ذوقیاب اولان فطرت ردیته اصحابندن پولندیفنی
کوستریر. وجودی سلطان مرادک عصر عدالتنه بر لکه عار
ایدی. غریبدرکه خبیثک مظالم خونخوارانه سنی یازان تاریخلر
مشکور المساعی مرد مردانه کی سوزلره توصیفندن چکشمزلر!
قره جه پاشا سلطان مرادک همشیره سنی آلق شرفه نائل

حال بوکه هر زمانه نده مهم برتسه - بی بولنوردی . اغفال خصمه نفسنه اولان شدت اعتمادی عاقبت کندیسنی دام هلاکه دوشوردی . بایزید پاشا بعض قصور لریله برابر سلطان مراد عصرینک اعظم ضایعاتیدر .

بری ده حاجی عوض پاشا در که قرمان اوغلنه قارشی بروسه نك مدافعه سنده کر چکدن قهرمانلق کوستردی . بر درجه ده که شجاعتی تیموری حیران ایدن سلطان محمد جوهر اقتدارینی بکنیدردی ، صو باشیلقدن دفعه وزارتیه صعود ایلدی . دوزمه جه مصطفی وقعه سنده ایسه سلطان مراده ایتدیکی خدمت بروسه محافظه سنده کی موفقیتنه ده غالب صایله بیلیر . هله دوزمه جه مصطفی بی بر کله یالان سویله دن اغفال واخافه ده کوستردیکی مهارت حیرت بخش عقول اوله جق درجه لرده در . سلطان مراده قارشی کوستردیکی امنیت سزک بر بیوک خطا ایدی ؛ فقط اولیه قدرت حربیه و اداره ده بایزید پاشانک یرینی طوتمغه اقتدار کوسترمش بر داهیة سیاستی اضاعه ایده جک درجه ده بیوک بر جنبه دکل ایدی . اوده سلطان مراد زماننک ضایعات عظیمه سندنر . هله بهوده یره الدن چیقارلدیغنه نه قدر تأسف ایدلسه شایسته کورینور .

سنان پاشا چلبی سلطان محمدک روم ایلیه کذارنده ترحاله بکی اوله رق اردوسنه التحاق ایدن سنان بکدر . هر نه قدر ذاتاً موسی چلبینک خدمتنده بولمادینی ایچون حرکتی او قدر شایان

بری ده بایزید پاشادر. مبدآندن منتهاسنه قدر سلطان محمد دورینک وصاغ اولدقجه سلطان مراد عصرینک وزیري جملةالملکی اوزات ایدی. روم تاریخلرینک روایتنه کوره بایزید پاشا ذاتاً ارناود کوله لرندن اوله رق ابراز ایلدیکی رشد و سداد ایله سلطان بایزیدی ممنون ایتمش اولدیغندن چلی سلطان محمدک لالالغنه ویرلمش ایدی. پاشا ایسه شهزاده یه صداقتنی انک حیاتندن بشقه دنیاده برشی دوشونمه مک، ارزوسنی اجرادن بشقه دنیاده برشیدن لذت بولماق درجه سنه کتیرمش ایدی. انقره محاربه سندن اماسیه یه کیدیلیر ایکن طاغلرده ایکی سنک ده حیوانی تلف اولدیغندن ایکی سی ده یوریمکده طاقتدن قالنجه کندی یورغونلغنه باقما یه رق ولی نعمتی ساعتلرجه ارقه سنده طاشیمش وتامین بر محله یتشدیرمدکجه بر یرده طورمامش اولدینی ینه روم تاریخلرینک روایاتندندر. تدبیر و شمشیری محلنده استعمال ایدرک اداره امورجه کوستردیکی کفایت حقیقه خارق العاده ایدی. اکر صداقتی حد معروفک خارجه چیقاروبده دشمنه قارشی براز اخلاقسزلق کوسترتمه مش اولسه ایدی دور ظهور امراسنک مهارت سیاسیجه اک بیوکی ایدی دینیه بیلیر. اخلاق مزلفی ده دور ظهورده وملتک نزاهت مردانه سی زماننده بولماسنه نسبتله در. یوقسه اندن بر عصر صکره کلن اصحاب سیاستک اک ناموسلیلرینه اخلاقجه ده فائقدر. اودرجه مشکلات ایله الوده اولان هیچ بر تشبیهی موفقیتسزلکله نتیجه بولمادی.



سلطان مراد زمانه انتال ویاخود او عصرده ظهور ایند
اعاظمه کلنجه : بونلردن بری صدر اعظم ابراهیم پاشادر. یازید
پاشایی دوزمهجه مصطفی نك اوزرینه کوندرمکده غرضکارلق
ایتدیکندن بشقه تاریخارده کندیسنه اسناد اولنمش بر قباحت
یوقدر . انک ایسه نه قدر باطل بر افترا اولدیغنی محلنده اثبات
ایتمش ایدک؛ مع مافیہ قره خلیک حفیدی ، علی پاشانک اوغلی
اولدیغنی کوستره جک هیچ بر خدمتنده تصادف ایدمه دک .
اک بیوک معرفتی چلبی سلطان محمد عصرندء کورشاه ملیکی
جلب ایدرک استانبول ایمپراطوریه روم ایلییه کذارچون
استیصال موافقته خدمت ، محمد اولک وفاتی کتمده یازید
پاشایه معاونت ، دوزمهجه مصطفی نك تعقیبی صره سنده طهارتسر
خطیبی استخدام ایله کلیبولیدن استانبوله بر جنویز کیسی جلبنه
موفقیته خصوصلردن عبارتدر . تاریخارک افاده سنه نظراً
کندیسی پدری و بیوک پدری کبی محرم و مستشار دکل ، امور
جزویده معین و خدمتکار اوله رق استخدام اولتور بر وزیر
ایدی . خواجه سعیدالدین کالات علمیه سندن بحث ایندر . ابراهیم
پاشانک قره خلیک اوغلی و علی پاشانک برادری اولدیغنه دأرده
بر روایت وار ایسه ده مقبول دکلدر .

ابتدی . اوچ میل بوینده استحکاملره نردبانلرله عسکر چیقارارق
 اوچ بیک مترو یوکسکلاکنده طاغلرده الی قنطار کولله اتار
 طولر دوکدیره رک مواقع طبیعیه وضعیه یی بر ضربه قهرمانی ایله
 زیرو زبر ایلدی ! هیچ بر طرفدن هیچ بر دشمنک حرکتنه
 مجال براقادینگی ، بر ملتک پادشاهی ، مجددی ، حامیسی ،
 منجیسی اولدینی حالدہ اعوام فاخره شان جلالتی ا کمال ایتشدیر .
 عمومیت احوال وافعالی اعتباریله تاریخ عالمده نوعی ذاتنه
 منحصر کورینور .



بر داهیه دکل ایدی ؛ فقط عثمانلیلرک بر قاچ اردوسنی بوزمغه ،
 بر قاچ کره پای تختی مخاطره ده بر اقمغه مقتدر بر بلا ایدی .
 بر درجه ده که عثمانلیلر ایچنده پادشاهدن بشقه قارشیسنده طورمغه
 مقتدر بر قهرمان بولمادی . اوغرا دینی بلا ایله اوغراشمقده ایسه
 یلدیرم بایزیدن دها بختیار ظهور ایتدی : انک مغلوبیتله بتیردیکی
 امتحان اقبالی بو ، غالبیتله ختم ایلدی .

عسکرلکجه واقعا یلدیرم بایزید کی قدرت آهندستانه سیاه
 بر قومی یرندن قالدیروبده بتون دنیانک باشنه چارپارجه سینه
 بر تصرف جهانگیرانه یه مالک دکل ایدی ؛ فقط خصم ایله
 اوغراشمق ، میدان محاربه سی قازانق قهرمانلغنده ده اجدادینک
 هیچ برندن کری قالماشدر .

هله ایکنجی سلطنتی عثمانلیلرک وبلکه اسلامک اک پارلاق
 زمانی مفخریتدر : کندیسی سلطنتدن استغنا ایتمش ایکن سلطنت
 کندندن استغنا ایده مدی ، عثمانلیلر کی قهرمان بر ملت قلیجنه
 صغندی . بر قوجه قومک هیئات مجموعه سندن بیوک اولدینی
 حالده اوکنه دوشدی ، ایکی بیوک محاربه قازاندی . رقیب
 جلادتی اولق ایسته ین هونیادی ایکی کره دهشت شمشیریه
 اردوسنی خصم قلیجنه ترک ایدرک جانیلرکی کیمسه یه کورونمده دن
 فراره اجبار ایلدی . بر قرال اولدیردی ، بر ایمراطور نصب

یا لکز نظرندہ پادشاہلق دہ علویت فطریہ سنہ نسبتہ دون قالدینی
 ایچون تخت سلطنتی پامال استحقاق ایلدی . سن جهتیه
 احتراصات بشریه نك و خصوصیه او احتراصات ایچنده حرص
 اقبالك اك قوتلی بر زماننده ایدی . ایشته هوس سلطنتدن
 استعلا نمای کمال اولانلر ارسنده کندیسنه بر موقع امتیاز
 حاصل ایدن مزیت بو خصوصیت منفردانه در . فقط سلطان
 مرادك ترك سلطنته سلطنتك فوقنده اوله رق واصل اولدینی
 بر مرتبه کالک لنداید روحانیه سنی وظیفه یولنه فدا ایدرک ینه
 متاعب حکومه ته اشتغاله کوستردیکی تحمل ترك سلطنتدن بیوک
 بر معالی پرورلکدر !

سیاست نقطه نظرینه کوره سلطان مراد مبادی سلطنتنده
 احیای دولت امرنده پدر جلیل الاقدارینک باشلادینی مجددک
 تدابیرینک متممی ایدی ؛ او وظیفه قهرمانی بی کمال مهارت
 و اقدام ایله ایفا ایلدی . اوغراشدینی دوزمه مصطفی وشهزاده
 مصطفی قتلهری عیسی وسلیمان چلبی دغدغه لرندن پکده کری قالیر
 شیردن دکل ایدی . روم ایمپراطورلنی ایله ملوک طوائف ایسه
 پادشاهی سلطان محمددن از یورمادیلر . صکره لری ده جدعالیشانک
 مظهرینته اشتراک ایتمش و مجددک وظیفه سنی دفع صائل فریضه سنه
 تحویل ایش در . واقعا اوزرینه مسلط اولان هونیاد تیمور اقتدارنده

بوترک سلطنت استغنائی حکیمانہ سی سلطان مرادک اودرجه قدرنی اعلا ایتمشدرکه تنقیدات مشکلمسندانہ نک مثال مجسمی عد اولنمغه لایق اولان وولتری بیاه پادشاهک فکر حکمتنه ستایشخوان حکمت ایتشدر . حقیقت حالدهده بویاه بر استغنا نہ درجهده عالی کورلسه شایسته در :

حکومت اومنتهای لذایندرکه لذایذک مدار منفرد استیفاسی اولان حیاته بیاه ترجیح اولنور . حتی اختیاربله ترک سلطنت ایدنلر اتحار ایدنلردن بیاه بیک قات قلندهدر . بیک اوچ یوز سنهدن بری بر قاچ یوز حکومتہ منقسم اولهرق جهانک الک بیوک بر جزوئی طومش اولان ملت اسلامیه ایچنده سلطان مراددن بشقه اختیاربله ترک سلطنت ایتش بر معاویہ ثانی ایله برابرہیم ادہم کورینورکه ایکسیده بو عزت خدا پسندانہ لرندن طولانی مراتب ولایتک اعلائی طبقاتنده عد اولنور . حال بوکه سلطان مرادک تعززی انلرک استغناسندنده بارلاقدر . چونکہ معاویہ ثانی نفسنده حق کورمدیکی ایچون خلافتدن چکامش ، ابراہیم ادہم ایسه بشقه اذواق روحانیہ یہ مبتلا ومغلوب اولدیغی ایچون امور دنیا ایله اشتغاله کنندہ اقتدار کورمه مش ایدی . سلطان مراد ایسه اجداد عظامنک قایجیلہ فتح اولنش برملکک حرباً وسیاسة ادارہ منده برمہارت فوق العادہ کوستردکن صکرہ

اهالیسندن المق وخصوصیه شهره شر ایله مقابله ایتک اوزمانک
 اک معروف قواعدندن ایدی . یورکچ پاشانک افعالنه قارشى
 حقنده برشدت کوسترمدى ، چونکه اويله معامله لر اجراى
 سیاست لوازمندن عد اولنه جق بر زمانده دنيايه ککشیدی .
 اغلب احتمالدرکه یورکچک افعالی حقیقتیه ودرجه اهمیتیه خبر
 الهامش ایدی . شرابدار الیاس حقنده کی مطالعه مزى ایسه
 محلنده بیان ایتمشیدک . مرادمز پادشاهک هر درلو نقایصدن
 برى اولدیغنی ادعا دکدر ؛ کندیسى انسان ایدی ، خیالات
 علویه شاعرانه دن مرکب بر جسم لطیف دکل ایدی . فقط
 اخلاقجه حکمت استقرائیه نک تعیین ایلدیکی مراتبدن عالی
 یارادلمش بر انسان ایدی . بونک اک بیوک دلیلده ترک سلطنت
 مسئله سیدر . حتی بو ترک سلطنت لوازم ضروریه سندندرکه
 پادشاهک سیاسى هر نه معامله سی وار ایسه هیچ برى نفسنه
 متعلق بر ارزویه حمل اولنه ماز و بناء علیه قرمانلیلری یغما
 ایتدیرمک کبی اک شدید اولان فعلنه بیه خطادن بشقه بر وصف
 اسناد ایدیه مز . نفسنده سلطنت ایچون ارزو کورمین ذاتک
 نفسی ایچون سلطنته متعلق برشی یا پمایه جفی ایسه میدانده ودواعی
 نفسانیه دن عاری اولان خطارک احبابنه اخلاقجه بر ذل ترتیب
 ایتیه جکی مرتبه بداهنده در .

نصیب اولمامش برطور شاهانه بر مروت دلفریبانهیه مالک اولماسی ایدی . او ملک مشربلی غضنفرک او قدر ظرافت نجیبانه ایله برابر اقتضا ایتدجه کوستردیکی قهرمانلقده حقیقهٔ هرکسی پرستشکار مفتونیت ایده جک یرحال ایدی .

پادشاهک بو قدر مکارمیله برابر افعالی ایچنده جالب نظر شدتلی ، نابجا مساحه لری ده بتون بتون مفقود دکلدر : عوض پاشانک کیزلی زره کیدیکی ایچون کوزلرینی چیقارتدی ، قرمان اهاالیسنک مالنی یغما ایتدیردی ، یورکچ پاشانک غدارلغنه مساحه ، شرابدار الیاسک خائنلکنه مکافات ایلدی ؛ فقط اوزرینه قلیچ چکن روم ایلی بکارندن هیچ برینی معاتب ایتدی . سلانیکده اسیر اولانلردن حصه سنه اصابت ایدنلری هم ازاد ایتدی هم ده سلانیکده اولان وحقوق حربیه حکمنجه دولتک تصرفنه کچن ملک لری ینه کندیلرینه احسان ایلدی . نهایت منتهای امال اولان سلطنتی بیله اوغلنه ترک ایتدی . بو حاللر تاممیله اثبات ایدرکه اوزیاده شدت لر اونا بجا مساحه لر اغراض نفسانیه الجاسیله دکل ، خطیئات فکریه ، عادات عصریه سوقیه وجوده کلش شیار ایدی : عوض پاشانک خیانتنه حکم ایتدی ، خیانته او یله بر جزا ترتیبی ایسه عصرک عاداتدن ایدی . قرمانلیلری بر تأدیه مستحق کوردی ، حکومتلرک انتقامنی

قابلیدی؟ بزیم تاریخ کرده کی بویله شیرله اینانلق جائز اوله میه جغنه الده بر دلیل وارکه اوده مؤرخار منک برادر کشلکی امور عادیه دن بیلملری و بناء علیه او یولده ایشتمدکلری شیرک تحقیقنه لزوم کورمه ملریدر . بو سائقه ایله تخت سلطنتی اوغلی سلطان محمد ترک ایلدیکی سنه دیگر اوغلی علاءالدینی سلطنت آرزوسندن طولانی نفسنه رقیب عد ایدرک اعدام ایتدیردیکندن بحث ایده جک قدر ساده دلانه سوز یازانلر بیله بولنور !

بندکاننه ، اهالیسنه ایسه پدرلرندن شفیق برادرلرندن معین ایدی . ملکنی اجدادندن کوزل اداره ایتمه مش اولسه بیله اهالیسنی انلردن زیاده خشنود ایلدیکی مسلمدر . مبادی سلطنتنده مجهول النسب بر ادمک خاطری ایچون سلطنتی نزعه چالیشه جق اردولرله عسکر ، مملکت طولوسی اهالی بولنش ایکن صکره لری ینه اوسلطنتی اوغله براقق ایستینجه بو فکرینه کندیسنندن بشقه رضا کوستره جک کیمسه بولنماش ایدی .

ایام دولتی محاربه میدانلرنده ، محاصره خندقلرنده کچیرمش برقهрман ایکن اک زیاده ضربه سنه اوغرایان دشمناری ده اخلاق عالیسنی لسان تحسین و تمدیجدن دوشوره مز .

بو حاله سبب ایسه سجایاسنده اولان علویت درجه سننده حسیاتنده موجود اولان رقت جهتیله زماننده هیچ کیمسه یه

مجبور اولدیغندن اغسال اولنه بیلیردی ؛ فقط ینه او صفوت نتایجندن اوله رق غفلتی کندیسنی منتج مضرت اوله جق بر حاله سوق ایده بیلیمک احتمالی یوق ایدی .

جاوسنده دوزمه جه مصطفی وقعه سی کبی مدهش بر فتنه ایله سلطنتی ده حیاتی ده مخاطره ده ایکن برادرلری حقنده جدینک وضع ایتمکی احتیاط غدارانه بی استعماله تنزل ایتمدی . حتی قرداشنی کر میان وقرمان کبی ایکی دشمنه مجاور اولان حمید ایلنده بر اقمقدن چکنمدی . ظالمکی مظلوم اولغه ترجیح ایتمک شانندن دکل ایدی که کندی حیاتنک ، دولتنک بقاسنی بشقه لرینک ازاله حیات وراحتنده اراسین . دنیا ده هیچ بر شیدن خوف ایتمک خاطرینه کلزدی که احتیاط ایچون شدتلی تدبیرلره جواز ویرسین . شهزاده مصطفی وقعه سنندن صکره ایکی برادرینک کوزلرینه میل چکدیردیکنی بزم تاریخلر نقل ایدر ، فقط عثمانیلره ظلم اسنادی ایچون بیک درلو یالانلر اختراعندن بیله چکنمه یین روم مؤرخلری برادرلرندن هیچ بر وقت هیچ برینه طوقنمادیغنی روایت ایدر لر . بزم تاریخلرک اسنادی عوامدن ایشیدلمش وعادته مطابق اولدیغنی ایچون اینانلش بر طاقم افسانه لر دن عبارت اولماسه وبلکه (یوقاریده بر درجه یه قدر اثبات اولدیغنی وجهله) سهو افاده دن نشأت ایتمسه روم مؤرخلری خلافنی بو قدر التزام ایتمک



سلطان مراد ۸۰۶ تاریخچه تولد ایتش و برنجی دفعه ۸۲۴
سنه سنده جاوس ایش ایدی . ۸۴۷ سنه سنده سلطنتدن فارغ
اولدی ، ۸۴۹ سنه سنده تکرار جاوس ایدی . ۸۵۵ محرمنده
ارتحال ایدی . بو حساب کوره پادشاهک عمری قرق سکرز
وسلطتی دفعه اولیده ۲۳ و دفعه نانیده الی که جمعاً یکرمی
طقوز سنه در .

سلطان مراد اورته بویلی ، کنیش کوکسلی ، قرمنی یه
مائل بیاض ومدور چهره لی ، الا کوزلی قزل قرال صقاللی
ایدی .

پادشاه حواس عقلیه و قلبیه می برندن عالی بر مکمل فطرته
مالک اوله رق ادراکنه غالب بر مشکل . عرفانه فائق بر مانع
بولتی محال ایدی .

مأثر سیاسی می تأملات دوراندیشه انه وه فاخر عسکر به می
دسایس مجربانه دن بتون بتون عاری ایدی . خفایای عالمی قضایای
بدیهیه ، ابداعات معالی بی امور عادیه حکمنده کورور و احوال
و افعالده بیوکلکی استغفار ایده ایده کوچکاری ده بیوکلکه
الشدیرردی . ذهنی ده وجدانی ده نهایت درجه لده صفوتله

امیر بخاری مریدانندن اولدیغنی خبر النجه قولنه دهـا زیاده اهمیت ویرهرك كافه مناهی یه توبه ایتدی، اسحق پاشایی ده توبه سنه اشهاد ایلدی .

اورادن سراینه کلنجه باشنده بر شدتلی اغری ظهور ایتدیکندن همان سلطان محمد بر وصیتنامه تحریر ایلدی ، کندی ده یتاقلره سریلدی . هر نه قدر درویشی تحری ایتدیرمش ایسه ده بولدیرمغه امکان اولمادی . علت ایسه کیتدجه تزايدیرك خسته لندیکنك اوچنجی جمعه کونی که ۸۵۵ محرمک اوچنجیمی ایدی، انزواخانه علییه رجوع ایلدی .



سلطان محمد اول ذولقدر اوغلرندن (سولی بك) نامیه معروف اولان برنجی سلیمان بکه داماد اولدینی کبی سلطان محمد ثانی ده یینه اوخانداندن (حه سلیمان بك) عنوانیه مشهور اولان ایکنجی سلیمان بك کریمه سی (ستی خاتون) ی تزوج ایلدی. تاریخلرک روایتنه کوره سلیمان بك جمال ایله مشهور بش کریمه سی اوله رق پادشاه ایسه نجل کزیننک طبیعت مشکله سندانه سنی بیلدیکندن بش مخدرنک هانکیسی اک کوزل ایسه اکا نشان ویرمک اوزره آماسیه والیمی خضر بك حرمنی سلیمان بك مرکز حکومتی اولان التباه کوندردی. کوریجی خانمده سستی خاتونی انتخاب ایدرک الی تقییل ایله ولی نعمت زاده سنک رقیقه لکنه اختیار ایلدی. سلیمان بك کریمه سنی مکمل جهاز ایله کوندرمش وشهزاده نک سورنده خیل تکلفلر اختیار اولمش ایدی.

سلطان مراد ترتیب طبیعتی زیر وزیر ایتمکه مقتدر اولان بازوی همتنک قوه قالعسیله کوشه فراغتی سریر سلطنت مقامنه اصعاد ایدرک ایکی سنه قدر هر درلو غوائلدن وارسته زمان کچردکن صکره بر کون صحراده کزرکن یاننده بر درویش ظهور ایتمش و «پادشاهم، الله ایله اوله جق وقتدر: دنیا ایسی ختام بولدی» دیهرک چکیلوب کیتمش ایدی. پادشاه بو اخطاردن متنبه اولدی، یاننده بولنان اسحق پاشادن درویشی سوال ایدرک

و منیعہ بی اوج میل بوینده بز قلعہ نک ایکی مزارق یوکسکلکنده دیوار لرینه زربانلرله آدم چیقارارق، اوج بیك مترو یوکسکلکنده برطاغک تپه سنده آلتی قنطار کولله اتار طوپلر دو کدیره زک فتحه موفق اولمش ؛ بر پادشاه اولدیرمش ، بر ایمراطور نصب ایتمش ایدی که مظهر اولدیغی بوقدر خوارق ایله زماننک اک بیوک پادشاهی اک قدرتلی قهرمانی اولمش و دشمنلرینک ، معاصر لرینک دکل حتی اجداد عظامنک بیله شانسه تفوق ایتمش ایدی .

قلنجنک قوتیه کندی بوتله بز مرتبه اجلال و مفاخرته واصل اولدقدن بشقه دولتی ایچونده بز دور آسایش بز عصر ازام ابتدا ایلدی .

اطرافی اک کینه دار اک مقتدر دشمنلرله بالامال ایکن ۸۵۳ و ۸۵۴ تاریخلرنده عثمانلرله هیج بر طرفدن هیج بر غائله ظهور ایتدی . بو ایکی سنه نک تاریخلرده مذکور اولان وقعه سی فاتح سلطان محمدک سور ازدواجیدر . واقعا شهزاده نک حرمی وار ایدی ، بیوک اوغلی اولان سلطان بایزیده بوندن ایکی سنه اول تولد ایتمش ایدی ؛ فقط پادشاه سیاسی بعض ملاحظه لره مبنی اولق کرکدرکه پدر عالیشانک امهارندن اولان ذور القدریه خاندانیله نجل کزینی آرمهنده قرابت پیدا ایتک ایسته دی .



سلطان مراد قوصوه محاربه سیله مشغول ایکن استانبول
ایمپراطوری مانوئل پالئولوغ ارتحال ایتمش ایدی . برادر لرندن
دیتری استانبوله یقین بر موقعه بولندیغندن ایمپاتورلغی
استحصاله قالقشدی ؛ فقط والدهسی ایله اکابر دولت بیوک
برادری اولان ومورده حکومت ایتمکده بولنان قسطنطین
پالئولوغه طرفدار اولدقارینه بناءً اوجهندن قسطنطین امین
ایدی . شو قدر وارکه استانبولکده حقیقی پادشاهی سلطان
مراد اوله رق ایمپاتور اوله جق ذاتک او مسنده کله بیلمسی
پادشاهک قبول وتصدیقنه متوقف ایدی . قسطنطین مقربلرندن
اولان واورخانک بر تاریخی یازان فرانچی بی سفارته یدی دفعه
سلطان مراده ارسال ایده رک نهایت ایمپاتورلغی سلطان مراده
قبول وتصدیق ایتدیرمکه موفق اوله بیلدی .

سلطان مراد ایکنجی جلوسندن بری درت سنه ایچنده
ایکی بیوک محاربه قازانمش ، خرستیانلق عالمک اوزمان حکمنجه
اک بیوک قهرمانی اولان هونیا دی شمشیر قهرینک دهشتیه ایکی
کره کندی اردوسنک ایچندن کیزلی قاجغه مجبور ایتمش . مورده
دربندلری ، ارناودلق طاغاری کبی دنیانک اک زیاده
ممنوع التسخیر عد اولنان ایکی عقبه بلاسنده کی استحکامات جسیمه

قلیجی قارشیسنده ترك ایدهرك صورت خفیهده فراری ارتکاب
ایلسی بر قوماندانی دنائتک اسفل درکاتنه ایندیرهجک
بر حرکتدر .



خرستيانلره قارشى قازانىلان مظفريات عظيمه نك دردنجيسى اولان بو محاربه طرفين عسكرينك كثرتى اعتباريله وارنه مظفريتندن بيوك، برنجى قوصوه ونيكبولى و وارنه ملحمه لرندن براز اوفاقدر . نتيجه حربه كلنجه : برنجى قوصوه محاربه سى روم ايلديه كى اسلاو اقوامنك اسلام ملكنه خاتمه تعرضى اولديغى كچى بو محاربه ده مجارقراللى رياستنده اوله رق خرستيان اتفاقرينك عثمانلى طوپراغنه اك صوك تجاوزى اولماسنه نظراً نيكبولى و وارنه محاربه لرينك متممى و قوصوه محاربه سنك هر معناسيله ثانى و معادلدر .

ايكنجى سلطان مراد ايكنجى قوصوه محاربه سنى قازانه رق سلطان مراد اولك نامنه شريك اولديغى كچى شان منجيانه سنه ده بحق اشتراك ايلدى . ايكنسنك ده قوصوه محاربه لرى ايكى معناسيله منتهى مفاخريدر . آره لرنده شو فرق واركه برى عرش اعلاى قربه، محاربه ميدانندن ديكرى ايسه عودتندن براز صكره سراى سعادتندن عروج ايتمشدر .

سلطان مراد ثانى به رقيب جلادت كچينن هونىادك ايسه ايكى دفعه برر قوه كليهنك باشنده ايكن سلطان مرادك بالنسبه برر قوه جزويه سنه مغلوب اولماسنه نظراً بهادرلغى او قهرمانلر ايله اوغراشه بيله جك مرتبه دن پك دون اولديغى ايكى دليل بديهى ايله ثابت اولدى . هونىادك ايكى بيوك محاربه ده مغلوبىتى حس ايتدكن صكره ادارد سنده بولنان اردوئى خصم غالبنك

لهبانی کندیخی بیلدیرمکسزین صاحب دکشدره دکشدره نهایت اسارتدن قورتیهارق مملکتته کیتمش وچهبانی ایسه طرف پادشاهیدن، مملکتی عثمانلی .ملکنه مجاور اولمادیغی حالده نه سببیه محاربهیه کلدیکنهدائر واقع اولان سؤاله « قدرمده بویله بر فلاکتیه اوغرامق وار ایش که کلشم » جوابیله مقابله ایدهرک تخلیص جان ایچون جزیه قبول ایده جکئی ومملکتندن اون قطعه قلعه ویره جکئی عرض ایتمش ایکن قبول ایتدیره مدیکئی کبی باری کندیسنی الیه اعدام ایتسنی پادشاهدن نیاز ایتمش ایسه ده بونیازی مقرون اسعاف اولمایه رق جلاده قتل ایتدیرلمش اولدیغنی حکایه ایدر لر .

خرستیان اردوسنک اولیه معروفلردن تلفاتی وقوع بولسه فرنک تاریخلرنده ناملری ایراد اولنمق طبیعی ایدی . بناءً علیه طوتدقلرندن بحث اولسان اورویا زادکاننک کوچکلرندن بعض ضابطلر اولمق کرکدر . چهبانی حقنده کی حکایه ایسه متصرف اولدیغنی یرلر ممالک عثمانیه یه مجاور دکل ایکن ینه اون قلعه فدیة نجات عرض ایتک واعدام اولنه جغندن امین اولنجه پادشاهه جلادلق تکلیف ایلک کبی ایکی غریبه یی جامع اولدیغندن بونک ده عوام افسانه لرندن اولدیغنه حکم ایلمک طبیعیدر .

بزم تاریخلر دشمن اردوسندن پک چوق مال اغتنام اولندیغنی و فقط محاربه نك امتدادندن طولانی عسکر پک پورغون اولدیغندن تعقیبده پک ایلری وار یله مادیغنی بیسان ایدر لر . بو حاله نظراً دشمن تلفاتنک اوقدر کثرتلی اولماسی اقتضا ایدر .

تلفات براقدقلىرىنى بيان ايدر . هر مغلوبته برخيانت اسناد ايتك اوتهدن برى هرملتك عوامنجه معتاد اولان حالردن اولماسنه نظراً هامرك مأخذلىرى ده بو حكايهنى عوام لساندن طويلامش اولدقلىرىنه شهبه اولتماز . چونكه افلاقليلردن اويله بر حرکت وقوع بولمش اولسه بزم مؤرخار بونى تاييد غيبي كبي ، لطائف تدبير كبي ، نفوذ دولت كبي شانلى برسببه اسناد ايدهرك كتابلارنده لسان افتخار ايله بيان ايليه جكارينه هيچ اشتباه يوق ايدى . بوندن بشقه هامرك روايتى بطلانته بنفسمهاينه در . زيرا اوروايته كوره قوصوده موجود اولان عسكركر يكرمى درت بيك كشيدين عبارت اوله رق بونك ده سـكـز بيكي افلاقلي ايدى . افلاقليلر بزم طرفه كچنجه حجار اردوسنك موجودى اون التى بيك كشيدين عبارت قاليور . اون التى بيك كشيدين اون يدى بيك تلفات نصل وقوع بولور ؟

ذاتاً افلاقليلر برابر بولندقلىرى حالده ده يكرمى درت بيك كشيدين اون يدى بيك كشى تلف اولمق طبيعت عالمك خارجنده در . ميدان محاربه ده غالب براردونك مغلوب بر عسـكـردن ايكي قات زياده تلفات ويرمى ده تاريخ عالمك هيچ بر صحيفه سنده تصادف اولمش شيلردن دكلدر .

بزم تاريخلار ايسه طرفينت تلفاتنه دائر هيچ برشى سويلزلر . (افلاق) و (سـكـولت بانى) عنوانيله ايكي آدمك تلف اولديغى . (وله) و (جهبانى) عنوانلى ايكي آدم اسير دوشهرك بونلردن .

و حتی سواریلر حیوانلرینه نوبته یم ویرمش ایدیلر ، باصقین باشلادیغی کبی یکیکچریلر سلاحه صارلدیلر ، مهاجملرک پیشگاه عزمنه برسد آهنین چکلدیلر . ایرتسی کون محاربهٔ عمومیه باشلادی . ایکی طرف بربرینه کیره رک مجارلیلرک صاغ جناحی عثمانلیلرک صول جناحی اولان آناتولی عسکرله اوغراشیرکن طورخان بک روم ایلی عسکرندن معیننه آلدیغی برفرقه نی کمال مهارته سوق ایده رک دشمنک آرقه سنی چویرمش ایدی . بوجهته صاغ جناحده اولان مجارلیلر محو اولوق درجه سنه کلدکلری کبی سائر فرقلر اوزرینه وقوع بولان مهاجمه لرده دشمنده اقتدار مقاومت برآقادیغندن مجارلر متریسارینک آرقه سنه چکلدیلر .

هونیاد ایسه ضابطلرینک اک معتبرلرینی حضورینه جلب ایدرک آلمان تفنکجیلرله طوپلرینی یکیکچریلرک قارشوسنه سوق ایتمش و آنلر موقع حربه عزم ایلدکلری صرده خفیاً اردودن فرار ایله افلاق یولندن مجارستانه وارنجیه قدر هیچ بریرده آرام ایله مش در .

ایرتسی کون سلطان مراد دشمنک عربهلرله ترتیب و تحکیم ایلدیکی متریسارک اوزرینه هجوم ایچون امر ویرمش و مجارلیلر بر مقاومت شدیددن صکره بتون بتون پریشان اولمش در .

هامرک بومغلوبیته افلاق بکنک صدراعظم خلیل پاشا ایله خبرلشه رک عسکریه برابر بزم طرفه کچمسی سبب اولدیغی میدان محاربه ده مجارلیلرک اون یدی بیک ، عثمانلیلرک قرق بیک

ایتدیرمه مش اولدیغنی هامر روایت ایدر . فقط هونیادك طبیعی اولان حرص انتقام ایله و او قدر تکلفله ملکك قلبکاهنه قدر کیردکن صکره صلحی قبول ایتیه جکی پک بدیهی اولدیغندن پادشاهك ، ولو اقامه حجت قیلندن اولسون ، اویله عبث بر تکلیف ایله وقت کچیرمش اولماسنه احتمال ویریه مز .

هونیاد عثمانلی عسکرینك قلتنه غرورندن اولمق کر کدرکه مترسدن چیقاروق پادشاهه قارشى صف حرب ترتیب ایلدیکی کبی محاربه پی ده کندیسی کشاد ایتمش ایدی .

برنجی کون عموم عسکر حرب ایتدی ، یالکز چرخه جیلر بر بریله اوغراشدیلر . هونیاد اردوسنی اوتوز سکز فرقهیه تقسیم ایتمش ایدی . سلطان مراد بونلرک اوزرینه بیوجک بیوجک فرقلر سوق ایتمش و قلیچ قوتیه فصل نزاع ایتک ایستمش ایسه ده دشمن عسکری علی العموم زرهللی اولدیغندن یو صولتلردن امید اولندیغنی قدر فائده کورلمه مشدر . طرفین آقشامه قدر کمال غیرتله اوغراشدیلر ، فقط هیچ بر طرفک سعی بر نتیجه قطعییه اتصال ایده مدی .

مجارلر کیجه بر مجلس مشورت ترتیب ایتدیلر ، خیلی زماندن بری اردولرنده خدمت ایدن صاوجی اوغلی داوید نامنده بر مرتد بر کیجه باصقینی یا پلسانی رأی ایتدی ؛ قبول ایتدیلر ، فقط اجراسنه موفق اوله مادیلر . چونکه عثمانلی عسکری دشمنك نیتنی کشف ایتمش کبی سلاح باشندن ایرلامش

سلطان مراد اولک معرکہٴ حمیت و مشہد اجلالی اولان قوصوہدہ سلطان مراد ثانی خاتمہٴ مفاخر قہرمانیسی اولان محاربتہٴ مشہورہ سنہ ۱۴۴۸ سنہٴ میلادیہ سی کانون ٹانسنک اون برنجی کوننہ تصادف ایدن ۸۵۳ سنہٴ ہجریہ سی شعبانک برنجی صالی کونی ابتدار ایشدر .

بزم تاریخلر محاربتہٴ شعبانک دردندہ وقوع بولدیغنی بیان ایتکدہ ایسہلردہ جہانشاہہ یازیلان فتحنامہدہ شعبانک غرہ سی اولان صالی کونی حرب ایدلدیکی مصر حدر .

بزم اردونک صاغ جناحنہ روم ایلی وصول جناحنہ آناتولی بکار بکیاری تعیین اولنش و قلبدہدہ یکچیچی و قپو قولاری ایلہ پادشاہ طورمش ایدی . تاریخلر مشاہیر امرادن اسحق زادہ عیسیٰ بک و طورخان بک و میخال اوغللرندن خضر بک بو محاربتہدہ برابر بولندقلرینی بیان ایدرلر . فقط بکار بکیلکاہ روم ایلی و آناتولی عسکرینہ کیملرک قوماندا ایتدکلرینی سویلزلی .

وارنہ محاربتہ سنک مبادیسندہ کوریلن قارغشلغہ ساقہدہ عسکر بولنامسی سبب اولدیغندن اردونک خدمتکار طاقمیدہ صاروجہ پاشا برادری سنان بک معیتلہ اردونک آرقہ طرفنی محافظہ مأمور ایدلش ایدی .

پادشاہک محاربتہ باشلامدن اول سکز کشیدن عبارت برسفارت ہیاتی کوندرہ رک مجارلرہ تکلیف صلح ایتش ایسہدہ قبول

سلطان مراد صوفيه ي عسكرينه جمعيتكاه اتخاذا ايدهرك جلب
 ائده بيلديكي عسكرك عمومي طوبلاندقدن صكره ايلرى طوغرى
 حرکت ايتمش و قورشونليده ايكن دشمنك قوصوده بولنديغنى
 استخبار ايتمكله مقابله سنه شتاب ايتمش ايدى .

بومحاربه يه قرمان اوغلى طرفندن ده براز عسكر كوندرمش
 ايدى . بونلرايسه تخته اكرلى ، قايش اوزنكيلى برطاقم طورغودلو
 حشرات اولديغندن پادشاهك ، بونلرى كورنجه « اردومزك
 مسخره سى اكسيك ايدى ، قرمان اوغلى ده كرمندن اوخدمتى
 ادا ايتمش ! » ديديكنى تاريخلر روايت ايدر .

پادشاهك نديملريله بويه برلطفه ايتمش اولماسى ملحوظدر ؛
 فقط تاريخلر بو سوزى قرمانليرك سردارينه سويلايدىكندن
 بحث ايدرلر كه امدادينه كلان عسكره اويله خاطر شكنايه برحقات
 پادشاهك تربيه سنه ، حكمتنه مفاير اولديغندن روايتك بوجهتى
 عقلاً قبول اولنه ماز .

بومحاربه يه كيدن عثمانلى عسكرينك مقدارينه دائر بزم
 تاريخلر ده برسوز كورنمز ، يالكز هاملر عثمانلى اردوسنك
 مجموعى اللى بيك كشىدن عبارت اولديغنى بيان ايدىيور . آنك
 مأخذى اولان فرنك تاريخلرى ايسه عثمانلى عسكرينك مقدارينى
 تقليل ايتيه جكلرندن عثمانليرك او مقداردن چوق اولماديغنه حكم
 ايديله بيلير . ذاتاً سلطان مراد دشمننى صيار قهرمانلردن اولماديغنى
 كى وارنه مظفريت عظيمه سندن صكره بر عثمانلى ايله ايكي دشمنه
 قارشى طور مقدرن چكنمه سى طبيعى ايدى .

مجارستانك اڭ كزیده عسكرىنى جمع ايله سو دین قلعهسى طرفندن
 طونه پي كذار ایلدی . بو عسکر يكرمى درت بيك كشيدين
 عبارت اوله رق انك ده سكر بيكي دراقوله نك يرينه تعين اولنان
 ذاتك كتوردىكي افلا تليلر وايكي بيكي ده المانيا وبوهيادن كلن
 تفنكجىلر ايدى . صربستان قرالى دولت عليه ايله اولان عهدىنى
 بوزمق ايسته مديكندن هونىاد اول امرده صربستانى استيلا
 وتخریب ايدرك اورادن قوصويه كلش واردوسنى مترس ايچنه
 آلمش ايدى .

وارنه محاربه سنك انتقامنى آلمق ايچون كلن هونىادك بتون
 مجارستان النده ايكن اورادن عثمانليلر اوزرينه يالكىز اون ايكي
 بيك عسکر كتورمى عقلاً احتمال ويريله بيله جك حاللردن
 دكلدر . بوندن بشقه المزه اڭ قوتلى مستشه دات تاريخيه دن اوله رق
 سلطان مرادك قره قيونلى حكمدارى جهانشاهه يازديغى نامه
 طورىيوركه بونده پادشاه دشمن عسكرىنك يوز بيك كشى به بالغ
 اولديغى بيان ايتمشدر . استدالات نظريه ده آنى كوستيرر .

بزم تاريخلرك روايته كوره افلاق بكنك ممالك عثمانيه به كچن
 عسكرينه نيكبولى واليسى فيروزبك زاده محمد بك وحسن بك زاده
 مصطفى بك واوزغور اوغلى عيسى بك باصقين ايدره ك برخيلى
 آدم تلف ايتمش وبرازده اسير آلمشلر ايدى . اسرايى حضور
 هايونه كوندرديلر . بومظفريت سلطان مراد نزدنده بر مقدمه
 خير عد اولنه رق ممنونيتنى موجب اولمشدى .



خواجه سعدالدينك رويته كوره پادشاهك ارناودلقدن
ادر نه به عودت ايلديكي صره ده ایدی که هونیادك بر مکمل مجار
اردوسيله يته ممالك پادشاهی به ثجاوز ایلدیکی خبر آندی. سلطان
مرادك ارناودلقدن کوز موسمی عودت ایلدیکنی یوقاریده بیان
ایلش ایدك. قیشین سفر وقوعی او وقتلرک معتادینه مغایر
کورینورسه ده حقیقت حاله موافقدر: هونیادك دائماً حربه
قیشین کلمک عادتی ایدی. نته کیم ۸۴۶ سنه سنده صوغوقدن،
قاردن، بوزدن بالقانی کچه مه مش، ۸۴۷ سنه سنده وارنه اوزرینه
ایلولدن صکره ککش ایدی. پادشاه تحقیقه سوق ایلدیکی مأمورلرک
عودتیه دشمنک حرکت وقوتی خبر النجه بو موسمز سفره
عزیمت ایچون ممکن اولدیغی قدر عسکر جمعنه ایتدار ایدرک یاننده
بولنان آناتولی سپاهیارینه ده مملکتارینه خرچلقچی کوندره رک
حرب ایچون اردوده قالمی امر ایتش ایدی.

جنید بکک سلطان مرادك پادشاهلغنده ایلک سفری اولان
دوزمه جه مصطفی وقعه سنده ایجاد ایلدیکی خرچلقچی اصولنی
سلطان مرادده برنجی دفعه اوله رق بوسفرنده استعمال ایلشدر.
هامرک رويته کوره ولادیسلا سک وارنه محاربه سنده اعدام
اولماسی اوزرینه نائب السلطنه تعیین اولمش اولان هونیاد

هامرک بيان ايتديكى نتيجه بزم تاريخلرک روايتنه تماميه
 مغايردر . عثمانلى تاريخلرى اقچه حصارک بوسفرده فتح ايدلديكى
 روايتنده متفق اولدقلرندن آنلرک نقلى مسلماتدن عد اولنمق
 طبيعيدر . واقما ونديك تاريخلرنده اقچه حصارى اسکندر بکک
 وندیکلياره تکليف ايلديكى کوريلبور ؛ فقط اسکندر بکک
 اقچه حصارى صکره دن استرداد ايتمش اولماسى احتمالى موجود
 اولدقجه اوراسنک اسکندر بککن وندیکه کچمى سلطان مراد
 زمانده فتح ايدلمش اولماسى حقنده کى نقلى تکذيبه مدار اوله ماز .
 بو آرناولدق سفرنده اک زياده شايدان دقت اولان ماده سلطان مرادک
 طاغ تپه لرنده او جسامتده طوپ دوکدير مکه موفق اولماسيدر .
 هامر بر حاشيه سنده بيوک مرمر کوللرک برنجى دفعه اوله رق
 بو محاربه ده دوکلديکنى بيان ايدر .



فتحندن عبارت اولدیغندن ۸۵۱ سنه سنده نقل ایده جک بر مهم شی بوله مادقلری ایچون آنی مذکور سنه نك وقوعاتندن عد ایتملری ده محتملدر . بناء علیه هامرک آرناودلق سفرینی ایکی سنه یه تقسیم ایتمسی پك ده خلاف حقیقت کورنمز . عثمانلی تاریخلری نك روایتنه کوره ۸۵۱ ، فرنك تاریخلری نك روایتنه کوره ۸۵۳ فقط اغاب احتمالاته نظراً ۸۵۲ تاریخنده وقوع بولان اقچه حصار وقعه سنه کلنجه : بزم مؤرخلرک بو باده ویردکلری معلومات قلعه نك ایکی آی محاصره وصوییه ده قطع اولدوقدن صکره فتح ایدلمش اولماسندن عبارتدر . هامرک روایتنه کوره ایسه سلطان مراد اقچه حصارى محاصره دن اول محافظی اولان « اوراقوتی » ایکی یوز بیك اقچه و برده سنجاق بکلکی تکلیفیه اقناعه چالشمش ایسه ده مقتدر اوله ماش . قلعه نی محاصره ایچون طوپى اولدیغندن اوراده طوپ دوکدیرمش و اون درت کون ایچنده اون طوپ قونداقارینه وضع اولمش ایدی . بونلرک دردی التی وقصوری ایکی قنطار بیوکلکنده مرمرکوله آتاردی . قلعه نك دیوارلری رخنه دار ایدلدى ، فقط اسکندر بکک لاینتقطع محاصرلر اوزرینه اجرا ایتدیکی هجوملر قلعه نك فتحنه مانع اولمشدی . سلطان مراد ایسه اسکندر بکه خرجگذارلنی تکلیف ایتمش ایسه ده قبول ایتدیره مدیکندن کوز موسمی اوزرینه رجعت ایدلدى . اثنای عودته ارناودلغک طار بوغازلرنده اسکندر بک عساکر پادشاهی نی خیلی تعجیز ایتمش ایدی .

خلقى اقتناع ايچون قلعه نك قوماندانى ايچمكدن چكئنه مش
ايسه ده بواقداماتك هيچ برفائده سى اولمادى . هم دبره هم
استونيغرادى تسخير ايلدى .

سلطان مراد بوسفره اوغلى سلطان محمدى ده برابر كوتورمش
ايلدى . پارلسيوس شهزاده نك ، معهود قاردينال ژولين سزارينى
طرفندن مذهبداش اولميانلره قارشى ويريلن سوزه رعايت اقتضا
ايميه جكنه دائر ايجاد اولنان قاعديه اتباعاً دبره استونيغراد
قلعه لرنيك مستحفظلرينه ويريلان امانك مرعى طوتلامسنى تكليف
ايتمش اولماسندن بحث ايدر . هامر ايسه سلطان محمدك سرير
سلطنتندن نزول ايلدكدن صكره مغنيسادن خارجه چيقماديغنه
اسناد مدعا ايدر ك بو روايتى رد ايتك ايستر . شهزاده نك بو
سفرده پادشاه ايله برابر بولنديغى تاريخجه مسلم ومع مافيه
پارلسيوسك روايتى تاريخجه ينه مردوددر . چونكه ژولين
سزارينك اويله برقاعده اختراع ايلديكى عثمانليلرجه قطعاً معلوم
اولماديغنه تاريخلرده اكا دائر بر بحث بولنامسى دلالت ايدر .
معلوم اولميان برمثاله توصيه امثال ايسه قابل اولمايه جنى ميدانده در .

هامر ارناود سفرينه بوراده ختام ويره رك اقچه حصارك
ايرتسى سنه بهارنده محاصره ايلديكى بيان ايدر . بو روايت ده
بزم تاريخلر ك نقلنه مغايردر . فقط عثمانلى تاريخلرى مختصر اوله رق
يازدقلىرى سفرلرده برقاچ سنه نك وقوعاتى بربرينه قارشديره
كلدكرندن بو سفر ك بيان ايتدكلىرى وقوعاتى ايسه اقچه حصار

بارلسيوسدن مأخوذ اولديغنى كوسترمكلمه مؤرخ «شيرموندى» نك
 عثمانلى عسكربنك قرق بيكدن عبارت اولديغنى بيان ايلديكنه
 اشارت ايتمشدر . هامرك يوز بيك كشى روايتنى قرق بيك كشى
 روايتنه ترجيح ايتتى ايسه خرستيانلق ايجون بر درجه يه قدر
 تشفى صدره واسطه ايديلن اسكندر ك بهادر لغنى اعظام فكر
 متعصبانه سندن نشأت ايلديكنه هيچ اشتباه اولنماز .

بز ايسه عثمانلى تاريخلرنده عسكرك مقدارينه دائر روايت
 اولمادىغى ايجون «شيرموندى» نك قرق بيك كشى روايتنى
 قبول ايدرز .

هامر حمزه بككده سلطان محمد زماننده دولت خدمتنه
 كلديكنى بيان ايدرسده سلطان مراد زماننده ورود ايتمش
 اولماسى عثمانلى مؤرخلرنجه متفقاً قبول اولنمش روايتلردن اولماسنه
 نظراً اسكندر بك مداحلرينك اقوالى بويله مسلمات تاريخيه
 قارشيسنده بالطبع حكمدن ساقط عد اولنور .

هامرك روايتنجه سلطان مراد آرن او دلغه كيرديكى زمان
 يوقارى دبرده واقچه حصار ك جهت شرقيه سنده بولنان
 استونىغراد قلعه سيله دبره حصارى محاصره ايتدى . هر نه قدر
 اسكندر بك اره صره اورمانلردن ظهور ايله عثمانليره
 هجوم وحى فيروز پاشاي ايله شهيد ايدرك بر خيلى چالشمش
 و صوسزلقدن مضطرب اولدقلى كى قيونك ايجنه بر كاب
 لاشهسى دوشديكى ايجون صوينى ايجمه مكده اصرار ايدن دبره

دائماً طاغوره، اورمانلره صاقلانهرق كيدن فرقه لرى ازعاج ايتمكده اولمالرينه نظراً بويله تدابير جزويه ايله اوغراشمقدين ايسه مكمل برحر كته غائله نك بتون بتون دفعى مناسب اوله جفى بيان ايلديكندن پاشاه بالذات سفره كيمكى ترجيح ايلش ايدى .

اوزمانلر دولته فيروز پاشا ومصطفى پاشا ناماريله معروف كيمسه اولماديغندن اسكندر ك آرناودلقدن اخراج ايتديكندن هامر ك بحث ايلديكى ذاتلر اوافق تفك سرحد اغارندن عبارت اولديغنده وبوزدينى روايت ايديلن مصطفى بك ده ينه آنلر ك برى بولنديغنده شبهه يوقدر . بوذاتك يكر مى بش بيك آلتون فديه نجات ايله اسارتدن تخلص ايدلش اولماسى ده بيوك برمزيتده بولنديغنه دلالت ايتمز . سرحد امراسندن هر برينك خانداى اوقدر وآنك بر قاچ مثلى فديه نجات ويرمكه مقتدر ايدى . بو حاللره نظراً اسكندر ك قازاندينى غلبه لر دولتجه اوقدر اهميتى جالب برشى دكل ايدى . بناءً عليه پادشاهك آرناودلغه عزيمتنه بزم تاريخلر ك كوستردىكى سبب دهها معقول كورينور . عسكر موجودينك يوز بيك كشى اولماسى بختنه كلنجه : هونىادك اوزرينه قرق بيك عسكرله كيدن سلطان مرادك آرناودلغه يوز بيك كشى كتورمكه لزوم كورميه جكى محتاج ايضاح دكلدر . حتى هامر بيله عثمانلى عسكرينك يوز بيك كشىدن مر ك ب اولديغنى تاريخنك متننده بيان ايتدكن صكره حاشيه سننده بو روايتك

مواد جديده انك قولنه قطعاً اعتبار اولنه ماز . حقيقت حالده
 پارلسيوس كرجكدن بر مؤرخ بيه اولسه ينه عثماني پادشاهنك
 بر طرفه هانكي سنه حركت ايتديكنه دائر اولان بر مسئلهده
 روايتى بالطبع عثماني تاريخخرييه تعارض ايده بيه جك قدر حكيم
 وقوتى حائز اوله ماز . بومطالعاه بناء بزده آرناولدلق سفرينه
 ۸۵۱ سنه سنى مبدأ اتخاذا ايلدك . فقط سفرك صورت وقوعى
 بزم عثماني تاريخخري پك مختصر اوله رق نقل ايلدكلرندن هامرك
 ويرديكي تفصيلاتى بزم مؤرخارك رواياتيه مزج ايتك مجبوريتنده
 بولندق . ذاتاً بوتفصيلاتك مقبول ومردودىنى تفريقه استدالات
 عقايه كافيدر :

هامرك روايتنه كوره اسكندر بك پادشاهك مجار سفريله
 اشتغالندن استفاده ايدرك اچه حصار طرفلرينه يرلشدكدن
 صكره آرناولدلقدن فيروز پاشا ومصطفى پاشايى اخراج ايتشيدى .
 مصطفى پاشا تكرر براردو ايله اوزرينه كيتديكي حالده بواردويه
 غلبه ايدرك اون بيك عثماني اتلافيله برابر مصطفى پاشايى ده اسير
 ايلش اولديغندن سلطان مراد يكرمى بش بيك آلتون فديه نجات
 ايله مصطفى پاشايى تخليص ايله برابر يوز بيك كشيدين مركب
 اولان اردوسيله اسكندر ك تأديينه عزم ايلدى . بزم تاريخخرك
 قولنه كوره ايسه اسكندر ك عم زاده سى حمزه بك حضور همايونه
 كلهرك آرناولدلقك فتحنه دلالتى تعهد ايلديكندن وپادشاه
 آرناولدلق اوزرينه بر سردار تعيين ايتك عزمنده . ايكن ارناودلرك

ایتمشدر. چونکه اسکندر ۱۴۴۲ سنه سنده حکومته کشیدی، دیر. خطا ایسه انده دکل، اسکندر بک حکومتک دردنجی سنه سنده نو تیغرادک محاصره اولدیغنی خطا و ۱۴۴۹ عددینی صحیح عدا تمکده در. اسکندر عثمانلی اردوسندن ۸۴۶ سنه هجریه سنه مصادف اولان ۱۴۴۳ سنه میلادیه سنک او اخر شتاسنده فرار ایتمشیدی. بوجهته آراناولغه دخولیه عصیانی طبیعی ۱۴۴۳ سنه سنده ده در. بیک درت یوز قرق اوج سنه سنده باشلایان بر استقلالک دردنجی سنه سی ایسه طبیعی ۱۴۴۷ اولق لازم کلیر. هامرکده سلطان مرادک آراناولق سفرینه مبدأ اولدیغنی بیان ایلدیکی بو تاریخ عثمانلی تاریخلرینک اوسفره سال ظهور اولق اوزره کوستردکلی ۸۵۷ سنه هجریه سنه تامیله توافق ایدیور. بوندن آ کلاشیلان پارلسیوس تاریخنده ۱۴۴۸ یرینه سهوا ۱۴۴۹ یازمش واسکندر بکک وقایعنجه پارلسیوس مأخذ منفرد اوله رق سائر آروبا مؤرخاری هپ انی استنساخ ایده کلدکلرندن بو یاکلشلق هامرده سرایت ایتمشدر.

پارلسیوسک یاکلشلقی کندی قولیه ثابت اولماسه بیله انک کوستردیکی سنه عثمانلی تاریخلرنده کوستریلن سنه یه مبین ظهور ایتمکله بزم تاریخلرک روایتی قطعاً موقع ترده دوشه مز. چونکه اسکندر بک تاریخی ذواتدن زیاده داستانی ذوات آره سنه داخل عد اولنه جق زوربازان شقاوتدن اوله رق پارلسیونک بوکا دائر یازدینی ترجمه حالده لندها حکایه سی قیلندندر. تعیین سال کبی



عثمانی تاریخلرینک روایتنه کوره سلطان مراد ۸۵۱ سنهسی
نوبهارنده حرکات باغیانهسنی کتدکجه تحمل اولماز بر درجهیه
ایصال ایتمش اولان اسکندر بکک تأدیننه عزم واقچه حصاری ده
اوسنه ظرفنده فتح ایتمشدر .

هامر ایسه ۱۴۴۷ سنه میلادیه سنه تصادف ایدن ۸۵۸
سنه هجریهسنده سلطان مراد ارناودلغه سفر ایتمش ایسهده
ارهیه قوصوه محاربهسی قارشدیغی ایچون بو سفر وقایعنک نقلی
ایلرییه تعلق ایلدیکندن بحث ایدرده ارناودلق وقوعاتی نقل
ایلدیکی صرهده دولت علیهنک ارناودلق محاربهلرینی ۱۴۴۴ سنه
میلادیهسنده قطع ایدرو ۱۴۴۹ سنهسنده تجدیدایتدیرر، ۱۴۴۷
سنه سنده ظهور ایتمش بر وقعهدن بحث ایتمز . بو تناقضک
منشی استدلالزه کوره اسکندر بکک وقوعاتی برنجی دفعه
اولهرق یازمس اولان ومعاصر لرندن بولنان (پارلسیوس) ک
بر یاکلشنی ده یا کلش بر یولده اصلاح ایملک ایستلمسیدر :
سلطان مرادک سویتغراد پیشگاهنه ۱۴۴۹ سنهسی مایسنگ اون
دردندن کلدیکنه دائر اولان روایتی پارلسیوسه عطف ایتمکدن
صکره حاشیهسنده « پارلسیوس ۱۴۴۹ سنهسنی اسکندر بکک
حکومتک دردنجی سنهسی اولوق اوزره کوستردیکنده خطا

مجار قرالنك باشنى نيزه غلبه سنه صاپلايان قوجه خضر كرمه
حصارينه ده رفقاي جلادتك جاه سندن اول صعود ايدرك
عثمانليرك رايت فتحنى اك يوكسك بر برجنه ركز ايله موجزن
اقبال ايلدى .

روم عسكرينك ا كثرى كرمه حصارده محو واسير اولديغندن
وكر دوسده محافظه يه كافي عسك قالماديغندن اوراسى ده بر جمله ده
ضبط اولندى واندى صكره تاريخلر مزده بالى بادره ناميله
ذكر اولنان باترايه قدر اينيله زك اطرافى تخريب وقعه سى
تضييق ايله قسطنطين خراجكذار ايدلمش و كرمه حصارى
اساسندن هدم ايديله رك التمش بيك اسير و كيتلى غنائم ايله
مظفراً عودت اولمش در .

بوصره ده راغوزه جمهورى معاهده سنى تجديد ايلك
ايستديكندن و حال بوكه سلطان مرادك اناطوليدن روم ايلي يه
كذارنى منع ايجون مرمره يه كلش اولان پاپا دونماسى اره سنده
راغوزه نك ده بر ايكي سفينه سى بولنديغندن بادشاه جمهورك
بوحر كتنه مجازاة سنوى ويركوسى اولان بش يوز التونى بيك
التونه ابلاغ ايتدكجه تجديد عهده موافقت ايلدى .

اولديغنه كوره سلطان مرادك حجار وارناود غائله لريه اشتغالندن طولاني بر غائله ده چيقار مامق ايچون كندى حقتده مساعدهلى طورانه جفته اميد وار اولديغندن باب دولته برسفير كوندردى ، موره طرفلرينك قرداشى زماننده اولدينى كبي عموماً كنديسنه تركبى طلب ايلدى . بو سفير ارده صره نامنى ذكر ايتديكمز مؤرخ (هالقو قونديلى) ايدى .

سلطان مراد همان سفيري توقيف ايدرك بزم تاريخلرك روایتنه كوره ۸۵۰ بهارنده و وقعه ده بالذات حاضر بولندينى و تحویل حقیقت ایتسنه ارده بر سبب كوريله مديكى جهته قولى ده معتبر اولمق لازم كلان هالقو قونديلى نك افاده سنه كوره قيش ايچنده يونانستان اوزرينه اعلان سفر ايلدى .

سلطان بايزيد عصرندن برى اورالره بر قاچ دفعه لر اقين ايتمش اولمق جهته احوال محليه و قوف تامى اولان طورخان بكى جلب ايله موره نك تسخير نجه اقتضا ايدن تدابيرى مذاكره ايلدكن صكره بكى اردوسنك طبعه سنه تعين ايلدى ، كنديسى ده سيروزده ادوات حربيه سنى اكمال ايله كرمه حصار اوزرينه عزيمت ايتدى . اوزمانلر حكمنجه دنيا نك اك بيوك واك ممتنع التسخير استحكاماتندن معدود اولان بو حصار سطوت عثمانيه قارشى يدى كوندن زياده دا يانه ممدى : بر طرفدن لغملره ديوارك هدمنه چاليشلدينى كبي بر طرفدن ده تره بانلره بيكچرى دلاورلى هجومه مسارعت ايتديلر ، نهايت وارنه محاربه سنده

(توماس) ك مملکتندن بشقه نه قدر یر واریسه جمله سنی ضبط ایلدیکی کبی شبه جزیره خارچنده دخی اغرافه طاغرینه قدر اولان ممالکک کافه سنی ده یا طوغریدن طوغری به ویا خود حاکمرینی اطاعته اجبار ایله تحت تصرفنه المش ایدی .

روم ایلینک جنوب طرفنده او یله قوتلیجه بر حکومت پیدا اولماسی عثمانلی ملکک حدودینی تهدید ایتدیکندن و ارناودلقده ظهور ایدن اسکندر بك عصیانی ده اورالرك برقات ده اهمیتنی زیاده لشدیردیکندن سلطان مراد ایکنجی جلوسندن صکره استانبول ایمراطوریه تجدید ایلدیکی مصالحیه یونانستان طرفلرینی ادخال ایتدی .

قسطنطین ایسه یالکز ضبط ایلدیکی یرلره اکتفا ایلدی، اسکی یونانیرله فرس قدیم ارسنده وقوع بولان بحاربه لر زمانندن بری تحکیم اولمغه باشلامش اولان مشهور موره دربندینک استحکاماتی تجدید واکمال ایتدیردی . کرمه حصار نامیه معروف اولان بو استحکام سعدالدینک تعریفنه کوره کردوس دینک اوچ میل بوی اولان اک طار محلنه بر باشند بر باشه قدر چکلمش و اوکی دکز صوییه ملو بر خندق ایله سد اولمش ایکی مزراق یوکسکلکنده وبش ارشون کنشلکنده بر دیوار اوله رق بو دیوار ایچنده حین حاجتده بر برینه معاونت ایده جک صورتده یاپیش بشده قاعه موجود ایدی .

قسطنطین بو استحکامک متانتنه مغرور و اغلب احتمال



سلطان مراد یرنجی دفعه سریر سلطنته عز و عاطفت دائره
شاهانه سندن واصل اولمشدی . ایکنجی دفعه ایسه فلاکت
مکتبندن، قناعت ازوا خانه سندن چیقارق کلدی . بو حال ایسه
مروت خاطر کشایانه و تمایلات معالی پرورانه سنه برجدیت
جهانده اورانه برقدسیت نجات بخشانه علاوه ایلشدی . گوشه
فراغتندن چیقنجه بتون بتون وظائف سلطنته حصر وجود
ایتدی . او عصرده ایسه سلطنت وظائفک ایوکی کشور کیرک
اولدیغندن ات ارقه سندن بشقه سریر ارام، قلیچ قبضه سندن
بشقه متکای استراحت ایسته مدی . یرنجی همتنی موره طرفلرینه
صرف ایلدی .

(امانوئل) ک وفاتیاه استانبول ایمپراطورلنی (یوان
پالئولوغ) ه قالدینی زمان قرداشلرینک هر بری استانبول
جوارنده وموره طرفلرنده قالان روم ممالکنک بر جزوینه
مالک اولدینی کبی قسطنطین پالئولوغ که استانبولک صوک
ایمپراطوری اولان قسطنطیندر، سیلوری ومسوری بکلکنه
نائل اولمش ایکن بو حصه یی موره ده کی اسپارطه بکلکیه
دکشمش وبرکره اورایه یرلشنجه دولتک مجارلرله اولان
مشغولیتندن استفاده ایدرک موره شبه جزیره سنده برادری

فقط شوراسی شایان دقتدرکه سلطان محمدك موفقیتسزاسکی
کنجکلکندن، اقتدارسزلاغندن دکل ایدی : سلطان مرادك سن
کالنده ایکن ازواسنه دنیاده کندیسندن بشقه قائل اوله جق
برکوکل بولنادی ، سلطان محمد تخت سلطنتده هرکسه عاریتی
کورندی . حقیقتده ینه سلطان مراد پادشاه عد اولنوردی .
اونه قدر امور دولتدن تبری ایتمک ایسترسه امور دولت زمان
سلطنتدن زیاده رأینه، همتنه عرض اولنوردی . بوصورتله ارهده
ایکی مرجع ایکی پادشاه پیدا اولدی که سلطان محمدی موفقیتدن
محروم ایدن سببارك برنجیسی بوایدی . ایکنجیسی پدرله اولادك
مظهریتارنده اولان مغایرتدر . سلطان مراد دولتی کشاده دلانه
ومروتمندانه اداره ایتمک ایستر، محاسن ومعالی بی قصورلی ده اولسه
قبول ایدردی . سلطان محمدایسه حکومتی متجددانه، جهانداورانه
برمسلكده اداره ایتمک ارزوسنده بولنور، نقایصی معالی ومحاسن
ایله ممزوج اولسه، ده قبول ایتمک ایسته مزدی . بوجهته سلطان
مراد نزدنده خدمتتری مقبول اولان . وکلا سلطان محمد ایش
بکندیرمکدن عاجز قالدیلر . حال بوکه وکلا سلطان مرادك
معتمد ومنصوبی اولدقلرندن سلطان محمد دفعلرینهده مقتدر
اوله مادی . بوجهته امر مأموریتنده برمغایرت نظر بر مخالفت
مقصد ظهور ایلدی . بو حالله بر دولتک حسن اداره سنه
امکان ولبایه جنی ایسه میدانده در .

مراد ایسه سلطان اورحانك یاا عسکری حقنده طوئدینی قاعده
 سالمه به اتباع ایدوبده یکیچریلری اورته دن قالدیرمه مقتدر
 اوله مازدی . چونکه او عصر حکمنجه یرلرینی طوته بیله جک
 بشقه برعسکر ترتیبی محال ایدی . یوقسه یکیچریلرک بوحرکتندن
 ایلریده تولد ایده بیله جک فناقلر تامیله خاطر لره کله مش اولسه بیله
 تحکم سرکشانه لرینی چکمدکن ایسه او جاقلرینی محو ایتک البته
 ارزو اولمشدر .

سلطان محمدک ینه سلطنتده ابقاسنه کانجه یوقاریدن بری
 ویریلن تفصیلاتدن ا کلاشیلورکه سلطان مرادک کرک سلطنتندن
 قراغتی وکرک تکرار جلوسی ایچون وارنه عودتنده وقوع
 بولان تکالیفک ردی سلطان محمدک اقتدارینه امنیتندندر . سلطان
 محمدده کویسترمه مکله برابر کندیسنه امنیت خصوصنجه پدربله
 هم افکار ایدی ، یکیچری حادثه سندن صکره سلطان مرادک
 فکری دکشدی ، سلطان محمدک ایسه ترک سلطنت مجبوریتنده
 بولماسنه کویستردیکی انفعالدن ا کلاشیدیفنه کوره نفسنه اولان
 اعتمادی دکشمدی . حق ایسه سلطان مرادک یدنده ایدی .
 چونکه سلطان محمد وکلاسی بیننه دوشن نفاقی دفعه مقتدر
 اوله مادی ، یکیچری کندی زماننده فساده قیام ایدی ، افکار
 ملت کندیسندن اعتمادی قالدیردی . بوجهته سلطنتده بقاسی
 اداره یی اخلاک ایده جکنده ودولتجه پک بیوک مشکلات
 چیقاره بیله جکنده شبهه یوق ایدی . بناء علیه انک حکومتدن
 چکلمسی فرائض اموردن اولمشدی .



سلطان مراد ادرنه‌یه کلدکن و میل وجدانیسنه مغایر اولان سلطنتی قبول ایتدکن صکره محرک فساد اولانلری و خصوصیه اوفسادک ظهورینه میدان ویرن و دفعتده دولتن بیک قات زیاده عصاته خدمت ایدن صدر اعظم خلیل پاشایی لایق اولدقلری مجازاته اوغرادهرقینه سریر سلطنتنده اوغلی براقسه یکیچریلر بوشدته حکومته مداخله مراقدن کچیرلمش اولوردی کبی خاطره کلیر . فقط تدقیق اولنورسه بوفکرک یاکلش اولدینی ثابتدر . چونکه عسکر برکره عصیانه باشلامش ونتیجهسنده ایسه استفاده ایدهرک حکومته غلبه قابل اوله جفته اعماص حاصل ایتمش ایدی . اشتباه اولنه‌مازکه سلطان مراد اوزرلرینه وارمش اولسه ایدی بردها ادبسنلرله وهله حرکتلرینک منتج اوله‌بیله جکی شدتک درجه‌سی کندیلرنجه مجهول و بناء علیه هر مجهول کبی فوق‌الغایه مدهش اوله جفتدن نهایت درجه‌یه قدر کیدرلردی .

تاریخ ایله مثبت اولان حقایق سیاسیهدندزکه یکیچریلر کبی برصنف مخصوص اوله‌رق تشکل ایتمش اولان هر نوع عسکر برکره فساده باشلار و نتیجهسنده موفق اولورسه ارالرنده او عادتک ازاله‌سی اوصنف عسکرک لغوینه توقف ایدر . سلطان

کندیسی ذاتاً تکرار سلطان مرادک جلوسی طرفداری ایدی .
یکچیز بلر ادرنه یی یغمای ایده جکلردی ؟ انکده عسکری تزید
وظائف ایچون عصیانه دوراندیرمق سیئنه قارشی نه حکمی
اوله بیلیر ؟

بوندیر ایله کندینک ویا ارقداشترینک حیاتی می محافظه
ایده جک ایدی ؟ لعنت اوله حیاته که بردولتک اضمحلالتی موجب
اوله جق برعات فاسده ایجادیله ادامه اولنه !

دنیاده برنجی دفعه اوله رق میدانه کلش هیچ برفساد
بولنه مازکه برمتانت عاقلانه ایله از الهسی قابل اولماسین . هیچ شبهه
یوقدر که یوز بوقدر سنه دن بری اطاعت مطلقه یی عادتا انسانلقدن
الئلکه تحول درجه سنه کتیرمش اولان یکچیز بلر ایلك دفعه اوله رق
خارجدن برحرك اولمادقجه فساده قیام ایتیه جکلری کبی ایلك دفعه
اوله رق حکومتدن کوره جکلری شته ده قارشی . طوره مازلردی .
ایشته خلیل پاشا بونلره قارشی حکومتک حائر اولدینی
زجر و تادیب صلاحیتنه مراجعتله مثلاً باغیلکلرینه برفتوی الهرق
شریعت قلیجیله تادیبلرینه قالقشعق کبی بیک درلو تدبیره مقتدر
اولدینی وبلکه بویولده اوجاغک وپای تختک التنی اوستنه
کتوره جک قدر شدت ایتسه معذور وبلکه مشکور اوله جنی
میدانده ایکن عصاته مکافات ایدرجه سنه بر معامله یی اختیار
ایلدیکندن طولایی محاکمات تاریخیجه الی الابد شایسته نفریندره .



ارتکاب ایتشدرد . ایش بویه اولسه خلیل پاشا سلطان مرادک
 نچه قهرندن قورتیاه بیلیر میدی ؟ مسئله سی واقعا جالب نظر دره
 فط شوده شایان دقت بر مسئله دزکه سلطان مرادک خلیل پاشایه
 ذاتاً اعتمادی وار ایدی ، اعتماد ایسه دنیا نك اک بیوک دهانی
 اغفاله کافیدر . معلومدرکه غفلتدن توقی اعمال فکر ایله اولور ،
 حال بوکه اعتماد اعمال فکره محل بر اقماز . بو حاله کوره خلیل
 پاشانک تحریکات خفیه سی سلطان مراده کوره مجهول
 قاله بیلیردی .

ایشته بومطالعه لر خلیل پاشانک محرك فساد اولدیغنی مسلمات
 تاریخیه حکمنه قویه ماسه بیه احتمال غالب درجه سنه ایصال ایدر .
 هله خلیل پاشانک یکچیری فسادی نك برنجی محرکی اولماسه
 بیله برنجی مروجی برنجی وؤدی اولدیغنده شبهه یوقدر :
 یکچیریلر آياقلا نمله نه یامغه مقتدر اوله بیلیرلر ایدی که خلیل پاشا
 اوفسادى دفع ایچون عصاتک وظیفه لرینی ضم ایتک کبی حکومتی
 عسکره جزیه کذارانه تابع ایده جک و اطاعت مجرد دن بشقه بر
 وظیفه سی اولمیان عسکرى دولته مطاع مجبر حاله کتیره جک برسیته یی
 اختیار ایلدی ؟ بو تدبیر هرکیمک طرفندن صادر اولور ایسه
 اولسون وکالت مطلقه خلیل پاشاده بولندیغنی ایچون مسئولیتی
 کندیسنه عائددر .

عصیان سلطان محمدک خلعنی می انتاج ایده جک ایدی ؟
 خلیل پاشا اویله بر نتیجه نك منعبله نفسنی فصل مکلف عدایده بیلیرکه

یکچیریلرک البتہ بر محرکی اولمق لازم کله جکندن بو محرک
 عجباً کیم ایدی ؟ شایان دقتدرکه یکچیریلر عصیانہ قیام ایدنجه
 صدر اعظمی براقدیلر ، اداره دواتجه بالفعل هیچ بر حکمی
 اولمیان شهاب الدین پاشانک قوناغنه هجوم ایتدیلر . سلطان مراد
 تکرار جاوس ایدنجه ینہ صدر اعظمہ طوقنادی ، زغنوس پاشانی
 تأدیب ایدی . دیمک که خلیل پاشادن هم یکچیریلر خشنود
 ایدیلر همده پادشاه ممنون ایدی . حال بوکه اداره دولت منحصراً
 صدر اعظمہ عائد اولدیغندن یکچیریلر حکومتده ادعا ایتدکلری
 سیئاتدن ، سلطان مرادده عسکرده کوردیکی فساددن طولانی
 خلیل پاشانی انہام ایتمک لازم کلیردی . حال بویله ایکن یکچیریلر
 فسادہ تحریک ایدہجک خلیل پاشادن بشقہ کیمسه بولنمور .
 زغنوس پاشا تحریک ایتدی دیہجک اولسہق عقلم ملام کلز .
 چونکہ اولاً زغنوس پاشا برنی استرقاب ایله دفعی ایچون فساد
 تحریکنہ قالدشہجق اولورسہطیبی صدر اعظمی استرقاب ایدردی ؛
 خلیل پاشانک ازالہسی ایچون تحریک فساد ایدن آدم ایسہ
 عصاتی شهاب الدین پاشایہ تسلیط ایلز . ثانیاً زغنوس پاشانک
 او یولده ذرہ قدر شہبہ ویرہجک بر حرکتی اولسہ ایدی
 طیبمیدرکہ یالکز تقاعد ایدلکله اکتفا ایدنزدی . اما یکچیری پی
 صدر اعظم نیچون تحریک ایلسون ؟ شہبہ یوقدرکہ اگر اوجناتی
 اختیار ایتدی ایسہ زغنوس پاشانک سلطان محمد زدنده حاصل
 ایتدیکی اعتباری چکہ مدیکندن وپاشانی مسندینہ رقیب عدایلدیکندن

قطعیاً حکم ایلدیکندن وظیفه سائقه سیله چاره سزینه مشاغل حکومتی درعهده ایتدی . پادشاهک ایکنجی دفعه جلوسی ۸۴۹ سنه سی اواخرنده در . سلطان محمد والیلکه مغنیسیاه کوندلمش ویاننده قدمای وزرادن صاروجه پاشا ترفیق اولمش ایدی . وزرادن زغنوس پاشا تأدیبا تقاعد ایلدی .

دولت علیه بی دفعاتله محو اولمق مخاطره سنه دوشورمش و بوقدر ملک الدن چیقمنه سبب مستقل اولمش اولان یکیچری عصیانلرینک شو برنجی نمونه سی نهدن ظهور ایتدیکنک تدقیقی تاریخچه اک بیوک بروظیفه در ؛ فقط حیفاکه مؤرخلر من بوباده استفهام حقه مدار اوله جق هیچ بر معلومات بیان ایتمز لر . یالکز بضیلری سلطان مرادک سلطنتی ترک ایتدکن صکره پشیان اولدیغندن تکرار جلوسی تسهیل ایچون برطاقم احسانلر وعدیله خلیل پاشانی جلب ایش ویکیچریلری فساده تحریک ایتمش اولدیغنی بیان ایتدکن حیا ایتمز لر ! ذاتاً پادشاهانی ترک ایتسی و وارنه غزاسندن عودت ایلدکن صکره تکرار جلوسی ایچون وقوع بولان تکلیفاری رد ایلمی مشربنک میل سلطنت درجه سندن عالی اولدیغنه ایکی دلیل بدیهی ایکن او یله مقدس برشهریار حکیمک کندی عسکرینی کندی حکومتک کندی اوغنک علیهنه تحریک ایلدیکندن بحث ایتک کبی بر ادب سزک روایات تاریخیه صره سنه آلتوبده بحث و تدقیق ایله اوغراشیله جق شیردن دکلد ر .

ایدی ؛ انتظام و اطاعتلریله دولتک شوکت و شاننه سبب مستقل اولان یکچیریلر برنجی دفعه اوله رق فساده قیام ایلدیلر .
تاریخلرک روایتینجه ادرنه ده بر بیوک حریق وقوع بوله رق چارشی بتون بتون یانمش ایدی . یکچیریلر یانغینه باقلمادیغنی و هر ایشده حسن اداره مختل اولدیغنی بهانه ایدرک خادم شهاب الدین پاشانک قوناغنی باصدیلر . پاشا بیگ بلاایله بر آره لق قپودن قاچهرق سلطان محمدک یاننه التجا ایلدی .

یکچیریلرده سرکشلکده دوام ایله بر تبهیه چیقیدیلر ، شکایتلرینی تکرار ایلدیلر . صدر اعظم خلیل پاشا وظیفه لرینه یارمشر اقبجه ضمیله غوغایی دفع ایلدی . یارم اقبجه ترقیدن طولانی یکچیریلرک اجتماع ایلدیکی تبهیه بوچوق تبه نامی ویرلدیکی تاریخلرک روایاتندندر . بووقعه اوزرینه اسحق پاشا و بکربکی اغور اوغلی اتفاق ایدرک سلطان مراد تکرار اداره بی اله المازسه عسکرک منع فسادی قابل اوله مایه جغنی و بو حال ایله دولتک بتون بتون محو اوله جغنی صورت خفیه ده کندیسنه عرض ایتدیلر و مغنیساده بولنان صاروجه پاشایه ده آریجه تفصیلات ویره رک پادشاهک اقناعنه چالشماسنی توصیه ایتدیلر .

سلطان مراد دولتک جداً مخاطرده و عسکرک حال فسادده بوندیغنه دائر آلدیغنی بومدهش خبرلر اوزرینه برکون ادرنه یه کلهرک بوچوق تبهیه نزول ایلدی و شکار بهانه سیله خلقک و عسکرک شکایاتی استماع ایله فسادی دفعی کندی و جودینه متوقف اولدیغنه

بولدن قطع نظر سلطان مرادك وارنه مظفريتني متعاقب وارنه يه كلوبده جلوس ايلديكسه دائر موجود اولان روايتك بطلاننه برده برهان بديهي كورويورز : بوروايتي قبول ايدن تاريخلارك تصریحنجه وارنه محاربه سی ۸۴۸ سنه سی رجبنيك اون دردنجي كوني وقوع بولمش ایدی ، سلطان مرادك ايكنجی دفعه جلوسی ده ۸۴۹ سنه سنك او اخرنده ایدی . بویله بر مسئله ده بر بوجوق سنه مدتده تكلیف واستغنا واستشاره ایله اوغرا - شلمایه جنی ایضاحه محتاج دكلدر .

پادشاهك ادرنه یه كلدیكي زمان جاوس تكلیف قبول ایتیمه رك یته مغنیسایه کیتدیكنه دائر اولان روايتك صحتی بو دلائل ایله بتون بتون ثابت اولیور . صحت نقله بر بیوك دلیلده علی العموم روم و فرنك مؤرخلرینك عثمانلی مؤرخلریله بوروایتده اشتراکیدر .

سلطان مراد بودفعه ده مغنیسایه کیتدی ، بولندیفی اوج اعلاى استغنادن عالم انسانیتی بر نظر شفقتله تماشا ایدره ك بقیه عمرینی حکیمانه کچیرمه ک چالشدی . فقطینه چوق زمان آرزوسنده دوام ایدمه دی ، ینه ادرنه یه دعوت اولندی . هم بر صورتده دعوت اولندی که ضروریات دولت الحاسیله تکرار جلوس ایتمکدن کندینی قورتاره مادی . چونکه بودفعه ظهور ایدن بادره مجار تسلطدن دکل حتی تیمور صدمه سنندن بیله دهشتلی



کتابخانہ فاروق

بیت نبوی رضویہ

عقائد اہل بیت علیہم السلام

جلد اول حصہ اول

استنبول

مکتبۃ المدینہ

۱۳۲۷

کلیاتی کتاب

ایکٹیوی ترتیب

اسامی آثار

برنجی ترتیب

۷ جلددر

۱۲ کتابدر



اسامی

غروشی

اسامی

جلد	حرو	۳	[۱]	رومان مدافعه نامہ سی نشر اولندی
۲۵	•	۵	[۲]	قارہ بلا نشر اولندی
۱۰	۲	۲۰	[۳]	مقالات سیاسیہ و ادبیہ و روایا
•	•	۱۰	[۴]	وطن، کلنہال، ما کف، زوالی } جو جق
ہر جزو ک فیثانی (۳) غروشد		۲۵	[۵]	اشعار کمال
}		۱۲	[۶]	جلال الدین خوارزمشاہ
کتاب کتاب اولہرق		۲۰	[۷]	مکاتیب خصوصیہ دن برنجی جلد
ہر ایک آبدہ بر .		۷,۵	[۸]	اوراق پریشان مجموعہ سی .
}		۲۰	[۹]	منتخبات محررات رسمہ
جزو جزو اولہرق ہر		۷,۵	[۱۰]	جزمی و انتباہ
اون بش کوندہ بر ہر		۲۰	[۱۱]	مکاتیب خصوصیہ دن ایکٹیوی جلد
اولنہ جقدر .		۵	[۱۲]	تغیب و تخریب خرابات رسالہ لری و ساثرہ
ایک ترتیبہ براب اولہرق صرہ سیلہ				
منتظماً طبع و نشر اولنور .				

اہونہ شرائطی

مسطاً تادبہ ایدلک شرطیہ اہونہ
شرائطی

یکونی پشین اولہرق تادبہ ایدلک
اوزرہ اہونہ شرائطی :

غروشی

غروشی

۲۱۶ اثرلر اداره غامہ فی الفیق و بعضہ اولہرق پارہ
و متعاقباً ہر اراج آبدہ بر یاد بمصر لیرا لادبہ
ایدلک شرطیہ .
۲۴۰ پرستہ اجرشدن طرلابی قصبطلر ۶۰ غروشی
اولہرق یقین ۲ مجیدبہ و ہر اراج آبدہ ۶ مجیدبہ
و یرلک شرطیہ الامتکاحہ کوندرلک اوزرہ .

۲۰۰ اداره غامہ فی الفیق شرطیہ .
۲۲۵ صرماک و ولایات و ممالک اجنبیہ ایچون
پرستہ اجرشدہ داخل اولہرق الامتکاحہ
کوندرلک شرطیہ .

ہر جزو ک فیثانی (۳) غروشد

مخالفت کورمک کندی ایستمدیکی صورتده ایسه اوغلنک تکلیفی صدر اعظمک دسیسه سی عسکرک ارزوسیه پادشاهانی قبوله اجبار اولنه بیلیمک امکان داخنده دکلدی . بو حاله کوره اکر پادشاهلغه طلب ایدی دیه جک ایسه ک اووقت خلیل پاشانک ترتیبه ، سلطان محمدک تکلیفنه ، امرانک القشلامسنه ، شکارده عسکرک تحقیق افکارینه نه لزوم قالیر ؟ دولتک مغلوب اولدینی بر زمانده پادشاهلقدن چکلشم ایکن یه بر مخاطره کورنجه کندیسنه مراجعتدن بشقه بر چاره نجات بوله میان امرا وعسا کر بر غلبه قطعیه ایله ملتی قورتار دقدن صکره می مروه اوغلنه بر اقدینی سریر سلطنته کلسنه مخالفت ایده جکر ایدی ؟ سلطان مراد اکر پادشاهلغه طالب دکل ایدی دیه جک ایسه ک او حالده خلیل پاشا دسیسه یه ، امرا القشه نصل جهسارت ایدر ؟ ولوجسارت ایتشلر ، اویله بر معامله نک کندی باشلرینه بلادعوت ایتمکن بشقه نه فائده سی اولور ؟ یا هله سلطان مرادک کوردیکی بر شیئه ایمره نوبده کیمسه یه سویلیه مین عجزه چوجقاری کبی ارزوی سلطنته دوشدیکی حالده کیمسه یه سویلیه مدیکنه و سلطان محمدکده بو حالی الهام ایله کشف ایلدیکنه دائر تاج التوارینده کوریلن روایتک قوجه قاری ماصلندن هیسج بر فرقی وارمیدر ؟

برطاقم مقدمه لى ايراد ايدى ريك سائر و زرا و امراده القشلا دقارندن
 سلطان مرادك بو حال اوزرينه تكرر سر بر سلطنته جلوس
 ايتمش اولديغنى بيان ايدر . خواجه سعدالدين ايسه اكر
 مورخينك قول مختارينى ميين اولق اوزره كيك داستاننه رحمت
 او قوده جق بر منظومه ترتيب ايدرده ديركه سلطان مراد وارنهدن
 عودت ايتديكى صروده تكرر جلوسه ميل ايتمش ايسه ده
 كيمسه يه آچه مامش فقط سلطان محمد پدريتك ميلنى الهام
 ايله بيلمش اولديغندن و زراسيله مشاوره ايلدكدن صكره
 سلطان مراده تحت سلطنتى تكليف ايتمش ايدى . پادشاه
 بر چوق استغنا لردن و تكليفك ابرتى كوني شكاره چيقان
 عسكر كده كندينه ميلنى اكلادقدن صكره ايكنجى دفعه
 اوله رق سلطنته كلكى قبول ايلدى ، سلطان محمدده مغنيسايه
 كوندردى . كنديسى بو حالدن طولاي خليل باشايه پك زياده
 مغبر اولمش ايدى .

روايتارك ايكيسى ده صحيح اولمادىغى استدالات نظريه ايله
 ثابتدر: معلومدر كه ملتك نجاتى كندى وجودينه مفتقر عد اولنان
 سلطان مراد تكرر جلوس ايتك ايستينجه ارزوسنه بر طرفدن

موافقت ایتماسی ده طبیعی ایدی زیراینه تکرار ایدرزکه پادشاه اوغلنی اجرای حکومته مقتدر کوردیکی ایچون سلطنتی کندیسنه براقدی انک ایچون برنجی دعوتنامهده کلهمش ایدی . صکره کی اجابتی ایسه حکومتنه دکل ، عسکر لکنه کوستریلن احتیاجه . بنی ایدی انزواکاهنی معاملات عادیه ایله اوغراشمق ایچون ترک ایتدی ، ملتنی بغته ظهور ایتش فوق العاده بربلادن قورتارمق ایچون ترک ایدی . ملتک اوبلادن تخلیصنده ایسه ذاتاً اوغلی ده وکلاسی ده بیان عجز ایتشار ایدی . سلطان محمدک امور عادیه بی اداره دن عجزینه ایسه دها هیچ بر دلیل کورنمهش ایدی .

بعض تاریخلر خلیل پاشا سلطان مراد وارنه دن عودت ایلدیکی صروده سلطان محمد « پدرکزه بر کره سلطنتی تکلیف بیورسه کز مناسب اولور . ذاتاً انلرک قبول ایتیه جکی معاومدر ، فقط سزک شانکزه بر کره تکلیف دوشر » کی سوزلرله شهزاده بی اغفال ایتش وشهزاده بوتکلیفی عرض ایدنجه پادشاه وکلانک یوزینه باقارق صدر اعظم خلیل پاشانک « مادام که تکلیف ایدیورلر قبول ایدیکز غموک رأی افندمزک پادشاهلقده بولمقلغاکزدر ، بونجه تبعه بی منکسر بیورمزسکز » دیه

ایتمک کبی بعض خدمتلى ایفایه مأموردر لر . اردولر اکثریت اوزره کرک چادرلرک ترتیبجه و کرک ذخیره نک کثرتجه فوق الغایه حسن تنظیم اولمشدر . پادشاه ایله برابر کیدن امرا یانلرنده برچوق دوه و آت و استر طاشیرلر بر حالده که اردوده انساندن زیاده حیوان بولنور . ذخیره نقلنه مأمور آیری برفرجه واردر . اردو اون بیک چادرسهده ایجابنه کوره تراید و تناقصده ایدر . «

ایشته زمانلرنده بولنان و کندیلرندن اول تشکل ایدن عسکرک اک منتظمی اولان عثمانلی عسکرینک اردوسی بو حالده و او اردو ایچنده قوقولی دینیلن پادشاه توابع خاصه سنک حسن ترتیبی ایسه او مرتبه کمالده اولدیغنی اردولره سفارته کیرمش چیقمش و نظاماتی نظر حسد و حسرتله تماشایتمش اولان بر روم مؤرخى کوسترمکده در .

سلطان مراد بو مغفیریت جلیله ایله پادشاهغه قیاس اولنه بیله جک درجه لردن بیک قات عالی بر حامی ملت بر مهدی منتظر صفتیله تلقی اولندی امرا و عسا کرینه سریر سلطنته قعودینی استرحام ایتدیلر ، فقط قبول ایتدیره مدیلر .

وارد ر . يکچر يلاک محافظه ايتدکلری دائره دهده هر بری بر
 خدمته مخصوص اون بش چادر موجوددر . میراخور و شرابدار
 ومیر علم و وزیر و چاوشلار بورانک خارجنده اقامت ایدرلر .
 بو امرانک بر چوق توابعی اولدیغندن اردو پک کثرتلیدر .
 پادشاهک منتخب محافظی اولان یکیچر یلردن بشقه اوتاغ هایونک
 محافظه سنده سلحدار نامیله اوچ یوزده سواری واردرکه
 یکیچر یلردن انتخاب و تفریق اولمشدر .

سلحدارلردن صکره غر با کلیر . بونلر سوریه و مصر
 و افریقانک سائر جهتلری خلقندن مرکب اولدقلری ایچون
 او نام ایله توسیم ایدلمشدر . بونلردن بشقه سکز یوزده علوفه جی
 و عثمانی زادکانندن ایکی یوز سپاهی موجوددر . محاربه زماننده
 روم ایلی و آناتولی بکلر بکیلری طوغریدن طوغری به پادشاهک
 امری آلتنده اوله رق اردویه قوماندا ایدرلر . سائر سنجاق
 بکلری آنلره تابعدر . بو سنجاق بکلری بر طاقم مملکتلرک
 والیلری اوله رق اورالرک معتبرانی و عسکری بونلرک معیتنده
 بولنورلر . محاربه لرده سپاهیلر بر چوق آلایلره منقسمدر . عزبلر
 ایسه یالکنز بر رئیسک زیر حکمنده بولنور . عزبلر ایچنده
 سلاحشورلردن بشقه بر طاقم ده عکاملر واردرکه بوللری تسویه

اطاعتده کوستر دکلری ثبات قازانديرمش ایدی . او وقتده کی دولت علیه اردولرینه دائر مؤرخ حالقو قوندیلی نك یازدیغی بر مقالهده خلیجه تفصیلات اولدیغندن اصحاب مطالعه یه معلومات اولوق اوزره مقاله سنک مألنی زیرده بیان ایلدک :

« باب هایونک خدمتنده صورت مخصوصده اوله رق آلتی بیکدن اون بیکه قدر پیاده بولنور . اسیر ایدیان چوجوقلر ایکی اوج سنه ترکیه اوکرنمک ایچون اسیایه کوندریلیر ، اوقویوب یازمغی تحصیل ایلدکلری کبی ایکیشر اوجر بیک کشی اوله رق کیمجیلک تحصیل ایچون کلیبولی یه سوق ایدیلر وکندی لرینه هر سنه البسه و برده قلیچ ویریلیر . اورادد باب هایون خدمتته چاغزیلرلر وکندی لرینک اداره لرینه کافی واک ممتاز تبعه نك معیشتنه فائق صورته و وظیفه آلیرلر . بونلر اونر اونر ویا الیشر الیشر تجربه کورمش ضابطلرک اداره لرینه ویریلرلر . ایکی اوج آیده اوراده قالدقن صکره شهزاده لر دن وزرادن ، کتابدن خدمه خاصه دن بشقه دروننه کیمسه ایچون دخول میسر اولمیان باب هایونک خدمتته نامزد اولوزلر . پادشاهک بری قرمزلی وایکیسی صرمه ایله اورتیش ایکی خادری

روایتنه کوره بونلرک ایکی یوز الی عرببه سی ذی قیمت اشیا ایله مالامال ایدی .

وارنه محاربه سی او زمانه قدرخرستیانلره قارشى قازانیلان ملاحم عظیمه نك اوچنجیسیدر . واقعا ایکی طرفك عسکرنده اولان مقداره نظراً قوصوه و نیکبولى محاربه لرندن براز کوچك ایدی . فقط دشمن اردوسنك ریاستنده هونیاد کبی او زمانه قدر دولت علیه ایله اوغراشان خرستیان اصحاب سیفك جمله سنه رجیحان کلی ایله فائق برهادر بولماسنه نظراً عسکرک نقطه نظرنجبه بلکه آنلردنده مهم ایدی . هله اسلامی روم ایلیدن چیقارمق ایچون ارباب تلیشك ترتیب ایلدیگی اوچنجی اتفاتی ضرب دست ایله محو و پریشان ایلدکن بشقه اوچ سنه دن بری اوغزانیلان برقاچ مغلوبیتك ده انتقامی آلمش و عسکرده ظهور ایتمکک باشلایان یلیغیناغی ده ازاله ایلش اولدیغندن دولتک هم حیاتی هم ناموسنی تخلیص ایلدیکی ایچون اهمیت سیاسیه سی قوصوه و نیکبولى محاربه لرینه بیله فائق عد اولنور .

هر محاربه نك اك بیوك شدتنه مقاومت ایدنك بیوك خدمتی وجوده کتورن یکیکچریلره قبو قوللری اولدیغی کبی هله وارنه محاربه سی بتون بتون آنلرک سلطان مراده جانسپاران

جمله سنى عفو ايتديرديلر . بكن سنه كى بوزغوناق اوزرينته
طوقادده محبوس اولان طورخان بك ده بوسرده عفو پادشاهيدن
مستفيد ايدلى .

سلطان مراد عزب بك نامنده بر مصاحيبيله محل حربى
كزركن مقتوللاره دقت ايدرك غريبدركه اچلرنده اختيار
يوق ديمش وغزب بك ده آره لرنده عقلى باشنده بر اختيارلر
بولنسه افندمزله محاربه يه جرات ايدرلرمى جوانى ويرمش
اولديني تاريخه كچمش حكايه لردندر .

قرال ولاديسلاسك باشى چوريمامك اچون بال اچنه
قونيه رق بروسه يه كوندرلمش وبروسه صو باشيسى اولان جبه
على بك طرفندن تشهير ايديله رك دشمنك خوف هجوميله انديشه ده
اولان اهالينك خلدجاني تسكين ايدلمش ايدى . سلطان محمد
پدرينك مظفر يت جليله سنى بر نامه ايله شاهرخ ميرزايه اشعار
ايدلى .

وارنه ملحمه كبراسى ۸۴۸ سنه سى رجبينك طقوزنجى كوني
وقوع بولمش ايدى . اردونك آرقه سندن كلن ايكي بيك عربهلق
اشيا على العموم اهل اسلامه نصيب اولدى كه فرنك نارينلرينك

اختراعندن اولدیغنه بوده دلیل کافیدر . وارنده وقوع بولان
 بحاربه نك حالى انهمزامنندن غلبه یه تمویل ایچون ادرنه دن امداد
 طلبی توصیه سنه قاله شمشق نه قدر اچیق برصاچه اولدیغنی تعریف
 اقتضا ایتمز .

ینه خیراه تاریخنده طورخان بکک بو محاربه ده توقاد
 حبسخانه سنندن جلب اوله رق روم ایلی بکار بکی داود بک
 معینه ویرلدیکی وداود بکک بو محاربه ده شهید اولدیغنی بیان
 اولنیور . هامر ایسه وارنه محاربه سنده طورخان بکک روم ایلی
 بکار بکی بولندیغندن بحث ایدیور . حال بوکه داود بکک شهید
 اولمق شویله طورسون سلطان محمد زماننده وزیر وسلطان
 بایزید عصرنده صدر اعظم اوله رق طقوز یوز درت تاریخنه
 قدر یعنی بو محاربه دن صکره التمش درت سنه ده معمر
 اولدیغنی تاریخچه ثابتدر .

طور خان بک ایسه بو محاربه ده بولمادی . بالعکس بو محاربه
 سببیه حبسندن تخلص اولندی .

پادشاه غلبه دن صکره فراریلردن اوک آباق اولانلرک
 اعدامنی و قصورینک ده قالدین البسه سیله شهرینی امر ایتمش
 ایدی . وزرا شذاعت اییدیلر ، شکرانه ظفر اولمق اوزره

فراره عنزم ایتمش ایکن قرهجه پاشا آتک دیزکنه صاریلهرق منع ایتمش وسکبان باشی قرهجه پاشایه اعتراض ایدرکن اعدام ایدلمش اولدیغنی بیان ایدر . بوروایت بزم مؤرخلرک افادهسنه مغایرت تامه ایله مغایر اولدیغندن طولایی بالطبع مردود اولدقدن بشقه حدذاتنده دخی محالدر . چونکه قرهجه پاشانک آناتولی بکاربکی اولهرق صول جناحک قومانداسنده اولدیغنی وهونیادکده اول باول آناتولی عسکرینه هجوم ایله آنلری بوزدیغنی هامرده اعتراف ایدیور . بوخالده قرهجه پاشانک کندی فرقهسنی فراردن منع ایتمیوبده مأمور اولدیغنی قوماندانلق مقامنی ترک ایدرک صبر و ثبات وعظی ایچون پادشاه نزدینه کلش اولماسنه نصل احتمال ویریله بیلیر ؟ پاشانک صول قولده شهید اولدیغنی وصول قولک طاغلمسی آنک شهادتندن صکره باشلادیغنی ایسه عثمانلی تاریخارنجبه اتفاق ایله قبول اولمش بر روایتدر .

خیراه تاریخندهده قرهجه پاشانک سلطان مرادی فراردن منع ایلدیکنه دائر اولان حکایه قبول اولندقدن صکره بطلاننه برینه کوسترلمک ارزو اولمش کبی قرهجه پاشایه اسناد اولنان سوزلرده « هان سلطان محمد خبر کوندرلسون بزه امداد ایلسون » دیه برعباره قارشیدرلمشدرکه روایتک جهله عوام

بولدیغندن اردو رجعت ایتدی ، هونی-آدده غلبه دن امیدى
کسه راک عسکر ندن هیج کیمسه یه معلومات ویرمکه زین افلاقه
طوغرى فرار ایلدی .

فرنگ تاریخ نرینک روایتیجه مجار اردوسی بوانهزام اوزرینه
یوک عربله رینک آرقه سنه چکیله راکه تریس آلدیلر ، هونی-آدک
ورودینه انتظار ایلدیلر . سلطان مراد دشمنک بو وضعیتینی
کورنجه هجوم امری ویرمش و مقاومت داعیه سننده بولنانلری
بتون بتون محو ایلش دز .

قراله متارکه حقنده اولان یمینی نام الهییه اوله رق تقض
ایتدیرمکه سبب اولان قاردینال ژولین سزارینی سبب اولدیغی
محاربه ده حیاتی جزا قلیجندن قورتاره مامشدر .

مشهور مؤرخ «کی بون» قاردینال سزارینک یاننده اولان
آلتونک کثرت و ثقاتی جهتیله سرعتله فراره مقتدر اوله مامش
وبوزغون عسکر طرفندن طاشیدینی پاره یه طمعاً هلاک ایدلش
اولدیغنی بیان ایدر .

ارلو و وارادین ایسقیپوسلریله قرال بایراغک محافظه سنه
ماه تور اولان (استپان باتور) ده بو محاربه ده تاف اولدیلر .

هامر اردونک ایکی جناحی بوزلدقن صکره سلطان مرادده

اتلاف ایله کندیسنی یره دوشوردی وهان باشنی کسه رک برنیزه یه
رکز ایله دوسته ، دشمنه ارائه ایلدی .

قرال تسلیم اولمق ایستمش ایسه ده نقض عهددن طولای
داغدار اولان عثمانلیلر دشمندن کیمسه یه امان ویرمه مک عزمنده
بولدقلری ایچون تسلیم تکلیفنی قبول ایتدکلرینی هاجر روایت
ایدر .

قراک اعدام اولنمی اوزرینه یاننده کی فرقه بالطبع بتون
بتون پریشان اولدی . عثمانلی اردوسندن کوس و نقاره صدالری
اعلان مظفریته باشلاینجه دشمن عسکرینک هر فرقه سنه بردهشت
برتلاش عارض اولمش و بزم اردودن فرار ایدنلر کال مسرتله
عودته باشلامش ایدی .

سلطان مراد بوفرصتی فوت ایتمه رک یاننده قالان عسا کر
کلیه ایله تحفظی تجاوزه تحویل ایتدی ، دشمنی بتون بتون
لرزه دار ایلدی . هر نه قدر هونیاد میدان حربه قرال ایچون
کلدکلرینی وخرستیانلغک محافظه سیله مکف اولدقلرینی بیان ایله
عسکرلی ثبات ایتدیرمه کچالشمش ایسه ده عودت ایدن فراریلرله
دمبدم چوغالمقده اولان عثمانلیلرک تحویل طالع نشوه سیله اجرا
ایتدکلری هجومار مقاومته امکان براقایه جق درجه ده شدت

اولان يكيچرى وقوقولى روحى مقامنده اولان پادشاه ايله مقام
حيتلرنده ثبات ايتديلر .

بحار قرالى ولاديسلاس بزم تاريخلرك روايتنه كوره هونياك
تحرىكى ايله هامرك قولنه كوره ايسه هونياك رآينه مفاير اوله رق
معيتنده كى فرقه ايله عثمانلى اردوسنك قبلنه هجوم ايتدى، سلطان
مراد بوصولت متجاسرانه يى كورنجه « قرال مفرور اولمش
مستانه بر طور ايله كليور؛ ان شاه اختيار ايتدىكى مناسبتمز
جنسارت كندينه مدارنكبت اوله جق كى كورينور . تقرب
ايدنجه او كندن آچياكز ، اورته لامغه چاليشكز ، مألنده امرلر
ويرمشدر . سلطان مرادك كشفى عينيه ظهور ايتدى : قرال
هان عثمانلى اردوسنك قلبنى محوايمك داعيه سيه اطرافنه عطف
نظره بيه لزوم كورمكسز ين يكيچرى صفارينك ارقه سنه قدر
صوقلدى . يكيچر يلرده الدقلى امرلرك ماهرانه اجراسنه مسارعت
ايدهرك قرالك پيشكاه عزمنندن ايكي يانه طوغرى آچيلمغه
باشلادى . بوصورته دشمنى ايستكلى موقه كلنجه هر طرفدن
شدتلى هجوملره قرالك توابعى مجو وپريشان ايتديلر
كنديسنى ده اورته يه الديلر .

ايچلرندن قوجه خضر نامنده برهادر ولاديسلاسك اتى

عبرت الان عسكرك اقدمنى دشمنك كثرته تقابل ايتديرمش
 وكندى فرقه سنك ايكي مثلندن زياده بر قوتله ساعتراجه
 اوغراشمش ايدى ، فقط قرهجه پاشا اقدمك منتهاسنه وصول
 عسكركك اعلاى درجائى اولان مرتبه شهادتى احراز
 ايلدى . ذاناً مهاجرلك و فرته قارشى مقابله دن عاجز قالغه
 باشلامش اولان عسكركر پاشانك شهادتى اوزرينه طاعلمغه
 رجعت ايتمكه باشلاديلر .

برى طرفدن افلاقيير اناطولى عسكريه اوغراشان سلاح
 ارقداشلىرىنك ايلرلدكلىرىنى كوردكجه غيرته كلديلر ، شدتله روم ايلي
 عسكرىنك اوزرينه هجوم ايلديلر . بو طاقم ايسه اناطولى عسكرىنك
 فرارىنى كورنجه ثبات و غابه نك اسباب اصليه سنندن اولان
 سكتيلىرىنى غائب ايتديلر و هونىاد و معيتنده كى فرقه نك اناطولى
 عسكرىنى تعقيب ايدركن ساقه ده بولنان اشيايه تعرض ايتمسندن
 طولايى تحدث ايدن دغدعه دن خط رجعتك مخاطره ده بولنديغنه
 حكم ايتديلر ، انلرده شجاعتلردن اميد اولنديغى قدر ثبات
 ايتمه رك فراره باشلاديلر . بو حال بشقه بر قوم عسكرى ايچون
 مغلوبيت قطعيه حكمنده ايدى . فقط عثمانلىلرجه هيچ برتأثيرى
 اولمادى ، چونكه عثمانلى اردولرىنك جمله عصيه سى حكمنده

واردونك ارقه‌سنده بولنان اشیا عرب‌لریله طوپ مهماتنك
 محافظه‌سنه مأمور اولمش ایدی. عموم قوماندان اولان هونیاد
 ایسه کوره‌جکی لزره توفیق حرکت ایچون هیچ برجهتک
 ایریجه قومانداسنی عهده‌سنه المامش ایدی. مجار قرالی
 عسکرینه بر علامت احتشاد اولق اوزره اردونك قلب‌کاهنده
 مجارستانک سیاه بایراغنی رکز ایلدیکی کبی پادشاه‌ده اعدایه
 قارشی بر حجت حق اولق اوزره قرالک انجیل اوزرینه یمین
 ایلدیکی حالدده اون کون صکره احکامنی نقص ایتمش اولدیغنی
 متارکه نامی بمرزراغک اوجنه ربط ایدرک اسلام اردوسنك
 اوزرینه دیکدیرمش ایدی.

صفر ترتیب اولندیغنی صروده شدتلی برقا صرغه‌پیدا اوله‌رق
 دشمن اردوسنده قرال بایراغندن بشقه نه قدر بایراق وارایسه
 جمله‌سنی پاره‌لدی. بوحادثه ایسه خرستیانلره خیامیدن خیلی تلاش
 ویرمش ایدی.

مخاربه‌نی اوله عسکرینک کثرتنه اغتراری جهته هونیاد
 اچهرق کندی صاغ جناحنده بولنان قوه کلیه ایله عثمانلیلرک
 صول جناحنده بولنان اناطولی عسکرینه هجوم ایلدی. قره‌جه
 پاشا محیرعقول اوله‌جق درجه‌لرده قهرمانلقلر ابرازیله کندیسندن

ینه هامرک روایتنجه پاپانک و کیلی قاردینال ژولین واردوده برابر بولنان (واردین) و (ایلو) راهبرلی اردونک متریس ایچنه آلماسنی رأی ایتدیلر ؛ فقط هونیاد میدان محاربه سی رأینده بولندیغندن قرال نزدنه آنک مطالعه سی قبول اولندی ، هونیادک بوفکری ده مجار اردوسنک اوله اون بش یکر می بیگ کشیدن عبارت اولمادیغنی کوستیر .

بزم اردونک صاغ جناحنه بکربکیلری داودپاشا اداره سنده اولان روم ایلی وصول جناحنه کنذک بکربکیلری قره جه پاشا معیتنده اولان آناتولی عسکری تعیین اولمش و پادشاه ده یکچیری عسکری وقو قؤلیله قلبده طورمش ایدی .

دشمن جهتنده ایسه وارنه کولنک بطاقلقارینه استناد ایله محفوظ اولان صول جناح دراقوله نك قومانداسنده اولان افلاق عسکر یله براز مجار قونلش وقوتک کلیتایمی هر طرفی آچیق اولان صاغ جناح طوپلامش ایدی. که مجار لیلرک اکثریسی وژولین سزارینک معیتنده اولان اهل صلیب طاقیله صرپ وله وبلغار معاونلری تعیین ایدلش ایدی . قرال اک منتخب شوالیه طاقیله وسطده قرار ایلدی وله عسکرینک برآزی واردین راهبنک قومانداسی التتده اوله رق دمبارلغه

ایچون بر آلتون بدک ایله جنویز کمیلری کچیرمش اولدیغنی روایت ایدرکه عقاله یقین اولانده بوصورتدر .

سلطان مراد ادنه به کله رک وکلانک افاده لرندن دولتک وفیروز بک و محمد بک طرفدن کوندریبان اسراندندن ده دشمنک حالنی آکلادقدن صکره ینه سلطنتده اوغلنی تقریر ایدرک عساکر اسلامیه ایله دشمنک مقابله سنه شتاب ایتمش ایدی .

برطرفدن بویله دنیانک اک بیوک سریر سلطتارندن برینی پامال استحققار ایتمک برطرفندن ده عثمانلیلر کبی زمانلریزک اک بیوک قهرمانلارندن مرکب بر ملتک تک باشنه سیف سطوتندن حمایه طلب ایتمدیرمک ایله برابر ملتک پادشاهلغه تنزلدن استغفا و فقط اوغلاک سرعسکرلکنه تنزل ایله اعتلا ایتمک مرتبه سی خیالات شاعرانه به بیله قولایلقله میسر اوله میه جق بر شرفدرکه عالم انسانیتمک درت بیک سنه ک تاریخی ایچنده سلطان مراد نانیدن بشقه فرد آفریده به نصیب اولدیغنی کوروله مز .

سلطان مرادک دشمن قارشیسنه کوتوردیکی عسکر نه قدر اولدیغنه دائر بزم تاریخلرده هیج برسوز یوقدر . بالکز هامر بو عسکرک مقدراری قرق بیک کشیدن عبارت اولدیغنی بیان ایدرکه بر مدتدن بری اوغرائیلان مغلوبیتلرک طبیعی اولان تلفاتنه و دشمنک بغته تقض عهد ایتمی دولتک قوای موجوده سنی جمع ایچون وقتک عدم مساعده سزلکنه نظراً آندن زیاده عسکر جمعنه امکان یوق ایدی .

استانبولہ کلہرک و ایمپراطورک قیزی آلہرق اورادن ده ادرنیہ
 کیتمک نیتہ و ہامر ایسہ بلقاندن کچمک مجبوریتندہ بولنامق
 آرزوسنہ حمل ایدرکہ عقالق قبول ایدہ جکی صورت ہامرک
 نقلی اولدینی تعریفہ محتاج دکادر .

سلطان مراد بروسدن حرکتلہ کلیبولیک قارشینہ کلش
 ایسہدہ بابانک آلتش بش سفینہدن مرکب اولان دونماسی
 مرمرہ دکزینی طوتدیغندن اورالردن کذارہ امکان بولامامش
 و بناء علیہ بوغاز طرفدن کذارہ برچارہ تحریمی ایچون
 آناتولی حصارینہ کلش ایدی . خواجہ سعوالدین خلیل
 یاشانک سلطان مراد اوطرفدن کچہ جکی تخمین ایدرک بوغازک
 روم ایلی جہتنہ اینش و معبری محافظہ ایچون طویلر
 یرلشدرمش اولدیغنی وفرمان ہایون ایلہ اورالرہ برقاچ کمی کلہرک
 عسکری سہولتہ کچیرمش اولدیغنی نقل ایدردہ خلیل یاشانک
 بوکشفنی بر اثر الہام اولہرق کوستیر . امر پادشاھی ایلہ
 اورایہ برقاچ سفینہ کلدیکی دیکندن بحث اولماسنہ نظراً بوسفینہلر
 عثمانی کمیسی اولق لازم کلیور . حال بوکہ قرہ دکزیدہ دولتک
 ترسانہ سی اولدیغندن و مرمرہ ایسہ پایا دونماسنک تحت حکمندہ
 بولندیغندن آناتولی حصارینہ عثمانی کمیسی کلہ جک بر جہت
 بولاماز . ہامر اوزمان مجار قرانک خدمتہ بولان (قلمی
 کوس) دن نقلاً عساکر عثمانیہ نی آناتولیدن روم ایلی یہ بہر آدم

دائر سلطان محمد طرفندن شاهرخ میرزایه کوندریلن فتحنامه در .
 بو فتحنامه ده وارنه یه کان دشمن عسکرینک یتمش بیک کئی به
 قریب اولدینی بیان اولنیور . بورالک هر درلو وقایعی ملوک
 طوائفدن تمامیه تحمیق ایده جکی معلوم اولان شاهرخه قارش
 دشمنک عسکرینی مقدار حقیقیسنندن فضله کوسترمک کبی
 برلافزنلکی اختیار ایدوبده یار واغیاره هدف استهزا اولوق
 ایسه دولتجه هیچ بر وقت تجویز اولنه بیله جک و خصوصیه
 او دور حکمت و وقارک شاننه یاقیشه حق حالردن اولمادینی
 میدانده در .

ایشته ایکی بیک اشیا عربیه سی و بویه یتمش بیک کشیک
 بر اردوده بولنه بیایر ؛ معافیله او بیله نه قدر استکثار اولنسه
 شایسته در .

هامرک روایتده برده نقصان وارکه اوده نیکیبولی
 محاربه سیدر . بزم تاریخلرک روایتنه کوره نیکیبولی والیسی اولان
 فیروز بک زاده محمد بک که افلاقی سلطان مراد ثانی عصرنده
 حرجکذار ایدن فیروز بکک مخدومیدر ، محارلر نیکیبولی
 اطرافنی یغما و تخریب ایله وارنه یه طوغری چکیلوب کیدرکن
 قلعه دن خروج و دمدارلرینه تعرض ایله بر خیلی اسیر آلهرق
 حضور پادشاهی یه کوندرمش ایدی .

بزم تاریخلرله هامرک افاده سی ییننده ده بر مخالفت موجوددر :
 خواجه سعدالدین هونیادک وارنه اوزرندن کلکسی او طریقندن

بوروايتده پك بيوك پك آچيق بريالان كوريليوركه حجار اردوسنك اون بش بيك كشيدين عبارت اولماسيدر . اون بش بيك كشيلاك براردونك كافة افرادى پرنس اولسه ينه ايكي بيك عربهلوق اشياسى بولماز . بو حقيقت اوزمان عسكرينك چوق اشيا طاشيدقلى روايتيه نه قدر تاويل اولنقى ايستنلمش ايسه ده حد ذاتنده بديهى تاويل قابل اوله ماديغندن اويولده سويلنيلن سوزلر هب مدعانك عكسنى اثباته خدمت ايتمشدر : نفر ك عربه ايله كيده جك نهسى اولور ؟ اون بش بيك كشيلاك براردونك ياننده اشيا طاشيه جق قاچ ضابطى بولنور ؟

بوندن بشقه هونىاد ذاتاً متاركة نك عقدينه مروج ، نقصنه شدته معترض اولديغى ، بلغارستانى ضبط اندرك حكمدار اولوق مقصديه حركت ايلديكى حالمده عثمانليرك اوزرينه اون بش بيك كشى ايله كلك ايچون كنديسنك مجنون اولماسى اقتضا ايدر . هله مجازيليرك هر سفرده الهى آلمش بيك كشى ايله حركت ايدر كن بوسفرده اهل صليب طاقمى ده ايچارنده داخل اولديغى حالمده قرالرينك ، قهرمانلرينك رياستارى آلتنده بولنان وپايا وكيلنك وجوديله تبرك ايلين براردويى يالكزجه اون بش بيك كشيدين تركيب ايلمش اوللرينه دنيا ده هيچ بر سبب تصور اولنه ماز .

بو استدالات نظريه دن بشقه المزده حقيقت حالى اثبات ايدجك مسلماتدن بر دليل واردركه اوده وارنه محاربه نه

سواحلنه اینمکه قرار ویردیلر . نیکبولیده افلاق بکی دراقوله
 مجارلره التحاق ایلدی . وبوصورتله اردوده بش بیک کشتی ده
 تزیاید ایتدی امور حربیهجه اصحاب مهارتدن اولان دراقوله
 احتیاط توصیه ایتدی ایسهده هونیاد قبول ایتدی ودراقوله یی
 ترك طرفدارلیغله اتمام ایتمک ایسته دی . دراقوله خدت ایدهرک
 هونیادک اوزرینه قلیج چکدیکنندن حبس ایدلش واوغلنک
 قومانداسنده اولق اوزره درت بیک عسکر دها ویرمک شرطیه
 نفسی تخلیص ایده بیلمش در . هونیاد اوچ بیک مجارسواریسی
 وافلاق عساکر معاونه سیله پیشدارق ایدر وقرالده عسکرینک
 بقیه سی وبونلره التحاق ایدن اهل صلیب فرقه سی ایله آرقه دن کلیر
 ایدی . بواهل صلیب فرقه سی هر نه قدر حضرت عیسی نامنه سلاحه
 مراجعت ایتشار ایسه ده روم وباغار کلیسالی رینی یغمادن چکنم دیلر!
 عثمانیلرک طونده قولانق ایچون قامچی صوینده انشایتدکلری
 یکر می سکنز سفینه احراق اولندی . برطاقم موانع مستحکمه
 بلا محاربه تسلیم اولشار ایدی ؛ فقط سنه وبالجیق محافظاری
 قاعه لرنک متانتنه مغروراً شجاعتله مقاومت ایتدیلر . مجارلرک
 اجرا ایتدکلری هجومده یش بیک ترك تلف اولمش دیکر لری ده
 ضبط اولماز ظنیه صیغندقلری قاعه دن اشاعی آتشدیر . قوارنه
 ایله وارنده دها زیاده مقاومت ایده مدی ، متفقین اردوسی
 وارنده بولندی صرعه ایدی که سلطان مرادک قرق بیک
 کشتی ایله آناطولیدن روم ایلیه گذارینی استخبار ایلدی .

اولور ، ذات هایونلری اتفاق عمومییه قارشى طور ماسونلر .
 صکره سوز ایاغه دوشر و شان سلطنته محل بر حرکت باغیانه
 ظهور ایدرسه تدبیری مشکل اولور . « یولنده بعض سوزلر
 ایرادیله ملاخسروی اغفال ایتمش اوده سلطان محمدی اقناع
 ایدره کپدیرینی دعوت ایتدیرمش اولدیغنی روایت ایدرلر . عسکره
 اسناد اولنان سوزلر فکر زمانه او قدر مغایر خلیل پاشایه اسناد
 اولنان اقناعیات و دسایس او قدر قبا ملاخسرو کبی دهاته سیاستدن
 معدود اولان برداتک قدری عسکره یالاندن بر طاقم سوزلر اسنادیله
 اغفال اولنه بیلمک درجه لرندن او قدر عالیدرکه وقعه یی یالکزجه
 بر کره او قومق اوزمانک عسکرینی بیک تاریخندن صکره کی
 یکمچریلره ، خلیل پاشایی مخله اختیارینه ، ملاخسروی شهر ثلثه
 واعظلرینه قیاس ایدن مؤرخلرک اختراعاتندن اولدیغنه حکم ایتمک
 ایچون کفایت ایدر . او درلو صوغوق یالانلر ، قوقمش دسیسه لر
 تأثیرینی عالم سیاستده دکل محل قهوه لرنده اجرا ایده بیلیر .

ایکی طرفک حرکات عسکریه سنه کلنجه هامر دیرکه :
 « مجار عسکرینک یکونی اون بش بیک کشیدن عبارت ایدی .
 بو قدر از بر قوتله همان او سنه ترکلرک روم ایلیدن طردینی امید
 ایدر ایدی . اوزمانده لهیلرک قاعده سننجه بر اردونک آغرانی
 مقداریله متکافیا متناسب اولوز . و هر کس خانه سنی برابر کتوریور
 ظن اولنوردی . بو اردونک ارقه سنی ایکی بیک اشیا عربیه سی
 واردی . بلقان کذرکاهلریته او غرامامق ایچون طونه بو نجه قره دکر

مسئله نك رنكى بتون بتون دكشمش وسلطان مراد ایچون حمیت وعلویتنه وقوع بولان بومراجعتی قبول ایتمك حقیقه فرض اولمشدی . مع مافیة سلطنته گلدی، كوچك برادرینك سلطنتنه تنزل ایدن علاءالدین پاشادن دها پارلاق بریسوكلك كوستردی، اوغلنك سرعسكرلكنی اختیار ایلدی .


بعض تاریخار کویا صدر اعظم خلیل پاشانك « عسکر طاقمی خداوندكار سابق سلطنتك طنطنه سندن بیزار اولدقلرندن کندی عالمرنده اكللمکی هرایشه ترجیح ایله گوشه انزوایه چكلدیلر . فقط مصالح عباد معطل اولدی . هرکس قوجه خنكارك چالغی جاریه لرله باغلا باشنده ذوق ایتمی لایق اولمادیغنه دائر آجی آجی سوزلر سویلیور . اطرافزی اعدا صاردی . استانبولك حالی معلومدر ؟ بونلرده برلشیرده کلیبولی بوغازینی ضبط ایده جك اولورلر ایسه اناطوایدن روم ایلی به امداد محال اولور . و اوحالده ایسه روم ایلیده بولنان عثمانلیلر ایاقار التنده قالیر؛ دشمن بك اغردر . پادشاهمزی مولا باغشلاسون، هنوز عالمك کرم و سردینی کورمه مش واحوال حرب وصلحی تجربه ایتمه مش اولدیغندن غائنه نك دفعی قوجه خنكارك ایشیدر . اوکمزسه غوغا مشكل اولور . بهوده یره قانمزی دوکمدن ایسه باشمزك چاره سنه باقلی یز . دیه برطاقم مناسبتر شیلر سویلیورلر . هیچ اولمازسه شوغائنه دفع اولنجه به قدر خداوندكار حضرتلری مقام ریاسته تشریف بیورسلر کندیلری ایچونده پادشاهمزد دولتمز ایچونده خیرلی

خلقه اطمینان و یرمکده کی عسرت ثانیاً اویله تهلکلی بر زمانده وکلا وامرانک عمومیه کشا کشده بولمقدن ترتب ایده جنک مضرت ثالثاً سلطنته پدینک عاطفتی سایه سنده نائل اولمش ایکن ینه آکار قیب کبی کورنمکده اولان هجنت رابعاً بویله برغائهُ عظمانک هر درلو مسئولیتی افکار ملتک ضدینه اوراق درعهده ایتمکده کی دهشت سبب اولمش ایدی .

فقط هر کس سلطان محمدک سرائر قلبنی کشف ایدمیه جکندن آنک ده کندی فکر لرینه اشتراک ایلدیکنی کورنجه رأیلرینک تمامیه مصیب اولدیغنه حکم ای تدیلر .

وکلا متعدد مشاوره لردن صکره سلطان محمد طرفندن بر عریضه ایله پدینک دعوت اولماسنه قرار و یردیلر ، سلطان محمد عریضه بی کوندردی ، فقط سلطان مراد اجابت ایتمدی . ذاتاً اداره یه مقتدر عد ایلدیکی ایچون دولتی سلطان محمده تسلیم ایتمش اولماسنه نظراً اجابت ائمه مسی امور طبیعیه دن ایدی .

فقط وکلا سلطان مرادک بو اجتنابنه قارشی ینه برچوق مطالعه لردن صکره « سلطنت سزه عائد ایسه دفع دشمنه مسارعت و بو طرفه راجع ایسه امر اولوالمرده اعطاعت عهدهُ هایونلرینه فرضدر » مألنده بر دیگر عریضه دعا تقدیم ایده رک ادرنه یه کلرینی تأکید و تکرار ای تدیلر . ایکنجی استدعا ایسه وکلانک کندی ایش باشنده اولمادقجه دفع بلادن جدآ اظهار عجز ای تدکلرینی واوغانک بوفکره اشتراک ایلدیکنی کوستردیکندن



وکلای دولت ایچون بوخبر پک زیاده دعشته تاقی اولمش
ایدی ، حقده وار ایدی . چونکه سلطان محمدک طفولیت پیرانه
مظهریتنده جدعالیشانه معادل اوله بیله جکنه وکلا قانع اولسه
بیله برنجی سلطان محمدده کوریلن خارقه نیک ایکنجی سلطان
محمددهده تکرر ایده بیله جکنه عمومی اقناع ایتکه مقتدر
اوله مازلردی . بر طرفدن ایسه عثمانلیک بر برینی متعاقب درت
محاربه غائب ایتسی هرکسه بیوک بردهشت ویرمش اولدینی حالده
مجارلیک بر قاق آی اول غالب ایکن مطلوبلرینه موافق کوره رک
قبول ایتدکلی متارکینی بر قاق آی صکره بلا سبب نقض ایتلری
بر طرفدن بیوک بر امداد آلمقدن بشقه بر شینه محمول اوله مادیغندن
مجارلک حرکتیه خرسیتانلغک عثمانلیلر اوزرینه اتفاتی نظریله
باقلمش و بناءً علیه کوکلرده کی دهشت بتون بتون تزیید ایتمش
اولدیغندن تجربه سزلیکی معلوم اولان پادشاه جدیدک قدرت
موهوبه سنی تجربه یه مساعد اوله جق درجه لردن بیک قات مهم
اولان حادثه نیک دفعی ایچون سلطان مرادک قلیجنه التجادن
بشقه چاره بولمادی . حتی سلطان محمدده بوفکره اشتراک ایلدی .
فقط صکره لری مشهور اولان احوال و افعالندن آکلاشدیغنه
کوره بو اشتراک کندینه عدم امنیت دکل ، اولا اقتدار نجه

دولت طرفندن خرسیانلره متارکه حکمنجه رد ایدلمکده اولان قلعهلرده لایقوله یرلشمک ایچون هونیساد اعلان حربی ایلوله قدر تأخیر ایتدیردی . ایلول کلدیکی کبی مجار اردوسی بی تکلفانه حدودی تجاوز ایلدی .



ایده جک حالردندر . هله مجار قرالنک پایدن وسائر خرستیان حکومتلردن رخصت آلماسی اقتضایده جکی معاهده یاپیلورکن دوشونیلیمیوبده بوزیابورکن دوشونیلیمسنه دنیاده حق ویره جک یرقاعده بولمق اختراع تزویرده مهارتلی مسلم اولان قاتولیک رهبا-انارینکده یک قولایلقله مقتدر اوله بیله جکی شیلردن دکلدرد .

هامرک روایتنه کوره استانبول ایمپراطوری ایله مرمرده بولنان پایا دونماسنک امیرالی اولان قاردینال (فرانجسقاوغوندولمبری) طرفندن مجار قرالنه برطاقم مکتوبلر کوندریله رک بونلرده سلطان مراد چکلمش و قرمان اوغلی یکیدن عصیان ایتمش اولدیغندن بحث اولنهرق ودولتک تابعیتنده بولنان بعض بکلرله عاجزانه و محقرانه برطاقم مقاولاته کیرشدیکنه دائر دخی بریالان علاوه اولنهرق موجود اولان فرصتدن اغتنام لازم اولدیغی وسلطان مراد ایچون اهل صلیب دونماسندن قورتیه رق آناطولیدن روم ایلییه کجک ممکن اوله مایه جنی بیسان ایدلشدر .

بوقراره یالکز هونیاد مخالفت ایلدی . آندی ده مباحثات میدیده دن صکره فتحی متصور و بلکه کندیلرنجه مقرر اولان بلغارستانه قرال نصب ایلمک وعدیله اقناع ایتدیلر .

و معاهده‌ی خبر آلامش اولدقلرندن اردونك استانبوله
 طوغری و رودینه منتظر اولدقلرینه دائر تعاقب ایدن خبرلر
 اوزرینه « بونلرك امیدینی بوشه‌می چیقاره‌جقسکز؟ کندی
 اقبال‌کزی می ترك ایده‌جکسکز؟ سزك عهدکز متفقار کزله
 الله‌کزله خرستیان قرداشار کزله‌در . بو عهد ، خرستیانلق
 دشمنلرینه قارشى عقد ایلدی‌ککز عهد بی احتیاطانه ونا کسانه‌ی
 الغا ایدر . پاپا یر یوزنده حضرت عیسانك وکیلدر ؛ آنك
 موافقتی اولمادئجه صورت مشروعه‌ده اوله‌رق نه بروعدنه بر
 حرکت اجراسنه مقتدر اوله‌بیلیرسکز . پاپانك نامه اوله‌رق
 خائنلیک‌کزی عفو ایدرم . مسلك شان و سلامته بكا اقتدا
 ایدیکز . نقض یمین ایچون حالا کولک‌کزده برشبه قالدی ایسه
 وبال و جزاسی نیم اوزریمه اولسون « دیه‌رك متارکه‌حقنده اه نامه
 ایتدیکی یمینی نقض ایتك ایچون مجار قرانی دیه‌الندامه اولمق
 اوزره اعتقاد لرنبه اللهك یر یوزنده اولان وکیلنه وكالة تحلیف
 ایلدی .

قاردینال سزارینك ادیان سائره اصحابنه قارشى ایدیلن
 عهد ایله متعهدك مكلف اولمادیغنه دائر میدانه قویدیی قاعده‌نك
 اهل اسلام طرفندن ولو جزا بالمثل اولسون اختیار اولنه‌می‌ه‌جق
 قدر آلحق بر شی اولماسی موجدینك لثامتی برقات‌دها تجدید

برچو جو غي پراقش، كندی طاغ باشارنده طولاشيور، معاشرت
 نسوان ايله افناى عمر ايدىيور. وقت فرصتدر. بونهال نورسته يي
 كو كندن قوبارمه مقدمه زحمت چكلمز. بز انا طولى به قانعز، روم ايلي
 سرك اولسون « يولوو خبرلرله مجار قرالى تحريك ايدرك
 بو حادته نك ظهورينه سبب اولدينى بزم تاريخلر روايت ايدرلر .
 هر معالى البته افكار خسيه اصحابك تحميرندن قورتماز. ابراهيم
 بك كبي حكومت اغورينه ايماتي، عهدينى، ناموسنى فدا
 ايتمش بر آلچغه كوره ترك سلطنت كبي كندی دركه ادراكنه
 اينه ميه جك قدر عالى بر حركت بالطبع جنوندن بشقه بر شيئه
 حمل اولنه ماز. بنساء عليه ابراهيم بك جدا سلطان مرادى
 چلديرمش ظن ايدنجه ظهور ايدن فرصتدن استفاده ايجون
 دنيا ده مراجعت ايتمك واسطه بر اقبه جفنده شبهه يوقدر. شو قدر
 واركه مجارلر بر مسئله چيقارمق ايجون قرمان اوغلنك تحريكنه
 محتاج دكل ايدى .

مجارستان ايجون اون ييل عقد اولنان معاهده نك محافظه
 احكامنه پادشاه قران كريمه و مجار قرالى انجيله ال باصه رق يمين
 ايتمش ايدى ؛ آره دن اون كون كجر كجز ير يوزنده اللهمك
 وكيلى عد اولنان پاپانك مجارستانده وكيلى بولنان قاردينال
 (ژولين سزارينى) قرمان اوغلنك آنا طولى به تجاوز ايلديكنه
 و مرمرده بولنان متفقين مجار قرالنك غلبه سنى ايشتمش

برمشکک حلندن عاجز قالیرسه کنیدیسی اوغلنه وزارتدن ،
سرعسکرلکدن عاجز قالمزدی .

ایشته ظن عاجزانه مزه کوره بودرلو افکار وحسیات اوزرینه
ایدی که سلطان مراد ثانی ۸۴۷ تاریخنده سلطنتدن فراغت
ایدرك واسحق پاشا ایله سائر بعض خواصنی یانسه آله رقی مغنیسیایه
چکلدی .

بعض تاریخلر فراغت ۸۴۶ سنه سنده وقوع بولدیغنی نقل
ایدرلرسده معتبر مأخذلرجه مقبول اولان ۸۴۷ روایتیدر .

اون درت یاشنده اولدیغنی حالدیه یرینه جلوس ایدن سلطان
محمد ایسه پدرینک امر و اخطاری اوزرینه خلیل پاشایی
صدارته و خادم شهاب الدین پاشا ایله صاروجه پاشایی وزارتده
وملا خسروی قاضیعسکرلکده ایضا ایله برابر کنیدیسنه . عین
ومستشار اتخاذا ایلدی . فقط نه پادشاه جدیدک سلطنتی امتداد
ایده بیلدی نه سلطان مراده برقاچ کون معیشت حکمانه ایله امرار
عمر ایده بیلمک میسر اوله بیلدی . چونکه سلطان محمدک
جلوسندن برقاچ آی کچر کچمزینه محاربه غائله سی کورنمکه
باشلادی .

خاندان مکرو نفاقنک کافه سیئاتنه وارث اولان قرمان اوغلی
ابراهیم بک سسلطان مرادک انزوایی تحقق ایدر ایتمز « عثمان
اوغلی شعورینه خلل کتیردی . یرینه تجریه واقتداردن محروم

بربادشاه همچون قابل دكلى. كندى برادرى شهزاده مصطفى ده نائل اولدينى حفظ حيات و حفظ منصب دولترينه قارشى كوستردىكى كفران ايله او اعتقاده بر دليل مجسم اولمشيدى . سلطان مراد ايسه استغناى حكيمانه يى جلاد النده تسليم جان ايتك طرز ابدالانه سنه دو كه جك ساده دللردن دكل ايدى .

بوندن بشقه دها يكرمى ياشنه كيرمه مش و اقتدارينه هيچ بر برهان فعلى ابراز ايمه مش نوظهور بر حكمدار ك سلطنتدن استغناسى علويت دكل مسكنت اولوردى .

ايشته پادشاه اوغلى فاتح سلطان محمد بيوك پدرى سلطان محمدك سن ظهورى اولان اون درت ياشنه بالغ اولنجه سلطنته استحقاق حاصل ايلديكنه حكم ايتدى ، عدالتيه ، اقداماتيه اوج اقبال ك عالي بر درجه سنه قدر اصعاد ايلديكى سرير اجلالندن ايندى ، نجل كزيننى يرينه اقعاد ايلدى . بونده شفقت پدراننك بر دخلى وار ايسه سلطان محمدى ده علاءالدين كى محسود عالم اولان سلطنتدن استيفاي حظ ايمه دن غائب ايتك قورقور سنك ده عزم حكيمانه سنه مدار اوله بيلمه سندن عبارتدر .

بادشاهك فراغنده دولتجه هيچ بر محظور يوق ايدى . چونكه سلطان مراد عثمانليرك بادشاهلغنى اوغلنه ترك ايتدى ايسه پدرلكنى ، حاميلكنى هتيچ كيمسه يه ترك ايتدى . اوغلى

وفاتندن تأثرینه اسناد ایتزسهده او تأثر اتخاذا ایتدیکی قرارک
مبدئی اولدیغنی کوستیریکه ملاحظه نك بودرجه سی پکده مردود
عد اولنه ماز .

خواجه سعدالدینک روایتنه کوره ایسه پادشاه عبادته حصر
وجود ایتمک ایچون ترک سلطنت ایلش اولیور . حال بوکه
سلطان مرادک برزهد مبتدلانه یه حصر وجود ایده جک حسیات
ایله مجبول اولمادیغنی امور دنیاده کوستردیکی آمال پادشاهانه
واحتراصات کشورکیرانه اثباته کافیدر . ذاتاً برذات ایچون میل
عبادت پادشاهلقدن تبری بی موجب اولمق نصل قابل اوله بیلیرکه
(عدل ساعتیه خیر من عبادة الف سنة) حدیث شریفی مشهوردر .
بزه قالیرسه سلطان مرادی ترک سلطنته سوق ایدن فطرتنده کی
علویتیدر . بعض وجدان او قدر عالی اولیورکه سلطنت عالمی ده
آرزویه لایق کورمیوز . ایشته سلطان مرادده او قدر عالی
پروجدانه مالک اولدیغنی فعلیه اثبات ایلدی . یننه بو فعلیه
ثابت اولان حقایقندرکه پادشاه سلطنتی برمشقت عد ایدر وسریر
حکومتده صرف وظیفه سائقه سیله قرار ایدرک اولاندن برینک
سنأ اومسندله لیاقت کسب ایلسنی بکلر ایش . بویله بر فدا کارلغی
برادرلری حقنده اجرا ایتماش اولماسی بومطالعنک بطلاننه
دلیل اوله ماز . چونکه او عصرده برادردن وفا امیدی هیچ

سلطان مرادك حقیقی بر تأثرله سلطنتدن چکلمش اولدیغنه احتمال ویرمک ایچون عالیه سنی ملتندن زیاده سودیکنه حکم ایتمک لازم کلیرکه نهدمت عمرینی غزا میدانلرنده کچیرمش برذاته بویله برفکر اسنادی قابلدر ، نهده ترک سلطنت ایتمش بر پادشاهك اوقدر مساعی بی. حرص اقبال ایله اختیار ایتدیکنه. قائل اولمق عقلاً ممکن اوله بیلیر .

هامر « سلطان مراد بوقدر فداکارلقارله استحصال ایلدیکی آسایشدن استفاده امیدیه آناطولی به کیتدیکی صروده اوغلی علاءالدینك ارتحالی ایشتمش و بولندیغی حال اشتغال حسیات قلبیه سنی اطفای ایلدیکندن بوضیاع کنیدیغی زیاده سیله متأثر ایشدر. سلطان مرادی شمدی به قدر یالکیز محاربه میدانلرنده کورمش ومهارت عسکریه سنه تحسین وتحیر اظه. ارنندن کری طورمامش ایدک . فقط کنیدیغی برطاقم فضائل عالییه مالک ایدی که کشور کیرلر خصایصندن اولیمان اوفضائله علناً اظهار حرمت مجبوریتنده یز « یولو بر مقدمه یابدقن و پادشاهك معلوم اولان بمض افعالی تعداد ایلدکدن صکره « علاءالدینك وفاتندن حاصل ایتدیکی تأثر وبوتأثر ایله سنك اك قوتلی زماننده وبونجه شان واقبال ایچنده سریر سلطنتدن نزوله ویردیکی قرار حکیمانہ قلبنك صفوتی وفکرینك تجربه و تأملات ایله اکتساب کمال ایلدیکنی کوستیرر « دیور .

هامرک بواغاده سی پادشاهك فراغنی بتون بتون علاءالدینك

قطعی بر دلیل ده پادشاهك بومتاركدن خشنود اولماسيدر .
 خشنود اولديغنه متاركه ني عقد ايدر ايتمز سلطنتی اوغلنه ترك
 ايتسندن بيوك برهان اوله ماز ، بعض مؤرخلر ترك سلطنت
 خصوصی پادشاهك بويله ضروری بر متاركه يه كيرمكدن انفعاله نه
 حمل ايدرلر . ذره قدر حسیات ملیه دن حصه دار اولانلره كوره
 بوفكر ك نه قدر كنج نه قدر دنی بر مطالعه اولديغنی تعريف اقتضا
 ايتمز . سلطان مرادك هانكي حالنده هانكي حر كتمنده قور قاقلقدن ،
 وظیفه شكندلكدن بر اثر كورلمشدر كه دشمنه غلبه دن جدأ
 امیدی كسدیكي حالده دولتنی ، ملتنی اون درت یاشنده بر چوجو غك
 اوزرینه بیغیور روبده خطر كاه حوادتن چكلكمك سیئه سنی
 اختیار ایده جكنی خاطر ه كتیرمه كه جسارت اولسون ؟

دیكر بعض مؤرخلرده اماسیه والیسی اولان شهزاده سی
 علاءالدین قرمان سفرندن عودتله ولایتنه كیتدكن صكره ارتحال
 ایلدیكندن پادشاهك بوفاجعه دن بك زیاده متأثر اولمش و او تأثرله
 بو عالم فانیك سلطنت بی ثباتی یا مال تحقیر ایش اولدیغندن
 بحث ايدرلر . واقعا بودرلو حسیات رقیقه انسان ایچون فضائل
 اخلاق دلیللر ننددر . عادی پادشاهلرده او یله رتأثر
 مدار شرف اولور ، فقط سلطان مراد كبی اعظمه
 كوره شرف دكل نقیصه در . چونكه كندیسنك علاءالدیندن
 بيوك ، علاءالدیندن محترم بر اولادی وار ایدی كه اوده دنیانك
 اوزماده ك فضیلتلی اك قهرمان قومی اولان عثمانلی ملتی ایدی !

البته بر ماخذی اولدیغنه حکم ایتمک لازم کلیور . تاریخیـک
 مأخذی ایسه نه قدر ضعیف اولسه خبر واحد درجه سندن
 اشاعی قاله ماز . استدالات تاریخیجده ایسه عقله مطابق و بعض
 امارات ایله مؤید اولان خبر واحدک صدقنه حکم اولنمق
 طبیعیدر . بونقلک صحتی تأیید ایدن اماره هونیادک صلاحه
 طرفدار بولنمایدیر . هونیادکه دشمنلرجه استحصال اولمان
 غلبه لریک سبب اصلیبی ایدی ، محاربه نیک دوامندن احتراز ایدنجه
 اصل آتش آغزنده اولان صرپ وافلاق حکمدار لرینک
 هر نه صورتله اولورسه اولسون صاحبه طالب اوله جنی اشتباه
 کتورر مسئله لردن دکدر . صلحده ایسه ایکی طرفک محاربه دن
 اول بولندینی حال اساس طوتلنجه احوالک متفرعاتندن اولان
 جزیه بی معاهده دن قالدیر مق عثمانیلره قارشى برنوع غایبه واستکبار
 کوسترمک اولمازمیدی و اویله بر معامله صلحک انمقادینی مشکلاته
 دوشورمه بیله دوامنی مخاطرده بر اقامیدی ؟

ایشته بومطالعاته مبنی ویرکو خصوصی ده اجزای مقاوله دن
 بولنمق قولنی مقبول عدایدرز . مع مافیله دولت اورالک ویرکوسنی
 غائب ایتمش اولسه ده اویله منفعت و حیثیتنه جدأ طوقونه بیله جک
 ضایعاته اوغرامش عد اولنماز . محمود چلبی ایچون ویریلن فدیة
 نجات ایسه شخصی برشی اولدیغندن اوزمانک عاداتنجه مذلت
 دکل مروت نوعندندر .

متارکه نیک حال سابق اعاده دن بشقه برشی اولمادیغنه الک

صرب قرانك مجار قرانتي صلحه تشریق ایتمی ایسه
برنجی تشبث انك طرفندن وقوع بولدیغنه دائر بزم تاریخلرده
موجود اولان روایتی برحقیقت درجه سنه ایصال ایدر .

طبیعت مصلحت ده بونی مقتضی دکلیدر ؟ دولت علیه صلحه
نه قدر طالب اولسه البته خرچکنداری اولان صرب قرانته
ویا افلاق ویوده سنه مراجعت ایتزدی . مجار قرانته ایسه نه یولده
تلقی کوره جکئی بیلمزدی که مراجعت ایلسین .

شرائط مصاحبه کلنجه : هامرک بونی صورت تحریری پک
دغدغلی کورینورسده دقت اولندیگی کبی محاربه دن اول بولنان
حالك اعاده سندن بشقه برشی اولمادیگی پک قولای آکلاشیلیر .
ذاتاً افلاق اوتهدن بری مجارستانه تابع ایدی . صربستان وهرسک
طرفلری ده عثمانلی ملککنک اجزاسندن دکل ایدی ؛ دفعاتله
بورلری ضبط اولمش وینه بعض شرائط ایله بکلرینه احاله ایدلمش
اولدیگی کبی بودفعه ده ینه عینیه اولیه برمعامله اجرا ایدلدی .
اجرا آت سابقه ده ضبط اولمش قلمه لرك ایجابنه کوره اعاده
اولندیگی وار ایدی .

خیرالله تاریخنده افلاق و صربستانک بنه دولت علیه یه سنوی
اوتوز بیك التون خرچ ویرمکی تعهد ایدکلری کوریلیرور .
خیرالله تاریخنک پک تحقیقسنر یازلمش برشی اولدیگی مسلمدر .
فقط روایاتی اختراعدن مصون اولدیگی ده قابل انکار دکلدر .
بناءً علیه هر نه قدر مؤلف بونقلی زهدن الیدیگی بیان ایتیمورسده

کلیرکن کندی خاطرینه ، اوغلنی قورتارمق ایچون دشمنه قلمه
 ویردیره جک قدر رعایت ایتدیردیکنه تاریخچه بردایل بولنسه
 کندیمی الی الابد . ملتک هدف نفرینی اولور .

فقط ینه تکرار ایده رز : بومتارکک قبولنه سبب ضرورت
 واحتیاط ایدی . بونده یالکز ارانیله جق جهت متارککینی ابتدا
 صرپ قرالنک تکلیف ایتدیکنه دائر اولان روایتک صحیح
 اولوب اولماسیندر .

هامر بومتارکک حقنده دیرکه « سلطان مراد دولتک
 شرق شالیسندده اولان منازعه یه بر نتیجه ویرمک ایستیه رک
 « دراقونه » یه افلاقی « پرائقویچ » دده ایکی اوغلی ایله الاجه حصار
 وسمندرده وشهر کوبنی اعاده ایلدی وهونیادی مجارستان قرال
 وکیلی قیاس ایده رکک ترجمانی اکا کوندزمش ایدی . هونیاد
 سفیری (دسکدین) ده اجتماع ایدن دولت مجلسنه اعزام ایلدی .
 قرال حربده دوام ایچون متفقارینک وعد ایلدکبری عسکره
 بهاره قدر انتظار ایلدیکی حالده ورود ایتدیکندن پالانک واستانبول
 ایمرطورینک القآتته مغایر اوله رق سلطان مرادک تکلیفنی
 قبوله تشویق ایتمکده اولان هونیاد و پرائقویچک نصیحتنه
 اتباع ایتدی . صرپ وهرسک اسکی حکمداری اولان پرائقویچ
 ویرمک وافلاق مجارستان ایله برلشمک و محمود چلینک فدیة
 نجاتی اوله رق یتمش بیک التون تأدییه اولنق شرطلریله اون سنه
 ایچون برمتارکک عقد اولندی . »

محمود چلبی بی قورتارمق ایچون هرطاشی برغازینک جوهر
جاننه بدل اوله رق النمش برقلعه بی دشمنه ویرمک سلطان مرادک
هیچ بر حالته هیچ بر طورینه توافق ایده بیله جک فترالردن
دکدر .

هیچ شبهه یوقدرکه عقد صلحه سبب ضرورت ایدی .
هرنه ویرلدیسه ممالک اسلامییه بی پامال اولمقدن قورتارمق وعسکره
اوغرادقلری بونجه مشاق وتلفات اوزرینه برمدتجک آرام ویرمک
ایچون ایدی . سمندره ایسه یکی آلمش بریر اولدیغندن
آنی الده طومتق ایچون شدتلی ومخاطردلی بر محاربه عظیمه ده
دوام ایدوب طورمقدن ایسه بوکاردن ضرره قاتلانمق مرجح
اولدیغنده شبهه یوقدر . واقعا بومصالحه دولتک برنجی دفعه
اوله رق خرسیتیانلرله مغلوبانه عقد ایلدیکی بر عهد کبی
کورینور ایسه ده یاییلان شی اون ییلاق بر متارکه اولدیغندن
ومتارکویه مغلوبیت غلبه دن زیاده جواز ویردیکندن وقت
قازانمق ایچون اختیار اولنان بوتدیر احتیاطکارانه نک ناموس
ملته طوقونه جق برجهتی ده یوق ایدی . اوجهتارله پادشاهک
متارکویه رضاسنی محمود چلبینک قورتارلمسی کبی سیاسته هیچ
مناسبتی اولمایان برطاقم حسیات قلبیه عطف ایتمک سلطان
مرادک شاننی محافظیه چالیشیرکن لکه دار ایلکدر . هله خلیل
پاشا صдат مقامنه واصل اوله رق دولتک اک بیوک برمسنداقبالنه
نائل اولدیغنی کبی اک بیوک محن ومخاطراتنه ده نحمیل ایتمک لازم

خواجه سعدالدینک روایتنه کوره مصالحه‌ی اولاد دولته
برایلچی ارسالیله صرب قرالی تکلیف ایتمش واکر ایکی اوغلی
کندیسنه کوندریلیر وسمندره ایالتی ده عهدسنه توجیه ایدیلیر
ایسه بوندن بویله اطاعتدن آیرلمایه جغنی عرض ایلمش ایدی ؛
فقط وکلا پادشاهه بر درلو بو تکلیفدن بحث ایتمکجه جسارت
ایده مزلدی .

نهایت محمود چلبینک زوجه‌سی اولان همشیره پادشاهی
زوجنک تخلیصی ایچون استرحاملر ایدرک سلطان مراد طرفندن
وعد استحصال ایلدیکنی استماع ایدنجه صرب قرالنک تکلیفنی
عرض ایتدیله . سلطان مرادده محمود چلبی همشیره سنک زوجی
وصدراعظمک اوغلی اولمق جهتیله هرشیدن مهم عد ایدرک آنی
قورتارمق وخرستیانلرک آره صره ممالک عثمانیه ته تسلطنی دفع
اینک ایچون مصالحه‌یه رضا کوسترمش و صرب قرالنک ایکی
اوغلی نزدیکه اعزام ایدرک و برروایتده سمندره‌نی ده کری‌یه رد
ایلیه‌رک محمود چلبی‌نی قوتارمش در . سائر تاریخلرک همان عمومی
خواجه سعدالدینک قولنی ده مختصر بر صورتده استنساخ ایدرلر .
یالکیز صحائف الاخبارده محمود چلبینک تخلیصی خصوصنده
صدر اعظم خلیل پاشانک خاطری علاوه اولنیور .

برچالمنش آتک قرمان محاربه سنک ظهورینه سبب اوله‌مایه جغنی
نه قدر ظاهر ایسه اسیر اولمش بر محمود چلبینک ده مجاربه صالحه سنک
انقادینه باعث اوله‌مایه جغنی آندن زیاده بدیهیدر .

کې معذوره اوله مایه جنی بدیهیاتندر . مع مافیه اصل عصیان نه قدر بیوک برجرم اولسه ینه اسکندرک بو عصیانی اجراده ارتکاب ایتدیکی ملعتلردن بیک قات اهون قالیر .

اسکندرک علی پاشا اوزرینه احراز ایتدیکندن بحث اولنان غلبه یه کلنجه : بو آدم سلاح عصیانه صارلدیغی صروده البته سرحد امراسندن بریله چارپشمش ویرنده ثابت قاله بیاهرک دولتی اوزون اوزادی اشغال ایتمسینه نظراً غلبه ده ایلشدر ، فقط وقعنهک نقل اولندیغی کبی اهمیتی برشی اولمادیغنه یالکز جریان ایتدیکی سنهک حالی کافیدر . سلطان مراد هونیاد ایله اوغراشمقده اولدیغی واوزرینه کلن یوز یوز اللی بیک کشیک اهل صلیب ایله میدان محاربه سی ایده جک قدر عسکر بوله مادیغی حالده ارناودلغه اللی بیک کئی سوق ایتمش اولماسینه نصل احتمال ویریه بیایر ؟ اوزمانلر علی پاشا نامنده دولتک هیچ بر مأموری اولماسی ده بور وایتارک عوام افسانه لرندن اولدیغی کوسترمکده دره . ارناودلرک یالکز یوز تلفات ویره رک یکر می ایکی بیک عثمانلی تلف ایتمی هامرک دیدیکی کبی مؤرخ اختراعاتندن دکل ، افسانه لرده جائز اوله بیله جک حدک بیله خارجه چیقمش کوزه لکلردندر .

قره مان اوغلنک عصیانی ده اندن صکره تعداد ایتدیکمز بیلدرک جمله سی ده ۱۸۶۶ سنه سنده بیغلمش کشش ایدی . مع مافیه ینه اوسنه ایچنده ایدی که بوقدر وقایعدن صکره مجارلرله عقد مصالحه یه وقت بولنه بیلدی .

شبهه کو تورور مسائلدن دکلدر . بوندن بشقه فرمانلره مهردمه
 باصلمدیغی معلومدر .

یالکز هامرک افادهسنده شورالری ثابت اولیورکه اسکندر
 بک هرکیمه ایسه ساخته بر فرمان یازدیرارق او بیچاره بی آلت
 ایتدیکی جنایت میدانه چیقمامق ایچون اعدام ایتمش وبویله
 ساخته کارلقه قاتلاکدن مرکب بر مقدمه ایله باشلایان عصیانی
 آقحصار ایله جوارنده بولنان مسلمانلرک حیدودجه وخائنجه
 علی الغضله اعداملریله تأید ایش ایدی . آرناوودلغک حریتی
 نامیله اختیار اولندیغدن بحت اولنان بوحرکت هرصاحب
 انصاف نظرنده واجب الازاله برملعون اولدیغنی کوسترر . چونکه
 اسکندر بوحرکتی ولی نعمتی، ممد حیاتی اولان برقومه قارشی
 دکل کندیسویه آچیقندن آچیغه محارب اولان بر ملتیه قارشی ده
 اختیار ایتسه ینه سزای نفرین اولان جنایات عظیمه دن اولدیغنه
 شبهه یوقدر .

هامر ایسه بوندن بحت ایدرکن یالکز اسکندر بکک
 مؤرخلرینه اوفاجق بر تعریض ایله اکتفا ایدرده کندیمی ده
 دیگر بر عبارهسنده اسکندرک مطلبنده حقلی اولماسی عصیانی
 صورت مشروعیه قویه ماسه بیله معذور کوستره جکندن بحت
 ایدر . بر عسکر ایچون تابع اولدیغی اردودن فرار ایتک بر
 خدمتکار ایچون ولی نعمتنه قلیبج چکمک نصل حقلی برمطلبه
 مستند اولور ایسه اولسون هیچ بر وقت مشروع اوله مایه جنی

تربیه سی کورمکن عبارت اولان بر آدمی اجدادینک خوستیان اوله رق حکومت ایتدیکی بریره حاکم کوندرمک حکمت سیاسیته نک قبول ایده بیله جکی حالردن دکلدرد. سلطان مرادذاتاً قاستریوته نک ملکنی ضبط املنده بولماسهیدی اسکندر بکی مسلمان اوله رق تربیه ایتزدی . اوتربیه دن صکره ارتداده تشویق اندرجه سنه بکاک ایله خرستیانلر اورتسه نه آتمایه جنی ظاهر در .

هامرک روایتی ده افسانه طرزندن قورتلوق ایچون برچوق تفعیلاتندن تجرید اولنق لازم کلیر . اولا بوآدمه هیچ شبهه یوقدرکه اسکندر نامی اویله اون سکز یاشنه کیردکن صکره شجاعتیله برابرجهانگیرک فکرنده بولماسدن و آرنواد اولماسدن طولانی ویرلمه مشدر . او عصرده شجاعتن طولانی اسم ویرلدیکنه اینانیله جق اولورسه اسکندرک اقرباسدن اولان حمزه بک عثمانلیلر نظرنده شجاعته کندینه قیاس قبول ایتیه جک صورته عالی طوتلدیغنه حکم اولمالی . چونکه کندیسنه ویریلن حمزه نامی شجاعته اسلامک هان بتون دنیایه فائق عد ایلدیکی برذات مقدسدر . هله اسکندر بک اون سکز یاشنده ایکن اسکندرکی جهانگیرک دعواسنده بولمنش اولسهیدی تیمارخانهیه کوندریرلردی .

ثانیاً سلطان مراد ثانی عصرنده رئیس الکتاب عنوانیه دولته هیچ برامور اولمادیغی و پادشاهک فرمانلرینی تحریر ایده جک برذاتک اردوده روم ایلی بکلرینک یاننده بولمایه جنی

مسلمانلرده قتل اولمشلر ایدی . اقتحصار مهمات ایله مالامال اولدینی کبی برقیانک تپه‌سنده بولندیغنه ویوکسک طاغار وطار بوغازلرله محاط اولدیغنه بناءً اسباب محافظه‌سی مکمل ایدی . بوهرتپه‌سی میدان حرب اوله‌جق طاغلرده اسکندر بک عثمانلی اردوسنک ورودینی اطمنان ایله بکلردی . اقرباسیه مذاکره ایدهرک عثمانلی النده بولنان سائر ارنادولق شهرلرینکده ضبطنه قیام ایتدی . بونلرک برطاقنی ضبط ایلدی . اندن صکره اشقودره وقره‌طاغ واخری وبرات وارکری بکلرینی طوبلایه‌رق کندیسنه اطاعت ایتمکه ووبرکو ویرمکه موافقتلرینی استحصال ایتشد . بوصورتله اسکندر بک سنوی ایکی یوز بیک التون ایراده مالک اولدی . دراج جوارنده بولنان طوزله‌لردنده برخیلی شی حاصل ایدردی . بوبکلرک ویردیکی عسکر ایسه اوج بیک سواری والتی بیک پیاده‌یه بالغ اولوردی . و ۱۲۴۳ سنه‌سنده قرق بیک کشی ایله اوزرینه سوق اولنان علی پاشایی اوز بش بیک کشی ایله بوزدی . (برلیوس) ک روایتنه کوره‌ده بو محاربه‌ده بکرمی ایکی بیک ترک تلف وایکی بیکی‌ده اسیر اولمش وارناودلرک ضایعاتی ایسه یالکزجه یوز کشی‌یه انحصار ایتمش ایش ! بونلر مؤلفلرک اختراعاتندن معدودد برطاقم مبالغه‌لردر . اسکندر بکک سلطان مراد طرفندن پدربینک ملکنه والی تعیین اولندیغنه دائر مؤرخلرک بیسان ایتدیکی روایت استدالات تاریخیچه مجروحدر . چونکه اسکندر بک کبی مسلمانلنی یالکز مسلمان

ایتمش و کندیسی مجارستان محاربه سنه بر کین خفی ایله کیتمش
ایدی . نیش صحرا سنده برنجی محاربه بی عثمانلیار غائب ایتدیکی
زمان اسکندر بك یکر می طقوز یاشنده اولدینی حالد طقوز
یاشنده صداقت ایچون یمین ایلدیکی و اون سکز یاشنده ایکن
سنجاق بکارندن اولدینی عثمانلی اردوسنی ترك ایلدی . فرار
ایتمه دن اول قلذجی رئیس افندیك بویننه وضع ایده رك تهیدید
ایلدیکی حالد اقبصار بکنه قلعه ایله توابعدن اولان یرلری طرف
پادشاهیدن اجرای حکومت ایتك اوزره کندیسنه تسلیم ایتسی
ایچون بر فرمان یازدیردی . فرمانك مهری وضع اولنور اولنماز
اسکندر بك رئیس افندی بی اعدام ایتدی وهنوز مسلمان
بولنان عموجه زاده سی حمزه بك ایله برابر فراره موفق اولدی .
اسکندر بك تربیه سی و مزیت عسکر یه سی ولی نعمتی اولان
پادشاهك سایه سنده ایدی . بدرینك ملك موروثی المق ایچون
ارتکاب ایتدیکی عصیان مطابنك حقی اولماسی صورت مشروعه یه
قویه مازسه ده معذور کوستیر . قاستریوته عثمانلی اردوسنی ترك
ایتدکن یدی کون صسکره برابر کتیردیکی و یوقاری دبره دن
طوپلایه بیلدیکی التی یوز کشی بی اقبصارك کنارنده بر اورمانه
صاقلادی و کوستردیکی فرمان اوزرینه اقبصار محافظی قلعه بی
کندیسنه تسلیم ایلدیکندن کیجه وقتی التی یوز کشی بی قلعه دن
ایجری الهرق او یقوده بولنان ترکلر ارناودلغک حریتی نامنه اعدام
اولندیلر . اقبصار محافظارینی متعاقب او جوارده اولان کویارده کی

عنوانه نائلیتی موجب اولمشدر . بوعنوان کنديسنه يالکيز
دها اون سکز ياشنده ايکن اسکندرکبي جهانکيراوالمق تصورينه
دوشديکندن دکل ، اسکندرک اسپاي تسخير ايتسنه خدمت
ايدن فرقهلرک محل ظهوری اولان آرناوودلغه منسوب اولماسندن
طولايي ویرلش ایدی . او عصرک ذوات مشهوره ووقایع عظیمه سنی
حیالات شاعرانه ایله تزین ایدن حکایه لر اسکندر بکک والده سی ده
خارق العاده بر رؤیا کوردیکندن بحث ایدر . بورؤیا ایسه
کنديسنک بر بيوک يیلان طوغورمش و بويیلان ترکستانی یوتمش
اولماسندن عبارتدر . اسکندر بکک دها کندي طوغمدان اول
وقوع بولش بر طاقم فتوحاتی اسناد ایتمکن ایسه اسکندره ،
جنکیزه ، تیموره اسناد اولنمش بویله حکایه لرده اسکندر بکک
مؤرخلری دها زیاده معفو کوريله بیلیرلر . بومؤرخلر اسکندر
بکک آرناوولقده ارتکاب ایلدیکی خیانتلری ، غدارلقلری ده
ستایش ایله یاد ایتک درجه سنه قدر کیدرلر .


یورکی قاستوریوته پادشاهک و عثمانلی عسکرینک کندي
حقتده اولان حسن نظریله نائل اولدیغی اسکندر بک عنوانی
آلتنده اوله رق عثمانلیلره قارشو مکتبلرنده تحصیل ایلدیکی
مهارت و معلومات عسکریه نی ابرازه باشلادی . یانی قاستریوته
وفات ایتدیکی زمان سلطان مراد ملک موروثی بوکنج پرنسه
بویرمه مش واریه بروالی تعیین ایدرک اسکندر بکک ده دائماً حرب
ایله اشغال ایش ایدی . بو حقه سزلق اسکندر بکک فنا داغدار



كرك سلطان مرادی و كرك فاتحي برخيلي زمانلر اوغرا -
شديرمش اولان مشهور اسكندر بك ده آرناو و دولقده بوسره لرده
ظهور ايتمش ایدی . بزم تاريخلر اسكندر بكك پادشاه طرفندن
پدرينك يرينه آرناو و دلغه والی نصب اولنش ايكن عصيان ایلديكنی
ميان ايدر لرسده اسكندر بكك تاريخنی يازان آورونباليرك جمله سی
بو آدمك آرناو و دولقده مالك اولدقلى ير لره عصيان ايله تصرف
ايلديكنی بيان ايدر .

هامر بوتاريخلری تلخیص ايله ديركه « اسكندر بكك باباسی
(يانی قاستريوته) دبره طرفلرينك بكي اوله رق بيك درت يوز
يكرمی اوچ سنه ميلاديه سنده دولت عليه يه خرچكذار اولديغی
كبي درت اولادینی ده رهن اوله رق سرای هايونه ويرمش ایدی .
بوچوچقلرك اوچی كوچك ايكن وفات ایلدی . اك كوچكلری
اولان (يورکی قاستريوته) حسن صورت و ثبات اخلاق و ذكاوت
نادره سیله پادشاهك توجهنی قازانمش ایدی . سلطان مراد
کنديسنى سنت ايتديره رك تربيه اسلاميه ده بيوتدی . اسكندر
اون سکز ياشنه واصل اولنجه برسنجاق بلكلكنه تعيين اولنش
ایدی . بعض وقایع و مبارزات شخصيه ده كوستردیکی قوت
وشجاعت ، حقنده اولان حسن توجهی تزید ايتمش و اسكندر

قازانمش اولماسی ومظفریتیه برابر بلقانک بری طرفنه کجه مدیکندن
 طولانی عودت ایتمش بولماسی عتلهدها ملایم کورینیور. هامرک
 یالواج دیدیکی (بالوفجه) ده ایزلادی دربندینک جنوبنده دکل،
 غرب شمالیسنده ونیشن کلن بحار اردوسنک کذرکاهنده در.
 هونیادک طوبی یتمش اسیر اعدام ایتدیردیکندن بحث اولماسنه
 نظر آ بزم تاریخارده تعقیبه کوندر دکلرندن بحث اولنان فرقهده
 دشمن چکلدکن صکره سوق اولمش برکشف قوتی اولق
 کرکدر.



یورودیلر اوراده کانون اولک اون دردنجی کوتی ترکلره مجارلر
 بیننده ایکنجی محاربه وقوع بولش ایدی . مجارلر طاغدن
 لاینقطع دوکله کده اولان قار و بوز پارچه لری وقارچیغاریله
 اوغراشمق مجبوریتنده بولندقلرندن محاربه او مخاطره لر نسبتنده
 مدهش ایدی . نهایت ایزلادی دربندی زورله کچلدی . قرال
 ولادیسلاس ایله قارزولین دخی هونیاد ایله برلشمشار ایدی .
 بالقانک انکننده یالواج صحراسنده بر محاربه یه طوتشلدی ،
 عثمانیلرینه مغلوب اولدیلر وروم ایلی بکلربیکی قاسم پاشا ایله
 صدراعظم زاده محمود بکده طوتیلان اسرانک ارسنده ایدی .
 هونیاد بواسرادن یتیش کشی بی اعدام ایتدیردی وقاسم پاشا
 ایله محمود بکی برابر الهرق مجارستانه عودت ایلدی . »

ایشته بزم تاریخلرک مجارستانده وقوعندن بحث ایلدکلری
 پوصو غوغاسیده بو محاربه اولیور .

هامرک تعیین ایتدیکی ۱۴ کانون اول تاریخنه باقیلیرسه
 هونیاد قیشی محاربه میداننده کچیرمش و موسم برودتک اندفاعنه
 یالکزجه ایکی آی قالمش ایدی . بوجهته عودتی صوغوقلرک
 شدتنه حمل اولنه ماز . ایزلادی دربندی کچرک بر غوغا
 قازاندقن صکره پادشاهک اوزرینه کلیموبده شوپله جه عودت
 ایتسنده بر معنی ویریه میور . بو حاله نظر آهونیادک صوک قازاندیغی
 محاربه بی ایزلادی دربندی ک بری طرفنده دکل ، اوته جهتنده

ہامر روایتی ہونیادک رسمی تقریرینہ اسناد ایدیور . ہونیاد،
 بالطبع بزم تلافاتی تقلیل ایتز . بو حاللرہ باقیلیرسہ تعداد اولنان
 بکلرک جملہ سی محاربه دہ بولنمادیغنه حکم اولنمق لازم کلیر . روم ایلی
 بکلر بکیسی قاسم پاشا میدان محاربه دہ بولنہ . موجود فرقہ لہ
 بشقہ لرینک قوماندایتمسی قابل اولہ مایہ جغندن انک سردار اولہ رق
 ذکر اولنمہ سی دہ بو فکری مؤید کورینور .

دیمک اولیورکہ ایدیلن محاربه پک اعمیتلی برشی دکل ایدی .
 آنک ایچون بزم تاریخلر اندن بحث ایتمکدن ایسہ بالنسبہ انہزامدن
 مهم اولان تخریباتی کوستیرلر .

دربند وقعہ سنہ کلنجہ ینہ ہامر دیرکہ « سلطان مرادک خط
 مدافعہ اتخاڈ ایتش اولدیغی قیوجق دربندی کچمک لازم کلش
 ایدی . سلطان مراد ایسہ کرک بونی وکرک ایزلاندی دربندی
 ایری قیالزلہ سد ایتدیردی . بو صورتلہ موسمک اورالرجہ
 قار و بوزدن حاصل ایتدیکی موانع طبیعیہ بہ برمانعہ دہا علاوہ
 ایلدی . عثمانیلر ہونیادک طلیعہ سنی کورنچہ درہ لہ برکیجہ صباحہ
 قدرصو اقتدقلرندن صولرانجماد ایدرک مجار سواریلرینک حرکتی
 بتون بتون منع ایدہ جک بوزدن دیوارلر پیدا اولمشدی . ہونیادک
 عسکری کندی حرکاتندن غیرت بولہ رق قیوجق دربندینہ قدر
 کلدیلسدہ اوراسنی او قدر کوزل تحکم ایدلش بولدیلرکہ عودت
 ایتمکہ مجبور اولدیلر . اندن صکرہ اراضینک طبیعتی حکمنجہ
 اوصورتہ محکم اولہ رق سدی قابل اولمیان ایزلادی دربندینہ

طقوز بايراق النمی ودرت بيك اسير وايكي بيك مقتول تركيله سلطان مرادك على المعجاه بلقانك برى طرفنه كچمسي خرستيان جنرالك خصمنه رجحاني اثبات ايتمشدر . هونياد عثمانليلى تعقيب ايدرك صوفيه يى الدى . واورادن بلقانك قار ايله محاط اولان تهلرندن قلبه اوزرينه حركت ايلدى .

ايشته بزم تاريخلرده كى نيش ، الاجه حصار و شهر كويى طرفلر يى ياقوب بيقمق مسئلهسى بو محاربه دن عبارت اولديغى اكلاشيلبور . هونيادك سلطان مراده رجحاني ادعاسى نه قدر باطل برشى اولديغى ايسه كوره جكمز وارنه وقوصوه ملحمه لرى لايقيه اثبات ايتمشدر .

هامرك نيكبولى وقعه سندن برى خرستيانلر طرفندن بو قدر كليتى بر عسكركر اجتماع ايتديريله مديكنه دائر اولان افادهسى متفقين عسكرينك يوز بيكدن زياده وبلكه يوز اللى بيكه يقين اولديغى كوستيرر . چونكه محلنده اثبات اولنديغى وجهله نيكبوليده خرستيان اردوسى يوز اوتوز بيك كشى ايدى . هونيادك اون ايكي بيك و حجار قرالنك يكرمى بيك كيشلك فرقلرندن بشقه صرب قرالنك معيتنده بر بيوك اردو بولمى ده بو مقدارى كوستيرر . تعداد اولنان امرامى عثمانيه به نظراً عثمانلى اردوسنك خرستيانلر درجه سنده اولماسيله برابر كثر تلى اولماسى لازم كليز . بو حوالده ايسه ايكي بيك تلفات و يرمكاه بش بيك اسير برافرق رجعت ايتمش اولمالر يى عقل قبول ايتمز . حال بو كه

« بودفعه کی مجار اردوسنی اصل ترتیب ایند بایا دردنجی اوژنک مجارستانده وکیلی اولان قاردینال (ژولینن) ایدی . هونیادک شهرتی هر طرفجه القای امنیت ایلدیکندن بایراغنک التنه هر طرفدن عسکر کلکده ایدی . نیکبولی محاربه سندن بری اسلام علمینه خرسیتیانلر هیچ بروقت بو قدر غلبه لک طویلایه مادیار . خرسیتیان متفقینک اکثریمی مجار صرب و المان و افلاق اهل صلیبندن مرکب بیوک اردوسی جزیرانک یکر می ایکنجی کونی سمندرده جوارندن طونه بی کذار ایلدی . هونیاد اون ایکی بیک منتخب سوارینک ریاستنه کپه رک صربستانی استیلا والوجه حصار ایله شهر کوی آره سنی یغما ایده رک نیشه قدر واصل اولدی . مجارستان ولهستان قرالی اولان (ولادیلاس) ایله (قاردینال ژولینن) ایکی کونلک مسافه دن یواردوی تعقیب ایتمکده ایدی . برنجی محاربه ۱۴۴۳ سنه سی نیش جوارنده وموراوه کنارنده واقع اولدی . سلطان مراد اردوسنک اوج قولی که بری ارنوس زاده عیسی بکک بری نامی بیلنه مین برذاتک وبری ده طورخان بکک اداره سنده ایدی ، بربرینی متعاقب خرسیتیانلرک صفوف کشفه سنه چارپدیله . بواردونک قوماندانلری ایچنده شایان ذکر و دین و صوفیه بکلری تیمور طاش زاده علی بک و توقاد والیسی بلبان پاشا وروم ایلی بکلر بکی قاسم بک و بولی بکی اولان داماد پادشاهی و مخدوم صدراعظمی محمود چلبی ایدی . ترکلرک شجاعتی هونیادک ترتیبات ماهرانه سنه قارشی تأثیر سز قالدی .

صادر اولماز . حسيات دينيه نك اوصلا بتي ، شوق غزانك اوغلياني زماننده طورخان بك عسكروه اوله برسوز سوياسه هم جاس-وس ، هم مرتد عد اولنور ، جوا بتي سلاح آغزندن آيردي . يا عسكركده طورخان بكك تسويلا تته اينانوب دشمن قارشيسنده ايكن ناموسلاريني وحتى جانلاريني مدافعه ايجون غيرت صرف اتمدكلرينه دائر اولان روايته استعاذه دن بشقه نه دينيه بيلير؟ واقعا طوخان بك بووقعه دن صكره بدوي چارطا قده حبس ايدلمشدي . فقط بو حبسي بكك اسناد اولنان تهمت ايله مهم اولديغنه دكل ، بالعكس اوله برجناي تدن برائتته دليل قطعيدر . چونكه عسكري غزادن تبريد ايدهر ك سبب انهمزام اولان ضابطك حبسيه دكل حتى ساده جه قتليله بيا اكتفا اولماز . كيم بيلير كنديسنه اسناد اولنان ويا كنديسندن صادر اولان قصور نه قدر جزؤي برشي ايدى كه اوله عبرت كوسترمكه صحيحاً و قطعياً لزوم اولان بر زمانده جـدن بشقه برشي ياپلمادى .

ايسته بوملاحظات لايقيه اثبات ايدر كه بزم نارينخلك بووقعه يه دائر اولان رواياتي ، دشمنك حدودى تجاوزيله پادشاهه مقابله يه شتاب ايتمى و صاروجه پاشانك بر زمان مخاطرده معزوليتنى ، منكو بيتنى دوشونميه رك كيسه سندن آقجه لر صرفيله طوپلاره بيلديكي عسكري خدمت دولته كتورمسي خصوصارندن عبارت قاليور .

هامر ايسه بوبابده اولدقجه مفصل وعقناه يقين معلومات ويريور . آنك افاداتي ده ايران ايدهم :

ایکی سنهده غلبه قازاندقلرندن اوزرمزه کلک ایچون صرب قرالنک ویا قرمان اوغلنک تحریکنه محتاج دکل ایدیلر . بوتفریعات و تحریکات وقوع بولمش اولسه بيله تأثیری ایکنجی و بیلکه ایکی یوزنجی درجهده قالیر .

هونیاد مجار قرالنک نه اوغلی نهده بکلر بکیسی ایدی . کندیسنک پدر غیر مشروعی ۱۴۳۹ سنهسنده ارتحال ایتمش اولدینی کبی بو محاربه نك وقوعی سنهسندهده مجار قرالغی هونیاد ایله هیچ قرابت و مناسبتی اولمیان لهستان قرالی ولادیسلاسه انتقال ایلش ایدی ،

سرحدرلر هیچ بروقت محافظلر بر اقلیمیه جغندن مجارلرک قارشیلر نده مدافعه ایده جک هیچ کیمسه بولقمسزین آلاجه حصار و شهر کوی و نیشی یاقوب بیقمسی احتمالک خارجنده در . پادشاه دشمن عسکرینک چوقلغندن طولایی اردوسنک عمومیه حربه کیرشمکده مخاطره کورمش ایکن اوقدر کثرتلی بردشمنک هیچ برصدمه یه اوغرامقسزین یا لکز صوغوق و زخیره سزک جهتاریله منتظماً عودت ایدرکن اردوسنک برآزینی تفریق ایدوبده تعقیبه سوق ایتسی بزم مؤخار کبی فن حربک الفباسندن یخبر اولسنه توقف ایدرکه اوډه سلطان مراد ثانی کبی دنیانک برنجی قهرمانلرندن معدود اولان برذاته اسناد اولنه بيله جک حالردن دکلدیر .

هله ییچاره طورخان بک حقنده ایدیلن افترا مجنونلردن

بر صورتہ کثرتی اولدیغندن موجود اولان قوتله محاربه یه امکان کورلمدی . یالکز دربندک محافظه سنه اہتمام اولنہرق موسمک صوغوقلغندن استفادہ ایلدی ، کچیلہ جک یرلرہ صوصالیویرلدی ، یوللر بوز باغلا دیغندز مجارلر کچہ مدیلر . صوغوقدن اورالردہ اقامتہ اقتدارلری قالمادینی کبی زخیرہ لری ده آزالدی . بناءً علیہ بالضرورہ عودت ایلدیلر .

پادشاہ روم ایلی بکار بکسی قاشم پاشانی و توقاد حا کمی بلبان بکی و بولی والیسی صدراعظم زاده محمود چلبی پی سائر نامدار برطاقم امرا ایله دشمنک تعقیبنہ تعیین ایلدی . بونلر مجارلری دشمن دربندینہ قدر قووالدیلر . فقط اورادہ مجارلرک ترتیب ایلدکاری پوصوبہ اوغرادیلر ، محو و مضہ حل اولدیلر . ایچارندن آنجق برقاچ کشی نجات بولدی . محمود چلبی برطاقم بکلرلہ برابر اسیر اولمشدی .

بوانہزام ایسہ کویا طورخان بکک ، معیتندہ بولنان ائنجیلرہ «دشمنک بزہ مقاومت ایدہ جک حالی قلمادی . بوندن بویلہ محاربه لردہ رفق ایله طورانکز . یوقسہ دشمنی غوغا ایدمیہ جک برحالہ کتورسہ کز دولتک سزہ احتیاجی قالماز ، چفتجیلکہ مجبور اولورسکز » کبی برطاقم سوزلر سویلیسی عسکری غزادن صوغوتدینی جہتلہ هرکسک لزومی قدر غیرت ایتہ مسندن نشأت ایتمشدی .

مجارلر ذاتاً دولتلہ محارب اولدقلری کبی بربری اوزرینہ

سلطان مرادده اولیه حضورنده بیان حقه جسارت اولنه مایه جوق پادشاهلردن دکل ایدی . اوزمانه قدر یکریمی ایکی سنهیه بالغ اولان زمان سلطنتده حقمسز شدت کورن بر حاجی عوض پاشا ایدی .

پادشاه قرمان اوغلیله مشغول اولدینی صردهه ایسه مجارلر روم ایلی حدودینی تجاوز ایتمشله ایدی . بزم تاریخلرک روایتنه صرپ قرالی مجار قرالنه ، کندیسنک بویه ملکندن دور و اوغلارینک محبوس اولسی کندیلر یله اولان اتفاقنک نتیجهسی اولدیغندن بختله توپخار ایتمدیکندن و قرمان اوغلی ده « هجوم ایدیکز ممالک عثمانیهی تقسیم ایدلم . آناتولی بزه الیرر ، روم ایلی سزک اولسون » یوالو سوزلر سویلدیکندن مجار قرالی اوغلی و بکلر بکیسی اولان یانقوی سردار و ویلیق اوغانی رهبر لکه تعیین ایدی .

بونلر طونه دن چکهرک آلاجه حصار ی و شهر کوینی و نیشی یاقدیاری یقیدیلر . صکره صوفیه اوزرینه یوریدیلر . پادشاه اوصردهه ادرنه یه کلش اولدیغندن طوپلایه بیله دیکی عسکرله دشمنک مقابله سنه شتاب ایدی . بر زماندن بری معزولاً اقامت ایتمکده اولان صاروچه پاشا کندی حسابنه اونق اوزره بیس قدر عسکر طوپلایه رق خدمت هایونه کلش اولدیغندن غیرتی مقبول اولمش و پک چوق التفاتلر کورمش ایدی . پادشاه ایزلادی دربندینه دشمندن اولیتشدی . فقط دشمن حدسز حسابسز دینیه بیله جک

مقرون اولور . حقوق بين الملل قواعدنجه مصائب حربدن اهالى يه عائد اولان حصه يي حقل كوسترن بومسئله در . اوزمانك معاملات دوليه سنده ايسه يغماده على العموم قبول واجرا اولنه كلن اصول حربيه دن ايدى . بناءً عليه بو نقطه نظر كوره يغما كراك اولا قرمانليردن صادر اولمق شويله طورسون حتى سلطان مراد باشلامش اولسه ينه حر كتي تعريضدن مصون اولور . فقط شرعاً اسلام ايكي ملت ايكي حكومت آره سنده جارى اوله ميه جغندن و خصوصيله قرمان اوغلى طرف پادشاهيدن منصوب اولديغندن حر كات واقعه سي اوزرينه كندينك و معيتلرينك حقنده باغى ودها ايلرى كيديلور ايسه آچيقدن آچيغه اعداى دبنه معين اولدقلى ايچون مرتد ويا منافق معامله سي اجرا ايدنك لازم كليردى . ابراهيم بك ايله عسكرينه بو اوج صفتدن هانكيسى و يريلسه حقلرنده اجرا اولنه جق معامله شرعيه نك ايستر ايستمز تابعيتلرنده بولنان و فقط فعالرينه اشترك ايتمين اهالى يه سرايى لازم كله مز .

بناءً عليه خلاف شرع اوله رق اختيار اولنان بو شدت سلطان مراد عصرى ايچون بر بيوك لكه در .

لكه يي عصره تحمیل ايتديكمز جاي نظر عد اولماسين . چونكه سلطان مراد حدتله اويله بر امر و يرديسه آنى اجرا ايتديرمه مكه چالشق و حتى اقتضا ايدرسه بويولده حياتلرينى مخاطره يه قويق علمانك ، وکلانك وظيفه سي ايدى . خصوصيله

اوغلارینه اولان میلنک درجه‌سنی اظهار-ایدرك تکدیری جهتنه کیتمدکن بشقه شاید مصر ویا بغداد طرفندن قرمان اوغلیله (قره بولک) خاندانک ممالکنه تعرض وقوع بولور ایسه کندی خاطرینه رعایهٔ مصر و بغداد حکومتلرینه قارشی عسکر سوقیله قرمان و قره بولک خاندانلرینه تابع اولان یرلرک محافظه‌سنی امر ایدرجه‌سنه توصیه ایلش ایدی .

بناءً علیه قرمان اوغلنی تأدیبدن صکره عفو ایتمه‌مک اورتده برحار بلیه‌سی موجود ایکن برده تاتار بلیه‌سی دعوت ایلک دیمک ایدی که بویله بر احتیاطسزلق دولتی عاداتا مخاطرهٔ اضمحلاله دوشورور ایدی .

قرمان ملکندن بعض جهتارک یغما ایتدیلمسی ایسه هیچ برسببله معذور عد اولنه بیله‌جک بر حرکت دکلدر . واقعا خواجه سعدالدین بو حرکتی قرمان اوغلنک شامتنه حمل ایدر . معلومدرکه سببیت قرمان اوغلنده ایدی . فقط یغما امرینی ویرنده سلطان مراد ایدی . ابراهیم بکک جزای سیئاتی تبعه‌سنه چکدیرمک پادشاهک‌شان عدالتنه یاقیشدیریلهماز . ینه شایان انکار دکلدرکه قرمانلیلر بزم ملکی یغما ایتدیردیلر . شوقدر وارکه اوجنایت بنه قرمان حکومتندن صادر اولش ایدی ، حکومتک جنایتندن اهالی مسؤل طوبلق اقتضا ایتزدی .

فی الحقیقه بر حکومتک قوتی اهالیسنک قوتندن عبارت اولدیغندن حکومتک هر فعلی حکمت سیاسیجه اهالینک رضاسنه

ایده‌رک دولت عثمانیه ایله حسن مناسبتده دوام ایتمه‌که انلره ایشلمامسنى شرط قطعی صورتنده کوسترمش وحتی پادشاه طرفندن کوندریان برنامده «جهان پناها! بزم فکر و جهدمش دائماً غزایه مصروفدر . بوطریق حقدہ دوامزه مانع اولوق ایستیانلرک سده سعادتارندن تهید اولغنی انب و احرى کورینور . زیرا امرای قرمان هرزه وقت ادرنه‌دن برقاچ قوناق ایریله‌جق اولسه‌ق درحال طغیانہ ، بی ادبلیکه قیام ایدیورلر . برصورتده حرکت ایلیورلرکه تأدیباری ایچون عودتمزی موجب اولیور . مقابله وهقاتله زماننده ایسه مقدمه‌الحیشمزک صولتنه طاقت کتوره میوزلر ، طاع قوغوقلرینه قاچیورلر . نسوان و صیبانی چقال کبی اورمانلره چکیورلر . آچلق قورقوسیه فریادلره باشلا یورلر . بیوکلرینه کوچکلرینه ترجم اولنیور ، آنلر ایسه قودورمش کلب کبی طبیعت اصلیه‌لرینه رجعت ایدیورلر . سزاوار عقوبت و مستحق خشونت اولیورلر . بو‌حاله برچاره بولوق ایسه ضروریات دینیه و مهمات اخرویه‌دن کورینور . اکر طرف هایونلرندن آنلرک بوخاندان غزا آیینه ایتدکلری کست خلق روا کوریلور و او یله فاسقلره رعایه امر جهادک معطل اولماسی مناسب‌عد اولنورسه الحکم‌لله‌والامامولدرکه بو‌طائفه توبیخ بیوریلور » مألنده آجی آجی شکایتلر اولغمش ایکن شاهرخ ۸۴۱ محرمی تاریخیله مؤرخ اوله‌رق کوندردیکی نامه‌ده بو شکایتلری هیچ ایشتمه‌مش کبی بر طور ابله قرمان

مجبوریتند بولندی . قیمتلی شهزاده سی علاءالدینی ده والیسی بولندیغی امامیه عسکر یله بوسفرده مرافقتنه دعوت ایلدی .

قرمانلیلره حدتی بر درجه ده ایدی که دولت عثمانیه نك ظهورندن بری اسلام ملکی غارت اولنماش ایکن قرمان حدودندن قونیه یه قدر کچدیکی یرلری یغما ایتدیردی .

قرمان اوغلی خبیثی ایسه بوجھومی جنرالنججه بر محاربه ایله ادعای فاسدینی تأییده جسارت ایدهمدی ؛ اعدای دینه آلت فساد ، عالمه مسخره ، ملک نك تبعه نك باشنه بلا اولمقدن بشقه برشی قازانه مادینغی اکلا دی جهنم اولدی ، ینه طاش ایله چکلدی . ایتدیکی نقض عهدلردن اوتانمادی ، کوردیکی ایسلکاری تخطر ایتدی ، کمال دنائت ورذالتله ینه استدعای عفوہ قلقشیدی . وزیر ی حکمنده اولان سرور بک ایله مولانای رومی احفاندندن عارف چای بی وبر روایته کوره اعظم علمادن مولانا (صاری) بی واحتمال غالبه کوره جمله سنی بردن استرحامه کوندردی . حرمی و پادشاهک همشیره سی اولان کوهر سلطانی ده تکرار واسطه شفاعت ایتمکدن چکنمدی ؛ ینه مظهر عفو اولدی .

قرمان اوغلی فرصت بینلکده ، خیانتده اعدای دینه رحمت اوقوده جق معاملهره دوام ایتدیکی و خصوصیه بودفعه صحیحاً دولتی مخاطریه دوشوردیکی حالد یه مظهر تفو اولماسی پک غریب کبی کورینور فقط پادشاه ایچون بو حرکت ضروریدر . چونکه شاهرخ میرزا قرمان اوغلنک حمایه سنی شدتله التزام



سلطان مراد بوهزيمتك تأثيريله نهايت درجهلرده محزون
ومتألم اوله رق حفظ شان واخذ انتقام ايچون تداركاته مشغول
ايكن قرمان اوغلي اسلام نظرنده بتون بتون ملعون اولمقدن
چكئتمدى ؛ يينه نقض عهد ايله اعداى دينه معاونتده قصور
ايتدى . روم ايلي خرستيانلرده ، آناتولى كئنديسينده قالمق
اوزره صرب و مجار قورالريله مخابره لره كيريشه رك وقوع بولان
انهزاملردن انتهاز فرض ايتمك ايسته دى ، ممالك عثمانيه به تجاوز
ايلدى . بودفعه كي حر كئتمده اولسكي سفر لرينك بيك قات اوته سنه
كچه رك دشمنلكه برده غارت كرلك علاوه ايلدى ، دامادى اولان
طورغودلو بكى حسن بكى بولادين يايلاغنه ، قرمان عسك رينى ده
بك شهرى طرفلرينه تسليم ايله ممالك اسلاميه ده غارت اموال
واهراق دمابه مأذونيت ويردى . بو حشرات آ ز زمان ايچئنده
ملكك اوجهتلريني يغما و تخريب ايتديردى .

كلن فريادجيلرك افاداتى سلطان مراده بردرجه تأثير ايتدى كه
مجارلرك قازاندقلىرى ايكي غالبيتدن صكره عثمانيلرك ورودينه
انتظار ايتيه جكبرى وبهمه حال ممالك اسلاميه به تعرض ايده جكارى
معلوم ايكن پادشاه چاره سز واقعي ملحوظه تقديم ايده رك روم
ايلينك محافظه سنى سرحد امراسنه توديع ايله آناتولى به كچمك

هم دشمن ملکینی مصطبه صفا عد ایدہ جک قدر بدست ، هم
 کنندن اولکی سردارک اردوسنی محو ایتمش اولان بردشمنی
 قاوغیله قورقتمق ادعاسنده بولنه جق قدر مغرور ، همده دشمن
 کورینور کورنمز برال سلاح آتمیزین اردویی براقوبده
 قاچه جق قدر جبین و بی ادراک بر آدم ، اسحق بکاره ، ارنوس
 زاده علی بکاره ترجیحاً روم ایلی بکلر بکیلیکی کی دولتده
 مراتب عسکریه نك منتهایی اولان برمسنده واصل اوله بیلین .
 نثری عثمان چلیپنک ایلریده کوره جکمز وارنه ملحمه
 کبراسنده شهید اولدیغنی نقل ایدر . واقعا بر خطرگاه بلادن
 قلیج قوتیله قورتیق امور بک کی پدیری ؛ یحشی بک کی
 اورج بک کی عمجه لری ؛ تیمور طاش کی ، قره علی بک کی ،
 الغودالب کی اجدادی اولان برخاندان جلادت پرورده سندن
 استبعاد اولتماز .

هاجر ، هونیادک بو محاربه یه یالکنز اون بش بیگ کشی ایله
 کلدیکنی و عثمانلیلر طرفنده مزید بک بوزغونندن زیاده تلفات
 وقوع بولدیغنی بیان ایدر . ینه انک روایتیجه مزید بک بوزغوننک
 تلفاتی یکر می بیگ کشی ایدی . بو حسابه کوره محاربه لر
 عثمانلیلردن کندی موجودلرینک ایکی مثلنه یقین آدم تلف
 ایدیورلرکه بتون بتون امکانک خارجنده در .



وحرکاتی مکمل اولمقله برابر اجنبی لسانندن برکله بی اهل لسان کبی تلفظ ایتدیرمکه کافی اولمدینی کبی اوروپا مؤلفلرندن اوروپالی اولمیان اقوامه دائر کتاب یازانلرک یوزده طقسان طقوزی اوغراشدینی قومک هر حالیه برابر لسانی ده او قومک افراندن اپی بیلیمک دعواسنده ووجهته یازدقلمی وقعه ویا کله بی ایستدکلمی قیافته قویمق مراقنده بولندقلرندن بوذاتلرده طوغریجه او قویه ماد- قلمی شاهین اسمنی سیابادین ویا سالادین شکلنه پک اعلا افراغ ایده بیلیرلر . ذاتاً شهاب الدین کلمه سنی صربیلیرک طوغری تلفظ و تحریر ایده بیلملرینه امکان اولمادیقندن بونفیندوس ایله انزلک او املا بی ترکیه تاریخ ترجمه لرندن آلمش اولدقلمینه شبهه یوقدر . بناءً علیه آنلرک روایتنه بزم تاریخلره اتفاق دکل ، بزم تاریخلره اتباع نظریله باقلمق و بناءً علیه شهاب الدین پاشا روایتک دلیللری قوله شاهین روایتک دلیللرندن دهاقوی عد ایدلمک طوغری اوله ماز . بالعکس معتبر اولان مأخذلردن اکثریسنک ترجیحینه وقوله شاهینک بو محاربه ایله برابر انتقاسنه نظرأ اغلب احتمال انک سردار بولماسیدر .

قوله شاهین سردار اعتبار اولننجه حقنده اسناد اولنان سیئه لردن برائنه یوقاریده ایراد اولنان دلائلدن بشقه نظر تدقیقه برسیوک برهان ده تصادف ایدر ، اوده تاریخلرده قوله شاهینک روم ایلی بکلربکی عنوانیه یاد اولتمی در . نصل قابل اوله بیلیرکه اوپله مراتب عسکریه قلیچ آتمکی اوله رق استحصال اولنان برعصرده

بونفینوسک بوذاتی سیابادین وانزلک مجار تاریخندہ (صلاح الدینک غلط مشہوری اولہرق) سالادن وینہ آنزلک صربستان تاریخندہ شہاب الدین نامیہ یاد ایلدیکنی بیان ایدر .

بواسملردن سیابادین وسالادن شاهیندن زیادہ شہاب الدینک مخرفنہ بکزه دیکنہ وھلہ صرب تاریخارندہ شہاب الدین اسمنک مصرح اولدیغنه بناءً عثمانلی مؤرخارندن بعضیلریلہ اجنبی مؤرخاری بوروائتدہ اتفاق ایتمش دیمک اولہ جقلرندن اوروایپک دیکرینہ ترجیحی طبعی کوریپورز . شو قدر وارکہ اجنبی مؤرخلری سردارک بو محاربہدہ اسیر اولدیغنی کوستریپورلر . حال بوکہ شہاب الدین پاشانک بزم تاریخارندہ بووقہدن صکرہ نامی مذکور اولیور . قولہ شاهین اسمی ایسہ بو حرب ایلہ برابر ظہور ایتدیکی کبی بو حرب ایلہ برابر غائب اولیور . بونکالہ برابر شہاب الدین پاشانک اسیر اولدقندن صکرہ استرداد ایدلمش اولماسندہ احتمال ویریلہ مز . چونکہ مجار محاربہسندہ اسارتدن قور تاریخیلان امرانک ناملری تاریخارندہ مذکوردر . نتہ کیم کالہ جک سنہنک وقوعاتندہ کوریلور . شہاب الدین پاشا ایسہرتبہجہ آنزلک جملہسندن بیوک ایدی . آزدلرندہ بولنمش اولسہ ایدی ، البتہ تاریخار آنکدہ نامنی سکوت ایلہ یکشدیرمز لری ایدی .


اماسیابادین وسالادن اسماری شاهینندن مخرف اولہ بیلہ جکی کبی کرک بونفینوس وکرک آنزل ترک تاریخارندن بعضیلرینک ترجملرینی دہ کورمش اولدقندن اوروبا لسانلرینک حروف

وامرانك نعرىضاتنه قارشى انه مودوع اولان اردويى دشمنك هدف هجومنده براقه رق طونه نك برى طرفنه كچمى امكان داخلنده كوريله جك بر روايميدر ؟ طوته لم كه قوله شاهين جاني دشمن لندن فرار ايله قورتاره بيلمك اميدينه دوشسون ، پادشاهك قهرندن نصل قورتوله جق ايدى ؟

بوندن بستقه هاممرده مصرح اولديغى اوزره ، محاربه طونه كنارنده دكل ؛ مجارستان ايچنده وقوع بولمى ايدى ، كه بوده طونه نك برى طرفنه كچمك روايتنك يالان اولديغى كوستر مكه كافيدر . برده هامر سردارك بش بيك رفقاسيله محاربه ده اسير اولديغى كوسترييور . حرب باشلامه دن اول اردويى براقوبده نهرك برى طرفنه فرار ايدن آدم حربك ختامندن صكره اسير اوله جق بر موقعه مى بولنور ؟

ايشته بو مطالعاته كوره سرداره اسناد اولنان بتون سيئه لر بدرلو دشمنك رجحانه قائل اوله ميان وهى مغلوبى ريسانك سوء صنعنه اسناد ايتمكه مألوف اولان عوام افسانه لرندن اولديغنه اشتباه ايسته مز . وقعه نك روشنه و آندن اول وصكره اولان محاربه لرك تاييدينه باقيليرسه بو محاربه يى قازانديران هونى اداك رجحان عسكريسى ايدى .

كاهلم سرداره : هامر تاريخنه يازديغى حاشيه لرده ، مأخذلردن



نامق
خاماق
۲۸۲

کتابخانه

مکتبہ

عقبات

جلد ۲۸۲

استانبول

مکتبہ

۱۳۲۷

کلیاتِ کتاب

برنجی ترتیب اسمی آثار ایکنجی ترتیب

جلد ۷

کتاب ۱۲



اسمی	غروش	اسمی
جلد ۳	۳	[۱] روان مدافعه نامہ سی نشر اولندی
جلد ۲۵	۵	[۲] قارہ بلا نشر اولندی
جلد ۱۰	۲۰	[۳] مقالات سیاسیہ و ادبیہ و رؤیا
جلد .	۱۰	[۴] وطن، کنہال، ما کف، زوالی } جو جفی
جلد ۲۵	۲۵	[۵] اشعار کمال
جلد ۱۲	۱۲	[۶] جلال الدین خوارزمشاہ
جلد ۲۰	۲۰	[۷] مکاتیب خصوصیہ دن برنجی جلد
جلد ۷,۵	۷,۵	[۸] اوراق پریشان مجموعہ سی .
جلد ۲۰	۲۰	[۹] منتخبات محررات رسمیہ
جلد ۷,۵	۷,۵	[۱۰] جزئی و انتہاء
جلد ۲۰	۲۰	[۱۱] مکاتیب خصوصیہ دن ایکنجی جلد
جلد ۵	۵	[۱۲] تعقیب و تخریب خرابات رسالہ لری و سائرہ

اسمی

جلد ۳

[۱] عنانی تاریخی

[۲] تاریخ اسلام

[۳] آثار پر کندہ

ہر جزو ک فیثائی (۳) ہر وشدن

کتاب کتاب اولہرقی }
برنجی ترتیب } ہر ایک آبدہ بر .

جرؤ جزؤ اولہرقی ہر }
ایکنجی ترتیب } اون بش کوندہ بر نشر
اولنہ جندو .

ایکی ترتیب دہ برابر اولہرقی سرہ سیلہ
منتظماً طبع و نشر اولنور .

اپونہ شرائطی

مقسطاً تادیب ابدلک شرطیلہ اپونہ
شرائطی

یکونی پشین اولہرق تادیب ابدلک
اوزرہ اپونہ شرائطی :

غروش

۲۱۶ اثرل ادارہ خانہ دن آلتق و یقین اولہرق پارم
ومتعاقباً ہر اوج آبدہ بر پارم نشر لیرا تادیب
ابدلک شرطیلہ .

۲۴۰ پوستہ اجر شدن طولای تقبیلر ۶۰ غروش
اولہرق یقین ۲ مجیدہ و ہر اوج آبدہ ۲ مجیدہ
ورملک شرطیلہ اقامتکاخہ کوندرملک اوزرہ .

غروش

۲۰۰ ادارہ خانہ دن آلتق شرطیلہ .

۲۵ ہر سماعت و ولایت و ممالک اجنبیہ ایچون
پوستہ اجر تودہ داخل اولہرق اقامتکاخہ
کوندرملک شرطیلہ .

بوجزؤ ک فیثائی (۳) غروش وشدن

طغرہ ایچون پوستہ اجر تی ضم اولنور .

1
2
3
4
5
6
7
8
9
10
11
12
13
14
15
16
17
18
19
20



Handwritten text in Urdu script, likely a continuation of the notes or a separate section. The text is arranged in several lines, with some words appearing to be part of a list or a series of observations. The handwriting is cursive and somewhat faded.

Handwritten text in Urdu script, possibly a signature or a concluding statement. It includes a large, stylized number '7' enclosed in parentheses, followed by more text.

ایتدیلر . فقط تأثیر ایتدیره مدیلر . سردار برکیجه دن زیاده صبر ایده میهرک ایرتسی کونی فرار صورتنده طونه نک بری طرفنه کذار ایلدی .

الغود الب خاندان قهرمانینسک نوظهور غضنفرلرندن تیمور طاش پاشا حنفیدی عثمان چلبی ، برجان ایچون دشمنه ارقه کوسترمکی قبول ایدر طاقمن اولدیغندن امرادن رأینه تابع ایلدیکی برطاقم دلاورلر ایله دشمن قارشینسده ثبانه عزم ایلدی . صباحدن اقشامه قدر اوغراشدی . رفقای حمیتیه برابر مرتبه شهادتی احراز ایتدی که وقتیه یالکیز باشنه افلاقی خرجکذار ایدن فیروز بک و ناملری یالکیز بو محاربه ده ایشیدیلن دده مزاق زاده یعقوب بک و حضر بک و عمر بک بو فرقه شهدانک رئیسلرندن ایدیلر .

سردار کرک قوله شاهین پاشا و کرک خادم شهاب الدین پاشا اولسون ، بو خدمتی ابرام و استرحام قوتیه استحصال ایتمش اولق عقلک قبول ایده بیله چکی شیردن دکلدنر . ممکن می درکه سلطان مراد ملتک ناموسنی اکمال ایچون ترتیب ایتدیکی بر اردوینی اعتماد ایتدیکی بر آدمه تسلیم ایلسون ؟

اقتدار نجبه پادشاهه امنیت و یرمش اولان او یله بر ذاتک ایسه ابتلای عشرت و اعتنای نفسی ، سردارلک لوازمندن اولان احتیاطدن بیله تبری ایده جک بر درجه یه کورتورمش اولمی فصل قبول اولانه بیلور ؟ هله او قدر غرور یله برابر دشمنی کورر کورمن سلاحه بیله مراجعت ایتمکمزین قاچق داعیه سنده بولنمی

بتون بتون محال دکلدر . فقط مزید بک مک معیتندہ ، یکر می بیک
کشی تلفات ویرہ جک قدر بر اردو بولمنسی عقل تجویز ایتیمور .
بوحادثہ سلطان مرادہ پک فنا تاثیر ایتش ایدی . خواجہ
سعدالدینک روایتہ کورہ پادشاہ بالذات دشمنک اوزرینہ کیتمک
اوزرہ ایکن روم ایلی بکلر بکی اولان قوله شاہین پاشا مجارلرک تأدیبی
درعہدہ ایدہرک بو خدمتک کندیسنہ حوالہ اولمنسی مبرمانہ
استرحام ایتش وپادشاہدہ موافقت ایتش اولیور .

بر دیگر روایتہ کورہ ایسہ بو فرقیہ سردار اولان قوله
شاہین پاشا دکل ، خادم شہاب الدین پاشادر . بونلرک ہانکیسی
سردار فرض اولنسہ محاکات تاریخیہ جہ آیری بر حکم حاصل
ایلدیکندن وقعہنک ختامنہ قدر بوذاتی سردار نامیلہ یادایدہ جکز .
خواجہ سعدالدینک روایتہ ، سائرلرینک دہ تصدیقنہ کورہ سردار
پاشا معیتنہ ویریلن وآنطوایدن آلتی سنجاق سپاہیازک علاوہ سیلہ
تزیید اولنان عسکرلہ دشمن ملکنہ کیرنجہ عیش و عشرتہ
قویلہرق امرا ، اعدا آرمسندہ بودر لو حرکت قواعد احتیاطیہ یہ
موافق اولہ میہ جغنی بیان ایتدجکہ « دشمن ہم قاووغمی کورسہ
فرار ایدر ، نہرہدہ قالدی کہ قلینجمہ قارشی کلسون ! » کبی
سوززلرہ مقابلہ ایدر ایدی . بونککہ برابر دشمن قارشیدن
کورندیکی کبی فرارہ عزم ایلدی . امراہر نہ قدر « دہا نہ اولدی کہ
فرار اقتضایتدی ؟ شمدی یہ قدر ایدیلن مردلک دعوالری نہرہدہ
قالدی ، ایلریدہ پادشاہہ نہ جواب ویریلور ؟ » یولو فریادلر

ایکی عربہ طولوسی اشیا ورؤس مقطوعه هدیه کوندرمشدر .
مزید بک ایله اوغلنک باشی بو عربہ لک اوستنه وضع اولمش ایدی .
بونلرک آره سنده براختیار ترک بولندیردوق هدایای برانقوویچه
تقدیم ایتمکه اجبار اولنمشدر . »

مجار قرالی و آلمانیا ایمراطوری سیغیزموندا ولدما در بخطاسی
اولان هونیا د اوزمانه قدر دولت علیه ایله اوغراشان خرسیتان
امراسنک مهارت عسکریه جه جمله سنه مرجح اولدیغنه و حتی
اوعصرک اک بیوک قهرمانلرندن بولندیغنه شبهه یوقدر . فقط
بوغوغا برنجی محاربه سی اولسنه نظر آکندینک مزیتی مزید
بکه و حتی کیمسه یه معلوم اوله بیلمک احتمالی یوق ایدی که مزید
بک زره و آتی تحقیق ایدرک طوتدیرمق ایچون سبا هیلره امر
ویرمسی صحیح اولسون . هله هونیا د ک کرچکدن بویله برروایتیه
اینانوبده بشقه بریله آت وزره دکشدرمش اولسی کرچک ایسه
صکر دلری خیلی شانلر قزاندیغنده شبهه اولمان عسکرک مساکنه
جبانم مفرطه ایله کیرمش اولسنه حکم ایدیاور .

اسرایه تجویز ایتدیکی معامله بو عصره کوره هر درلو نفرته
شایسته در . فقط انصاف ایله دوشونیاور ایسه اوزمانک عاداتجه
اصحاب سیفک اختیار ایده کلدکلری معامله لردن فضا به برشی دکلدر .
وقعه نک نقلنده ایسه دشمنک اوچ بیک ضایعاتنه قارشى بزم تلفاتک
یکرمی بیک کشی به بالغ اولسی مبالغه لی کورینور . واقعا بوزغون
بر اردو ایچون دشمنک یدی سکنز مثلی ضایعات ویرمکده

یانقو نامیله یاد اولنان ژان هونیاد برنجی دفعه اولق اوزره بو محاربهده میدان چیقار قینی بکی سیمون ایله برابر هرمانشتادک امدادینه شتاب ایلدی مزید بک چند امرده قزاندینی غلبه یه مفرور اولدیغندن مقابله یه عزم ایتمش وشجاعتارینه اعتماد ایلدیکی سپاهیلره هونیادک زرهلی آتی تعریف ایتمش ایدی. سپاهیلر حیاً ومیتاً طوتهرق کندیسنه نسلم ایتمکی وعد ایتدیلر . هونیاد بوخصوصی جاسوسلارندن خبر آلدیغندن زره و حیوانی سیمون ایله تبدیل ایلدی. سپاهیلری سیمونی هونیاد قیاس ایدهرک اوزرینه هجوم ایلدیلر. ویاننده بولنان اوچ بیک آدمیله برابر محو ایتدیلر. فقط هونیادک شجاعت فوق العاده سی ایله قلعه دن خارجه ایدیلن بر هجوم، مظفرتی بری طرفه قزاندیرمشدر. ترکلرهم اوک وهم آرقه طرفلرندن اوغرادقلری حماله اوزرینه یانلرنده بولنان اسیرلری ترک ایدهرک ومیدان حربده یکر می بیک تلفات براقه رق اطرافه طاغلدیلر. مزید بک ایله اوغلی اعدام اولندقلری کبی هونیاد عسکرینک غضب وتهوری ده، کندیمی سفره ده یمک یرکن اللرینه یکن ترکلری کوزی اوکنده اتلاف ایتمک درجه سنه قدر کوتورمشلردر. مجازیلرک تلفاتی اوچ بیک کشیدن زیاده دکل ایدی، هونیاد بوندن صکره افلاقه کچهرک طونه نک ایکی جهتنده بولنان یرلری غارت ایتمش ومجارستانه عودت ایتدیکی زن منجی وطن صورتنده تلقی اولنمشدر. عسکرلری قدر وحتى اولان هونیاد مجارستان متفقلرندن صرپقرالی پرائقوویچه



وقتا کہ ۱۸۴۵ سنہ سی حلول ایلدی ، عثمانلی دلاورلرینک ادوار مظفریتندہ برسکتہ موقتہ اثرلی کورلمکہ باشلادی .

خواجہ سعدالدین دیرکہ : « دراقول حبس اولنوبده افلاق مملکتی حکومتدن خالی قلنجہ مجار قرالی افلاق بکنک اقرباسندن برنی اورانک اداره سنہ کوندرمش ایدی . پادشاہ سمندرہ محاصرہ سیلہ مشغول ایکن بو آدم طونہک بری طرفنہ کچہرک برطاقم یغما کرلمکہ جسارت ایلدی . طرف پادشاہیدن بونلرک تأدینہ فرید بک مأمور ایدلمش ایدی . فرید بک طونہی کچہرک افلاق حاکمی برکرہ بوزدقن صکرہ یانندہ کی عسکر یغمایہ طاغلدیغندن افلاق بکی کمیدن چیقارق و فرید بک فرقه سی اورتہیہ آلہرق بندیکی حیوانک سرعتی قوتیلہ فرار ایدہ بیلنار دن ماعداسنی اتلاف ایلدی . »

ہامر ایسہ وقعہ نک تفصیلاتی شودرلو بیان ایدر : « قرق سنہ اول بر قطاع طریق فرقه سی رئیس اولدینی خالدہ سیواس شہرینی شہزادہ سلطان محمد ایلہ بایزید پاشانک تشبثانہ قارشی مدافعہ ایدن مزید بک ۱۸۴۲ سنہ میلادیہ سی مارتندہ افلاق دن ترنسیلوانیایہ کچہرک یورکی لسیدس نام باباسی چند امرہدہ منہزم ایتدکن صکرہ ہرمانشادی محاصرہ ایتشدی . ترکر بپنندہ

طونه اوزرینه حرکت ایدینه رک صرپ قرانک مجارستان حکمدارینه
تودیع ایدیکه بلغرادک محاصره سنه قیام اولندی . هامرک روایتنه
کوره محاصره اورنوس بک زاده علی بکه احاله ایدلمش ایدی .
علی بک قلاهیی قره طرفندن متریسارله احاطه ایدهرک و دکز
طرفندن قایقارله تضییق ایلیه رک آلتی آی قدر اوغراشمش ایسه ده
تسخیرینه موفق اوله مامشدر . اوزمان بلغرادک استحقامی
مستحیل التسخیرعد اولنه جق درجه لرده متین اولدیغندن بوروایت
پکده مبالغه لی کورنمز . بزم تاریخلرایسه ، پادشاه ، بلغرادک فتیحی
اوزون وقته محتاج اولدینی جهته اکا حصر وقت ایتمکدن ایسه
عسکرک دشمن ملکنه سوقتی تنسیب ایش و مجارستانه کیرن
کتایب جلادت ایسه اوزمانه قدر هیچ مثلی کورلمه مش درجه ده
غنیمته عودت ایش اولدیغنی بیان ایدرلر . اسرانک کثرتندن
برچفت پاپوشه برجاریه ساتلدیغنی تاریخلر روایاتنددر .



۸۴۳ سنه هجریه سنده مجارستان قرالی سمندرده بی استرداد ایچون طونه اوزرینه بر حرکت اجراسنی ایتمش ایسه ده عسکرنده قانلی باصور ظهور ایتدیکندن و خصوصیه مجارلر هر نه وقت ترك عسکرینی کورسه لر « قورد قورد » دیه باغریشه رق قاچه جق قدر ییلغین اولدقلرندن بوتشبی ترك ایله عودته مجبور اولدیغنی هامر روایت ایدر .

پادشاه ایسه سمندرده طرفلرینک محافظه سنی طورخان بکه حواله ایلدکن صکره ، اردوسیله برابر مجارقرالنه میل و امداد ایله عسکر ارسال ایتمش اولان بوسنه بکی توارتقونک تأدینه عزم ایدرک اول امرده نوابرده قلعه سنی تسخیر ایلدی .

توارتقو حکومت و حیاتی پادشاهک نچه غضنفرانه سندن قورتارمق ایچون سفیرلر ارسالله بوسنه قرالرینک اوتهدنبری اعطا ایتمکده اولدقلری ویرکونی یکر می بش بیک آلتونه چیقارمش وبوصورتله نائل عفو و امان اولمشدر . پادشاه بوسفرده حصه سنه دوشن خمس غنایمی مرادیه جامعنه صرف ایلشدی .

سلطان مراد اسحق بک ایله طواشیلردن شهاب الدین پاشایی عموم سرحدلرک محافظه سنه تعیین ایدرک ۸۴۳ شتاسنی چیقارمق ایچون ادرنه یه کلش و دبدبه لی برسور مسرت ترتیبه شهزادکاندن علاء الدین ایله فاتح سلطان محمدی سنت ایتدیکی کبی کریمه لرندن برینی ده اسفندیار بکک اوغلنه تزویج ایلشدی .

۱۴۴۱ سنه سنه تصادف ایدن ۸۴۴ بهارنده ایسه ینه ادرنه دن

محاصره سيله مشغول ايكن اوزر لرينه بردشمن اردوسى كلديكنى
 خبر آلديلر . خبرى متعاقب دشمن آتلىرىنىك آياغندن قالقان
 توزلر ، دومانلر ظهور ايتمكه باشلادى . بودومانلرك آره سندن ده
 بربرينى متعاقب ايكي فرقه كللكده اولدينى كوردى . عساكر
 اسلاميه مهاجرلى سلاح ايله استقبال ايتديلر . خواجه نك
 تعريفندن آكلاشلايدىغنه كوره ، محاربه پك شدتلى اولدينى حالده
 برخيلى زمانده امتداد ايتمش و عثمانلى دلاورلى ، دشمنك
 سواريسى طرفندن معاونته ميدان براقسزىن پياده سنى محو ايتمش
 و آندن صكرده سواريسى پريشان ايلشدر . غلبه ايسه او قدر
 مكمل ايدى كه منزه ملر فرارده ده امكان بوله مديلر . عثمانلير متصل
 مغلوبلى اعدام ايله اوغراشديغنى كورنجه اسحاق بك ، عسكرى
 بو عجزه نك اتلافندن مروتمندانه منع ايلديكندن محاربه ميدانده
 طاغيلان دشمن عسكرينى اسير ايتمكه باشلاديلر . اسرآنك مقدارى
 ايسه عثمانليره بيله فوق العاده كورينه جك قدر كترتلى ايدى .
 مؤرخ عاشق پاشا زاده - كه بو محاربه ده بالذات بولمش ايدى -
 اعدام ايتدكلرندن ماعدا يالكوز باشنه بش اسير طوتديغنى و بونلرك
 بشنى اسكوبده ۹۰۰ اتجه يه ساتديغنى بيان ايدر .

سمندر نك محافظه سنه طورخان بك براقلمش ايدى . بعض
 تاريخلر طورخان بك يرينه طوغان بك ديه ضبط ايتمشلر ايسه ده
 صكره كى محاربه لرده اورالرده طورخان بكك والى بولندينى ثابت
 بولنديغندن طورخان يرينه طوغان دنيلمسى سهو ناسخدن ايلرى
 كله برشى اولديغنده شبهه يوقدر ،

مؤرخ دوقاس ، بو غره غوار ایله بر خیلی زماندبری باب دولته رهن اولان برادرینک کوزلرینه میل چکلدیکنی نقل ایدر . حرب اسیرلری حقنده هر نه باپدیغندن بحث اولنسه او عصرک عاداته مطابق اولدیغندن قولنده تردد اولنمز . رهنلر ایسه ذاتاً نقض عهد حالنده فدای انتقام ایملک ایچون آله کلدیکندن رهن اولان بیچاره نك او عصرلره جاری اولان عادات ظالمانه یه فدا ایملش اولسی ده احتمالدن خارج دکلدر . حال بوکه نشری ، صرپ قرالنک کوزلرینه میل چکیان ایکی اوغلی ده سمندره ده اسیر ایدلدیکنی بیان ایدر .

اسحاق بک سمندره فتح اولمه دن بر قاچ کون اول حجدن عودت ایلمش ایدی . هامر ، اکر اسحاق بک کله مش اولسه غره غوار ایله قانتا قوزنک سمندره یی قورتارمغه موفق اوله بیله جکیرینه دائر بر احتمال بیان ایدر . واقعا اسحاق بکک مزیات عسکریه سی مسلمدر ، فقط شوراسی آندن مسلمدرکه سلطان مراد ثانی قلمه کشالقده ، کشور کیرلکده کیمسه نك اعانه سنه محتاج دکل ایدی ؛ زماننک ال بیوک عسکری کندیسیدر . اسحاق بک سمندره نك فتحنه سبب اولدی . فقط حجدن عودتیه برابر دولتنه خدمتدن ده کری قالمدی .

سمندره ضبط اولنور اولنمز اسحاق بک ، تکه دو پری یولی نامنده بر حصارک فتحنه سوق اولمش ونوظهور قهرمانلرندن امور بک زاده کر میان حاکی عثمان بک ده معیتنه ویرلمشدی . بکار قلمه نك

آنک قولنه کوره اسحاق بك ، سمندره قلعه سنك ضبطيه
 صرپ قرالنك وجودی رفع اولندقجه مجار حادثه سنك دفعنه
 امکان اوله ميه جغنی کرات ایله عرض ایلدیکندن سلطان مراد
 ۸۴۲ بهارنده طونه یه طوغری حرکت ایلمش ایدی . صرپ
 قرالی برانقوویج ایله افلاق حاکی دراقوله یی ده سفره دعوت
 ایلدی . سعدالدین ، صرپ قرالنك ایکی اوغلی در دولته
 ارسال ایله کندیمی کلمکدن اجتناب ایلمش اولدیغنی بیان ایدر .
 هامرک روایتنه کوره ایسه صرپ قرالی سمندره یی تحکیم ایله
 محافظه سنی بیوک اوغلی غره غواره براقه رق کندیمی ده کوچک
 اوغلی لازر ایله برابر مجارستانه التجا ایتشدی ، صحیح اولان
 روایت ده بودر . چونکه صرپ قرالی اراده یه امثال ایتیه جک
 اولدیغنی حالد اوغلارینی کندی ایله معرض انتقامه سوق
 ایتیه جکی بدیدر . دراقوله ایسه ایکی اوغلیله برابر بی پروا
 ادرنه یه کلش فقط مجارستان ایله مناسباتی ثابت اولدیغندن
 کندیمی کلیبولیده ، ایکی اوغلی ده بر دیگر قلعه ده توقیف
 ایلمشدر .

پادشاه طونه جهتنه واصل اولنجه بالذات سمندره نك
 محاصره سنه ابتدار ایلدی . صرپ قرالنك اوغلیله قائم برادری
 قانتا قوزن قلعه نك مدافعه سنده ثبات ایدره ك عساكر عثمانیه یی
 ایکی آی اوغراشدیردیله . نهایت قلعه عنوة فتح ایدیله ره ك
 غره غوار اسیر ایلدی .

آفنجیلر آرناودلقده غنیمت تحریسییه اوتیه بری به
 طاغدیلر . اسکندر کذرکاھاری طوتدی . عیسی بك بو حالی
 کورنجه الدهکی اسیرلری اعدام ایده رک بوغازلرده بولنان دشمنه
 هجوم ایلدی . برچوق شهید ویرمکه برابر ارناود طاقتی ده محو
 ایتدی . غنیمتسز فقط مظفر اولدینی حالدہ مقامنه عودت
 ایلدی .

عصیان حالنده بولنان آرناودلغی تأدیب ایچون آره صره
 عسکر کوندرلدیکی کبی اوسنه ده کوندرلمش اولسی محل اشتباه
 دکلدر . حربک صورت جریاننده ده عقل ایله تعارض ایده چک
 برشی کورلمز . بناء علیه روایتلرک بوجهتاری مقبولدر . فقط
 مشهور اسکندربکک آرناودلغه ۸۴۶ سنه هجریه سنه مصادف
 اولان ۱۴۴۳ سنه میلادیه سنده کیردیکی تاریخچه مثبت اولدیغندن
 بو وقعه ده آرناود عصانتک ریاستنده اسکندربکک بولنسی
 امکان داخلنده دکلدر .

بوندن صکره کی وقوعاتک ترتیب ظهورنجه نثری ایله
 ادریسک ضبطی بیننده اختلاف اوله رق نثرینک تقدیم ایلدیکی
 وقوعاتی ادریس تأخیر ایش وخواجه سعبدالین ایله تابعلری
 او مسلکی اختیار ایش ایسه ده اوزمان یازیلان روم تاریخلرینک
 افاده سی نثری بی تأیید ایلدیکندن وایکی قومدن یکدیگیرینه
 مأخذ ایده میه چک مورخلرک اتفاق ایسه دلائل قاطعه دن
 اولدیغندن بزجه ده نثرینک مسلکنه اتباع اولندی .

۸۴۰ بهاری داخل اولنجه پادشاه ، اورنوس زاده علی بکی مجارستان اوزرینه سوق ایلدی . هامرک روایتنه کوره صرپ قرالی برانقوویچ ایله مملکتین بکی ده علی بکک معیتنه مأمور ایدیله . علی بک ، خواجه سعدالدینک قولنجه طونه بی طمشوار جهتمندن کچهرک قرق کون قدر مجارستانی پمال جسارت ایلدکن صکره غنایم کلیده ایله عودت ایلدی .

۸۴۱ سنه سنده ایسه ینه علی بکی مجارستان اوزرینه سوق ایلدیکی کبی صرپ قرالی برانقوویچ ایله افلاق بکی دراقوله بی معیتنه مأمور ایلشدی . علی بک بو دفعه ده مجارستانه ، سعدالدینک روایتجه ودین طرفدن ، هامرک قولنجه سمندرهدن گذار ایدهرک طقوزقلعه فتح ایتمش وهر مانشتاده قدر کیتمش ایدی . علی بک قرق بش کون امتداد ایدن بو سفرندن یالکز یتمش بیک اسیر ایله عودت ایلدیکی مجار تاریخاری بیان ایدرلر .

سلطان مراد ادرنده مرادیه نامیله معروف اولان جامع شریفک اساسی ده بوسنه وضع ایتمش ایدی .

بزم تاریخلرک روایتنه کورد ، آرنانود حاکمک اوغلی اسکندر خدمت پادشاهیده بولنمش و شرف اختصاص حاصل ایتمش اولدیغندن پدرینک وفاتندن صکره ولایتی کندیسنه ویرلمش ایکن بو نعمتک شکرینی بیلمدی ، ۸۴۲ سنه سنده عصیان ایلدی . بناء علیه تأدینه اورنوس زاده عیسی بک وادریسک روایتنه کوره ایسه اسحاق بک زاده عیسی بک کوندرلدی .

پك زياده منفعل اولديغندن قزى آلمق ايستمدى . وكلاسيه
مشاوره ايلدى ، « زوجه پدريتك تادينه مانع دكلدر . كلين
بركره آلنسوزده ايجاب ايدرسه ينه قرالك چارسنه باقيلور . »
ديديلر . پادشاهده طواشيردن ريحان اغا ايله اورنك اغايي
كوندردى . اسحاق بكهده كليني آلمق ايچون حرمنى اغارله
ترفيق ايتتى ايچون امر ارسال ايلدى .

اغارله اسحاق بكك حرمنى كيتديار ، جهازيله برابر عروستى
آلهرق ادرنهيه كتورديلر . قرال اورنك آغايه ، پادشاهه حرم
دكل جاريه ويرديكى وجهازي پادشاهه هديه اولهرق قزينه
وياخود حرم همايونده بولنان جاريهلردن بشقه رينه ويرمك
اراده سنهيه تابع اولديغنى بيان ايتتى ايدى . بوخردهلى سوزلردن
اوتهدنبرى قزيني پادشاهه ويرمكده اولان اصرارندن آكلاشديغنه
كوره قزك تربيهسى وحسن وجمالى قوتيه يلديرم بازيدك حرمنى كبي
پادشاهي كندينه مفتون ايده جكندن واوسايده ايسه ايستديكى
ياپديره بيله جكندن امين ايدى .

سلطان مراد ايسه - بو حقيقتنه وقوفندن اولسه كر كدر -
قز ايچون دوكون بيله بايمدى وياننده برقاچ كون آليقويدندن
وبدرندن كتورديكى جهازى دهها برچوق شبلر علاوه ايدهرك النه
تسليم ايتدكدن صكره كنديسى بروسهيه كوندردى بروسهده
اولان اسقنديارك كريمهسى بولنان حرمنى جلب ايلدى ، قيشى
ادرنهده آنكله كچوردى .

اردوچہ بیلہ جک بریول آچدی رملق ایچون عملہ سوق ایتدی .
 اک مشکل برقاچ دربندی ده کشاد ایتدردی : ابراهم بک
 بوصورتله موانع طبیعیه ایله تحفظلندن ده عجزینی درک ایدنبجه
 سلطان مرادک کرم فطریسنه ربط امید ایلدی . برروایتده
 علمای عظامدن مولانا حمزه بی ودیگر روایتده جناب مولانا
 احفادنن عارف چلبی بی واحتمال که ایکسینی ده نزد همایونه
 کوندردی ، استدعای عفو ایلدی .

پادشاه اول امرده ابراهیم بکک یالکز جاننی باغشلایه جغنی
 وقرمان ملکینی برادری عیسی بکه ویره جکینی بیان ایلش ایدی .
 سفیرک و ابراهیم بکک زوجہ سی اولان همشیره سنک شدتله عرض
 ایلدکلری استرحاملر اوزرینه پادشاه اوفکر نندن ده فراغت ایدہرک
 قرمانی ینہ ابراهیم بکه ویرمش ویالکز جہ غصب ایلدیکی یرلرک
 استرادیله اکتفا ایلش ایدی .

۸۳۹ سنہ سنده ایسه اورونوس اوغلی علی بک ارناودلغه
 کیرہرک اموال کشیره اخذ ایلش ایدی . معافیہ بوضربہ ایله ده
 ارناودلر عثمانلی اطاعتنه ادخال ایدیلہمدی .

سربستان حدودنده بولنان اسحاق بک صرپ قرالنک
 خیانتنه دائر شکایات متعدده بیان ایلدیکنندن آنک اوزرینه
 حرکت ایدلمک اوزره ایکن سفیری ایله نامہ سی کلہرک حرم
 همایونه نامزد اولان کریمہ سنک جہازی حاضرلنمش وزمان
 ازدواجی کلش اولدیغنی بیان ایلدی . پادشاه یورکی پراتقوویجہ

سفر حیوانی طلب ایدنبجه قرمان اوغلی ترس جوابلر ویردی .
سفرک افاده سندن پادشاه نهایت درجده حدتلمش ایدی .
ابراهیم بکک حمیدایله تعرضی ده بو حادثه یه منضم اولدی ، قرمان
سفری اعلان اولندی .

ابراهیم بکک ملک پادشاهی یه تجاوزی وحتی عثمانلیرله قرمانلیر
بینده اوتهدنبری هر محاربه نك سبب اصلیمی اولان حمیدایلی
ضبطه جرأتی میدانده ایکن سفرک ظهورینه برآت غوغاسنی
سبب اصلی وبرملک منازعه سنی برحادثه مؤبده کوسترمک نه ساده
دلانه برحاکمه در . بدیهیدرکه حربک سبب اصلیمی ابراهیم بکک
ملک پادشاهی یه تعرضی ایدی . بو عزم ایچون اسباب مشدده دن
برحادثه وازایسه اوده تعرضک ، دها برچوق کره لر امثالی
کورلیدیکی کبی پادشاهک غزا ایله مشغول اولدیغی برزمانده وقوع
بولسی در . ابراهیم بکک ینه روم ایلیده کی متفقلرینک تشبثاتی
خیت وخران ایله نتیجه بولوبده شمشیر عثمانی کندی اوزرینه
توجه ایلدیکنی کورنبجه اجدادینک انزواخانه جباتی اولان طاش
ایله جکلدی . سلطان مراد ایسه ، قوصوه محاربه سندن صوکره
صحائف تاریخده نامی غائب اولان ویالکزجه برکره موسی چلبینک
تعقیبنده روایت ضعیفه اوله رق ذکر ی کچن قدمای مجاهدیندن
صاروجه پاشایی طلیعه سنه مأمور ایدهرک قرمان ملکته یوریدی .
آق شهر وقونیه وبکشهرکی قاعه لری برر ایکیشر کونده استیمان ایله
ضبط ایلدکن صکره قرمانلیرک استادکاهی اولان طاش ایله ده

سبب کندیمی اولدیغنی بیان ایتک ایستدی . و دین سنانی ایسه « طوپ سسندن حیوانلر من پای بندلرینی قیروب طوررکن دیل ایستمه نك زمانیمدر ؟ قولاقلمز صدا ایله طولدی ، طاوولجی بارکیرینه دوندك ! » جوابیله مقابله ایلدی . امت ایچون عین رحمت اولان ایشته بویه اختلافدرکه ایدیلن منازعه و مجادلله؛ و دین سنانك ، تحریصات مجاهدانه سیله بعض امرایی کندی فکرینه تابع ایده رك قلعه نك تخلیصنه شتاب ایتمسنی و بکار بیکی سنان بکک ده ، دیگر امرایله برابر و دین سنانك امدادینه کیتمسنی انتاج ایلدی . ایکی امیر صاحب جلادت بربرلیله قهرمانلق رقابتنه حقیقشدیلر . اقدامات فداکارانه لریله محار اردوسنی بوزدیلر و قلعه نی فتح ایلدیلر . بو محاربه ده انکرس اردوسنده هر نه موجود ایسه عثمانلیره نصیب اولدیغنی تاریخلر روایت ایدرلر .

کوکرجینك تأدیبی محارلیرك برمدت دائره سکونته قالمالرینه کافی کوروندی . ۸۳۷ بهاری داخل اولنجه سلطان مراد بالذات قره مان اوغلنك تأدینه عنزم ایلدی . بزم تاریخلر دیرکه : ذوالقدر اوغلی مثل بولنمز برآت پیدا ایتمش ایدی . قرمان اوغلی ابراهیم بک کندیسندن ایستدی . اوده سلطان مراد ایچون بسلدیکنی بیان ایده رك و برمدی . قرمان اوغلی حیوانی چالیدردی . ذوالقدر اوغلی سلیمان بک کیفیتی سلطان مراده اخبار ایدنجه پادشاه سلانیک فتحی مزده سیله کوندردیکی سفیره ابراهیم بکدن حیوانی ایستمسنی سپارش ایتمش ایدی .

سلطان مراد ۸۳۷ تاریخنده بالذات مجار سفربنه کیتمک عزمنده ایکن آناتولیدن برطاقم فریادجیلر ورود ایدرک قرمان اوغلنک حمیدایلی ضبطایله والیسی اولان شرابدارالیاس اسیر ایلدیکنی اعلام ایتدیلر . برطرفندنده سرحد امراسی صربستان قرالنک ینه مجار حکمداریله اتفاق ایتدیکنی ویتلری کوکر جینلک قلعه سنه تعرض اولدیغی اخبار ایتدیلر بادشاه بوخبرلرک تواردی اوزربنه قرمان اوغلنک خرستیان حکمدارلریله اتفاقنه حکم ایتدی . وحرک نه طرفنه دها زیاده اهمیت بوله جغی تحقق ایتدیکجه بر جنبه کیتمکی مناسب کورمدی . کندی ادرنهده اقامت ایلدی وروم ایلی بکلر بکی سنان بکی کوکر جینلک حصارینک محافظه سنه کوندردی .

سنان بک نه قدر چالشمش ایسهده طوبه یه مجار قرالندن اول یتشه مدی . کوکر جینلکه تقرب ایلدیکی سردهده قرال قلعه بی محاصره ایتشدی . کندیسی بردن بره دشمنک اوزربنه وارمغه جسارت ایدمه یه رک جوارده اردوسنی قوردی ، ایده جکی حرکت ایچون تردد حالنده ایکن و دین والیسی اولان دیگر سنان بک — که و دین سنانی دینلمکله معروف ایدی — اردونک بولندیغی یرمه کله رک بوتردده شدتله نعربضنر ایتدی . بکار بکی سنان بک نامداشنه . مقابله ایدرک ، اورالر کندی حکومتکاهی و دشمندن دل آلق کندی وظیفه سی اولدیغندن و حال بوکه بو خدمتی ایفا ایتدیکندن حرکات عسکریه ده تأخره

اجراسیله مجارستان تحقیق احوالنه اورنوس زاده علی بك مأمور ایلدی . خواجه سعدالدینك روایتیجه علی بكك یاننده بولنان آقچیبار آرزوی غنیمتله اطرافه طاغلقری صرده مجار قرالی عسکريله بولندیی مواقع اختفادن چیقاردرق بونارك کیمنی شهید، کیمنی اسیر ایتمش وعلی بكك آز آدمله نجات بوله بیلمشدر .

هامر ایسه عثمانلیلرک جزوی مغلوبیتی کوستره جک بروقه بی ایراد وخصوصیله قاتولیکره تعلق ایدنجه اعظام ایتکده فرصت قوت ایتدیکی حالدده علی بكك بومغلوبیتندن هیچ بحث ایتمز .

بولندن آکلاشیلان مغلوبیت هیچ وقوع بولماش اولسه بیله غالب کلن طرف ایچون بیله شایان ذکر عد اولنیه جق درجه لرده اهمیتسز ایدی . خواجه سعدالدین ایسه حادثه بی، آرزوی غنیمته اتباع اولنورسه ثواب غزای ساقط اوله جغه دائر برموعظه یه موضوع عد ایلدیکندن قصه بی مجرد حصه ایچون یازمشدر .

بوجهته ایستدیکی یوله دغدغه لندرمش وبناء علیه نقلنی تاریخلرکدن حکایه کولق درجه سنه چیقارمش اولدینی کندی کندینی کوسترمکده در . سعدالدین بو حادثه نك تاریخی (ثلث وثلثین) اشارتیه بیان ایتمش ایسه ده؛ اولا وقعه بی ۸۳۴ ووقوع اتندن صکره یازدیغنه وئانیا ۸۳۷ سنه سنده ووقوعندن بحث ایلدیکی سنانک سفرینی اکا ربط ایلدیکنه، ثالثاً خواجه دن بشقه الده اولان عثمانلی تاریخلرک عمومی علی بكك سفرینک ۸۳۶ تاریخنده وقوع بولدیغنی بیان ایلدیکنه نظراً خواجه سعدالدینک ثلث وثلثین اشارتی ست وثلثین اشارتندن غلط اولدیغنه حکم اولنور .



۸۳۵ سنه سنده روم ابلی بکلربیکی سنان بک ، بزم تاریخلرک
روایتنه کوره آقین ایچون وفرنک تاریخلرینک نقلنجه ، آرنادولغک
جهات شمالیه سنه حاکم اولان یانی قاسترییوته وفات ایلدیکندن
ملکنی تسخیر ایچون آرنادولغه سوق اوآش ایدی . بزم
تاریخلر سنان بکک بوسفردن پک چوق اسیر وغنیمتله مظفراً
عودت ایلدیکنی وهاممرا یسه خرستیان تاریخلرندن نقللاً آرنادولغه
سکیز بیک ترک عسکری کیرمش ایسه ده آرناد بکلرینک درت
بیک کشیدن عبارت بفرقه سنه مغلوب اولدیغنی بیان ایدر .
روم ابلی بکلر بکی یالکزجه سکیز بیک کشی ایله آرنادولغه
کیرمیه جکندن هاممرك نقل ایتدیکی فرقه سنان بک سریه سنک
برجزوی اواسه کرکدر . او جزوده اکر درت بیک آرناد
عسکرینه مغلوب اولدیه ، اوزمان عثمانیلرک عموم اقوام جهان
اوزرینه رجحان شجاعتاری مسلم اولسنه نظراً ، شبهه یوقدرکه
اویله آرنادولرک ایکی مثلی برشی دکل ایدیلر .

بو آرنادولق سفرینی متعاقب آرده موجود اولان متارکه
کوکر جینلک حادثه سیله منفسخ اولان مجارلره عثمانیایجه برضربه
تأدیباورمق ایستندی . اوزمانلر ایسه بره ملکک مداخل و مخارجنی
بیلمک مجرد کوره که محتاج اولدیغندن برنوع کشف تعرضی

فقرايه بعض لايقسز معامله لر ايدلمش . اكر پادشاهه عكس ايدرسه انفعال هايوني موجب اولور . شاهرخ ميرزا حاضر ملككزذن كيتمش ايكن عودت ايتسه كز خيرلى اولور . « مألنده برشى كوندردى وفي الحقيقه شاهرخ ميرزاده خراسانه چكلمش اولديغندن اسكندر آذربايجان طرفنه عودت ايلدى . نه فائدهسى واركه اويله برمه مان عزيزه يوركج پاشانك القما آتيله لايقسز بر معامله ايدلمش اولدى .

في الحقيقه بر آدمك مهمان اولديغى ايچون فقرايه تعرض ايتسسه مساغ كو سترمك پادشاهار ايچون قابل دكلدر . فقط آلب آرسلان اوغلى حسين بك جانيكى بالذات تسليم ايتمش ايكن ينه كنديسى پادشاهه عاصى كو سترن يوركج پاشانك اسكندر ميرزا توابعى حقنده وقوع بولان مفترياته اعتماد اولنق لازم كلزدى . خصوصيله اسكندر ميرزانك كرك تيموريلردن و كرك آق قيونلوردن موجود اولان خصمانه قارشى عثمانليردن بشقه هيسج بر مرجع و پناهى اولمديغندن عثمانلى ملكنك رعاياسنه تعدى ايدوبده صوك اميدكاهنى كندى صنعيله محو ايتمكه قالمشميه جغى بديهى اوله رق اكر توابعدن بعضيارى بر مناسبتسزلك ايتدى ايسه هر كسدن زياده كندى التزام ايتمك امور طبيعيه دن ايدى .



ايه او طرفه سوق ايش ايدى . حال بوکه يانيه اها ايسى بو پرنسارك جمه سندن بيزار اولدقلرندن سفيرلر كوندردرك حريتلىنه طوقونلماق شرطيله پادشاهه عرض تابعت ايتديلر . يانيه ايله اطرافى بوصولته عثمانلى ملكنه الحاق ايدلدى .

قرنك تاريخلرينك رواياتندركه يانيه ده اقامت ايدن عثمانلى ضابطلرى يرلدين قز آلمق ايستديلر . يرليار كنديلرلنده برنجابت ، عثمانليرده برنوظهوراق تصور ايتدكلرى ايچون موافقت ايمه مشر ايشى . بر باستاليا كوني قزلر كليسادن چيقاركن عثمانلى دلى قانايلىرى ايستدكلرينى جبراً آلهرق خانه لرينه كتورديلر . يانيه بكارى ده چاره سز بونلرك نكا حنه موافقت ايديلر .

۸۳۴ تاريخنده قره يوسف اوغلى قره اسكندر خوى وسلماس طرفلرلنده شاهرخه مغلوب اولهرق سلطان مراده التجا ايتمش وآماسيه طرفنده كنديسنه قوناق تعيين اولمش ايدى . شرالناس اولان يوركج پاشا اسكندر ميرزا توابعنك فقرايه تعدى ايلدكلرندن بحث ايدهرك پادشاهى اغضاب ايدلى . او مهمان غريبك ملكدن اخراجى ايچون اوزمان آنا طولى بكار بكا كنه تعيين اولمش اولان تيمور طاش زاده امور بك تعيين اولندى . وميرزانك اخراجى خصوصنده امور بك ايچون ذاتاً متصف اولديغى سجيئه مردانكى جهتيه بشقه درلو حركتك احتمالى يوق ايدى .

امور بك ميرزايه بر مکتوب يازارق « توابع طرفندن

مقدما کوزلرینه میل چکلدیکنی بیان ایدر . حال بوکه شهزاده سلیمانک کوزلرینه میل چکلدیکی معلوم ایکن آنکده بوئاننده وفات ایلدیکنندن بحث ایتمکله برابر میل مسئلهسنه دائر برشی سویله مز . بوحواله کوره مؤرخ کوزینه میلی چکلکم مسئلهسیله سلیمان بکی تعریف ایدرکن عبارتمک یاکلیشقله بریکیلره عطف ایدلمش اولسنه حکم ایدیله بیلور . چونکه سلطان مراد برادرلرینک کوزینه میل چکمش اولسه ایدی ، عثمانلی پادشاهلرینک شدتندن غدارلغندن بحثه بهانه آرایان وحقی بوله مازسه ایجاد ایلین روم مؤرخلری بویله برفرصة تعریضی فوت ایتملرینک احتمالی یوق ایدی . بونلر ایسه بالعکس سلطان مرادک ، کندی اوزرینه سلاح قالدیران شهزاده مصطفادن ماعدا برادرلرینک هیچ برینه ایلشمدیکنی اعتراف ایتمکده درلر .

۷۳۳ سنه سنک عثمانلی تاریخلرنده تصادف اولنان وقعه سی فاتح سلطان محمدک ولادتیدرکه برسنه نک دکل برعصرك جمله منافع ومدار مفاخری اولغله کافیدر . مع مافیله فرنک تاریخلرینک روش افاده سنندن آکلاشدیغنه کوره یانیه جهتلرینک فتحی ده بوسنه یه تصادف ایدر . روم ایلینک جهات غربیه وجنوبیه سننده دها عثمانلی قلیجنه باش اکمین لرلر اوافق تفک برطاقم روم پرنسارلرینک اداره سننده اوله رق یانیه طرفلریله یونانک سواحل عرب شمالیسنی پایلاشه میان اوچ برادر دن « ممنون » سلطان مراد دن استمداد ایلدیکنندن پادشاه دها سلانیکده ایکن قره جه پاشایی برفرقة عسکر

اثناسنده قبودان آندريا موچينقو ونديك دونماسيله كليبولي به
 كلرك مدخلي سدايدن زنجيرلردن بريني قيرمش اولديغني ونديك
 تاريخنك مؤلفي لوژيه روايت ايدرده ، اكر سائر قبودانلرده
 بونك قدر غيرت ايتسه لر بهمه حال عثمانلي دونماسني محو ايتمه
 مقتدر اوله جقلرندن بحث ايدر . بو افاده نك خلاصه سي ايسه
 ونديك دونماسنك بزم سفينه لره تعرض ايده مديكني برصورت
 مؤولانه بياندن عبارتدر . ينه بعض فرنك تاريخلرينك روايتارينه
 كوره آندريا موچينقونك رينه تعيين اولنان سيلوستر موروزيني
 ونديك سفينه لرينه آق دكز بوغازينك آناطولي ساحلنده كي
 استحكاماتي ضبط و تخريب ايش و ونديك ايله محاربه مز سالنيك
 ضبطي و آناطولي استحكامنك تخريبي ايله ختام بوله رق آندن
 صكره دولت عليه ايله جمهوريت آزه سنده مصالحه تجديد
 ايدلس ايدى .

بوسنه نك بريوك فاجعه سي بروسه ده ظهور ايدن طاعوندر .
 اميربخارى و شهزاده سليمانك اوغلي اورخان بك و بادشاهك
 يوسف و محمود نامنده ايكي برادري و حاجي عوض پاشا بو طاعوندن
 ارتحال ايلديلر . مولانا شمس الدين فناري ايله صدر اعظم ابراهيم
 پاشاده بوسنه وفات ايتمش اولدقلا رينه دائر بر روايت وارايسه ده
 قول مقبوله كوره ابراهيم پاشا ۸۳۱ و فناري ۸۳۴ سنه سنده
 انتقال ايتمشلر ايدى .

خواجه سعدالدين ، شهزاده يعقوب چلبى ايله محمود چلبينك

فوق العاده لکنہ دلیل اولہرق کوسترلمکدہ بولنمشدر . اسلامک
 قرن اولندہدہ مشاہیر مجاہدیندن همیر بن حباب السلمی ،
 معاویہک اوآخر سلطنتندہ برقلعہ محاصرہ اولندیفی صرہدہ
 حصارہ صعود ایدہرک رفیقاری یتشوبدہ قلعهی ففتح ایدنجہیہ
 قدر محاربہدہ دوام ایتمش وبوشجاعت ایسہ ، قرق سنہ ظرفندہ
 جیحون بویندن محیط غربیہ قدر متمد اولان ممالکی فتح ایله
 اسکندرک جهانکیرلکنی اونوتدرمش اولان غزاة موحدین ایچندہ
 کندیسنه باعث افتخار وامتیاز اولمش اولدیغنی تاریخلر روایت
 ایدرلر .

بزم بوقهرمان عسکرده سالانیک قلعهسنک فتحنه منفرداً
 سبب اولمقدہ ، برجهانکیرایله جهانکیرلرعدادینه داخل برمجاهدک
 علوشاننه اشتراک ایتمش ایکن حیفاکه تاریخلر مزده نامی ذکر
 او ندقدن بشقه بر عثمانلیدن اویولده فوق العاده بر قهرمانلغک
 صدوری بیله یالککز فرنک تاریخلرنده کوریلیمور .

سلطان مراد خمس غنایمدن حصهسنہ عائد اولان اسرانی
 زمانندہ جاری اولان عاداتک فوقندہ برمروت حکیمانہ ایله آزاد
 ایدہرک وسالانیکدہ اولان خانہلرنی ده ینہ کندیلرینہ اعطایلیہرک
 شهرک محافظه عمرانہ همت ایلدی . فقط بوتدیر اومقصدک
 استحصالنه کافی اولماق جهتیلہ واردار یکیکهسندندہ سالانیکه
 برطاقم خانہلر نقل ایتدیرمش ایدی ، سالانیک محاصرہسی

هر درلو مغانم عسکرک اولدیغنی اعلان ایلدی و ایرتسی کونی بالذات اردوسنی طولاشه رق محاربه ده غیرتی مشهود اولانلره خلعتلر ویردکن و هرکیم قلعه دن برطاش قوپاررسه براسیر آله بیله جک قدر احسانه نائل اوله جغنی وعدایلدکن صکره هجوم ایچون امر اعطا ایتدی. مجاهدین او موزنده طاشیدقاری نردبانلر ایله دیوارلره صارلدیلر. ایچارندن برقاچی خندقه دوشدکن صکره بری، مثلث معناسنه تریفونون نامیله معروف اولان برجه صعود ایلدی و اوکنه تصادف ایدن محافظی اعدام ایده رک باشنی دیوارک اشاغیسنده مجتمع اولان دشمنلرک اوزرینه فیرلاندی. خرسیتیانلر بو حالی کورنجه برجک عثمانیلر طرفندن ضبط اولندیغنه حکم ایتدیلر. برآمدن عبارت اولان بوقوتک اوزرینه کلمکه جسارت ایده مدیلر. او قهرمان یالکز باشنه برمدت برجی محافظه ایلدی. رفقای جلادتی آنک قهرمانلغنی مثال غیرت اتخاذا ایلدیلر. نردبانلرله برجه صارلدیلر. طریق ترقی کبی مشیی صعوددن عبارت اولان بومنهج حیتدن دخول ایده رک قلعه بی عنوة تسخیر ایلدیلر.

مشهور اسکندر بر قلعه یه هجوم ایتدیکی سرده دیواردن چیقدیغنی ایپ نردبان قومش و بناء علیه ارقه سندن کیمسه چیقمه میهرق کندیسسی برچاریک قدر قلعه نک ایچنده یالکز قالمش ایدی. اسکندرک جهانگیرلکی بیله بواقدامنک اهمیتی آزالده مامش وتاریخلرده، قلعه ده تنها قالیشی ده ایران دولتنه غلبه ایدیشی کبی

قلعه‌نک صورت فتحه کلنجه ، فرنک تاریخارینک روایتنه کوره سلطان مراد تدارکاتی اکل ایلدکن صکره سیروزه عزیمت ایدرک آناتولی بکلر بکیسی اولان حمزه بکی جلب ایله اردوسنک طلیعه‌سنی آنک قومانداسیله سلانیک اوزرینه سوق ایلدی . حمزه‌بک قلعه‌نک محاصره‌سنه بدایلدیکی صره‌ده - که شباطک یکریمی آلتنجی کونی ایدی - بر شدتلی زلزله وقوع بوله‌رق سلانیک خلقنه خیلی تلاش ویرمش ایدی . حمزه‌بک بوفرصدن استفاده ایدرک قلعه درونه برقاچ عسکر ادخال ایدی روماری اقناع ایله قلعه‌نی تسلیم ایتدیرمکه چالشدی . بویله برمصیبتی فرصت جرأت اتخاذا ایله برقاچ کشینک برمحصور قلعه‌یه کیرمکه واهالی‌یه حکومت علیه‌نه تحریک ایتمکه تشبث ایلمی هر قومه نصیب اوله‌بیله‌جک قهرماناقلردن دکلدرد . حمزه‌بک بوتششدن بشقه قلعه درونه آتیلان اوقلره مکتوبلر باغلاده‌رق بونلرده روملره خطاباً اکر قلعه‌نی تسلیم ایدرلرسه جان ومالترینه امان ویریله‌جکنی بیان ایتمشدی . احتمال‌که بوتدیرلر برتیجه حاصل ایدردی . فقط وندیکیلر هر روم عسکرینک یاننه کندیلرینک غنیمتچی نامیله یاد ایتدکلری عسکرلردن برنفر ترفیق ایلدکلرندن روملر هیچ برشی یایمغه مقتدر دکلدرد ایدی . حمزه‌بک بوتدیرلره مشغول ایکن پادشاه‌ده اردوسیله برابر قلعه پیشکاهنه کلدی واورنوس زاده علی بکک رأی اوزرینه یالکوزجه قلعه ایله مملکت پادشاهک وایچنده‌کی

تابع اولمشلر ایدی . وندیک جمهوری تجار تجه اوتدر مهم
 بر شهره مالک اولمغی بر بیوک فرصت بیلدی . اوصره ده ایسه دولت
 علیه ایله اولان متار که سنک مدتی ختام بولدیغندن معاهده یی
 تجدید و سلانیکه تصرفی قبول ایتدیرمکه چالشدی . سلطان مراد
 ذاتاً سلانیک جد عالیشان اولان سلطان یازیدیک تصرفنده
 بولمیش اولمسنه نظراً ممالک موروثه سنده معدود اولدیغنی و تکرار
 روملرک انزه دوشمسی مقرون مساحه اولسه بیله فرنکلرک
 تسلطنه هیچ ریاضی اولمیه جغنی بیان ایله اگر قلعه تسلیم
 اولمزشه بالذات فتحنه عزیمت ایده جکنی ، بیان ایده رک
 وندیک ایلچیلرینی یانندن دفع ایش ایدی . بناءً علیه صربستان
 سفری ختام بولدیغنی کبی سلانیک فتیحی ایچون تدارکاته
 باشلادی .

استانبول ایمپراطوری مانولک وفات ایتسی ویرینه کلن
 یوانک زیتونی و قره دکز سواحلنی دولته ترک ایله برابر
 جزیه یی ده قبول ایتسی جهت لریله استانبول ایمپراطورندن اخذ ناره
 محل قالمدیغندن و وندیکیلرک سلانیک روملردن آلمسنه نظراً
 استانبول ایله سلانیکک مدافعه سی ایچون ایکی حکومت بیننده
 اتفاق وقوعنه عقل قائل اولدیغنی کبی وندیک جمهورینک ،
 سلانیک جوارنده بولنان یرلره تسلط ایدوبده اوزرینه بلا
 دعوت ایتسی احتمالدن بتون بتون بعید اولدیغندن بزم تاریخلرک
 بووقعه یه متعلق روایاتی مجروح کورینور .



۸۳۱ سنهسى وقوعاتى صدر اعظم ابراهيم پاشانك وفاتى ختم ايلش ايدى . وقتاكه ۸۳۲ سنهسى داخل اولدى ، سالنيكك فتحنه عزم اولندى . عثمانلى تاريخلرينك روايتنجه ، بوكا سبب سالنيك تكفورينك استانبول ايمپراطوريله اتفاقى ايدى: پادشاه دوزمه جه مصطفى وقعه سندن طولايى استانبول ايمپراطورندن اجذثار عزمنده اوله رق حتى استانبولى محاصره ده ايتمش اولديغى خالده شهزاده مصطفى حادثه سندن طولايى حرکات عسكريه سنى تعويقه مجبور اولمش ايدى . ايمپراطور ايسه پادشاهك عزمى بيلديكسندن عثمانلىلرى بشقه طرفلره اشغال ايچون مجار قرالنى وسائر فرنك حكومتلرني تحريك ايله ممالك شاهانه يه تسليط ايلديكى كى سالنيك حكومتيله ده حين حاجته يكدىكرينه معاونت ايچون اتفاق ايلش ايدى . بوتحريك واتفاق اوزرينه برطاقم فرنك كيملىر كاهرك سالنيكه عسكردو كديلر واورادن اطرافه تسلط ايتمهك باشلاديلر . بو حال ايله سالنيك فتحنه عزم اولندى .

فرنك وروم تاريخلرينك روايتنه كوره ايسه ؛ سالنيك اهالىسى ايمپراطور مانولك اوغلى اندرونيقوسى، كسنديلرني محافظه دن كوستردىكى عجزه مبنى باشلارندن دفع ايدهرك ونديكه

سلطان محمد معذور ایدی. بلکه او یله برحق کوستردیکی ایچون پاشانی اومسندده استخدام ایله موسی چلبینک معاملاتنه باقهرق کندیلرینکده خاندانلرینکده بقای اقبالندن مایوس اولان امرایی تأمین ایتمسی اقتضا ایدردی. فقط ابراهیم پاشانک وفاتندن سوکره نه او یله برلزوم، نه او یله بر ضرورت وار ایدی. چونکه تابایزید پاشانک وفاتنه قدر حقیقی صدارت آنده اوله رق پاشانک وفاتندن صکرده ابراهیم پاشانک وزارتی مصالح عادیه نک رؤیتنه انحصاردن قورتیله مامش ایدی. مصالح کلیه ده دکل، تیمور طاش زاده لک طشره مأموریتلرینه طاغیدلمسی وحاجی عوض پاشانک مجازاته اوغرامسی کبی مسائله بیه پاشانک مدخلندن بحث اولمز. بو حکم سز لکه نظر آ آنک وفاتیله جدی بر خدمت آچلمامش ایدی که یرینه اوغلی نصب اولمدیغی صورتده او خدمتک ایفاسی قابل اولوب اولیه جغنی دوشونمکه محل اولسون. ابراهیم پاشانک یرینه بشقه بری وزیر اعظم تعیین اولنه رق شووراث طرزینه بر نهایت ویرمک مقتضای احتیاط ایدی.



حکمداری یورکی برانقوویچ سنوی الی بیک آلتون جزیه و یرمک و مجارستان ایله بتون بتون قطع مناسبات ایتک و حین حاجتده عسکر یله خدمت پادشاهی یه کلک اوزره عقد صلح ایلدی .

اسحاق بک صرپ سفرینک ختامندن صکره بوسنه یه آقین ایدره ک کیتلی غنایم آلدیغی تاریخلرک روایتنددر . بوسنه حکومتی اوزمان مجار قرالنک عهدنده اولسنه نظر آ بووقعه ، فرنک تاریخلرنده کی سیغیزموند ایله متارکه عقد اولندیغنه دائر روایتک صحیح اولدیغنی کوسترر .

ینه بوسنه ظرفنده کر میان اوغلی یوقوب بک وفات ایدره ک وصیتی اوزرینه ملکی ممالک عثمانیه یه الحاق ایلدی و حکومتی ده امور بک زاده عثمان چلبی یه توجیه اولندی . روایت مشهوره یه کوره صدر اعظم ابراهیم پاشا بوسنه وفات ایتمش و مسندی مخدومی اولان وقاضی عسکر لکده بولنان خلیل پاشایه توجیه اولمش ایلدی .

قره خلیک ارتحالنده کالات علمیه و معلومات سیاسیجه جامعیت اصحابندن کیمسه اولماسی علی پاشانک صدارته انتخابنده سلطان مراد اولی ممدور کوسترر . خصوصیه بر صدر اعظمندن صکره اوغلنی باباسنک مسندنده استخدام ایتک وزارتیه پکده بر مثال کوستررک عداولنه مز . فقط علی پاشانی صدر اعظم ایتک عادتاً اوخاندانه وزارت ایچون بر نوع حق و یرمک ایدی . معافیته اولیه بر حق کوستردیکی حالدده ابراهیم پاشانی وزیر ایتکده چلبی

بالذات کیتمش ایدی . فقط بوتحتمیک یا کلش اولدیغنده شمه یوقدر . چونکه صحیح اولق لازم کلسه بزم تاریخلرک البته برندن بری یازار ایدی . سیغیزموند ایسه اوزرینه واران عمانلی عسکر یله برمتارکه عقد ایدهرک آنک نتایجندن اولق اوزره محاصره یی رفع ایلدی .

ینه بوتاریخلرک روایتنه کوره ، سیغیزموند طونه نك اوتنه سنه کچدکن صکره ترک عسکری شرائط متارکه نك خلافنه اوله زق اوزرینه مجوم ایلمی فقط سندکانندن برضابط کندیسنی سیغیزموند اولق اوزره میدانه آتغله ایمپاتورک یرینه اوفدای اتلاف ایدیلهرک سیغیزموند بوصولته خلاص اولمشدر . حال بوکه بویله متارکه دن و خصوصیه طونه یی اوته طرفه کچدکن صکره عسکرک ایمپاتوره تعرض ایتمش اولملری عثمانلیلرک هم اخلاقنه ، هم احتیاطکارلغنه توافق ایتمز . افاده تاویلاتندن تجرید اولندیغی صورتده ایسه عثمانلیلر محاصره یی جبر وقهر ایله رفع ایتدیرمش وحتی مجارلری طونه نك اوته طرفنه قدر تعقیب ایدهرک ایمپاتورک حیاتی بیله مخاطرده برامش اولدقلری آکلاشیلور . ذاتاً ایمپاتور قلعه یی البته محاربه سز آلق نیتیه کله مش ایدی . بو حالد طوروب طورورکن رفع محاصره یی موجب اوله جق وبدلنده هیچ برشی قزانلیه جق برمتارکینی قبول ایتمسینه بر سبب معقول بولنه مز .

مجار قرالنک بوصولته انهزام وعودتی اوزرینه صرپ

برطاقم سوزلری آنلرك افعالنه مطابق كوردكلری ایچون قبول ایتمه لرندن حاصل اولمش برافسانه در .

مع مافیة بزم تاریخلرك متفقاً قبول ایتدكلری روایت بوندن عبارت اوله رق فرنك مؤرخلرینك افاداتندن آكلاشلدیغنه كوره ایسه وقعه دن برسنه اول استپان لازارویچ وفات ایده رك یرینه یورکی پراتقوویچ صرپ قرالی اولمشیدی . استپان لازارویچ ایله مجار قرالی بیننده منعقد برمه اهده حكمنجه یورکی پراتقوویچك صرپ قلعه لرندن بعضیارینی سیغیز مونده تسلیم ایتسی اقتضا ایدردی كه كوكرجینك قلعه سی ده بو استحكاماتك داخلنده ایدی . حال بوكه استپان لازارویچ صرپ بویارلرینك برندن اون ایکی بیك آلتون استقراض ایده رك بدلنده بو قلعه بی ترهین ایش ایدی . سیغیز موند ایسه استپان لازارویچك بویاره اولان بورجینی تأدیة دن استنكاف ایتمكه برابر قلعه نك ضبطنه حاضر لاندیغندن بویار پاره سنی غائب ایتمه ك ایچون كوكرجینك قلعه سنی حدودك محافظه سنه مأمور اولان اسحاق بكه عرض ایتدی . استپان لازارویچك وفاتندن صكره ایسه پراتقوویچ ایله تجدید عهد ایدلمدیكندن صربستان دارالحرب ایدی . بناء علیه اسحاق بك تكلیفی قبول ایده رك كوكرجینكی ضبط ایلدی .

بو حال اوزرینه سیغیز موند ۸۳۱ سنه سنده كوكرجینكی محاصره ایلدی . فرنك تاریخلرینك ادعاسنجه پادشاه قلعه نك تحلیصنه

ایتدیکی صلحی قبول ایتدیکی ترویج ایتدیله . پادشاهده ضبط اولنان یرلر دولنده قالمق وسائر ملکینه بدلده خراج ویرمک اوزره مصالحهیه رضا کوستردی . ویلیق اوغلنک تعهد ایلدیکی مواددن بری ده مجارلرک دفع مضرتی ایدی .

بوروایتک نه قدر یالان یا کلش شیلردن اولدیغی آز دفته معلوم اولور : اولاً بو محاربهیه ، اسحاق بکک صرپ ممالکنه آقین ایتک ایستدجه ویلیق اوغلنک صرپه خبر ویرمسی سبب اولیورده محاربه ویلیق اوغلنه آچیلماق لازم کلورکن صرپ اوزرینه کشاد اولنیور . فقط صلحی ویلیق اوغلی طلب ایدیور . بو فادنهک تناقضدن ، ارتباط سزلقدن مرکب اولدیغی شایان ایضاح دکلدر . ثانیاً صرپ دولت عالیهک عهدنه ایکن اسحاق بک صرپستانه آقین ایدیور . همده حرکتک صرپ قرالنه خبر ویرلدیکنه منفعل اولیور . بوروایتکده نه قدر معناسز اولدیغی میداندهدر . ثالثاً صرپ ایله تجدید مصالحهیه ینه وکلانک ویلیق اوغلی طرفندن وعد اولنان امواله طمع ایتلری سبب کوستریلیورلر . حال بوکه اوزمان وکلانده بولنان ذواتک ویلیق اوغلی ملکینه برابرصتون آله جق قدر ثروته مالک اولدقلری کبی سلطان مراد قدر حقایق عالمدن خیر اولان پادشاهی اغقاله قالمیشه جق ساده دللردن اولدقلری افعالیله ثابت اولسنه نظراً بوروایتده مؤرخلرک کندی وقتلرنده تلویث مسند ایتمش بعض حیدودلری نمونه اخلاق عد ایدهرک عوامدن ایشتنکلری

توابعه او قدر هدیه لر اعطا ایلدی که بوعطایایه نائل اولانلر نقلنده اظهار عجزه باشلادیلر .

يعقوب بك ايسه عودت ايدرکن بذل واحسانی ، کلیبولی یه وارمه دن پاره سز قاله جق درجه یه کتورمش ومضایقه سنی پادشاهه اخبار ایدنجه « الله بزه اقربادن برذات ویردی که کندی ملکک واردا تندن بشقه بزم ملکک وارداتی ده بتیریور » یولو لطفه ایدرک یعقوب بکه برخیلی پاره کوندرمش اولدینی روایات تاریخیه دندر .

خواجه سعدالدینک روایتنه کوره ، صربستان حدودنده بولنان اسحاق بك ، هر نه وقت « لاس » ملکنه یعنی صربستانه آقین ایتمک ایسترسه ویلیق اوغلی دشمنی عثمانیلرک حرکاتندن خبردار ایلدیکندن طولایی پادشاهه عرض شکایت ایتمک جهتیله پادشاه حدت ایدرک روم ایلی امراسنی ، لاس ملککک تخریبنه ومقدما آغر برویرکو بدلیله لاس اوغلنک اداره سنده براقلمش اولان یرلرک استردادینه مأمور ایلدی . امرافرمانه امتثال ایتدیلر . صربستان طرفلرینی تخریب ایله برابر کوکرجینلک قلعه سنی واطرافنی تسخیر ایلدیلر ویلیق اوغلی بوشدت اوزرینه استدعای عفوه تشبث ایدرک وکلا وامرایه برچوق اموال وعدیله برابر پادشاهه آغر هدیه لر تقدیم ایتدی وکریمه سنی حرمسرای ازدواجنه عرض ایلدی . وکلا موعود اولان ماله طیانه مدیلر ، ویلیق اوغلنک کریمه سنی آلمنی وتکلیف

تعمیرینه بافق شرطیه تکالیفدن معاف ایلدی . ارکنه قصبه سنده
برجام ایله بر عمارت بنا ایدره ک جدعایلشانی اولان سلطان اورخانک
از نیقده اختیار ایلدیکی طور انسانیت پرورانه به توفیقاً عمارتک برنجی
ضیافتنده طعامی کندی ایله طاغتمش وجامعک قندیلارینی ایلاک
دفعه اوله رق بالذات اشعال ایلمش ایدی .

پادشاه ادرنده بولندینی صروده بیوک والده سنک برادری
اولان کریمان اوغلی یعقوب بک حضوره کک ایستدی .
سلطان مراد بو پیر جهان دیده نک بیوک پدری و پدری و شهزاده
مصطفی وقعه سنده کندیسی علیهنده وقوع بولان حرکاتی بتون
بتون نظرندن اسقاط ایدره ک حقیقده یار موافق معامله سی ایلدی .
تعظیم واکرامده منتهای امکانه وارلمسی ایچون اطرافه امرلر
کونرددی یعقوب بک اولا بروسه یه کله رک سلاطین عثمانیه نک
مقابر مبارک لرینی زیارت ایتمدی و حیاتده بولنان امیر بخاری
حضر تلرینک خانه سنه کیتدی ، دعاسنی نیاز ایلدی . برقاچ کون
بروسه ده او طور دقدن صکره کلیبولیدن روم ایلی به کچره ک ادرنه ،
عزیمت ایلدیکی صروده سلطان مراد تواضعات شاهانه سنک غایه سنی
اختیار ایدره ک ارکنه کوپریسنه قدر استقبال ایتمش ایدی .
یعقوب بک ادرنده اقامت ایتمدیکی مدتجه دائماً پادشاه ایله برابر
بولنور وهر کون بر صورتله مظهر اکرام اولور ایدی . عودت
ایتمدیکی صروده پادشاه ، مالک لذتی یالکز بذل واحسانده بولان
خاندان کریمک عادات جلیله سندن اولدینی وجهه یعقوب بک ایله

عفو و عاطفتدن محروم ایتمین پادشاهی ده اغفال ایتدی ؛ حسین بکی بروسه ده برقلعه یه حبس ایتدیردی .

حسین بك قلعهدن فرار ایله ایکی سنه حرومختار اوله رق کزدیکی حالده جانیک طرفلرینه تعرض کبی هیچ برحرکتده بولمندی . بودایل ایله سلطان مرادی صداقتنه اقناع ایله جکسندن امین اوله رق یته کندی اختیار یله کلدی ، پادشاهه عرض تسلیمیت واستدعای عنایت ایلدی . حسین بکک بو حرکت لوندانه سی سلطان مرادجه بک زیاده ممنونیتی و معاملات سابقه دن طولایی بردرجه یه قدر محجوبیتی موجب اوله رق هر نه ایستدی ایسه اسعاف اولمش ایدی .

پادشاه بوسنه نك بهارنده آناتولیدن ادرنه یه کذار ایده زک ارکنه کوپرینک انشاسنه بدأ ایتدیرمش ایدی . بو کوپری یوز یتمش درت کوزلی بر بنا اوله رق بنانک جسامتی و طرز معماریسنگ مهارتی جهتیله سلطان مراد عصرینک اعظم انشا آتیدر . موقعی ذاتاً بتاقلق اولدینی جهتیله کجد محالرینی بیلمین یوخلیلردن بک چوق آدمک تلفنی موجب اولدینی کبی اطرافنده برطاقم قطاع طریق اختفا ایلدیکندن اورالردن یولچی کچمک محال درجه سنده ایدی . بو کوپرینک انشاسی مواردانک تسهیلنه و بلسکه یکیدن ظهورینه سبب اولق جهتیله بوخیرک نتیجه سی ده بناسی قدر بیوک ایدی . پادشاه بر طرفنه ارکنه قصبه سنی تأسیس ایتدیکی کبی بری طرفنه ده برکوی انشا ایتدی . ایکی سنک ده اهالیسنی بو کوپرینک



۸۳۱ سنه سنك وقوعاتی ده یورکچ باشانك برغدریله
باشلادی : جانك حاكمی آلب آرسلان زاده حسین بکی - که
چلبی سلطان محمد زماننده دولت علیه نك اطاعتنه کیرمش ایدی -
باشا بعض مذاکره بهانه سیله نژدینه دعوت ایلدی . حسین بک
یورکچک نه یولده بر غدار بی امان اولدیغنی بیلدیکندن « مقصد
قلعه بی آلمق ایسه بوتکفلره نه حاجت! ذاتاً بزده پادشاه بنده سی بز،
قلعه ده پادشاه کدر . کند من تسلیم ایدم . البت بز بریر احسان
بیوریلور ، سایه سلطنتده تعیش ایدرز » یوللو خبر کوندردی .
باشا بوجوابه عصیان معناسی ویره رک جانیکک اوزرینه کیتمک
ایچون عسکر جمعنه باشلادی . حسین بک بوخبری آلتیجه
« بز پادشاهه غاصی دکلزکه اوزرمزه عسکر جمع اولنیور .
قلعه بی کند من تسلیم ایدرز » دیه آدم کوندردی . آرقه سندن
کندی ده کلدی ، « ملک پادشاه کدر . امرهایون نه ایسه اجرا
اولنسون » دیدی ، عرض اطاعت ایلدی . فقط یورکچ باشانك
برذوقی ده غدر اولدیغندن بومعامه رضاجویانه یه ده قناعت ایتدی .
اوقدر مطیع برذاتی حیدودلرکی زنجیره اورارق حضورهایونه
کوندردی . معروضاتنده شر وعصیاننه دائر یازمدق سوز
براقدی ، فطری بر کرماه متخلق اولان واک قوی دشمنلرینی

کلام، هیچ بر پادشاهک حکمنه رام اولدم، بقیه عمر ایچون
 اوزلتی ارتکاب ایتم. نوبت سکا کلنجه ایستدیکک کبی حرکت
 ایدرسک « یولو جواب ویرردی .

ملکک ایچنده اولیه مستقل بر آدمک وجودینه قاعده دولت
 متحمل اولیه جنی امور معلومه دن اولسنه نظراً یورکیج باشانک
 بوتشبنده حقلی اولدینی جای بحث دکلدر. شو قدر وارکه
 یورکیج پاشا بوقلعه یی قلیج قوتیه تسخیر ایتمدی. حیدربکک
 خواص ندماسندن طیفور یکی اضلال ایله خیانته سوق ایلدی.
 قلعه ده کی ذخیره انبارینی آنک وساطتیه احراق ایتدیردی.
 حیدر بک قلعه سفی اوصورتله تسلیم ایتمکه مجبور اولمشدی.
 کندی ایسه طوغریجه بروسه یه کله رک پادشاهه عرض عبودیت
 ایلدیکندن محصولی بر تیار ایله اکرام اولندی.



ایسه مقصد لر بئک اجراسنی پاشانک اردوایله حرکتنه تأخیر
ایتمزلردی. مع مافیله اونیتده ده بولنمش اولسه لر برنجی قصد یورکچ
پاشا طرفدن وقوع بولسنه نظر آ بونارک حرکتی مقابله درجه سنده
قالورکه پاشانک حرکتنه هیچ بروقت مدار جواز اوله مز
هله رؤسای فسادی اعدام ایتدکن صکره دعوتله کتوردیکی
بیچاره توابعی عادتاً اتلاف ایله قناعت ایتیموبده سباع حقنده
رواکوریه میه جک بر اشکنجه به اوغرا تمق وادیان سائره اسخا بندن
ایمشار کبی مالنی غارت ایدهرک و فرار ایده بیلنلرک آرقه سنه بر طاقم
اراذلی تسلیط ایله جمله سنی تلف ایتدیره رک نسوان و صبیاتی
دیلنجیلکه تنزیل ایانک پاشانک حرکتنی مقدوحیتدن سزای
لعنت اولمق درجه سنه قدر کتورر . یوزاللی سنه دن بری اطوار
مردانه و حرکات مرو و تخندانه لر یله بونجه وقایع عظیمه اظهارینه
موفق اولان عثمانلیلر آره سنده بویورکچ پاشانک ظهوری غضنفر
آلاینه بیان قارشمق قدر یاقیشقسز کورینیور .

یورکچ پاشا مبتلا اولدیغی مکاید سیاسییه ذوقنی اجرا ایچون
ترکانلردن عثمانچق جوارنده بولنان وقوجه قیاسی نامیله یاد اولنان
برقلعه یه مسلط اولدی . بوقلعه یه حیدربک نامنده اختیار بر آدم
متصرف ایدی که مدة عمر نده نه کیمسه ایله اوغراشمش ، نه ده
کیمسه نک حکمنه کیرمش ایدی . بر طرفدن بروقه ظهور ایدرسه
اوغلی قاسم بکی سفارتله کوندزر ، دفع حادثه و حفظ استقلاله
مقتدر اولوردی . حتی قاسم بک دولت عثمانیه یه اطاعت ،
بولندقلری خالدن دها سالم اولدیغنی بیان ایتدکجه « بن بوسنه

يوركچ پاشا مسافرلىرىنى بوضورتله محو ايتدكن صكره چولوق چوجوقلرينك بولنديغى چوروم اوواسنه كيدرك ذكورى اعدام ايله برابر - ممالك - متمنده ييلان اولديرتك ايچون هديه وعد ايلدكلى كې - برتركان تاف ايدنه برخلت وعد ايدرك فرار ايدنلى ده برطاقم اراذل انده محو ايتديرمش وماللىرىنى تامماً غارتله قادين وچوجوقلرىنى سواقاقرده ديلنرك كچنمكه مجبور ايلشدر .

خواجه سعدالدين يوركچ پاشايى (مرد مردانه وعرصه نبرده بردانه) و (مزيد حمله مشهور امير غيور) تعبىر ليله وصف ايدر . مع مافيه پاشانك بوحركتى حيدودلى ده اوتانديره جق بر آچلق اولديغنده شبهه يوقدر . خيانتك بودرجهسى الك بيوك مخاطره لرده ، الك مشكل مسئله لره بياه تجوز اولنور حالردن دكل ايكن بويله قاچ يوزكشليك برقطاع طريق فرقه سنه قارشى اختيار اولنورسه حيدودلر قدر وبلكه آنلردن زياده ارتكاب شناعتدر . برتركان عشيرتنك سطوت عثمانيه يه قارشى نه حكى اوله بيلوردى ، سيف شريعت طورركن دسيسه ايله قهرلىنه نهدن لزوم كورونون ...

سعدالدين ، بوحركته سبب اولق ايچون درت برادرلرك يوركچ پاشايى اعدام ايتك تصورنده بولندقلرىنى بيان ايدر . بوروايتك يالان اولديغى ايسه بديهى حكمنده در . اويله برنيتده بولنان آدملىر آماسيه يه كيرمزلردى ، كيزه جك اولدقلى حالده

یورکچ پاشا ایسه کویا بونلرک عسکرلرینی تکثیر ایدرک کندیسنی اتلاف ایتمک و پادشاه کلنججه یه قدر اورالرده بولنان قاعه لری ضبط ایتمک تشبثنده اولدقلرینی خبر آلدیغندن تمارض ایتدی و اکتساب عافیت ایدنججه یه قدر اقامت و ذوق و عشرت ایتمک اوزره قزل قوجه اوغلرینی آماسیه یه دعوت ایلدی ، آنلرده تابعلریله برابر کلدیلر .

یورکچ پاشا ترکانلرک ورودینی خبر آنلجه اوغلی حضر بکی استقبالیارینه کوندردی . کندیلرینی آیری قوناغهایندیردی ، یانلرنده کی حشراتی ده امرا و معتبرانک خانهلرینه مسافر ایلدی . کندیمی دائما تمارض حالنده بولنور و اوغلی بودرت برادره ملازمت ایدرک « اگر پاشا پدرک خسته لکی مأموریتنی بالذات اجرا ایتمسنه مساعد اولنزه سزک کبی دلاورلریشک عهدهنندن کلکه کافیدر . بنده برابر کیدرم ، امرهایوننی رینه کتوریرز » کبی سوزلرله اعتمادلرینی تزبیده چالیشیردی . کیت کیده بونلری ضیافتلره ، عشرتلره آلدیردیلر .

نهایت برکیجه دردینی ده سرخوش ایدرک علی الغفله اعدام ایتدیلر . برابر کلن و همبری برطرفده بولنان توابعی طوپلادیلر ، بیچاره لری بر مغاره یه طولیدیره رق و اطرافنه آتشار یاقه رق دومان ایله اتلاف ایلدیلر . حتی بر قوجه قارینک اوغلی بونلرک ایچنده بولندیغندن ایتدیکی نیازلر اوزرینه مغاره نک قپوسی آچیلهرق یالکزجه آنک اوغلی صاغ بولندیغنی تاریخلر روایت ایدرلر .

وعوض پاشا کي برقاچ کشينک ، بيانغي دولتک وياخود خدمت ايتدکري ولى نعمتک بقاسنه تعلق ايده جک مسائلده استعمال ايلدکري مکيدتى، اک جزوى مسائلده بيه کار کذارلق وسائظندن عدايده رک جنيد اوغلنه يقين برمسلك مکيدت کشاد ايلدى . وسلاح خيانتنى اک اول قزل قوجه اوغللرى عنوانيه معروف اولان درت حرامى علمينه استعمال ايلدى . تاريخلرک روايتنه کوره بودرت برادر ترکان قوجه لرندن اوله رق زور بازولرينه کووه نهرک آماسيه وطوقاد جوارنده غارتکرلک ايدرلر ايدى . حتى تجاوزلر يني هماملردن قادين قاپوب قاقچق درجه سنه کتورديلر . ذوالقدر اوغلرينه واق قيونليره انتساب دعواسنده بولمقايه برابر آنلرى ده عثمانلى ملدکنه تسليط ايله اوغراشيرلردى . يورکچ پاشا بونلره خطاباً بر فرمان هايون تصنيع ايلدى که مالنده ، شجاعتلرى پادشاهک مسموعى اولديغندن و آل ب آرسلان اوغلى حسن بکدن جانىکى ضبطه مأمور بولنديغندن کنديلرى ده آنکله برابر بو خدمته تعيين اولندقلرى وبو خدمت مقابلنده کنديلرينه آرتق اواريابلاق ومحصولاتى تيمار اوله رق اعطا اولنه جنى بيان ايدلشدى . يورکچ پاشا بو فرمان مصنوعى برطاقم هدايا ايله برابر ترکانلره ارسال ايتدى . کنديسى ده بر مکتوب ارساليه درت برادرى سفره دعوت ايتمش ايدى .

برادرلر يقينده تدارکلر يني اکمال ايله اطاعته مسارعت ايده جکلر يني بيان ايدهرک پاشانک مأمور يني اعاده ايتمشلرايدى .

محمدبکک نتیجهٔ هلاکی یالکز انطالیه محاصره سنک اندفاعیه
 قلمدی ، برطرفدن ده دولتک قرمان حکومتنه مداخله سنی تزید
 ایدرک او طرفارجه نفوذینک تزیدینی ایجاب ایلدی . چونکه
 ابراهیم بک انطالیهدن کلنجه یه قدر عمی علی بک قونیه ده اعلان
 استقلال ایلدیکندن ابراهیم بک برادری عیسی بک ایله اتفاق
 ایدرک عمجه سیله برخیلی زمان اوغراشمش ایسه ده برشی یامغه
 موفق اوله ماش و عیسی بک ایله برابر سلطان مراده التجا
 ایش ایدی . پادشاه قرمان اوغلرندن کرک علی بکه و کرک ابراهیم
 و عیسی بکلره برر همشیره سنی تزویج ایلدی و علی بک ایله عیسی
 بکی روم ایلیده برر بیوک تیمار ایله ترفیه ایلدیکی کبی ابراهیم بکی ده
 قرمان بکلکنه کوندرمش ویانه لزومی قدر عسکر ترفیقیه
 قونیه ده تخت حکومته اجلاس ایتدیرمشدر . پادشاهک بو عنایتنه
 مقابل ابراهیم بک ده حمیدایلندن ممالک عثمانیه یه التحاق ایتمش ایکن
 پدرینک غصب ایلدیکی یرلی اعاده ایتمش و بونلره اوقلق قلعه سنی ده
 علاوه ایش ایدی .

قرمان اوغلنک ترک ایتدیکی یرلر برسنجاق اعتبار اولنهرق
 شرابدار الیاسه توجیه ایدلمشدرکه او یله برملعونه ایدیلان التذات
 سلطان مراد عصرینک شاننه بر بیوک قیصه در .

ینه او عصرک شاننی تنقیص ایده جک بر طاقم وقایع ده آماسیه
 طرفلرنده ظهور ایتمه ک باشلامش ایدی . شو صورتله که آماسیه
 والیسی یورکچ پاشا کندندن اول کلن ، علی پاشا و بایزید پاشا

نهایت سلطان مرادك آناتولی بی کهرک قرمان اوزرینه یوریمک عزمنده بولندیغنه دائر بر خبر شایع اولدیغندن محمدبک محاصره نك تمیدینه امکان قالدیغنه حکم ایتمش وتجربه طالع قبیلندن اوله رق برده هجوم اجراسنه قرار ویرمش ایدی . محمدبک بوقرار اوزرینه مهاجمیه مساعد اوله جق محلی تعیین ایچون آلاجه بر آته سواری اولدیغنی حالد قلعه نك اطرافنده کزرکن برماهر طوبجی نشان آله رق برکله ده وجودینی دنیادن قالدیرمش ایدی . قرمان اوغلنك تلفنه سبب اولان کله برزنجیر ایله قلعه نك قپوسندن آشغی صارقیدیله رق برخیلی زمان عبرتگاه نامده براقلدیغنی تاریخلر روایت ایدر .

بو محمدبک تیمورک بروسه محبوسدن آدی رارق پدرینک ملکنه نصب ایلدیکی آدمدرکه مبادی حکومتندن نهایت عمرینه قدر عهدشکنلکده ، خیانتده بر شهرت خسیسه به مالک اولان اجدادینک جمله سنه تفوق ایتمش و بلسکه جنید اوغاندن بیله کری قالماش ایدی . ینه نقض عهدایله باشلادیغنی بر محاربه ده تلف اوله رق چای سلطان محمدک کشف و تخمیننی اثبات ایلدی .

محمدبک ابراهیم و علی بک نامنده ایکی اوغلی پدرلیله برابر انطالیه محاصره سنده بولنه رق آنک اتلافندن صکره ایسه عسکری ابراهیم بکک باشنه اجتماع ایلدکلرندن علی بک خوف جان ایله انطالیه ده حمزه بکه التجا ایتدی . حمزه بک تکه و قرمان اوغللرینک اردولرندن اغتنام اولنان بعض نقایس ایله قرمان اوغلی علی بکی مزده ظفر ایله سلطان مراده کوندرمش ایدی .

انتظار ایلدیکی حالدہ خستہ لندیکنی استخبار ایلدیکندن قلعه ده بولنان اسحاب تجربہ بی جمع ایدہرک وقہ بی بیان ایتدی و عثمان چلبینک خستہ لغی کبی بر فرصت غیر مترقبہ دن استفادہ ایدہرک قرمان اوغلی کلہ دن قلعه ده کی دلاور لرلہ برابر بریکنی باصمق تصورندہ بولندیغنی سویلدی . ارباب مشورت رأینی تصویب ایتدی لر، فقط شاید باصقیندہ بر بوزغوناق ظهور ایدر و او آراق کندینہ بر حال اولورسہ و یا خود بر طاقم موانع حربیہ ایلہ عودت قابل اولمزسہ مملکت ضابطدن محروم قالہ جغنی و آنک ایسہ بختی میدانده بولندیغنی مقدمہ ایدہرک کندیسنک کیتہ سنہ رضا کوسترم دیلر بناء علیہ حمزہ بک بومقصدلہ سوق ایلدیکی فرقدہ برابر بولنہ مدی . مع مافیہ کیدن دلاور لر بک فقدانی کوسترم دیلر، تصور اولنان باصقینی کمال سہولت و موفقیتلہ اجرا ایدہرک عثمان چلبی بی توابعنک اکثری ایلہ اتلاف ایتدی لر و ہم شیرہ سنی طوتہ رق قلعہ یہ کتور دیلر .

قرمان اوغلی محمد بک تشبثنک مبادیسندہ بویلہ بر موفقیتہ نزلکہ اوغرا نیجہ فتور کتورمک لازم کلورکن بالعکس حدث ایدہرک بالذات انطالیہنک محاصرہ سنہ عزم ایلدی . انطالیہنک ضبطنہ نہایت درجہ لزدہ اقدام ایدہرک بر طاقم طولر کتورمش و اوزمانہ قدر آنا طولی طرف لرندہ هیچ منلی کورلنک بر شدتہ قلعه بی دو ککک باشلامش ایسہ ده اوچ و بر روایتده ایسہ یدی آی اوغرا شدیغنی حالدہ حمزہ بک مدافعہ قهرمانیسنہ قارشی هیچ رشی یاغنه مقتدر اولہ مدی .

بكلر بكي سنان پاشايى تعيين ايلدى . سنان پاشا صربستانه كيره رك
 آلاجه حصار ايله نواحيسنى فتح ايتمش ايدى . بوممالك جديده
 برسنجاق اعتبار ايديله رك مزيد بكة توجه اولندى . بومزيد بكة
 بيزيد پاشانك سيواسده طوتدينى حرامى مزيد دركه توبه سنده
 ثابت وجلادت فطريه سنك دولت خدمتنه ابراز آتارينه ساعى
 اوله رق سلطان مرادك ميراخورلغنه نائل اولمش ايدى . بودفعه ده
 سنجاق بلكلى ايله امرای دولت آره سنه قارشدى .

بونك اوزرينه صربستان قرالى ادرنه يه سفيرلر كوندرك عهدينى
 تجديده موفق اوله بيلمشدر . اوصرده افلاق ويوده سى خراجنى
 تقديم ايلديكى كې استانبول امپراطورى وردوس شواليه لرى
 وجنوزيه تابع اولان مدلو وساقز بكلرى ده سفيرلر ارسا يله
 عهدنامه لرى تصديق ايتدیرمشلر ايدى .

آناطولى طرفنده ايسه قرمان اوغلى ، تکه اوغلارندن عثمان
 چلبى اجدادندن موروث اولان يرلرک ضبطنه تحريك ايتمش
 ومعينه برآز عسکر ويردرك انطاليه نك محاصره سنه سوق ايتمش
 ايدى . دولت طرفندن انطاليه نك محافظى بولنان فيروز بک
 اوصرده وفات ايتديکسندن اوغلى اولان حمزه بک - که تکه
 مضافاتندن قره حصار نامنده برقله نك محافظه سنه مأمور ايدى -
 پدري نك وفاتى ايشيدنجه قره حصارى احباب کفايتدن برينه توديع
 ايدره ك انطاليه يه شتاب ايلدى . کنديسى قلعه نك تعميرى واسباب
 محافظه نك اکمالى ايله مشغول ايکن عثمان چلبينک براز عسکرله
 انطاليه جوارنده ايستانوز يايلاسنه کله رك قرمان اوغلنک ورودينه .



جنید اوغلی کبی دولتی هر کون بر صورتله اشغال وازعاج
ایدن بزدمنک ازاله سیله آزیجق آرام اولنه جغنی صرده ایدی که
۸۲۹ بهاری داخل اولدی و صرب بکی حدودی تجاوز ایدرک
اوحوالینک محافظه سنه مأمور اولان اسحاق بکک اوغلی اسیر
ایدی .

بو اسحاق بک مشایر امرادن ترجمه حالتی بالاده کوردیکمز
پاشا یکیدک کوله سی و اوغلمنی ایدی . اوغلی ده ولی ذممتک ،
یدر معنویسنک نامندن تفألاً پاشا تسمیه ایتشیدی که بودلی قانلی
شجاعتی تهور درجه سنه کتوردیکندن اسمنه برده دلی لقبی علاوه
اولنه رق دلی پاشا عنوانیه مشهور اولمشیدی .

پادشاه بو خبری آنجه همان اردوسیه صربستانک تأدینه
عزم ایتش و بو عزم ایله ادرنه یه ککش ایدی . روم ایلیده ظهور
ایدن هر قاریشیق لقدن استفاده ایتک و بو صورتله مسلمان دعواسنده
بولنمقله برابر هر فرصته اعدای دینه معین اولمق رد ائتندن
چکنمین قرمان اوغلی بو وسیله ایله ده میدان خیانتده باش
کوستردی ، انطالیه نک اوزرینه یوردیدی . بو بادره اوزرینه پادشاه
شمال و جنوبدن ظهور ایدن فتنه لردن هانکیسی وجودینه لزوم
کوستره جک درجه ده اهمیت بولورسه او طرفه کیتمک قرار یله
ادرنه ده اقامتی اختیار ایدرک صرب قرالنک تأدینه روم ایلی

بکلی تاریخ نظر نده بو حرکتک مسؤلیتندن اصلا قورنیه -
 میه جقاری کبی سلطان مرادده بکاری معانب ایتدیکی ایچون
 تعریضه شایسته در.

جنید اوغلنک شخصنه کلنجه اخلاقجه بوندن شنیع بر مخلوق
 تصور اولنه مز . فقط درایت و خصوصیه شجاعت جهتلیله
 خوارق طبیعتدن معدود اولدینی ده قابل انکار دکلدیر . اکر
 جنید اوغلی خیانت یولنده بئل ایتدیکی مساعینک یوزده برنی
 عثمانلیلرک تأییدینه صرف ایتمش اولسه ایدی ، شبهه یوقدرکه
 پادشاهلر قدر رعایت کورر ، پادشاهلردن زیاده انتفاع ایدردی .



اعطایلمشدی . بزم تاریخلرک روایتنه کوره بکلر اوصره ده اردوده بولنان بالئه اوغلی ایله مذاکره ایتدیلر . « جنید اوغلی بو قدر خیانتیه برابر مظهر عفو اولورسه صکره ینه دولتک باشنه بیک درلو غائله چیقارر » دیدیلر . خصوصیه یخشی بک برادرلرینک قصاصنی میدانه قویدی ، شرعاًده کنديسنده حق بولدی . اوغلی قورد حسنی کوزینک اوکنده ذبح ایلدکن صکره جنید اوغلی حمزه بکی ده اعدام ایتدیلر . دو قاسک روایتنه کوره ایسه جنید اوغلنک استیمانی صره سنده حمزه بک اورایه یتشمش وقتلنه او حکم ایتمش ایدی .

حمزه بک جنید اوغلنک تحریکیه تلف اولان بایزید پاشانک برادری ، خلیل بک انشته سی ، یختی بک ایسه کذلک جنید اوغلنک النده مقتول اولان مصطفی و سنان بکلرک برادری اولدیغندن اوچنک ده جنید اوغلنک اعدامنه حریرص اولسی طبیعی ایدی . بناء علیه روایتلرک ایکیسی ده بر قوتده کورینور . مع مافیله بویله امان ویرلمش بر آدمی اولدرمک کیمدن صادر اولدیسه جالب نفرترده واقعا جنید اوغلنده امان وایمان یوق ایدی ؛ عهدشکننک اک بیوک تدبیری ، خیانت اک بیوک سلاحی ایدی . حتی بایزید پاشانی امان ویردکن صکره اعدام ایتدیردیکی ایچون کوردیکی معامله کندی فعلنه عینیه مقابله در . بوجهته جنید اوغلی بویولده وبلکه ده اشنع صورتده اعدام اولمغه لایق ایدی . شو قدر وارکه او بولده بر حرکت بکلره لایق دکل ایدی .

مراد جنید اوغلنك برقلعه جكنه قارشى اللى بيك كشيلىك بر اردو سوق ائيمه جكى ده شايان بخت دكلدر . واقعا خواجه نك روايتى ده مبالغه لى كى كورينور . مع مافيه حمزه بكك فرقه سى يالكز اون بيك كشى ده اولسه - چونكه آندن آناغى اولسنى عقل تجويز ائيمور - وجنيد اوغلى خط محاصره نى بش يوز اتلى ايله ويالكز جه بردفمه يارمش بولنسه ينه بوحركت برقه رمانلق ، برقاچ يوزيىللق وقايع تاريخيه ايچنده برمثلنه آنجق تصادف اولنسه بيله جك وقايع فوق العاده دن معدود اوله جغنده شبهه يوقدر . نه فائده سى واركه قهرمانلق نه درجه يه وارسه طبيعته غلبه ايدمه ديكندن جنيد اوغلنك اقداماتى ده قلعه نى ذخيره فقدا نندن محافظه ايدمه مدى . آجلىق وامراض ساريه كنديسنى استيمانه مجبور ايلدى .

دوقاسك روايته كوره ، دكز طرفى آچيق اولدجه جنيد اوغلى عسكرى نى بسليه جك قدر ذخيره تداركدن عاجز قالمادى . فقط حمزه بكك عرضى اوزرينه سلطان مراد ، اوزمان فوجهرده جنويزلر طرفندن اجراى حكومت ائتمكده اولان ودولت عليه نك عهدنده بولنان پرسيوال پاللاويچينى يه ايصاله نك دكز يولنى كسمسى ايچون امر كوندردى . اوده اوچ بيوك سفينه ايله كلهرك قلعه نى دكز طرفندن محاصره ايلدى كه جنيد اوغلى عسكرى نك اعاشه سندن محروم ايدن بوتدير ايدى .

جنيد اوغلى استيمان ايتديكى زمان حمزه بك بعض ظهورات اوزرينه آياثلوغه كيتمش اولديغندن امانى يئمشى بك ايله خليل بك

قورد حسنی پدرینه ابراز ایده رك تخلص جانی کندیسنگ عرض
 تسلیمیت ایتسنه متوقف اولدیغنی بیان ایتدیلر . واستیمان ایدرسه
 عنفو اوله جغنی ده سویلدیلر . فقط جنید اوغلی حجاب و عناد
 واستکبار یولنده بیک درلو خیاتی ارتکاب ایله ناموسنی فدا ایلدیکی
 کبی اولادینی فدا ایتمکدن ده چکینمدی ، بکلرک تکلیفنی رد ایلدی .
 بکلر بوجواب رد اوزرینه محاصره بی صیقشدر دقلرندن
 جنید اوغلی ، خواجه سعدالدینک روایتنه کوره برکون
 علی الغفله قرق سواری ایله قلعه دن چیقمش و ییادیرم کبی خطوط
 محاصره بی یارارق قرمان طرفنه کیتمشدی . قرمان اوغلی امداد
 ویرمه که جسارت ایده مدیکندن ینه قرق آتلیسی ایله عودت
 ایدرک ایکنجی دفعه خط محاصره بی یاردی ، قلعه سنه دخول
 ایلدی . دو قاسک روایتنه کوره جنید اوغلی قلعه دن برسفینه
 ایله آناموره کیتمش و اورادن قرمان اوغلنک نزدینه عزیمت
 ایلش ایدی . قرمان اوغلی آچیقندن آچیفه کندیسنه معاونته
 جسارت ایده مدی ، یالکز پاره چه معاونت ایتدی ، بش یوزده
 سواری ویردی . جنید بوعسکر ایله جزء بکک الی بیک کشیاک
 اردوسی ایچندن کهرک قلعه سنه دخول ایلدی .

قرمان اوغلنک معاونتدن اجتنابیه برابر جنید اوغلنه
 بش یوز سواری ویرمسندنه تناقض اولدیغندن و دکزدن
 عسکر سز اوله رق کیتمش اولسه عسکر سز اوله رق قره دن کلسنه
 امکان قالمیه جغندن دو قاسک بوروایتی ده صحته قریب کورنمز .
 استانبولک اوستنه یالکز یکر می بیک کشی ایله کیدن سلطان

بك بر هجوم ايله هم قورد حسنك تقطه استنادینی ضبط ایلدی ،
همده جنید اوغلنك يالكز قالان فرقه سنی پریشان ایدهرک
کندیسنی ایسیلی [۱] قلعه سنه فراره اجبار ایلدی . بو حرکت
ماهرانه نك نتایجندن اولق اوزره حمزه بك قورد حسنی ده عودتی
صره سنده اسیر ایتمش ایلدی .

دوقاس ، بومحاربه نك نهایته قدر اولان وقایعی یالكز خلیل
بکه اسناد ایدر وامور بک آندن صکره خلیل بکی تأییده مأمور
اولدیغنی و حمزه بک ده ده صکره کلدیکنی بیان ایلر . برده
بومحاربه ده جنید نامیله یاد ایلدیکی جنید اوغلنك قورد حسن ايله
برابر حمزه بك نامنده برده برادری اسیر اولدیغنی روایت ایدر .
حال بوکه خلیل بك او یله بر موفقیته یالكز باشنه نائل اولسه
آناطولی والیسنك تأیید ایچون سوقنه لزوم قالمیجنی میدانده
اولدیغنه و جنید اوغلنك کندی اسمی حمزه اولدیغندن آنك
حمزه بك نامنده برده قرداشی اولق ترك عادتنه موافق اولدیغنه
نظراً دوقاسك قولی مقرون حقیقت کورمز .

ینه دوقاس ، قورد حسنك حمزه ايله برابر ادرنه یه کوندرلدیکی
سویارکه او یله بر حمزه نك وجودی ثابت اولدیغندن و روایت
بزم تاریخلرک قول متفقانه سنه مغایر بولندیغندن آکاده صحیح
نظریله باقیله مز .

بزم تاریخلرک روایتنه کوره ایسه بکلر بومظفریتدن صکره

[۱] ایسیلی سوریحصارک جنوبنده براسکلدر .

روم مؤرخلرندن دو قاس ، جنید اوغلاک اوزرینه کیدن ذاتک خلیل بک اولدیغنی بیان ایدر. هامر ایسه بو ذاتک بشقه، یخشی بکک بشقه بر مأمور اولسنه احتمال ویره مدیکندنمیدر ، ایکی روایتی توفیق ایچون سرداره بر خلیل یخشی نامنی اختراع ایدر. حال بوکه سعدالدین، جنید اوغلنی اعدام ایدن امرانک بری ده خلیل بک اولدیغنی کوستر مشدرکه بو افاده دن دو قاسک بیان ایتدیکی خلیل بک بشقه و یخشی بک ینه بشقه بر ذات اولدیغنی ثابتدر .

جنید اوغلی ، اوروج بک چکلدکدن صکره اقدامات کلیه صرفیه اولدقجه بر قوت پیدا ایتمش ایدی . حتی قورد حسن آق حصار جوارنده عثمانلی دلاورلینه مقاومت جراننده بولندی . فقط بر حمله ده مغلوب و منهزم اوله رق پذیرینک اقامت ایتکده بولدیغنی ایصاله قلعه سنه قدر فرار ایلدی .

حمزه بک بومظفریت اوزرینه نامدashi اولان جنید اوغلی حمزه بکک استیصاله عنزم ایتمش ایدی . جنید اوغلی عثمانلی اردوسنک قوه قاهره سنه مقاومت دن چکنمدی . حتی خواجه سعدالدینک روایتنه کوره قورد حسن بزم اردونک بر جناحنی بوزارق فراریلری تعقیب ایدرکن اردون بر خیلی آیرلمش ایدی . دو قاسک روایتنه کوره قورد حسن قواعد حربیه یه غیر موافق بر صورتده هجوم ایتدیکندن عثمانلی سرداری عن قصد قارشیسنده کی عسکری رجعت ایتدیرمش و قوردک پدردنن اوزاق دوشمنه بوتدیر سبب اولمشدی ، عقبگیرلکه کیدن فرقه مرکز دن تباعد ایدنجه حمزه -

طاش زاده اوروج بك تعیین اولمش و یخشی بك ده معینه ویرلمش ایدی . اوروج بكك عسکرنده کی کثرت و هجومنده کی شدت ، مقاومت اولنه بیله جك درجه لرك فوقنده اولق جهتیله جنید ، ساقزك قارشیسنده بولان و تاریخاره ایسی وروم تاریخارنده ایصاله نامیه مذکور اولان قلعه یه فرار ایش ایدی . اوروج بك بوغلبه ایله اکتفا ایده رك ضبط ایلدیکی یرلرك اراضیسنی تیمار طریقله ایشه یارایه جق برطاقم اصحاب سیفه اعطا ایلدکن صکره عودت ایلدی . جنید اوغلی ایسه عسکرک عودتی خبر آلور آلمز انزواخانه سندن ظهور ایده رك اوتیه بری یه تسلط ایتمکه باشلادی . حتی یخشی بكك یربرادری ده بودغه اعدام ایلدی . بوخبرك ظهوری اوزرینه پادشاه فوق العاده حدت ایده رك وکلاسنه ، « بو آدمک ملکمزه بودر جه لرده تسلطی هب سزك اها لکنز نتایجندندر . یاچاره سنی بولکنز ، یا خدمتمدن چکیلکنز . ! » یوللو پك شدتلی عتابلر ایتمشدی . وکلای دولت ، اوصرده وفات ایتمش اولان اوروج بكك اقتداری مسلم اولغله برابر تن پرورلکی جهتیله اقدامی ناقص اولدیغندن جنید اوغلی فتنه سنک اوکنی آله مدیغنی ویرینه آناتولی بکلر بکی تعیین اولان بایزیدپاشا برادری حمزه بك ایسه شجاعت و محنتکشلیکی جامع بر سردار اولسنه نظراً اومصیبتک دفعنه کافی اولدیغنی عرض ایتدیله ، حمزه بكك تدارکاتی اکیله سعی ایلدیله . ایکی برادرندن محروم اولان یخشی بك ایله خلیل بك ده حمزه بكك معینه ویرلدی .

برموقع انخاز ايلدى . فريقتين تقابل ايدنجه جنيد اوغلى ، مصطفى بكك عسكريته هجوم ايدهرك انساى كيرودارده بركرز ضربيله كنديسى آتندن ييتمش وعسكر طاقى بكارينك تلف اولديغنى كورنجه جنيده اطاعت ايلشدر . جنيد بوصولته ضبط ايلديكى يرلرده راحتجه حكومت ايتمكده ايكن سلطان مراد رهن اولهرق اوغلك پاي تحت سلطنته كوندرلسنى ايستدى ، جنيده موافقت ايتدى . دوزمه جه مصطفى وقعه سيلاه خدمتهاه واصل اولان انواع خيانتندن طولايى ذاتاً دولتجه حقنده موجود اولان سوء نظر بومقابله ايله برقات دها كسب شدت ايلدى . آيدىن اوغلى عيسى بك اخفادندن خدمت شاهانه ده بولنان برذات ده جنيد اوغلك وجودى ازاله اولمدرجه از مير طرفلرينك دولته مال اوليه جغنى هرفرصتده تكرر ايدده ايدده نهايت تأثير ايتديردى ، جنيد اوغلى اوزرينه اعلان حرب اولندى .

بزم تاريخلرك روايتنجه آيدىن طرفلرينك واليسى بوخشى بك نامنده برذات اولهرق آنك بربرادرى جنيد اوغلى اعدام ايتمش وبوقعه ده از مير اوزرينه عسكر سئوقنك اك بيوك اسبابندن برى ده او اولمشدر .

بوندن آكلاشيلديغنه كوره روم تاريخلرينك جنيد اوغلى ايله محاربه سندن بحث ايتدكلرى بوخشى بكك برادرى ايدى . واحتمال كه بونلرك ايكي سى ده آيدىن اوغلرندن ايديلر .

جنيد اوغلى اوزرينه سوق اولنان عسكرك سردارلغنه تيمور

برابر اعدام اولندی. احمد بک نفسی قورتاره بيلمش ایدی ایسه ده چاره جویانه قره بلوک عثمان بکه و آنک یانندن مصره ودها صکره ایرانه کیده رک منتشایه کله بيلمک ایچون نه کیمسه دن معاونت ، نه زمانه دن فرصت کوردی ؛ دیار غربته ده محو اولدی کیتدی . آندن صکره منتشانک تصرفنه ده بر معارض قالمادی .

۱۸۲۹ سنه سنک اعظم حوادثی ایسه جنید اوغلی حمزه بکک صوک وقعه سی در . بوبابده روم مورخلری بزم تاریخلردن زیاده تفصیلات ویردیکندن بوتفصیلات بزم تاریخلرده بولنان معلومات ایله مزج اولندی . وایکی طرفک روایتلری بیننده اختلافه تصادف اولندجه هر ایکی نقلده آری آری ایراد ایدلدی :

جنید اوغلی حمزه بک یتیمش آتلی ایله دوزمه جه مصطفی اردوسندن آیرلدقن صکره کال شتاب ایله آق حصاره واورادن ازمیره ککش وازمیر ذاتاً کندیسنک مولد و منشی اولمق جهتیله اهالیسی طرفندن حسن قبول کورمش ایدی . آیدین سنجاغنده آیدین اوغلرندن مصطفی بک نامنده برینک حکومت ایتمکده بولندیغنی وبومصطفی بکک خدمتنه مکافاة آیدین حکومتی سلطان مراد طرفندن دخی تصدیق اولمق موعود اولدیغنی خبر آلتجه همان چشمه واورله طرفلرینه کیده رک سکره کون ایچنده درت بیک کشیدن مرکب برفرقه عسکر جمع ایتمش وبونلر علی العجله آتشد قوریدلمش اغاج داللرندن یامه اوق وحر به وقارغیلرله تسلیح ایدلمش ایدی . جنید اوغلنک بوتدارکاتی اوزرینه مصطفی بک اردوسیله مقابله سنه کیده رک آیانلوغک آلتی ساعت اوته سنده

دیرکه « پادشاه ، امپراطورلغه انتخاب اولمش اولان سیغیزه وونده مسندی تبریک ایتک وایکی سنه ایچون برمتارکه عقد ایلک اوزره برسفیر ایله برابر اتیهن لازارویچی ارسال ایلشدی . »

سیغیزموند آلمانیاده ۱۴۱۰ تاریخنده امپراطورلغه تعیین اولدیغنه ووقایعندن بحث ایتدیکمز ۸۲۸ سنه هجریه سی ایسه ۱۴۳۴ سنه میلادیه سنه تصادف ایلدیکنه نظراً بویله اون درت سنه صکره امپراطورلق تبریککنده مناسبت کورلمز . مجارلیارله بش سنه ایچون دها اوج سنه اول برمتاکه عقد اولندیغنی وبناءً علیه انقضاسنه دها ایکی سنه ایستدیکی حالده بونی ایکی سنه دها تمید ایتدیرمک ایچون صرب قرانی کوندره جک قدر تکلفلر اختیارینه محل کورلمز . احتمال که دولتک مشاغل متعدده سی جهتیله اولکی متارکه نك تصدیقنامه سی اووقت کوندریله بیلمشدی . ۸۲۹ سنه سی اوائلنده منتشا حاکی اولان الیاس بک ارتحال ایلدیکندن رهن اوله رق پادشاه خدمتنده بولنان اوغلی او یس بک ایله احمد بک ملک موروثلرینه جبرو زور ایله تصرف ایتک داعیه سیله فرار ایلدیار . ایکیسی ده طوتدیردی ، بدوی چارطاقده حبس اولنمغه کوندرلدی . منتشا سنجاغی ده بلبان پاشایه توجیه اولندی .

بکلمر محبسده کی او طدرینه اوت کتورن بر کویلی بی اقلع ایدرک کویا کتوردیکی بکنلمه مشده رد اولمش کبی برر برر کویلینک چوالی ایچنده محبسدن فرار ایتشاردی . او یس بک طوتیه رق محافظه سنه مأمور اولوبده اهل ایدن ضابط ایله

بایمال ایتدیرمش واورالرك محافظه‌سندہ بولنان آرناود عسکرینہ قارشی برده یازلاق میدان محاربه‌سی قزانمشدر . عیسی بکک بوسفری ۸۲۸ سنه‌سی ظرفنده ختام بولمش ایدی .

ینه اوسنه ظرفنده ایدی که سلطان مراد اسفندیار بکک تزوج ایلدیکی کریم‌سنی جلب ایچون ، کر میان اوغلی یعقوب بکک طرف هایونده (شاه آنا) خطابیاه مظهر تلطف اولان حرمی ایله صدر اعظم خلیل پاشانک پادشاهه وقتیه دایه‌لک ایتمش بولنق جهتیله (دایه‌خاتون) عنواتی قزانمش اولان زوجه‌سنی ، طواشی کروهندن شرف‌الدین پاشا وریحان پاشا ایله ارسال ایلدی . عروس کلنجه دولت عثمانیه‌ده اوزمانه قدر هیسج مثل کورلمه‌مش درجه‌لرده طنطنه‌لی برسور هایون اجرا اولندی . بوسور مسرتده پادشاهک اوچ یتشمش همشیره‌سندن بری اسفندیار زاده قاسم بکه وبری قراجه پاشایه وبری ده صدر اعظم ابراهیم پاشانک کوچک اوغلی محمود چلبی‌یه عقد ایدلمش ایدی .

۸۲۸ سنه‌سندہ استانبول ایمپراطوری مانول ارتحال ایدهرک یرینه اوغلی یوان ایمپراطور اولمش وپادشاهه عرض اطاعتله سنده اوتوزبیک آلتون ویرکو ویرمک و مورده اولان زیتون شهریله قره‌دکز ساحلنده مالک اولدینی یرلرک درقوسدن ماعداسنی کاملاً دولت علیه‌یه ترک ایلک اوزره برمصالحه عقدینه موفق اولمشدر . اوصرده صرب پریمی اتیهن لازارویچ دخی پادشاهه عرض عبودیت ایچون ادرنه‌یه کلش ایدی . هامر بر ایکی تاریخدن نقل ایله



شهرزاده مصطفی فتنه‌سنگ ظهورندن بری بیان اولنان وقایع
۸۲۶ حوادمندندر . ینه او سنه ظرفنده ایدی که افلاق بکی
دراقوله‌نک سلستره طرفندن طونه‌یی کچهرک ممالک بادشاهی‌یه
تعرض ایلدیکی خبر آلمش و اسفندیار اوزرینه کیدلک مقرر
اولدیغندن افلاق بکنک تأدییی طونه طرفلرینک محافظه‌سنه مأمور
اولان فیروز بکه حواله اولمشدی .

سلطان مراد اسفندیار حادثه‌سنی غالبانه دفع ایتش و براز
صکره ۸۲۷ بهاری‌ده داخل اولمش اولدیغندن دراقوله‌یی تأدییب
ایچون روم ایلی‌یه کچهرک ادرنه‌ده اردوسنی جمعه باشلامش ایدی .
فقط اوزمانه قدر فیروز بک طونه‌یی کذار ایله زماننده افلاقه
کچن و کچدیکی زمان کندی کبی فیروز بک عنوانیه یاد اولنمقده
اولان فیروز پاشامرحومک نامنی اخطار واحیاییده جک برضربه
قهرمانی ایله دراقوله‌یی اطاعته اجبار ایتش ایدی . دراقوله
بوتأدییب اوزرینه ایکی ییالق خراجیه ادرنه‌یه قدر کله‌رک مظهر
عفو اولدی وایکی اوغلنی رهن اوله‌رق خدمت پادشاهیده ترک
ایله ینه افلاقه عودت ایلدی .

ینه اوصره‌لرده ایدی که اورنوس زاده‌لردن عیسی بک
دربنددن موریه کچهرک لاسدمونیا طرفلرینی سمند جلا‌دنه

ایکن پادشاهك یانہ زرهلی کیروبدہ کنڈینی سوء قصده مائل
 کوستره جك قدر توحش ایله برابر وزارت کبی بر موقع تقریبه
 بولنسی کنڈی ایچون بر بیوک جرم اولدیغنده شہہ یوقدر .
 لکن شوراسی ده مسلمدرکه بو جرم اولسه اولسه پاشانک
 وزارتدن عزائی ، بر طرفه نفینی ودها ایاری کیدیلور ایسه
 امثالی کبی بدوی چارطاقده حبسنی موجب اوله بیلوردی ؛ کوز
 چیقارمق کبی دنیاده ای بیوک جانلر حتمنده بیله اجراسی تجویز
 اولنہ میه جق وهیچ بر صورتله جزا دیننہ میه جك بر بلایه
 اوغرا دلمسنه حق ویره مزدی . سلطان مراد قدر حکیم ومروت .
 پرور بر ذاتک بویله بر غدارلغی اختیار ایده جك قدر حدته
 مغلوب اولسنه تأسف اولنور . خصوصیه بو شدته اوغرایان
 حاجی عوض پاشا کرك بروسه مدافعه سننده وکرك دوزمه جه
 وقعہ سننده دولته پک بیوک خدمت ایتش اولدینی کبی ، چلی
 سلطان محمد قدر مشکلیسنند بز پادشاهی برنجی فرصتده بونجه
 قدمایه ترجیحاً وزارت رتبه سنی احراز ایده جك قدر خشنود
 ایلدیکنندن ده آکلاشلدینی اوزره اداره حربیه وسیاسیه جه
 اقتدار فوق العاده احبابندن لازم الوجود بر ذات ایدی .



پادشاه بر کون پاشانک کوکسنی الیه یوقلادی ، صحیحاً
 زرہلی اولدیغنی تحقیق ایتدی . بو حرکتک سببنجه ایراد ایتدیکی
 سؤالده پاشا بر هه قول جواب ویره مدی . او جهتله خیانتنه
 حکم ایدرک حقنده بویله بر جزایی تجویز ایلدی .

واقعا میدانده پادشاهک سلطنتنه رقابت ایدرک کیمسه
 اولدیغنی کبی بر وزیرک تسلطن ایدر بیلیمسی ده احتمالک خارچنده
 بولندیغندن عوض پاشانک سلطان مراد علیهنده بر فتنه تحریک
 ایدر بیلیمسنی عقل تجویز ایتمز . صدراعظم ابراهیم پاشایی استرقاب
 ایتمسی خاطره کلورسه ده رقیبه غلبه ایتمسی ده او زمانک حکمنجه
 عسکری عصیانه تشویق ایله وجوده کله بیله جک حالردن دکل
 ایدی . بو جهتله پاشانک زرہلی کز مسی یالکز حیاتجه اندیشه ده
 بولندیغنی کویسترر ؛ خیانتنه دلالت ایتمز . شو قدر وارکه عوض
 پاشا خائن اولماقله مجرم اولقدن ده قورتیله مز . چونکه سلطان
 مراد حقمرز اوله رق کندیسندن شبهه یه دوشدیکنی آکلادیسه ،
 بیان حقیقتله نفسنی ولی نعمتنک سوء نظرندن قورتاره بیلور
 ایدی . ذاتاً پادشاه واهمه سنی ازاله قابل اولهمیه جق ، غدرندن
 احتراز اولنه جق ظلمه دن دکل ایدی . بوندن بشقه پادشاهک
 امنیتندن بری اوله رق وزارتده بولتمق ده ، وقار سیاسته متصف
 اولمق لازم کلن مراتب عالیه اصحابنه یاقشماز . هله پادشاهک
 اصلاح افکارینه موفق اولدقدن صکره حیاتی تهلکه یه قویتمسزین
 منصبندن چکلک کندیسنی ایچون اسهل امور ایدی . حال بویله

اغتنام فرصت خیالیله بولی بی محاصره یه تصدی ایتسی اوزرینه بادشاه حدود شرقیه بی تأمین ایچون یورکچ پاشای آماسیه یه تعیین ایلدیکی کبی کندیسیده دشمنک مقابله سینه شتاب ایتمش ایدی. اسفندیارک بیوک اوغلی سلطان مرادک یاننده بولندیغندن عسکر نندن برطاقی بادشاه طرفنه کچمش ایدی. مع مافیله اسفندیار بک عئلایره مقابله دن چکنمدی، فقط بولی پیشگاهنده هزیمت فاحشه ایله مغلوب اولدی. سیتوبه قدر فرار ایتدی و اوغلی مراد بکی برعریضه ایله حضور هایونه کوندره رک استعفا ی قصور ایلدی. سینوب و توابعندن ماعدا هر زره به آرزوی پادشاهی تعلق ایدر ایسه ممالک عثمانیه یه الحاق اولنمق شرطیله امانی قبول اولنمش ورجاسی اوزرینه کریمه سنک تزوجنده رغبت ایدلشدر. تاریخارک روایتنه کوره بو محاربه ده قپوجی باشی یخشی بک اسفندیار بکه شدتلی بر قلیچ اورمش و بو ضربه نك تأثیر یله بر قولاغنه صمم غارض اولمش ایدی.

بادشاه بولی سفرندن عودت ایدنجه حاجی عوض پاشانک کوزلرینه میل چکدیرمش ایدی. تاریخار سببنی شو صورتله روایت ایدر لرکه عوض پاشانک بعض خصامسی، عسکری افساده چالشدیغنه دائر بر طاقم سعایتلرده بولندی. حتی افسادات خفیه سنک، ظاهره چیقارق حقهنده مؤاخذه بی موجب اولستندن اجترازاً حضور هایونه زرهلی اوله رق کلدیکنی، ادعالرینه دلیل کوستردیلر.

زاده لرك ثبات حیتکارانه و آناتولیجه معلومات محلیه لری ده بو خدمتله لیاقتلرینی برقات دها تزید ایدردی. اوجهتله بکلرك مأموریتی استتقالدن زیاده ، لزوم حقیقی به حملی اولمق دها معقول کورینور .

شایان بقدرکه سلطان مراد شهزاده مصطفی فتنه سنده بالفعل ثابت اولان مدخلارندن طولایی کر میان و قرمان اوغلارینه ایلشمدی . حتی کر میان اوغلنه وزیر اسندن برده سفیر کوندردی . عجبا بو قدر حلمك حکمتی نه ایدی ؟ واقعا بو صروده اسفندیار اوغلی حدودی تجاوز ایلدیکندن آنك دفع شریخی ، کر میان و قرمان طاقندن کچمش بروقه نك انتقامنه تقدیم ایتك طبیعی ایدی . فقط بو انتقام مشغله سز زمانلر دهده خاطره کلمدی . بویله برتحمله ایسه نه دولتجه بر ضرورت وار ایدی ، نه ده بادشاهك اخلاق مساعد ایدی . بناء عایه اورالره سفر وقوع بولماسنك تاریخلره یازلامش برطاقم اسبابی اولمق لازم کلور . او اسبابدن باشلوجه سی ایسه بادشاهك ، هر طرف دشمنه محاط ایکن جنوب دهده برغائله چیقارمق ایستمه مسندن عبارت اولسه کر کدر . هیج شبهه یوقدزکه امور بك کر میان اوغلنی اعتذارلره ، استغفای قصورلره مجبور ایتمه دن سفارتدن عودت ایتمه مشدر . ینه هیج شبهه یوقدزکه قرمان اوغلی ده مثلاً صغارو طور غودلو طاقنه حکم کچیره مدیکندن بحث ایتك کبی برطاقم معذرتلره مظهر عفو اولمشدر .

اسفندیار بکک دوزمه جه مصطفی و شهزاده مصطفی فتنه لرندن


ظلم احتیاطکارانه‌ی پامال تحمیر ایده‌رک برادرلرینک حیاتبه دکل، حتی منصبه نیاه تعرض ایتمه مش ایکن، شرابدار خبیثی اغراض ملعونه‌سیله بر فطرت سلیمه‌ی اقربا قانی دوکمک مجبوریتنده بولندیردیغندن قیامته قدر نفرینه استحقاق کسب ایلمشدر .

بووقعه‌ده ملنک اوغرادینی ضایعات - عظیمه‌دن بری‌ده، سلطان مرادک اقامه دولته سبب مستقل اولان میخال اوغلی محمد بکک شهادتیدر . محمد بکک شهادته سبب اولان تاج‌الدین غلبه‌دن صکره اختفا ایلدیکی طاوق کومسنده طوتیله‌رق میخال اوغلی طاقی طرفندن اعدام اولندیغنی تاریخار روایاتندندر .

حرب اوزرنده تلف اولان بر آدمک قاتلنه قاعده‌ جزا اقتضا ایتمه‌جکی مغاومدر . مع‌افیله حرب اسراسنک دمی‌هدر عد اولنان عصرلره محاربه مقتوللرینک‌ده اخذناریله اوغراشلمق معتاد ایدی .

پادشاه شهزاده مصطفی غانله‌سنی بر طرف ایتدکدن صکره تیمورطاش زاده‌لردن امور بکی سفارته کر میان اوغله کوندردی واورج بکی آناتولی بکلربیکی، علی‌بکی ده‌صاروخان والیسی تعیین ایلدی .

خواجه سعیدالدین، بو توجهاته، پادشاهک وزراسنی استیقال ایلدیکی سبب اولدیغندن بحث ایدر . حال بوکه کر میان سفارتی بر مأموریت دائمه دکل ایدی . کر میان وقره‌مان طاقنک شهزاده مصطفی و جنید اوغلنک‌ده دوزمه‌جه مصطفی وقعه‌لرنده اختیار ایلدکلری حرکت اوزرینه کرک آناتولی وکرک صاروخانک بررید اقتداره تسلیمی لازمه‌دن ایدی . تیمورطاش





کتابتِ گنگ

عربی زریب

کتابتِ گنگ

جلد ۲

۱

جلد ۲

استانبول

محمود کتب خانہ

۱۳۲۷

کتابخانه گلستان

ایکینی ترتیب


اسامی آثار

برنجی ترتیب

جلددر ۷

کتابدر ۱۲

اسامی	غروش	اسامی
جلد جزو	۳	[۱] رونان مدافعه نامہ سی نشر اولندی
۲۵ ۵ [۱] عثمانی تاریخی	۵	[۲] قاره بلا نشر اولندی
۱۰ ۲ [۲] تاریخ اسلام	۲۰	[۳] مقالات سیاسیہ وادیہ ورثیا
۰ ۰ [۳] آثار برا کنندہ	۱۰	[۴] وطن، کئمال، عاکف، زوالی { جو جق
ہر جزو ک فیثائی (۳) غروشدر	۲۵	[۵] اشعار کمال
—	۱۲	[۶] جلال الدین خوارزمشاہ
کتاب کتاب اولرق } برنجی ترتیب	۲۰	[۷] مکاتیب خصوصہ دن برنجی جلد
• ہر ایک آیدہ بر •	۷,۵	[۸] اوراق پریشان مجموعہ سی •
جزو جزو اولرق ہر } ایکجی ترتیب	۲۰	[۹] منتخبات محرات رسمیه • •
اولنہ کوندہ • نشر اولنہ جقدر •	۷,۵	[۱۰] جزئی و اثنباہ
ایکی ترتیب دہ برابر اولرق صرہ سابلہ	۲۰	[۱۱] مکاتیب خصوصہ دن ایکجی جلد
منتظماً طبع و نشر اولنور •	۵	[۱۲] تعقیب و تخریب خرابات رسالہ لری و ساثرہ



مقسطاً تأدیہ ایدلک شرطبلہ ابونہ شرائطی

یکونی بشین اولرق تأدیہ ایدلک اوزرہ ابونہ شرائطی :

غروش ۲۱۶ اثرلر اداره خانہ دن آلفق و بشین اولرق بام و متعاقباً ہر اراج آیدہ بر یادیمشر لبرا تأدیہ ایدلک شرطبلہ .
 ۲۴۰ پوستہ اجر شدن طولایی تقسطلر ۶۰ غروش اولرق بشین ۳ مجیدہ و ہر اراج آیدہ ۳ مجیدہ و رملک شرطبلہ اقامتکاہہ کہ ندلک اوزرہ .

غروش ۲۰۰ اداره خانہ دن آلفق شرطبلہ .
 ۲۲۶ دوسعات و ولایات و ممالک اجنبیہ ایچون پوستہ اجرتی دہ داخل اولرق اقامتکاہہ کوندرملک شرطبلہ .

بوجزو ک فیثائی (۳) غروشدر

طشرہ ایچون پوستہ اجرتی ضم اولنور .



هیچ اولمزه حیاتی قورتارمغه اوغراشدیلر ، بردرلو موفق اوله مدیلر .

سلطان مراد طونه دارفلرینک محافظه سنی فیروز بکه ، شرق جنوبی جهتلری ده اورنوس زاده علی بکه احاله ایله روم ایلینک آسایشنی تأمین ایتدکن صکره عسکریله ادرنه دن ایلغار ایده رک طقوز گونده ازنیقه یتشدی . پادشاه اردوسنک طلیعه سی ظهور ایدنجه شهزاده طرفنده اولان تاج الدین اوغلی ، قرمان و کرمان عسکریله مقابله به شتاب ایتمش و طلیعه پادشاهی بی خیلی زده لیه رک حتی سردارلغنده بولسان میخمال اوغلی محمد بکی ده اتلاف ایتمش ایدی . فقط اوصره ده اردوی هایون ، طلیعه سنک امدادینه یتشدیکندن شهزاده طرفلری پریشان اولدیلر . حصارک مستحفظلری ده همان قلعه قپولرینی آچهرق پادشاه عسکرینی قبول ایتدیلر . شرابدار ماعونی که ، شهزاده بی رشوت اقبال اتخاذا ایتک ایچون توقیف ایتمش ایدی ، کشفجه غیای دوزخ اوله جق ایله بیچاره بی امرای عثمانیه به تسلیم ایلدی . طالع سز چوجق میراخور مزید بکه تسلیم اولنهرق ازنیق جوارنده بر آغاچ آلتنده اخناق ایتدیرلدی . بعض تاریخلر ، سلطان مراده بو حادته اوزرینه یوسف و مراد نامنده ایکی برادرینک ده کوزلرینه میل چکدیردیکنی روایت ایدرلر .

سلطان مراد جلوس ایتدیکی زمان دوزمه جه مصطفی حادته سی کبی بر بلا ایله ملکینی مختل و مشوش بولمش ومع مافیه معتاد اولان

اوزرلرینه کلور ایسه اللرنده بر استنادکاه بولمق ایچون ازنیقک فتحنه عزم ایتدیلر . اورانک محافظه‌سنه فیروز پاشازاده علی بک مأمور ایدی . علی بک برادر بدبختنک سلطان محمدزماننده غائب ایتدیکی مقبولیت واشتهاری سلطان مراد زماننده قزاق عزمنده بولندی ، آنک آنقرده تیموره قارشی کوستردیکی متاتی بوده ازنیقده شهزادهیه قارشی ابراز ایلدی . بر آووج عسکرله بر قوجه اردویه مدت مدیده مقاومت ایلدی .

پادشاه ایسه برادرینک عصیانخی خبر آنججه استانبولک محاصره‌سنی رفع ایتدی ، آناتولییه کچمک تشبثاتنه باشلادی . بر طرفدزده وکلا اعمال تدابیره قیام ایدهرک شرابدار الیاسه بر مکتوب ایله آناتولی بکلر بکیلکنی وعد ایتدیلر . ملعونک بو وعد ایله هر درلر خیانتی ارتکاب ایده جکنده شهرلری اولدیغندن شهزاده بی التجا کاهسزلق قورقوسیه قاچیرماق ایچون ازنیقک تسلیم اولمسی حقندهده علی بکه امرلر کوندردیلر . علی بک آلدیغی امرک مقتضاسنی اجرا ایدهرک قلعه‌نی تسلیم ایلدی . شرابدار الیاس ایسه ترتبات خیانتنک بی پروا فعلیاتنه باشلادی ، شهزاده‌نی صدر اعظمک ازنیقده بولان سراینه اقاماد ایلدی . گویا هر ایش بتمش ، سلطنتده مانع و مزاحم قلامش کبی شاهانه دیوانلر سورمهک ، تیمارلر ، منصبلر و یرمهک قیام ایلدی .

کرمیان وقرمان عسکری الیاسک ملعنتنی تمامیه آ کلامش ایدیلر . شهزادهیه مرام آ کلاتمغه و بیچاره‌نی حمیدایلینه کوتوره‌رک

صره سنده بحث ایتمش ایدک . بوملعون صکره یینه سلطان محمد
 حلول ایتدی ، وبویله سرائر آشنالقدده تجدید دولته کافی
 اوله جق قدر امتیازه مالک اولان بر صاحب دهایی اغفال ایدهرک
 کندیسنی حمید ایلی والیسی اولان شهزاده مصطفایه لالا تعیین
 ایتدیردی .

پادشاه دوزمه جه مصطفی ایله اوغراشیرکن شرابدار الیاس
 النده اولان شهزاده بی اولادی کبی سودیکندن اختیار ایتدیکی
 فتنه ده کندیسنه عسکر یله اعانه ایلدی . دولت علیهنه ظهور
 ایدن فرصتلردن هیچ برنی فوت ایتمک شانندن اولیان قرمان
 اوغلی ، کندیسنک فتنه یارداغی اولان صمغاد و طورغودلو
 طاقندن شهزاده نك خدمتنه برخیلی حشرات کوندرمش ایدی .
 شهزاده بو غلبه لک ایله حمیدایلندن چیقارقی بروسه اوزرینه
 یوریدی . بروسه لیلر قلعه یه قبان دیلر شهزاده یه اخنی یعتوب
 و اخنی خوشقدم نامنده ایکی آدم واسطه سیله یوز قدر قماش
 تقدیم ایدهرک « شهزاده حضرتلرینک لایق تحت وتاج اولدقلرینی
 بیامورز ، فقط برادرلرینک عهده مزده بولنان بیعتنی فک ایده میز .
 بروسه جیم واستحکامی متین بر یردر . ضبطی زمان ومشقته
 محتاج اولور . کندیلری ایچوزده تسخیری قولای اولان یرلره
 عزیمت خیرلیدر » کبی سوزلرله مقاومت عنزم قطعیسنده
 بولندقلرینی تصریح ایلدیلر .

شهزاده طاقمی بروسه نك تسلیمندن مایوس اولنجه پادشاه

کلمش ایکن ایدیلن هجومده عثمانلی عسکری بردن بره رجعته باشلایهرق وادوات محاصره‌ی احراق ایده‌رک استانبول پیشکاهندن چکلمش اولدیغی و بو حرکت ایسه کرک امیربخاری حضرتلرینک و کرک عسکرک ، نورلر ایچنده غرق اولمش بر قادین سمان نزل اوله قلمه‌نک مدافعه‌سنه قیام ایلدیکنی کوردکلرندن نشأت ایلدیکی روم تاریخلرینک افسانه‌لرندندر .

محاصره‌نک رفعنه سبب ایسه ، کرک بزم تاریخلرک و کرک روم مؤرخلرندن دو قاسک بیانه کوره پادشاهک برادرلرندن شهزاده مصطفاک عصیانی ایدی . ذاتاً محاصره و هجومده اوله روم تاریخلرینک بیان ایلدیکی کبی اهمیت بولماش ایدی . چونکه وقعه‌ده عثمانلیرک تلفاتی بیک کشیدن و کندیلرینک ضایعاتی ده اوتوز مقتول ایله یوز مجروحدن عبارت اولدیغی روم مؤرخلری بیان ایدرلرکه مبالغاتندن تجرید اولندیغی حالده عثمانلیرک شهیداسی ده ایکی اوچ یوز کشیدن عبارت قله جغندن بو مقدار ، هجوم دنیلن شیئک سلاح تعلیمی قیلندن بر اوفاجق محاربه اولدیغی کوسترر .

شهزاده مصطفی وقعه‌سنه کلنجه ؛ سلطان محمد ، بروسه‌ده سلیمان چلبینک اوزرینه کله‌رک یکیشهرده کافر پیکاری هوقعی حصر ایله مشغول ایکن خدمه‌سندن شرابدار الیاس یانندن قاچهرق سلیمان چلبی‌یه کیتمش و بو حادثه پادشاهجه خیلی اندیشه‌ی موجب اولمش اولدیغندن سلطان محمد وقوعاتی

جوانی استانبوله بالذات کتوره چکنی بیان ایلدی . بر قاچ کون صکره حرکات عسکریه باشلادی . استانبول خلقی عثمانیلرک هجومی ایشدکلری کبی سینی ، دوات علیه ایله مناسبانی اولان نئولوغ قورانک دسایسنه حمل ایتدیلر ، اعدامنه قیام ایلدیلر .

سلطان مرزده نئولوغک اعدامی ایمپراطورک لسان عربی کابی اولان و اوزمان عثمانلی اردوسنده بولنان آلاجه شهرلی میخائیلک افساداتندن بیله رک آفی اتلافه قیام ایتمش و میخائیل قبول اسلامیتله تخلیص نفس ایلش اولدیغنی روم تاریخاری بیان ایدرلر . بر رومک بر رومدن انتقامنی آلمق سلطان مرادجه التزام اولنه جق شیلردن اولماسنه نظراً میخائیلک یا اطمئنان صمیمی و یا خود سوق منفعتله قبول اسلام ایتمش اولسی اوزرینه روم مؤرخاری بویه بر سبب اختراع ایلش اوللاری عقیله ده ا یقین کورینور .

سفیرلرک عودتندن بر قاچ کون صکره میخال اوغلی محمد بک ، روم ایلی آقنجیلریله ایمپراطوره تابع اولان کویلری یغما و تخریب ایدرک استانبول پیشکاهنه کلش و آرقه سندن پادشاهده اردوسیه ظهور ایلش ایدی .

سلطان مراد محاصره یه همت کلیه بذل ایدرک قلعه یوکسکلکنده سیار قاهر یابدرمش واستانبولک غارتی ایچون مجاهدینه رخصتده ویرمش ایدی . قلعه پیشکاهنده بر چوق عسکر طوبلانمش حتی امیر بخاری حضرتاری بو سفر غزایه

شهرزاده بی آندیرر بر هیولا کلنجه ، روم ایلی بکارینک انفعالندن استفاده ایتدی . روم ایمپراطور یله افلاق بکنی ده ملعنتمه تشریک ایلدی ، آره یه بویله بر حادثه چیقاردی . آرزو ایتدیکی نتایجی تمامیه استحصاله موفق اوله مدیسه ده بایزید پاشا کی بر مشیر صاحب اقتداری اتلاف ایله تشفی صدر ایتدی . روم ایلیدن قورتلدی ، ینه آیدینه مسلط اولدی . بو مکسوبانک بدلنی ایسه شهرزاده لک ادعاسیله میدانه سوردیکی دیوانه تقد حیاتندن تأدیه ایلدی .

هله مالک اولدینی قوتی بر سنه اطاعتنده طویمنه مقتدر اوله میسنه نظراً اگر میخال اوغلی وقتنده یتشمیوبده استحصال مقصده متمدر اولسه ایدی ، اوقابلیتسزلکله برابر شهرزاده اولسه ده اولسه ده ، یک آز مدت ایچنده جنید اوغلی کی عثمانی دشمناری ایچنده محو اولسی مقرر ایدی .

سلطان مراد دوزمهجه مصطفی حادثه سنی دفع ایدر ایتمز ، باعث فساد اولان روم ایمپراطورندن اخذ انتقام ایچون حاضر لایمغه باشلادی . ایمپراطور ایسه معتادی اولان مذلت ردیشه وتبصبات بی شرمانه ایله پادشاهه موفقیتنی تبریک ایچون سفیر لر کونوردی . انقطاع مناسباتک سببتنی بایزید پاشایه اسناد ایده رک اعتذار لر ایلدی . پادشاه ایسه تدارکاتی اکمال ایدنجه قدر ایلچیلرک افاداتی استماعه بیاه تنزل ایتدی . لایقیله حاضر لاندقدن صکره سفیر لری حضورینه جلب ایله افاده لرنی استماع ایلدکن صکره

حال بوکه مصطفانک ادعاسی کاذب اولدیغنه پک قوتلی دلیلار واردر: اول مصطفایا کرچکدن شهزاده اولسه وروم ایلی بکری ده او ادعاده بولنسه ایدی ، روم ایلی بکرینک غلبه کندیلر نده بولنسیغی و آرده هیج بر اختلاف و ضرورت اولمسیغی حالده یکر می سنه بیک درلو بلا و مشقت ایچنده طولاشمش بر فلک زده پادشاهی، امیدینک اگ قوتلی زماننده میخال اوغلنک بر قاج لقر دیسی ایله محذول ایلاری ، طبیعت بشر داخلنده عد اولنه ییله جک حالردنمیدر ؟ خصوصیا بویله بر خیانتدن کندیلری ایچون نه منفعت ترتب ایدیه بیلور ایدی ؟ ثانیاً بو آدم شهزاده ایدی ده یکر می سنه زرده اختفا ایلدی ، نیچون بر طرفدن باش کوسترمدی ؟ عثمانیلر ملککنده بر فتنه چیقارمق ایچون میرجه دن، از میر اوغلندن، اسفندیاردن سائر ملوک طوائفدن هانکیسنه مراجق ایتسه معاونت کور مزدی ؟ برادرلردن هانکیسنه کیتسه ده دیکرینه قارشی استخدای ایستسه ایدی ، قبول اولنمزدی ؟ بویله بر تشبث ایچون عیسی چلبینک ، موسی چلبینک کوردیکی اعانه لر کندیسنه عبرت کافیه دکلیدی ؟ نه سبب اولدی که اون سکز سنه بیک درلو فرصتی فوت ایلدی ده چلبی سلطان محمدک کافه خصامسنه غلبه ایدهرک اقبالی حد منتهایه واصل ایلدیکی زمان بویله بر تشبثی اختیار ایلدی ؟

وقعه نک طرزینه باقیلنجه بو آدم عادتاً جنید اوغلنک مصنوعات مفسدندن اوله رق ، او خبیث الیه او یله شکلاً غائب اولان

مجبور ایدی . بو مطالعاته نظراً پادشاه طرفندن استانبول
ایمپراطورینه مصطفانک معیشتنه مدار اولوق اوزره ویریلن پازه
هیچ بر صورته ادعاسنک تسلیم اولندیغنی کوستره بیه جک
حالردن دکلدرد .

ثالثاً مصطفانک یاننده بولنان جنید بک دکل ، جنید اوغلی
حمزه بک ایدی . تیمورطاش اوغلاری ایسه مصطفانک دکل ،
پادشاهک خدمتنده ایدیلر . حتی سلطان مراد طرفندن کندیلرینه
وزارت ویرلدیکنی هامر ، تاریخنک بشقه بر طرفنده نقل ایدر .
مع مافیہ مصطفانک اردوسی آباق طاقندن مرکب اولدیغنی مسلمدر .
ایچلرنده اورنوس زاده لردن بشقه طورخان بک ، میخال اوغلی
یحشی بک وروم ایلی امراسندن ده بر چوق اکابر وارانیدی .
فقط بو مشاهیرک کندیسنه انباع ایتمی ده دعواسنک سختی اثبات
ایتمز . چونکه روم ایلی بکلاری موسی چلبی وقعه سندن صکره
بتون بتون التفاتدن ساقط اولدقاری کبی ، ایچلرندن اکثری ده
شهرزاده مصطفایی شخصاً بیلمز و بیلنلرکده اکثری نهایت بعض
مواقع رسمیه ده بر قاچ کره کورمش اوله جقارندن یکرمی سنه
صکره بحق تشخیص ایتمکه طبیعی مقتدر اوله من ایدیلر . جنید
اوغلنک مصطفی ایله بولنمی ایسه ادعاسنک صدقنه دکل ، بلکه
کذبنه اماره در .

رابعاً نثرینک تألیفی نه قدر معتبر اولسه مصطفایه دائر اولان
روایتی عموم مؤرخلرک قولنه مغایر و خبر واحد اولدیغندن اثبات
مدعا یه حجت عد اولنه من .

او زونوس زاده لر کبی اکا برده وار ایدی . اکر مصطفی ، سلطان بایزیدک اوغلی اولسه ایدی ، او حیثیتده بولنان ذوات کندیسنه معاونت فکریه و حربیهده بولنورلرمیدی ؟ نثرینک شهادتی ده فکر منی مؤیددر . بو شهادت آندن صکره تاریخ یازان عموم مؤرخلرک افاده سنه راجح عد اولنور . »

هامرک نثریدن استناد ایتدیکی عباره شودر : « یلایرم خان اوغلی که تیمور جنکنده غائب اولمشدی ، سلانیکده ظاهر اولدی . »

بزه قالیرسه هامرک نتیجه استدلالی مسلم دکلدر . چونکه اولا ، آنقره محاربه سنک تلفاتی کبی سکسان طقسان بیک جنازه آره سنده هر کیمک ایستنیلورسه نعشی بولوق محالدر . هر محاربهده حیوان و عسکر آیاغی آلتنده چکننمک و جریحه دن سیاسی غائب ایتمک ، محاربه تلفاتی آره سنده اک زیاده کثیر الوقوع اولان حالدر دندر . بناءً علیه شهزاده مصطفانک آنقره محاربه سی مقتوللری ایچنده نعشی بولنماق ، کندیسنک ضایع اولدیغنه قطعاً دلالت ایتمز . ثانیاً مصطفانک ادعا سنده یالانده اولسه کر چکده اولسه اعتماد ایدنلر بولنمش ایدی . بناءً علیه شرینک دفعنه کاذبلیکی کافی دکلدی . پادشاهک مقصدی ایسه شاهرخ میرزا آناطولی به طوغری ییغیلوب کلدیکی صروده ملک ایچنده بر وسیله فتنه بر اقامق ایدی . مثلاً او صروده دوزمه جه مصطفی یرینه بورکلوجه مصطفی بولنسهده استانبوله قاچسه آنی بر طرفه بر اقدیرماق ایچونده پادشاه اسباب تعیشنی اعطا ایتمک

خرجلق تدارك ایتك ایچون مملکتته کیده رک ، بر طاقمی ده اردوده قالمقدن عبارت ایدی . عثمانلیلرک اشرای اعادیسندن اولان بر آدمک عثمانلی عصاتی آره سنده اختراع ایتدیکی بوقاعده ، سفری یازه حصر ایتک قاعده بدواتی باقی اولدجه او قاعده نک مضرتی تحفیف امرنده دولت علیه نک پک چوق ایشنه یارامش ایدی . یکچریلرله عزبلر آره سنده پیدا اولان منافسه نک ایسه دولتجه بیوک بر مضرتی کورلمدی .

دوزمه جه مصطفی دنیلن ذات ، کرچکدن سلطان بایزیدک اولادندیمدی ، یوقسه ساخته کارمی ایدی ؟ مسئله سی تاریخجه حقیقه مراق ایدیه جک مباحثنددر .

هامر بو مسئله یی تدقیق ایتدیکی صره ده دیرکه : « بیطرف بر مؤرخه میزان مقایسه یی مصطفانک حقلی اولدیغنه میل ایتدیرمک لازم کلیور . دلیلر من شو نلردر : اولانیمور ، انقره محاربه سندن صکره ، بایزید اولادندن اثنای حربده تلف اولانی وار ایسه نعشی بولدیرمق ایچون امر ویرمشدی . سلطان مصطفانک نعشی بولمندی ، تلف اولدیغنه دائر بر اماره ده ظهور ایتدی . ثانیاً سلطان محمدک ، مصطفای مغلوب اولدقدن صکره بر طرفه صالیورمه مک ایچون ایمراطوره باره ویرمسی پادشاه ززنده بو آدمک منکر اولدیغنی اثبات ایدر . ثانیاً ثابتدرکه مصطفانک اردوسی بعض مؤرخلرک ادعاسی کی اسافلدن مرکب دکلدی ؛ ایچلرنده جنید بک ، بکلر بکی تیمورطاش زاده لر

آنه‌رق نعقینه شتاب اولندی. روایت صحیحجه‌یه کوره دوزمه‌جه مصطفائی قزل آناجده کندی توابعی اخذوبند ایدهرک عمبکیرلره تسلیم ایتدیبار. احوال ایله ادرنه‌یه کلنجه قلعه‌نک بر برجه صلب اولندی.

بزم تاریخلرک ویردیکی بوتفصیلاته مغایر اوله‌رق روم مؤرخلرندن دو قاس، جنویز امراسندن اولان فوچه بکنک، پادشاهی بش سفینه ایله لابسکیدن کلیبولی‌یه کچیرمش و اوصره‌ده دوزمه‌جه مصطفی، اکر سلطان مرادی کندیسنه تسلیم ایدرسه اللی بیگ آنتون اعطاسنی تکلیف ایتمش ایسه‌ده قبول ایلمه‌مش اولدیغنی و کلیبولی امراسی پادشاهی یناشدیرمق ایسته‌مدکارندن جمله‌سی قلیچدن کچیرلدکارینی نقل ایدر.

بو‌یله ایکی روایت یننده تعارض وقوع بولوب‌ده هیچ برینک سختنی تأیید ایده‌جک دلائل عقلیه بولنمزسه قاعده کتب قومک نقلی معتبر طوطبق لازم کلور. بناء علیه بزده عثمانلی تاریخلرینک روایتنی تقدیم و ترجیح ایلدک.

دوزمه‌جه مصطفی حادثه‌سی ۸۲۵ سنه‌سنده ختام بولمش ایدی. ظهورینک دولته ایکی یادکاری قالمشدر. بری جنید اوغلنک اختیار ایلدیکی خرچلقچی ترتیبی، بری‌ده کیجه باصقیننده اسیر اولان عزبلرک صائسی جهتیله یکچیری و عزبلر یننده حاصل اولان منافسه‌در. خرچلقچیلق، سفر وقتي کچدکدن صکره تیمار صاحب‌لرینک برطاقی کندیلرینه و رفیق‌لرینه تیمارلرینک محصولندن

آکلاشیلان دوزمهجه مصطفی کبی یالانجیلانی ثابت اولان بر آدمک دسیسه سنه طوتلش اولق روم ایلی بکارنجه هر درلو مجازاتدن زیاده باعث انتباه اولمشدی که آندن صکره هیچ بروسيله ایله عصیان داعیه سنده بولندقلری کورلمز .

سلطان مراد بوموفقیئتندن صکره دوزمهجه بی تعقیب ایده رک بیغایه قدر کلمش و خصمنی بیغا قاضیسنک بر از پاره آلهرق روم ایلی طرفنه کچوردیکنی خبر آلمش ایلی . قاضی بی بوجنایت فتنه جو یانه سنه بر محق جزا اولهرق صلب ایلی . کندیسیده برکی بولوبده قارشیه کچمک ایچون لاپسکی به عزیمت ایلی .

حالبوکه دوزمهجه آناطولیده بولنان سفانک کافه سنی قارشیه آلمش اولدیغندن کنار ایچون کمی بوله مدیلر . نهایت صدر اعظم کندی بندکانندن بولنان (طهارتسز خطیب) لقبیه معروف اولان کلیولی ضابطنه کمی تدارک ایتمی ایچون بر امر تحریر ایلی ، شناورلسکده ماهر بر آدم ایله قارشیه کوندردی . طهارتسز خطیب بعض اشیا آلمق بهانه سیه کلیولی پیشگاهنده بولنان برجنویز سفینه سنه کیده رک بش بیک آلتونه بازارلق ایلی ، کمی قارشیه اعزام ایلی .

بوسفینه به آله بیلدیکی قدر عسکر کیره رک قارشیه کچمش و روم ایلی ده نه قدر سفینه وار ایسه جبر و قهر ایله بری طرفه کچیرمش ایلی . اردو بوسفینه لرله قارشیه نقل اولندی . و دوزمهجه مصطفانک ادرنه به طوغری فرار ایلیدیکی خبر

بویله کیجه باصقینه کیدن برفرقه نك رهگذارنده پوصو بولنمی امرانك سلطان مراد اردوسيله مخبره حالنده بولندیغنی بالفعل اثبات ایلدیکندن ، حیاتی ده فکر تشبثی کبی حد منتهاده اولان جنید اوغلی حمزه بك همان برکیجه یتمش آتلی ایله آیدین طرفنه فرار ایلدی .

ینه اوصره لرده ایسه اینانلیه جق و فقط مدار تردد اوله جق بولده طوغری سویلیکی اک بیوک بر دسیسه سیاسییه عد ایلن حاجی عوض پاشا ، سلطان مراد عسکرینک اوکیجه کندی اردوسنی باصه جغنی وبکارکده پادشاه عسکر یله برلشه جکفی دوزمه جه یه اخبار ایتمکله برابر کیجه یاریسی اولنجه بشیوز آتلی ایله نهری کچمش و طبلر ، نفیر لرله اردونک ایچنه کیرمش اولدیغندن ذاناً تردد حالنده بولنان دوزمه جه مصطفی همان اردوسنی ترک ایدهرک کمال تلاش ایله ساحه طوغری فرار ایلدی . اردوده کی امرا وعسا کر ایسه علی العموم پادشاه اطاعت ایلدیلر . صدر اعظم ابراهیم پاشا ، روم ایلی امراسنک عصیانلرینه مجازاة اعداملری رأینده بولنمش ایدی . واقعا تیمور حادثه سنندن صکره هر وسیله ایله آیفلانمق وایکیده برده بایراق دکشدرمک ، روم ایلی بکلرنجه دولتی مخاطره یه قویه جق درجه لرده چوغالدیغندن صدراعظمک رأی پکده حقسز دکلدی . فقط پادشاه عوض پاشا ایله میخال اوغلی محمد بکک فکر لرینی قبول ایدهرک عفوی ترجیح ایلدی . نابجا کی کورینن بوغفو ایسه برکونا سوء نتیجه حاصل ایلدی .

النسب بر آدمك خدمتنده بولمق شاننه یاقشمیه جغنی وامرا بری طرف ایله اتفاق حالنده بولندقلرندن دوزمه جهیه معاونت ایدرسه هرکسندن زیاده کندی مغدور اوله جغنی بیان ایلدی . بر طرفندن ده عوض پاشا دیکر بر مکتوب ایله اکر دوزمه جهدن آریلور ایسه خطبه وسکه نام پادشاهییه اولمق اوزره آیدینک ینه کندیسنه اعطاسنی سلطان مراد نامنه وعد ایتمش ایدی . بویله ایچنه هیچ یلان قارشمهدن ترتیب اولمش بردسیسه سیاسییه تاریخلرده پک اندر تصادف اولنور .

کبرای دولتک تدبیرلری تمامیه تأثیرینی اجرا ایلدی . دوزمه جه مصطفی عوض پاشانک مکتوبنی آلتجه فوق العاده توحش ایتمش ومکتوبنی جنیده کوسترerk اوده کندینه کلن کاغدی ابراز ایدنجه بوتوحش برقات دها زیاده لشمش ایدی . اوصرده بر تجربه طالع قبیلندن اولمق اوزره اردوسندن بش بیک عزب تفریق ایدرerk ، سلطان مراد اردوسنه برکیجه باصقینی یامغه مأمور ایلدی .

بوترتیب پادشاهه خبر ویرلدی . بناءً علیه عزبلرک نهری کچه جکلری یرده یالکز بش یوزیکچیری براقغله برابر آرقه لرینه تیمور طاش زاده معینه ویریان ایکی بیک عسکرله برپوصو ترتیب اولندی . عزبلر بشیوز یکچیریلر ایله اوغراشیرکن پوصویه اوغرا دیلر ، برطاقی محو و برچونغی ده اسیر اولدیلر . اسیرلر او قدر چوق ایدی که بریکچیری برقوزی کله سنه ایکی عزب دکشدیکی تاریخلرده مسطوردر .

ظهور ایتدیکندن روم ایلی امراسی کندینک وفاتنه ذاهب اولمش ایدی. بناءً علیه کلن خبری وزرا طرفندن ترتیب اولمش بر حیلہ عد ایلدیله . محمد بك ایسه کندینک حیاتده بولندیغنی اثبات ایچون امرایی کیجه وقتی نهرک اوتہ طرفنه دعوت ایتمش ایدی ، کندیسیده بری کنارینه کیتدی . خواجه سعدالدینک روایتجه ، بره ترک طورخان ، بره کوملو اوغلی ، بره اورنوس اوغللری ، دیه هپسنی اسماریلہ چاغردی ، بکلرده کندیسینی تشخیص ایتدیله ، سوزہ باشلادیله ، یار قدیمارینک حیاتنه ممنونیتلر اظهار ایلدیله .

محمد بك مکتوبنده کی نصایحی شفاهاً دخی تکرار ایدهرک بکلره پادشاهک اطاعتنی قبول ایتدیله . جمله سی بر وقت فرصتده بری طرفه کچمکه قرار ویردیله . قرمان اوغلنه یازیلان نامه یه کوره ایسه ، محمد بك قارشیده بولنان برادرینی چاغرمش وشهزاده مصطفانک یاشنی تحقیق ایدهرک دوزمه جهنک دعواسنده کاذب اولدیغنی بونکله اثبات ایلشدر . ایکی روایت ایسه بر برینه مناقص دکل متمم اولیور .

محمد بکک بو تدبیرینی متعاقب حاجی عوض پاشا دوزمه جه مصطفایه صداقتی حاوی بر مکتوب ارسالیه بکلرک جمله سی بری طرفله اتفاق ایلدکیرینی بر وقت فرصتده کندینی سلطان مراده تسلیم ایلجه جکلرینی بیان ایلدی . بونکله برابر بر روایتده تیمور طاش زاده لر ، بر روایتده میخال اوغلی محمد بك جنید اوغلی حمزه بکه بر مکتوب کوندردی . کندیسیده اولاد ملو کدن ایکن مجهول-

اولان میخال اوغلی محمد بکک استخدا منہ احتیاج اولدینی
 رأینده مصر ایدیلر . بایزید پاشا وقعہ سنندن صکرہ پادشاهده
 بو رأی قبول ایتدیرمش ایدی . محمد بک او صرده دعوتنه
 کوندریلن آدم ایله برابر اردویه واصل اولدی . بکک بومسئلهده
 اختیار ایتدیکی حرکت ، موسی چلبی وقعہ سنندهکی مناسبتسز اسکله
 مقایسه اولنورسه بو فائده او ضررده بیک قات غالب کلور .
 آ کلاشیلان اولکی حرکتدهکی حتمسزلنی کندی ده آ کلامش
 و اوغرا دینی جزای محقی کورمش ایدی . نفوس زکیه اصحابک
 شانی ، بر کره کندی متهم کورنجه او مقابلهده مبتلا اولدینی
 شدتار دن غیظ و انفعال یرینه تربیه و انعقال حاصل ایلکدر .
 محمد بک ایسه او یله بر فطرت کریمه یه مالک ایمش که نه درلو
 ایسترسه اخذ انتقامه مقتدر اولدینی بر زمانده ، قهرینی کوردیکی
 پادشاهک تخت سلطنتی نجل کزینده تأمین ایتدی ، کوسه میخالک
 اخلاق فاضله سنندن بر حصه جلیله یه مالک اولدینی اثبات ایلدی .
 محمد بک اردویه کلدیکی کبی ، دوزمه جه مصطفانک یاننده
 بولنان روم ایلی امراسنه ، اصیل و نجیب بر ولی نعمت زاده لرینی
 بویله کنج یاشنده یالکیز بر اقوبده مجهول الاحوال بر توریدینک
 ادعای کاذبی ترویجه قالدشمق اصالتلرینه یاقشمیه جفته واکر
 دائره اطاعته رجوع ایدر لرسه جرملرینی پادشاهه عفو
 ایتدیره جکنه دائر خبرلر کوندردی . محمد بک سکز سنه دنبری
 بدوی چار طاقده محبوس اوله رق هیچ بر طرفدن بر خبری

ینه کوچک شهزاده لرك كندیسنه تسلیم اولمیشنی ایستدیکندن
آرده بر موافقت حصولی ممکن اوله مدی .

دوزمه جه مصطفی اوصورتله کلیبولی به یرلشدکن صکره
پادشاهک قرمان اوغلنه کوندردیکی نامه ده مصرح اولدینی وجهله ،
بیاده وسواربی اللی بیك کشیدن مرکب بر اردو ایله آناطولی
طرفنه کذار ایلدی . سلطان مراد بو خبری آلتجه یاننده
اون بیك کشیدن زیاده عسکر اولدیغندن چاره سز بروسه نی
ترك ایله اولوباده کیتدی ، نهرک کوپریشنی کسدی وجانب
جنوبیسنده بر موقع اتخاذا ایلدی که صولی دکز ایله محاط
اولدینی کبی صاغ طرفی دخی اولوباد کولی وبتاقلقاری ایله
محفوظ اوله رق او طرفدن اردونک آرقه سنی تهید ایتک ، اوچ
کونلاک کشیش طاغندن طولاشمغه محتاج ایدی .

دوزمه جه مصطفی ده اردوسیه کلدی ، نهرک بری طرفنده
آرام ایلدی . عسکرینک کثرتنه مغروراً بری طرفه کچهرک
اردونک اوزرینه هجوم ایتک تشبثده ایکن برونی قنامه باشلادی
واوچ درت کونه دوام ایلدیکندن او قدر ضعیف دوشدی که
حرکات حربیه نی تعطیله مجبور اولدی .

عسکر دوزمه جه نك بو خسته لغنی ، پادشاهه دعا ایله مشغول
اولان امیر بخناری حضرتلرینک اثر توجهی عد ایلدکلرندن
غلبه کندیلارنده قاله جغه اعتماد حاصل ایتکه باشلادیلر .

بر طرفدن ایسه تیمور طاش زاده لر اوتهدنبری ، روم ایلی
امراسنک تطیب وجلبی ایچون ، بدوی چار طاقده محبوس

فقط شوراسنی ده اعتراف ایتک لازم کلیرکه تشبثاتنده حیل
سیاسیه پی ، کندیسنی بویله بر عاقبت وخیمه یه ایصال ایده جک
قدر ایاری کتورمش ایدی .

بایزید پاشانک برادری حمزه بک هر نه دن ایسه اعدام ایدلمه مش

ایدی .

دوزمه جه مصطفی بو صورتله روم ایلی عسکرینی لوی
اطاعتنده جمع ایلدکن صکره کلیبولی یه گلش ایدی . روم
تاریخلرینک روایتنه کوره اثنای ورودنده کلیبولی محافظلری
قلعه پی او زمانه قدر بحرأ تضییق ایتمکده بولنان روم امراسنه
تسلیم ایلدکلرندن بونلر قلعه یه عسکر ومهمات تقایله مشغول
ایدیلر . دوزمه جه مصطفی روملرک سردارینه خطاباً ، کندیسنک
سلاحه صاریلوبده برده محاربه قزانمسی ایمراطوره خدمت
ایچون اولدیغنی وایمپراطور ایله بینلرنده منعقد اولان معاهده یه
اعتماد ایده بیلور ایسه ده کلیبولیده کی روم عسکرینک لزومسنز
اولدیغنی بیان ایله روملری اورادن دفع ایلدی . ایمراطور ، بویله
اختیار ایتدیکی دسیسه ردیته نک ، مکافات محقه سی عد اولنه جق
بر حالی انتاج ایلدیکنی کورنجه سلطان مراد ایله تجدید مناسبات
آرزوسنه و سلطان مراد ایسه بو آرزوده دها زیاده مسارعت
ایده رک ، روم ایلی یه کچمکده پدیرینه اولان معاوتتی کندیسندن
دخی دریغ ایتمه سنی طلب ایچون صدر اعظم ابراهیم پاشایی
کوندرمش ایدی . ایمراطور برنجی شرط مسالت اولق اوزره

فقط پاشانك بو اقبال نو طرزی چوق سورمدی ؛ بر قاج
 کون صکره بو مشیر مدبری اتلاف ایلدی . بزم تاریخلرک روایتنه
 کوزه دوزمه جه مصطفی ، بایزید پاشایی هویتنه اقتناع آرزوسنه
 دوشهرک یار دلرینی کوستردیکی سره ده پاشانك اوضاعندن علامت
 تردد آکلادیغیندن ومقر بلریله ایتدیکی مذا کرده ، بویله ولی
 نعمتنه خیانت ایتمش بر آدمدن بزه خیرمی کلور ؟ دنیلدیکنندن
 اعدامنه مبادرت ایتمشدر . روم تاریخلری ایسه بایزید پاشا طولدیغینی
 کبی جنید اوغلی حمزه بك ، دامادینك انتقامنی آلق ایچون
 اعدامی رأینده اصرار ایتمش وحقی اولدیریلورکن « بویله آدم
 خصی ایتمکده ماهر بر استادك ضایع ایدلدیکنه یزریق اولدی ! »
 کبی بیرحانه بر طاقم استهزالر ایلمش اولدیغینی روایت ایدرلر .

دوزمه جه مصطفی بایزید پاشایی اولا تطیب ایدلیکی حاله
 صکره دن شهبلمش اولسی وبو اشتباهه جنید اوغلی حمزه بك
 اصراری ده منضم اوله رق نهایت قتلنه قدر تصدی اولنمی پک
 طبیعی کورینور . خصوصیه بایزید پاشانك سلطان مراده خیانت
 ایتدکن صکره بری طرفه یار اولیه جغنی تصور ایتمکدن ایسه ،
 موسی چلبی وقعه سننده آنک طرفه کچمککریزین سلطان محمد
 خدمت ایدلیکنی تخطر ایتمک واو صورته بری طرفه نه نیتله
 کلدیکنی کشف ایلمک حاله ده موافق ایدی .

بایزید پاشا کرک عسکرلک و کرک اقتدار جهتیله دولت علیه ده
 ظهور ایدن اصحاب اقتدارک ال بیوکلرندن اولدیغی مسلمدر .

ایتدکارینی سلطان مراد وقایعی صرہ سنده بیان ایتمش ایدک .
 دوزمه جه مصطفایه اسناد ایدیلن معامله آنک تقلیدی اولیور .
 فقط سلطان مراد حقمنده کی روایت نه قدر سخته قریب ایسه
 بوده او قدر بعیددر . چونکه سلطان مراد ایچون ، سنه لرجه
 او امر شاهانه سنی بر صدای هاتقی کبی تلقی به آلمش عسکرینی
 بر سوزله حکمنه رام ایتک نه قدر قولای ایسه ، دوزمه جه
 مصطفی کبی نوظهور و مشکوک الاصل بر آدمه کوره کندینک
 یالانجی اولدیغنه حکم ایدن بر عسکرک اوزرینه کیدوبده کندیلرینه
 اطاعت تکلیف ایتسی و خصوصیه او یله بر تکلیفی قبول ایتدیرمسی
 او درجه محالدر . شبهه یوقدرکه عسکری دوزمه جه مصطفی
 طرفنه میل ایتدیرن اورنوس زاده لر کبی ، طورخان بک کبی
 مشاهیر امراسنک دوزمه جه مصطفی طرفنده بولنسی ایدی .

بایزید پاشا ایله حمزه بک اسیر دوشمش اولسنده احتمال
 ویریه من . چونکه عسکرک ثباتمزلفی حالنده او بر طرفه
 کچمسی اولدن مقرر اولدیغی کبی ، او درلو دسایس سیاسیہ
 پاشانک اک زیاده اعتبار ایلدیکی تدابیردن ایدی . حتی عسکرینک
 یا مقدارنده امید غالبیت ویا حرکاتنده اماره ثبات کوره مینجه
 اردونک قارشیه کچمسنه بیله کندینک سائق اولمش اولسی
 بتون بتون احتمالدن بعید دکلدر . قارشیه طرفه اختیار یله
 کیتدیکنه بر دلیلده شودرکه دوزمه جه مصطفی ، پاشایی دها
 یانه کلدیکی کون کندینسجه بر اعانه غیبیه حکمنده عدایده رک
 وزارتی مقامنه نصب ایلشدی .

کورینوسه ده کلیبولی او صره ده روم دونناسنک تحت تضیقنده بولندیغدن بایزید پاشانک اورادن سفینه تدارک ایده بیلمسنه احتمال یوق ایدی . بناءً علیه صحیحه اقرب اولان روایت ثانیه در .

هامرک روایتنه کوره بایزید پاشا طوغریجه ادرنه یه کیده رک یانسه اوتوز بیک کشی قدر آدم طویلامش ایدی . دوزمه جه مصطفی ایسه کندیسنه اتباع ایدن طورخان بک و اورنوس زاده لرله ، تازیخده برنجی دفعه اوله رق نامنه تصادف ایتدی کمز کوملی اوغانک قوتیه باشنه بر خیلی آدم طویلا یه رق پاشانک مقابله سنه شتاب ایلمش ایدی . ایکی عسکر سازلی درده تلاقی ایتدی لر . دوزمه جه مصطفی بایزید پاشانک عسکرینه قارشی آت سورهرک ، کندیسی سلطان بایزیدک اوغلی اولدیغنی و حق سلطنت کندیسنه عائد بولندیغنی بیان ایده رک هر کسی اطاعتنه دعوت ایتمش و عسکرده بر جاذبه مغنویه یه طوتلمش کبی کندی طرفنه کچمش اولدیغنی و بایزید پاشا ایله برادری حمزه بک نه اللرینه اسیر دوش-دیگنی ، روم مؤرخلرندن دو قاس نقل ایلر . بزم تاریخلر ایسه عسکرک دوزمه جه مصطفی طرفنه کچدیگندن و بایزید پاشانک ده بو حالی کورنجه پادشاهدن آلدیغنی مأذونیت وجهله حمزه بک ایله دوزمه جه مصطفایه التحاق ایلدیگندن بحث ایدرلر .

روم تاریخلری سلطان مراد اولکده بویله بر امر و دعوتله ساوجی بکک یاننده کی عسکری اطاعتنه اجبار ایلدیگندن بحث

وعقلیه ایله امتیاز بولمش برذات دکل ، اک ساده فکری بیهوده-
پویان اقبال بیله پک قولایه‌قله ارتکاب ایتمز .

بومطالع‌له‌ره کوره صدر اعظم ایله عوض پاشانک رأینه تیمور
طاش زاده‌له طرفندن وقوع بولان معارضه بر طرفک غرض
دیگر طرفک صداقتندن دکل ، ایکی طرفک نظرلرنده کی اختلافندن
ظهور ایتمش بر مباحثه‌دن عبارتدر . نتیجه‌ده کوریلن
موفقیته‌سزلك‌ده صدراعظمک رأینده سقامت اولدیغنه دلیل دکلدر .
چونکه او موفقیته‌سزلك بر طاقم اسباب خارجیه‌دن تولد ایتمش
ایدی ؛ نه‌کیم زیرده کی تفصیلاتدن آکلاشیاور . بوه موفقیته‌سزلكدن
طولای صدراعظمیه عوض پاشانک قطعاً مسئول اولماسی ،
بونارک بایزید پاشایی روم ایلی یه سوق ایچون ویردکاری رأی ،
بر اصرار رقیبانه‌دن زیاده بر اخطار عادی قبیلدن اولدیغنه دلیل
قویدر .

بایزید پاشا آلدینی امر اوزرینه برادری حمزه بک و برازده
-سکر ایله ، بر روایتده کلیبولیدن و روایت اخرایه کوره ایسه
- ایمراطور دوزمه‌جه مصطفی ایله اولان اتفاقنه مبنی مرمره‌ده کی
قایقاری بتون بتون استانبوله چکمش اولدیغندن- اناطولی حصارنده
بولدینی بر قاچ قایقه استانبول بوغازندن قارشی یه چکمش ایدی .

ایکی طرفی دولتک اداره‌سنده بولنان مرمره‌ده بایزید پاشا
قایق بوله میوبده دولتک بر اوافق قلعه‌سینه قارشی روملرک
بر قوجه مملکتلری اولان بوغاز ایچنده بولسی غریب کی

عسکرینی جلبه چالیشه جغندن اویله بر حرکتده بولنور ایسه خیانتنه محمول اولمامسنى عرض ایلدی . سلطان مراد زنده ایسه فوق الغایه مظهر امنیت اولدیغندن ایده جکی حرکتده مختار بر اقلدی .

عثمانی وروم تاریخلری صدر اعظم ابراهیم پاشا ایله حاجی عوض پاشانک رأینی، بایزید پاشایی استرقاب ایتدکلرینه حمل ایدرلر . بو سوؤ ظنه هیچ بر سبب معقول بولنه مز . پاشالر حد ذاتنده کوندریله جک فرقه نك موفق اوله میه جغنی بیله رك پادشاهی بویله بر حرکتده اماله ایتمش اولسه لر ، بایزید پاشادن کندی حیانتلرینی مخاطره یه قویمش اولورلر ایدی بایزید پاشا ایسه حرباً و سیاستاً زماننک الك بیوک آدمی اولسنه نظراً شخصنک سردار افنده بولمنسی امید غالبیتی تنقیص دکل ، بالعکس تزید ایدردی . بایزید پاشا حین مغلوبیتده قارشیه کچمک ایچون ویریلن مآذونیت ذاتنجه هر درلو مخاطره یی سالب کورینوردی . بو جهتله بایزید پاشا آچیقندن بر مصیبتده دکل ، تقریبی تزید ایده بیله جک بر خدمته تعیین اولندی . انسانی اقباله سوق ایتک ایسه رقباکاری اولدیغنی محتاج ایضاح دکلدز . هله بایزید پاشا مغلوب اولورسه کندیغنی بو سفره سوق ایتدیگی ایچون صدر اعظمک پادشاه زندهه مسئول اولسی وغالب کلور ایسه بایزید پاشانک بر قات ده حثیت بولسی مقرر ایکن ایکی صورتله نتیجه سنده کندینه ضرر مقرر اولان بر دسیسه یی ابراهیم پاشا کبی کلمات علمیه

ادعاسنه بر حقیقت رنکی ویرمش ایدی . مصطفی حقیقه شهزاده اولنجه سلطنت بالطبع آنک حتی کورندکدن بشقه ، یکریمی سنه کرک اختفا کوشه لرنده کرک روملرک دست اسارتنده چکدیکی انواع محن ، مغدورینک لوازم طبیعیه سندن اولان حرمت و قدسیته اتصافنه خدمت ایلدیکندن توابعی کوندن کونه تکثر ایتمکده ایدی .

پادشاه ظهور ایدن فتنه عظیمه بی خبر آننجه درحال تدارکاه باشلادی . هرشیدن اول شهزاده لر فترتنده - ولو پدرینک علمنه اولسون - التزام ایتدکلری ثبات قهرمانی ایله منسوب اولدکلری خاندان جلادتک شاننی بر قان دها اعلا ایتمش اولان تیمورطاش زاده لر دن امور بک و اورج بک و علی بکی وزارتله محاس مشاوره سنه تقریب ایلدی .

اشنای مذا کرده صدر اعظم ابراهیم پاشا ایله حاجی عوض پاشا ، روم ایلی امراسی بایزید پاشانک آشنالرندن اولدیغی جهته ظهور ایدن وقعه نک دفعنه آنک مأمور ایللمسنی توصیه ایتدیلر . اکثر تاریخلرک روایتنه کوره بایزید پاشا ایله تیمورطاش زاده لر بو رأیک سقیم اولدیغنی افهامه اوغراشدیلر سه ده موفق اوله مدیلر . خواجه سعدالدینک روایتنه کوره بایزید پاشا ، عسکرک صداقتنه امنیت اولنه میه جغنی بیان ایده رک ، شاید دشمن طرفنه کچه چک و یا خود طاغیله جق اولور لسه کندیمی ده بر وقت فرصته دوزمه جه مصطفی طاقنه التحاق ایده رک فرصت دوشوردکجه

استفاده هوسنه دوشولدی ؛ ایجابنه کوره ایکی طرف ده اداره اولنهرق برازیر قاپلیق امیدیه مجرد دوزمه جه مصطفایی ملکه تسلیط ایچون بویه برهنا نه اختراع اولندی. او وقتکی روم پولیتیکه سنه کوره یالانجیلیق ، اداره نك اساسی حکمنده ایدی . ذاتاً ایمپراطور دوزمه جه مصطفایی سلطان محمد حیاتده بولندقجه بر طرفه قویورمه مکی تعهد ایتمش و وفاتندن صکره ایجاب حاله توفیق حرکت ایده جگنی بوکا دائر اولان مقاوله نامه نك عقدی زماننده بیان ایتمش ایدی .

دوزمه جه مصطفی کلیبولی یه کلنجه اورانک و اطرافنک اکثر اهالیسی کمال مسارعتله بیعتنه دخول ایتمه باشلادیلر . ینه کلیبولیده بولنانلرک بر قسمی پادشاهلرینه صداقت و عبودیتده ثبات ایتدیلر ، قاعه بی مصطفانک عونه سنه تسلیم ایتدیلر .

دوزمه جه مصطفی کلیبولینک ضبطندن قطع امید ایددرک باشنه طویلانان طرفدارلریله آینوروزه طوغری یوریدی . چلبی سلطان محمد عصرنده سائر شهزاده لره کوستردکلری خیانتدن طولایی التفاتدن ساقط اولان روم ایلی امراسی ایتدکلری حرکتی خدمت و بناء علیه کوردکلری معامله بی نایمجل بر جزا حکمنده طوتدقلری ایچون مایوسانه بر غیظ ایله مصطفانک یاننده طویلانمغه باشلادیلر . بونلرک طاقی ده مصطفی چلبی بی شخصاً بیلمدکلرندن مدعی بی صحیحاً سلطان بایزیدک اوغلی ظن ایدرلر ایدی . معتبران امرادن بوقدر ذاتک بیعتی ایسه مدعینک

مصطفایه اگر نائل مقصد اولورسه کلیبولی ایله برابر آینوروزه قدر متمدیرلرک واستانبولدن افلاقه وارنجه قره دکز سواحلنک ایمپراطورلغه ترکیفی تعهد ایتدیردی ؛ کندیسینی جنید اوغلی وسائر بعض طرفدارلریله برابر کلیبولی یه سوق ایلدی .

مجارستان متارکسی بزم تاریخارده مذکور اولماقله برابر بر مدت مجارلریله آرده بر وقعه ظهور ایتمه سنه نظرآ واقعه مطابق کورینور . وصیت مسئله سنه کلنجه بونک وقوعی احتمالات عقلیه دن خارج اولدیغنی بالاده بلناسبه بیان ایتشدک . شیمدی ده یالکز شوراسنی سویلک ایسترز که ، فرضا پادشاه اولوم دوشکنده ایکن محرم خاصی اولان بایزید پاشایه بویله بر وصیت اجرا ایتمش اولسون ، بونی روم ایمپراطورینه کیم خبر ویره جک ایدی ؟ بایزید پاشانک ویاخود بویله بر وصیته محرم اوله جق سائر امرانک سلطان مراده قارشنی اقبال وبلکه حیاتی محاطریه قویوبده اک مهم اسرار دولتدن معدود اولان بویله بر وصیتی دکل ، حتی سلطان مرادک جلاوسندن اول سلطان محمدک وصیت ایده جک درجه لرده آغر خسته بولندیغنی اخبار ایده بیلمسنه امکان وارمیدر ؟

هیچ شبهه یوقدرکه روم ایمپراطورلغنجه چلبی سلطان محمدک مظهرتی هرچوجوقده موجود اوله میه جنی دوشونلدی ، سلطان مرادک کنجلیکنندن ودوزمه جه مصطفانک بطن اولده بولنمق ادعاسنه نظرآ قبول عامیه نائل اولمسندن کی احتمالات غالبه دن

ایتمش و آورده موجود اولان معاهداتک تجدیدینه مساعده ایده جکئی بیان ایلمش ایزی .

خواجه سعدالدین ، از میر اوغلی کبی حکامک اخلال آسایشه تصدیلرینی پادشاهک خبر آلمی اوزرینه هر برینه استمالتر کوندردیکنی بیان ایدرسده از میر اوغلی او سرده دوزمه چه مصطفی ایله برابر روم ایمپراطورینک تحت توقیفنده اولدیغندن اخلال آسایش ایله اوغراشمسینه و باخصوص کندینه نامه کوندرامش اولسنه احتماله ویرله مز .

هامر دیرکه : بر از زمان اول ترانسیلوانیاک بر پارچه سی تخریب و قرونستاد حاکمی اسیر ایدلیدیکنی کورمش اولان ایمپراطور سیغیزموند بش سنه ایچون بر منارکه عقد ایلدی . مراد نایینک سفیرلری استانبوله کله دن اول سلطان محمدک ایکی اوغلنک ایمپراطوره کوندرلمی حقنده اولان وصیتی اجرا طلبیله بروسه یه ایکی سفیر کوندرلمش ایدی . بو سفیرلر ، اگر وصیت نامه حکمی اجرا اولنمزسه سلطان بایزیدک اوغلی و وارثی اولان مصطفی حبس دن صالیویریلهرک روم ایلینک حاکم مسنقلی اولق اوزره اعلان اولسه جغنی و آناتولینک آز زمان ایچنده مصطفانک سلطنت مشروع سنی قبول ایده جکنده اشتباه اولدیغنی بیان ایتمک مأمور ایدیلر . فقط بایزید پاشا بونلره طرف پادشاهیدن اوله رق « مسلمان اولادینک خرسدیانلر نزدنده تربیه کورمسی یاقیشق آلمیه جنی کبی شرع محمدی بده مخالف اوله جغنی و پادشاه ایمپراطورک بو وصایتی ترک ایده رک کندیله حسن مناسبتنده بولنسنی التماسنده اولدیغنی » بیان ایلدی .

روم تاریخلرینک روایتنجه ایمپراطور بو جواب اوزرینه لیمینده موقوف بولنان دوزمه چه مصطفی ایله جنیدی جلب ایله



سلطان مراد ثانی

تیمور وقعه‌سندن صکره مشهور اولان شهزاده اختلافانی پک بیوک بر نقطه احتراز اولق لازم کلورکن سلطان مراد ثانی برادرلری حقنده ، بیوک پدرینک آچدینی مسلك غدارانه‌یه کیتمدی . حیاتده بولنان برادرلری جاوسنده هر درلو تعرضدن امین قالدیلر . بو معامله ایسه پادشاهک مشرب حکیمانه و مروت مردانه‌سنه بر برهان جلیل اوله رق مرحمت وعدالتندن عمومه امید بخش فلاح اولمشدی .


پادشاه بروسه‌یه واصل اولدینی کون قطب زمان عد اولنان و خاندان عالیشانک اصهارندن بولنان امیر بخاری حضرتلرینک نزدینه کیتدیلر . حضرت شیخ ، شعشعه‌سی آز زمان ایچنده آفاقیر اوله جق سیف سلطنتی پادشاهه کندی الیه قوشا‌تمش ایدی . جاوسلرده جاری اولان قلیج قوشا‌تمق رسمی او زماندن قالمه بر عادتدر .

سلطان مراد جاوسنی متعاقب کره‌میان وتکه اوغلرلیه روم ایمراطورینه و مجار قرالنه بر نامه کوندره‌رک سلطنتی اعلان

و عبدالله بن جعفر و عبدالله بن عمرو بن عاصه و یرلمشدی ،
بولندقلری محاربه تاریخلرده حرب عبادله نامیله مشهوردر .
زمانک اک مشهور شاعری ایسه طبابتله خدمت هایونه
آلنان شیخی ایدی .

علمادن صفوفی بایزید پادشاهک خواجه سی و محرم مستشاری
اوله رق کندیسنه پک چوق خدمتار ایتمش و مولانا فضل الله ده
ایمپراطور ایله مکالمه لرده خیلیدن خیلی ایشه یارامش ایدی .
بو ذات سلطان مراد زمانندهده کوریه جکدر . بو عصرک
ذکره شایان اولان مشاهیرندن بری ده مولانا سنان شیخی ایدی .
هم علمادن هم مشایخدن اولغاه برابر طبابتله شاعرلکی جمع
ایتمش بر فاضل فرید ایدی .

سلطان محمد ، ادرندهده سلیمان چلبی طرفندن باشلانیش
و موسی چلبی زماننده پنجره لرینه قدر یاپیش اولان اولو جامعی
و بروسهده سلطان مراد اول زماننده بدأ ایدیش اولان جامع
شریفی اکمال ایلدکدن بشقه یشیل عمارت نامیله معروف جامع
ایله تماتندن اولان مدرسه و عمارت و سائره خیراتی ملکینه یادکار
ایتشدرکه بو ابنیه او زمانه قدر سلاطین عثمانیه طرفندن یاپیلان
خیراتک فن معمار یجه کافه ننه مرجحدر . روایته کوره بو ابنیه
بدیعه نک قبه لری یاپلدینی زمان چینی ایله ستر و تزین ایدلمشدی .
بو جهته آدینه یشیل عمارت دنیلیدی .



كچمك كې بر سيئه ايله ختام ويرمش اولمى حقيقه شايان
تأسفدر . .

فيروز پانا زاده يعقوب بك حالي ايسه آندن بيك قات
زياده شايان تأسفدر. بيجاره يونانستان فتحنده وانقر دمدا فعه سنده
پدرينه اثبات تفوق ايدو چك بر قدرت كوسترمش وهله چلبي
سلطان محمدك ادامه دولتنه بايزيد پاشايه يقين خدمت ايلمش
اولديني حالده بدوى چارطاق محبسنده محو اولدى . حيفا كه
جرمى ده ، حسن نيتدن منبعث اولمق احتمالندن خالى اولمامقه
برابر كوردىكي جزايي مع زياده جالب ايدى .

زمانك اعظم علماسي فخرالدين عجمي و بدرالدين قتلنه
فتوى ويرن حيدر هروى ، صارى يعقوب و قره يعقوب
وصوفى بايزيد ، مولانا فضلاه ، كافيه جى محى الدين واجله
مشايخى ايسه زين الدين حافى خلفاسندن شيخ عبداللطيف ،
شيخ عبدالمعطى ايله پيرالياس و شيخ شجاع قرمانى ايديلر .
محدثين و علماده برر (عبادله) هياتى موجود اولديني كې
زين الدين حافى خلفاسندن بو اوچ ذاتكده نامارى اسماء حسندان
رينه مضاف اوله رق (عبد) لفظيله مصدر اولديغندن اصحاب
طريق ايچنده (عبادله) عنوانيله معروف اولدقاريني شقايق
نعمانيه بيان ايدر .

عبادله عنوانى ، اك اول آفريقاده قيروان قربنده وقوع
بولان سييطه ماحمه كبراسنده رياسته اجتماع ايدن عبدالله بن
ابى سرخ و عبدالله بن عباس و عبدالله بن زبير و عبدالله بن عمر

سليمان چلبی کلدیکی زمان چلبی سلطان محمدك آماسیه به چکلمسی
رأینده بایزید پاشایه معاونته ، بوداق بکک روم ایلی بکارینک
پادشاهه اتباعنده ، ییجر اوغلی حمزه بکک صامسون فتحنده، علوان
بکک شیخ بدرالدین وقعه سیاه سلطان مرادی پای تختنه دعوتده
برر کره استلری ایشیدیلور. آندن صکره غائب اولورلر .

بو عصرک اعظم ضایعاتی ایسه اورنوس بکدر . هانکی سنده
وفات ایلدیکی تاریخاره کوریله میورسه ده سلطان محمدك استقلالته
خدمتدن صکره نامی ایشیدیلر ؛ حال بوکه کندیمی صاغلغنده
اظهار معالیدن خالی قاله جق طاقمدن اولدیغندن اوسنه لرده
وفات ایلدیکی آ کلاشیلور . اورنوس بک ۷۳۷ سنه سی قره سی
فتح اولدینی زمان خدمت دولته کیرمش اولدیغندن سلطان
محمدك سنه استقلالنده ارتحال ایش اولسه ینه ساکسان سنه
خدمت دولته بولنمش اولور . بو بر عصرلق وقوعاتک
کافه سنده بولنه رق عمر طبیعینک منتهاسنه وارنجیه قدر شان
حمیت وجلادتی ترقیدار ایتمکدن خالی قالدینی کبی ، عصر لرجه
عثمانیلره مدار افتخار اوله جق برده خاندان قهرمانی تأسیس
ایش ایدی، کندیسنه بر مجسم عصر شجاعت دینلسه لایق ایدی .
بری ده پاشا یکتدرکه یلدرم زمانک اک مشهور وم معروف
امراسندن ایدی. موسی چلبی یی ترک ایله سلطان محمدك خدمتنه
یکدکدن صکره هیج بر وقعه ده نامه تصادف اولمز و بناء علیه
اوصر لرده وفات ایلدیکنه حکم اولنه ییلور . بوسنه سفری کبی
غایت پارلاق بر وقعه ایله باشلایان بر ترجمه حالنه بیاقدن بیاغنه

اعاظمی ایچنده کنديسنه آنجق سلطان عثمان مقایس اوله بیاور؛ شو قدر فرقاری وارکه او مؤسس ایدی، بو مجدد اولدی. امر تجیدی ده، سلطان عثمانک دولتی تأسیسه باشلادینی سنه واصل اوله دن ا کمال ایلدی.

چلبی سلطان محمدک اک بیوک معینی، اک محرم مستشاری، اک قوتلی سلاحی بنده سی بایزید پاشا ایدی. کوسه میخالک مؤسس دولته تقریبی نه درجه ده ایسه بایزید پاشانک ده مجدد دولته انتسابی او مرتبه ده ایدی. بایزید پاشاده بو اقباله مع زیاده ایاق کوستر مشدر. واقعا بعض مورخلرک ظنی کبی هر موفقیتی آنک همتنه عطف اولنق لازم کلز. دنیا ده رأی مستعار ایله بر دولت قور تارمق ممکناتدن دکلدر. فقط بو موفقیتلرک هان کافه سنده بایزید پاشانک ده بر بیوک حصه مفخرتی اولدیغی مسلمدر. ابراهیم پاشا وحاجی عوض پاشاده پادشاهه خیلی خدمتار ایتدیله. کندیله ری سلطان مراد عصرینه قالان اعظم دندر. بزده ترجمه حالرینی او وقته تعلیق ایلدک.

ینه دور فترده ظهور ایدهرک بو عصره انتقال ایدلردن تیمور طاش زاده لر، اورنوس زاده علی بک سنان بک ایله عصر محمدی ده نامی مذکور اولانلردن بایزید پاشا برادری حمزه بک ده سلطان مراد عصرینه قالمشار ایدی. میخال اوغلی یخشی بکک موسی چلبی وقعه سنده، کور شاه ملکک چلبی سلطان محمد ایله روم ایمراطوری بیننده کی اتفاقک ترتیبنده، مقبل صو باشینک

استحقاق ضمنی ایله تأدیب ایلدی . موسی چلبی ایله صوڪ درجهیه قدر قالمش اولان تیمور طاش زاده امور بکی سردارلقده ابقا ایدهرک وفالی دشمنی و فاسز دوسته ترجیح ایلدیکنی کوستردی . خیاتی ، شانهزلی مدار اقبال ایتمک تمایلاتی عمومک ذهنندن چیقاردی . او قدر مشغله آره سنده زمان بولدقجه غزادنده خالی قلمادی . اولاد وطنی مجاهدک ، قهرمانلق تربیه سنده ادامه ایلدی . دولتی سیاسیانجه پدرینک ایصال ایلدیکی مرتبه عالییه ایکنجی دفعه اوله رق اصعاد ایتمکه موفق اولدیغی کبی ماتنی ده اخلاقجه جد عالیشانک تربیه واعلا ایتدیکی درجهیه تقرب ایلدی . یالکز بو عصرک او عصردن فرقی معاملات سیاسیهده اختیار ایدیلن خدعه لر درکه علویاتدن معدود اولماقجه برابر استحصال مقصده تأثیرلری ده معلوم اولدیغندن پادشاه بو خصوصده فائده نی قاعدهیه ترجیح ایلدی . حکمت حکومتجه خدعه ارباب اداره ایچون نقایصدن معدود اولدیغنی یوقاریده بیان ایتمش ایدک . مرحوم تیمور طاشک جنازه سنه ایدیلن حقارتی ده ، آکا بکزر بشقه هیچ بر مناسبت مز لکده بولنما سنه نظر آنصاف مز لغنه دکل ، تجربه سز لکنه حمل ایتمک لازم کلور .

چلبی سلطان محمد عمومیت احوالی اعتباریله بر قاج عصرده بر مثلی آنجق ظهور ایدن ومنسوب اولدیغی ماته جهانگیردن بیک قات زیاده فائده سی طوقنان مجدد لر دندر . خاندان عالیشانک

علی پاشا مزور مکتوبلر اختراعیه ادارهده بردسیسه یولی آچدی .
بایزید دساسلنی ، دولته خدمت ایچون بیله قولایلقله تجویز
اولنه میه جق بر درجه یه چیقاردی . بو صورتلرله ملنک اولکی
اطوار قهرمانیسی ، حکومتک اولکی عدل متشرعانه سی اداره نک
اولکی صداقت مردانه سی ، عثمانلیلنک اسکی پارلاقلی ، اسکی
رونقی قلامش ایدی .

چلبی سلطان محمد ایسه عیسی چلبی یه ملکنک تقسیمنی
تکلیف ایتک ، سلیمان چلبی ایله تا آنک طرفدن تعرض وقوع-
بولدوجه حرب ایتمه مک ، موسی چلبینک یالکز کندیسنه اطاعتنی
طلب ایله اکتفا ایده رک اوزرینه وارمنی آنک کوستردیکی رد
ائتلافه وامراسنک دعوتنه تعلیق ایلک کبی تدابیر ایله هر تشبثنی
دائما حقه اسناد ایتدی . حکومتمنده شریعت پرورلک فریضه سنی
سلطان عثمان ، سلطان اورخان زماننده بولندیغی درجه یه ایصال
ایلدی . بر طرفدن هر کسک خدمت ومعیشتنده بقاسنی تأمین
ایتدی . کیمسه یه صورغیر مشروعه ایله استحصال منفعت
ایچون بهانه بر اقمدی . بر طرفدن ده یعقوب بکه ایتدیگی معامله ایله
حسن خدمت سرکشکی معذور طوتدیره میه جغنی ابراز ایتدی .
امرادن حجاج اثرلری بتون بتون ظاهر اولماقله برابر هر کس
خوف عقاب ایله حدود وظیفه دائره سنه رجوع ایلدی .
برادرلرینه خیانت ایدن امرایی منصبلرنده تقریر ایله برابر
استخدام والتفاتدن اسقاط ایده رک هر درلو جزادن الیم اولان

آنک و توابعنک کوردیکی شدت بر درس عبرت اولورظن اولنورکن سلطان بایزیدک بلا سبب برادری یعقوب حقنده کی معامله سی ، مسند پرستک ، منفعت پرورک داعیه سنی اخلاقده بر قات دها یرلشدیردیکی کبی معاملاتنده آره صره غضب و تهوره مغلوب اولمبی ده احکام شرعیهنک مرعیتنده اولکی قدر قوت بر اقامش و طوائف ملوک انده بولنان ممالکک ضبطی ، ظلم و قهر آلتنده قالان یرلرها الیسنده طبیعی اولان بر چوق اخلاقسزلقلرک عثمانیلر آره سنده بر درجه یه قدر انتشارینی موجب اولمش ایدی .

بو ملوک طوائف تابعاری ایسه آنقره محاصره سنده دشمن طرفنه چکمک کبی بر خیانت شنیه یه نمونه اولدیلر . عثمانلی امراسنک بعضیلری ده شهزاده لر وقعه سنده او اثر سقیمه اتباع ایده جک قدر اخلاقسزللق کوستردیلر . شهزاده لر دن عیسی چلبی ، خانداننک خدمتکاری عد اولتمغه لایق اولمیان ملوک طوائفدن برادرینه قارشی استمداد ایتدی . سلیمان چلبی ، پدربنک ، اداره حکومت و تدابیر حربیه جه هیچ بر تأثیری اولمدینی حالده بو قدر تعریضلر کورمسنه سبب اولان عیش و عشرته انهماکی ؛ حکومتی دکل ، حتی کندیسنی اونوده جق درجه لره کتوردی . موسی چلبی ، حکومت ایله خلقی بر برندن تنفیر ایده جک ظلم و وسوسه یی اعتبار ایلدی ؛ امرایی عزله باشلادی ، بو صورته اصحاب اقتداری معیشت و اقبالندن امنیتسزلکه دوشوردی ، حفظ منفعت غائله سنی اخلاق فاضله یه تغلیب ایتدی . صدراعظم

درجه لده اندیشه حكومت پرورانه ايله ، جهانك اعظم بلياتي
 اك كوچك بر حادته كبي سكينت تامه ايله تلقى ايليه جك درجه لده
 متانت قهرمانى يى جمع ايلش بر انموذج معالى ايدى . بو قدر
 موهوبات جليله نك جمله سندن على اولان خاصه غالبه سى ايسه او
 موهوباتدن هر برينى زمانده استعمال ايتك ايچون كنديسنه
 اقتدار بخش ايدن و فطرتنده كى تمايلات علويه و احتراصات
 شديد نك جمله سنى بر دائره توازن و اعتدال ايچنده طوتان فيكر
 حكيم ايدى .

پادشاه او قوتله ملتى تفرقه دن ، دولتى اضمحلالدين
 قور تاردى . بو موفقيت منجيانه ايسه يالكنز ملتك اتحادينه ،
 دولتك قدرت سياسيه سنه عائد دكل ؛ عثمانليرك اصل قوه
 حياتيه سى اولان اخلاق مليه يده شامل ايدى . يوقاريلرده
 كورلديكى وجهه تا سلطان مرادك اواسط سلطنتنه كلنجه يه قدر
 عثمانلير آره سنده منافع شخصيه ، اغراض نفسانيه بياعى مقفود
 حكمنده اوله رق اجل مراتب جهان اولان سلطنت بيله ايكى
 برادر ك بر برينه رقابتنى دكل ، حتى حسدينى جالب اوله مامش ،
 بر مأموردن جرم صدورى بر آمردن تأديب ايقاعى ايشينله مش
 ايكن ساوجى بك دين و دولت دشمنلريله اتفاق ايدرك پدرينه
 اعلان ايتديكى عصيان ايله ، ملكى بر فردوس سعادت حكمنده
 كوسترن بو دور فضائله نهايت ويرمش عثمانلير آره سنده اخلاق
 بوزو قلعنك مقدماتى ظهور ايتمه ك باشلامش ايدى .

تحمّل ایدہ بیلہ جکی درجہ لردن بیوک املاک استحصالنہ قالقشدینی
 خالدہ یالکز ایکی تشبّتی ایستدیکی نتیجہ بی ویرہ مدی : آنلر دہ
 کشفی قابل اولہ میہ جق برر عارضہ مانع اولدی . بومو فقیتر لکلرک
 بری ، سلیمان چلبی بی بروسہ دہ باصمسی مادہ سی ایدی کہ خصمنی
 طوتہ مامسنہ سقاریہ نک وقتدر طاشمسی سبب اولمش ایدی ؛
 ایکنجیسی دہ موسی چلبی ایلہ اینجکزدہ اولان محاربہ سیدر کہ
 غالب کلدیکی خالدہ امرانک تعقیب دشمن ایچون طاغلمقدہ
 ایتدکری خطا ، طالع حربی تغیر ایلش ایدی .

بوکالات فکریہ دن بشقہ سلطان محمد ، برقوتدہ اولہ رق
 برطاقم اخلاق عظیمہ متضادہ تی جمع ایلش ایدی کہ اعانمک همان
 ہیج برندہ کورنمز . جهانگیر لکہ استعداد کوسترہ جک درجہ لردہ
 شجاعت و اقدام ایلہ ، مدۃ العمر استعمال سلاحی آرزو ایتیمہ جک
 درجہ لردہ آسایش پرور لکی ؛ اسلامک تأییدی یولندہ اخواتی ،
 بندکاتی ، نفسی ، دولتی افنا ایتمکدن ، مخاطرہ یہ قویتمقدن
 چکنیمہ جک قدر مقصد پرستک ایلہ ، مقصدینہ طوقنمیان هر
 درلو جرائمی غفو ایلیہ جک مرتبہ مسامحہ بی ؛ زمانندہ شہنشاہ
 عالم کچین شاهر خدن سلاطین اسلامک کافہ سنی مادونندہ کورہ جک
 وقرمانیلر کبی ملوک طوائف ایلہ کورشمکی شانہ ذل عد
 ایدہ جک قدر وقار شاہانہ ایلہ ، اورنوس بکی چادرینک
 قپوسندہ استقبال ایدہ جک قدر تواضع رفیعانہ بی ؛ اک کوچک
 بر حادثہ یہ دنیانک معظلمات اموری درجہ لردہ حکم ویرہ جک

چلی سلطان محمد اجدادینه نسبتله اوفارق یاپیلی ، اورتہ بویلی وجودینه نسبتله کنش کوکسلی ، چاتیق قاشلی ، دقیق باقشلی ، سیاہ تویلی ، قرمزیه زیاده جه مائل بیاض ومدور چهره لی ، غایت نازک ، نہایت درجہ لردہ خاطر نواز بر ذات ایدی .

اون اوج اون یاشلرنده اجرای حکومتہ باشلامش ، یرضبط ایتمش ؛ حتی دولت تأسیس ایتمش ذوات تاریخارده مفقود دکلدر . فقط چوجوقلغندہ بردولتی محو اولقدن تخلیص مظهریتی ، عالم انسانیتک درت بیک سنهک قدر تاریخ عمومیسی ایچنده یالکمز سلطان محمدہ منحصر کورینور . بردولتی قورتارمق تأسیس ایتمکدن مشکل وهله صاحب ظهور اقدن فاتح لکدن بیک قات زیاده تجربہ یه ، دقتہ ، رأی ونظرده خطادن سلامتہ محتاج اولدیغندن بویله برموفقیته یاش کوچکلکی ده ماهیت کوچکلکی قدر مانع اولمق امور طبیعیہ دندر . بونقصانک ایسه سلطان محمدہ هیچ تأثیری کورلمدی . چونسکه فطرۃ تربیہ وتجربہ احتیاجندن عالی بردہایه مالک اوله رق کشف عواقبده همان هیچ بر تخمیننی تخاف ایتیمه جک ، هیچ بر تدبیری موفقیتمز قالمیه جق درجہ لردہ قدرت کوسترمش ایدی . النده کی یر آماسیہ سنجاغندن عبارت ایکن اجداد عظامنک یوزسنده ضبط ایلدیکی لرلی یکر می سنده فتح ایلدی . هرکون دنیانک الک بیوک غوامض اموریله مشغول اولدینی ، هرکونه اقتدارینک



چلی سلطان محمدك ولادتی اكثر مؤرخینك اعتبار
ایتدكری قوله كوره ۷۹۱ سنهسنده در ، بو حال ایله سلطان
محمدده پدرینك جلوس و بیوك پدرینك وفاتی سنهسنده تولد
ایتمك خصوصنجه اجداد عظامنده كوریلن مظهریته اشتراك
ایلمش ایدی . بعض مؤرخلر شهزاده نك ۷۸۱ تاریخنده تولد
ایلهدیكنی بیان ایدرلر سده بوروایتك صحیح اوله بیلمسی حد
ذاتنده محالدر . چونكه سلطان محمدك والدهسی كرمیان اوغلی
یعقوب بكك همشیرهسی ایدی كه ، سلطان بایزید او حرمنی ۷۸۳
سنهسنده تزوج ایلمش ایدی . اداره سنده مستقل قلمسی ۸۰۴
وسلطننده كسب انفراد ایلمسی ۸۱۶ تاریخنده در ارتحالی ایسه
۸۲۴ تاریخنده در بو حاله كوره او توز درت سنه قدر عمر ، ۱۲
سنه قدر ملكك بعض اجزاسنده حكومت ، سكر سنه قدرده
سلطنت سورمش اولیور .

او اقتدارده بریادشاهك او كنجلكدده ضایع اولمسی
عثمانلیلر ایچون الی الابد داغ درون اوله جق بر فاجعه در . واقعا
یرینه سلطان مراد ثانی كلدی ، خلف سلفی آرامدی ؛ فقط
خلفك شانی نه قدر بیوك اولسه سلفك وقتسز ضیاعنی تأثیرسز
براقه مز .

هر طرفی ایجه قیامش و بوصولته او طهیی ، هر حالی تماماً تفریق اولنه میه جق درجه لرده قرانلقلاشدیرمش ایدیلر .

سپاه او طهیه کیره جکی زمان طیب اوزان غایت حقیقته شبیه برحدت جعلیه ایله صدر اعظم ایله معارضه یه باش-ایه رق خسته نك حالی آغیر اولدیغندن و کیفی نلکک دائماً نکس ایتک محاطره سننده بولندیغندن طوتدیره رق کندیلری بوقدر سعی و اقدامارله خسته بی افاقته میل ایتدیرمش ایکن ایدیلن حرکت امکاری هبا ایده جگنی سویلدی ، سپاهی لک او طهیه دخولنی منع ایتک ایستدی . عاقبت یالکز رؤسادن برقاچ کشینک دخولنه قرار ویرلدی ، آنلرده پادشاهی کوشه ده کورنجه حیاطده بولندیغنه اعتماد ایتدیلر و یاخود احتمال که وکلا ایله متفق ایدیلرده اینامش کبی کورندیلر . او طه نك خارجنده قالان سپاهی بی ده افتناع ایدیلر . بونک اوزرینه آناتولی یه مأمور اولان عسکر آلقش لر ، مسرتلرله مأمور اولدقلری طرفه کیتدیلر .

وکلا بودرلو تدبیرلرله قرق کون قدر هر کسی او یالامش لر ایدی . قرقچی کون علوان بک عودت ایدرک سلطان مرادک بروسه یه گلش و سریر سلطنته جلوس ایش اولدیغنی اخبار ایلدی . آنک اوزرینه حقیقت حال عمومه اعلان اولندی .



هر کون بر معتاد دیوان ایلر و برشی واقع اولماش کی
مصالح دولتی رؤیت ایدرلر ایدی .

هم عسکرک تقریقایه بر حادته وقوعنک اوکنی وهمده قارشیده
پادشاهه خدمت ایده جک بر فرقه بولندیرمق ایچون بر کون
پادشاهک بولندیغنی کوشکدن چیققدقلری صردهه آناطولی یه سفر
اولندیغنی ویکیکچری ایله سپاهک بر مقداری سرعتله بیغایه کچمک
امر هایون اقتضاسندن بولندیغنی بیان ایتدیلر . آناطولی بکار
بکنهده قوه موجوده سیله بیغایه کلمک ایچون امر کوندر مشلر ایدی .

عسکر کیتمک اوزره ایکن پادشاهک حیانتندن شبهه ایتدیلر .
سپاهی کروهی بهمه حال حضورینه کیرمک ایستدیلر . وکلا
بوبادرنک دفعی ایچون خیلی چالیشدیلر ، خستهک اندفاعه یوز
طوتمش ایسهده حرکت وخامتی موجب اوله بیله جکنی ، سویلدیلر .
هاه خستهلق حالنده کندیسنی کورمک ایچون ایدیلن اصرار
عرض اولنور ایسه پادشاهک انکسارینی موجب اوله جغنی بیان
ایدهرک حیا و حرمتلرینی تحریک ایتمک ایستدیلر ؛ هیچ بری
مفید اولمدی . نهایت آرزولرینک اسعافنی ایرتسی کونه تعلیق
ایتدیلر .

ایرتسی کونی اطبای خاصدن کرد اوزان نامنده بر ذاتک
ترتیبیه پادشاهک جنازه سنه البسه کیدیره رک بر سریر اوزرینه
اقعاد ایتدیلر ، ارقه سنهده ایجابنه کوره النی باشنی تحریک
ایچون محرملردن برینی اخفا ایتدیلر . هوا کیرمه مک بهانه سیله

اسناد ایتدیکی وصایا خواجه مرحومک وصیت نقلنده مؤرخلکدن
 زیاده داستان نویسلکی التزام ایلدیکنی کویسترر. هله پادشاهلردن
 بعضیلرینک صحیحاً بعض وصیتلری اولوبده، مؤرخلرک تمایلات
 شاعرانه لرینه خدمت ایچون خیالات آره سنه قارشدیسه حقیقه
 تأسف اولور. باری سویلنیلن شعرلرده طبیعته استکراه ویرمکدن
 بشقه تأثیر حاصل ایده بیله جک شیردن اولسه ! هاهمرده
 پادشاهک لساننه سگته عارض اولدیغنی بیان ایله بزابرینه وصیت
 ایتدیکندن بحث ایلك تناقضنی اختیار ایدر . بو وصیت ایسه
 بایزید پاشایه ، سلطان مراده صداقت توصیه سندن وصی اولان
 دیگر اولادنی اعدامدن محافظه ایچون استانبول ایمراطورینه
 کوندرمک تنبهدن عبارت اولور. حال بوکه برمسلمان پادشاهنک
 حال صباوتده بولنان اولادنی ، ادیان سائر اصحابنک تربیه سنه
 ویرمی نه درجه لرده خلاف عقل اولدیغنی محتاج تعریف دکلدرد .
 فرض محال اوله رق پادشاه بویله بر نیتده بولنمش اولسه ،
 چوجقلاری نیچون حال حیاتنده کندی کوندرمسونده وفاتندن
 صکره ارساللرینی ، پادشاه جدیدک امری اولمدقجه او یله بر
 حرکتیه جسارت ایدمه جکی مرتبه بداهتده بولنان بر وزیره
 توصیه ایلمسون ! . . .

پادشاهک ارتحالنده صدراعظم ابراهیم پاشا ایله بایزید پاشا
 یاننده بولندیلر . ولی عهد سلطنت آماسیه ده اولدیغندن چاشنکیر
 باشی علوان بکی شهزاده نك دعوتنه ارسال ایله برابر ورودینه
 قدر مصیبت واقعه نك ده کتمنه قرار ویردیلر .



سلطان محمد شاهرخ دغدغه‌سنى دفع ايتديكى كې، نامه‌سندده
بيان ايلديكى وجهه ميرجه يى ، دوزمه جه مصطفايه اعانه‌سندن
طولايى مستحق اولدينى جزايه اوغرا تمق ايچون افلاق اوزرينه
يورىك عزمنده بولدى . كليولى طريقيه بروسدن ادرنيه
عزيمت ايلدى . بر كون ادرنده حيوان اوزرنده ايكن نزول
اصابته آبندن دوشمش ايدى . ايرتسى كون ينه غيرت ايدهرك
كچيلاننه بندى ، عسكرينه كورندى ، فقط دها ايرتسى كون كه
۸۲۴ جمادى الاولاسنك اوائلنه مصادف ايدى ، نزول نكس
ايدهرك لسانى اقتدار تكلمدن قالدى وهمان او كيجه وفات
ايلدى .

خواجه سعدالدين بادشاهلرك هر برينه حال احتضارنده برر
نصيحت اسناد ايدر . بونلرك منظوم اولهرك بيانى مراق
ايمسى ، صحتلرنجه بر اشتباه حاصل ايتديكى كې ، اكثرينك بر
چوق يرلرى ديكرينه بكنزه مكله برابر وهيچ برنده حاله ، موقعه
مخصوص بر امر ، بر وصيت بولنامسى وبشقه بر تاريخنده
بو نصيحتلره دائر سعدالديندن مأخوذ اولدق هيچ بر سوز
كوريله مسمى او اشتباهى بر قات دها تزويد ايدر . هله لسانى
نزول ايله عقده دار اولان چلبى سلطان محمدده اوزون اوزادى

آناتولی به استانبول طریقیه حکمک آرزو سنده بولندیغندن بعض
امرا بو صروده پادشاهک دردست ایدلسنی ایمراطور مانوله
تکلیف ایتمشلر سده بویله بر حرکت، قواعد مهمانوازی به مغایر
اولدینی ایچون ایمراطور طرفندن قبول اولمندیغنی مانولک
محاسن اخلاقنه دلیل صورتنده ایراد ایدر .

حال بوکه بو معامله دقتله باقیلنجه ایمراطورک حسن اخلاقه مالک
اولسندن زیاده بدلا اولمامسندن نشأت ایلدیکنه حکم اولنمق لازم
کلور . پادشاهی طوتوب ده نه یاپه جق ایدی ؟ تیمور وقعه سنده
سلطان بایزیدک اسارتیه باتمیان دولت عثمانیه پی ، چلبی سلطان
محمدک حیاته قصد ایتمکله محو ایده بیله جکمی ایدی ؟ یوقسه
پادشاهی بر تعهد آلتنه آلدقن صکره براقه جق ایدی ده خیانتله
وعد ایتدیردیکی شیلری جبرایله می اجرا ایتدیرمکه مقتدر
اوله بیله جکدی ؟



اولدقلىرى اسباب مقاومتن يلديرمك وفاتيله هيچ برشى ضايع ايتمه مش ايدى .

حال بويله ايكن چلبى سلطان محمد ايچون شامرخدن انقره وقعه سنك بر انتقامنى آلق لازم كلزميدى ؟ لازم كلسه بيله تشبث قابل اوله مزدى . چونكه يكرمى يسلدن برى چكيلن مشقتلر ميدانده ايكن اميد غلبه و آرزوى انتقام ايله ملكى بر دها مخاطره يه قويغمه پادشاه ايچون هيچ كيمسه نى وبله كندى كندى اقناع ايتك ممكن دكل ايدى .

حتى قره اسكندرك اوزرينه هجوم اولمق ايچون سرحد امراسنه تنبهات اجرا اولنديغنه دائر نامه هايونده سويلينين سوزده ، اصحاب سياستك دفع بلا ايچون بويله بر دروغ مصلحت آميزه لزوم كورمه لرندن نشأت ايلديكنه حكيم اولنه بيلور . چونكه سلطان محمدك مشربى ، اداره امور ايچون او يولده ديسه لر اختراعنه مساعد دكل ايدى .

پادشاه ايچون بو طرز تنزل ضرورى اولدنى تاميله ثابت اولديغندن طولايى اخلاق نقطه نظر نجه بر زله عد اولنسه بيله سياسياتجه بر محاربه احتمالنك دفعى ايچون دكل ، حكومتك كوچك بر فائده سى يولنده اختيار اولنسه بيله جك تدبير لر دندر . پادشاه قره اسكندرى جدا طومغه قيام ايتمش اولسه يدى ، او زمان هر درلو مؤاخذه يه لايق اولور ايدى .

هامر ، دوزمه جه مصطفى وقعه سنى متعاقب سلطان محمد روم ايليدن

چلبی سلطان محمدك بتون بتون خصمانه بروضع آلمغه قیام ایده جکی درکار ایدی . چونکه سلطان محمدك طور حکیمانہ بی ، مسلك آسایش پروانه بی هیچ بروقت تملق و قبول ذلت درجه سنه کتورمیه جکی هر وقت ثابتدر . بونکله برابر حرب آچیلیرسه غلبه دنده یوزده طقسان طقوز اعتباریله امین اولدیغنی ، سلطان خلیله یازدیغنی مکتوبی کوسترر .

عجبا بو امنیتده حق وارمیدی؟ شبهه یوقدرکه وار ایدی . زیرا یلدرم یازید وقعه سنده غائب اولان یرلری ینه استرداد ایتیش اولق جهتیله قوتی پدرینك قوتسندن آز دکل ایدی . تیمور وقعه سنندن بری ایسه مملکت فتنه نك ، نفاقك هر نوعنی کورمش وصدق وخیانت بربرندن بتون بتون آیرلمش اولدیغندن پادشاهه قالان عسکرک هان هر بری یازیدك یکیچریلری قدر صداقتله متصف ایدی . کندیس ده سرعت سوق واحاطه کلیه کبی بر ایکی خاصده پدرینك طور جهانگیرانه سنه مالک اولسه بیله بر مالک مدافعه ایتک ، بر میدان محاربه سی اداره ایتک خصوصارنده هیچ کیمسه دن آشاغی قاله جق دهاتدن دکل ایدی . شاهرخ ایسه مهارت عسکریه وحکم جهانداورانده تیموردن قیاس قبول ایتیه جک درجه لرده دون اولدیغنی کبی النده کی ق تده تیمور زماننك اوچده بری مرتبه سنده دکل ایدی . بو جهتلك تیمور دولتی عثمانیلره قارشى قاچ نوع اسباب رجحانی وار ایسه مؤسسنگ وفاتیله جمله سنی غائب ایتیش وحال بوکه عثمانیلر مالک

دائر کوندردیکی نامده «اگر جائز ایسه ابواب مساعده و معاوتی کشاد ایده رک محبت قدیمه فراموش بیورلمسون و اهل عرضك خوش امدکویانه سوزلریله عمل اولمسون» یوللو سوزلرله برشکایتجک عرض ایتمک ایستدی . پادشاه کوندردیکی جوابده «پدر مرجومک انتقالندن خاطره تشویش عارض اولدیغندن او خصوصده بزى غمکسار بیلکمز . والد شهید جنت مکانمک واقعه سندن صکره بوراده ظهور ایدن حادثات اولاد سلاطیندن کیمسه نك باشنه کمش اولدیغی معلوم دکلدز . بونکله برابر اثر صبر ایله هرشی خیره مبدل اولدی . اصحاب غرضه دائر ایما بیوردیغکمز شیلره کلنجه ، ایشک اصلی ایشدیکی ککمزکی دکلدز . مأمول ایدرم که بوباده خاطریکزه اندوه عارض اولمز ؛ هرهنیه قدرتمز وار ایسه سزدن دریغ اولمز» تلطیفاتیله مقابله ایلدی . تیمور طاقیله قره قیونلیلر بیننده تکراراً علوریز اشتعال اولان و بورالری ینه آتش و خون ایچنده براقه جق کبی کورینن فتنه دن ده دولتی تخلص ایلدی .

مخبره نك طرز جریانندن پک قولای آ کلاشیلیر که ایکی دولت بیننده حرب آچیلما مسنه چلبی سلطان محمدک آسایش پرورلکندن زیاده شاهرخک عثمانلیلرله اوغراشمق ایسته مبی سبب اولمشدر . یوقسه برادرلریله قره یوسفه دائر ایلك نامه یه کوندردیکی جواب شاهرخ ایچون اعلان حربی داعی اوله بیلوردی . قره یوسفی قبول ایتمه مک کبی تکلیف لرله برازدها اوزرینه وارلسه

دکشیرمش ایدی . چونکه اولادندن جهانشاه کندیسنه التجا ایدهرک پدیزک ملکی اولان آذربایجان آنک عهدسنه توجیه اولنش وبوصورتله قره قیونلیلرک تیمور طاقنه اوتهدن بری ابراز ایده کلدکلری انقیادسزلغه نتیجه ویرلش ایدی . قره اسکندرک ، شاه محمدک ایسه شاهرخ زندنده بالطبع حکماری قلمدیغندن نامه ده آنلرک اخذوارسالنه دائر مندرج اولان سوزلر ، عادات استبداد یرینی بولق ایچون سویلنمش برطاقم تعبیرات رسمیه دن عبارت ایدی .

سلطان محمد ایسه جدی اولیان بوطلبی ، قاعده پرورلک ویا تعنف سائقه سیله رد ایتمکدن ایسه رسمی ولفظی مراد برقبول ایله کچشدیره کی مناسب کورمش وشاهرخه کوندردیکی جوا بنامه ده « فرمان جهان مطاعلری آلندی ، قره اسکندر دن حدود طرفلرنده بر خبر و اثر ظهور ایدرسه اوزرینه وارلسی ایچون امرای حدوده تنبیهات اجرا اولندی . اما مادام که قره عثمان بلوک تحریسنده ایمش ، بو طرفلره طوغری کله جکی معلوم دکلدر . اکر احوال غزاتدن تفحص بیوریلور ایسه سعادت خواهلری غزای افلاکه عزیمت نیتده ایم « دیمشدر .

پادشاه بونامه نی کوندرمکله برابر قره اسکندرک تعقیبنه امر ویرمدکدن بشقه قره قیونلیلرک مناسبات اتحادکارانه سنه قطعاخلل کتورمک ایستمدی ، حتی قره اسکندر شاهرخ ایله جریان ایدن مخبره دن خبردار اولسه کر کدرکه ، قره بلوک عثمان بکی بوزدیغنه

بیلہ تجویز اولندی ، ینہ بر فائده اولدی . وشمیدیکی حالده مدافعه دن بشقه چاره قالدی . چونکه فائده اهل ایمان قره مانلیلرک دفع شرنده در . تأخیر و تراخی بی جائز کوره میه جکم . آنی رجا ایدر مکه شاهرخ حضرت لریله اثنای ملاقاتده بو حاللردن بحث آچیلورسه بر قاج کلمه خیرییه بی درینغ بیور میکنز . اکر ینه اولکی کبی قره یوسف بکه ایدیله جک معامه بی ویا خود قرمانلیلرک فتنه سی بهانه ایدوبده بو طرفه عزم ایده جکلرسه ، الحکم لله الواحد القهار . یهوده یره تملق ایتمیز . اولکی صدمه ده آنلر [الم . غلت الروم فی ادنی الارض] مضمونندن مقتم اولدی لرسه امیدوارم که غزاة نصرت آیات [وهم من بعد غلبهم سیغلبون] مزده سیله شادکام اولورلر . مقصد خود فرو شلق ، دکل بیان حالدر . اعقل و اکمل و محب و مخلص اولدقاری ایچون کشف راز ایلدک . (المستشار مؤتمن) قاعده سنه رعایه اغیارک حاله واقف ایدیله جکنی امیدایده رز . «

سلطان محمد یأس مسالت واطمینان غلبه ایله حربه حاضر -
انقده ایکن ماده نزع اولان قره یوسف بک وفات ایلدی .
وشاهرخ طرفندن پادشاهه کوندریلان نامه ده ایسه ، قره یوسفک
اوغلرندن شاه محمد ایله قره اسکندر شاید ممالک عثمانیه یه کلیرایسه
طوتیه رق کندی آدملرینه تسلیمی ، طلب نابجاسندن اجتناب
اولنماش ایدی .

قره یوسفک وفاتی ایسه مسئله نک شکلنی خیلیدن خیلی یه

و طور غودلو و ذوالقدرلی طاقیه اتفاق ایدرک و سلاطین مصر ایله برلشهرک انواع فضاحتی ارتکاب ایدرلر . واقعا شیر مردان رومک اویله چقال جمعیتندن احترازی یوقدر ، فقط آنلرک شئامتیه مشغله غزا معطل اولور . « دیهرک قره یوسفی ملکندن دفع ایتمک کبی مهمات پرورلک مکارمنه مغایر بر حرکتی اختیار ایتیه جگنی کوسترمش ایدی . حد ذاتنده شاهرخ ايله حربی ، البته اومذلتلرک قبولنه ترجیح ایدردی . واقعا مشرب حکیمانه سی ، بیوکلک کوسترمک ویا انتقام آلمق کبی داعیه لرله دولتی بر کره دهامخاطره یه آتمغه مساعد دکلدی ؛ فقط یا محاربه ویا ارتکاب ذلتدن برینی قبوله اجبار ایدیلیرسه محاربه یی اختیار ایده جکنده شبهه یوق ایدی . بونکله برابر غلبه دن ده اییدن اینی امید وار ایدی ، نته کیم سلطان خلیله کوندر دیککی جواب نامه نک زیده کی فقره لر نندن ده آکلاسیلیر :

« هر نه وقت غزا ایله اشتغال ایچون روم ایلی یه کچسه م اطرافده اولان بدبختلر اختیار تضاده قالیقشیورلر ؛ و نه زمان بروسه یه کلسه م استانبول ایمپراطوریه سائر اوحوالی بکلری اهل اسلامه تعرضدن خالی اولیورلر . بوقدر غوغا و مشقتله برابر معاندان دین و دولتک و خصوصیه قرمانلیلرک توصیه سنده طرف خاقانیدن امرلر وارد اولیور . بودولتخوواهری ده منقادانه فرمانبردار لغنه چالیشیورم ، اعدانک زخملرینه بالضروره تحمل ایدیورم . حتی تسکین فتنه ایچون اومقوله آدم لرله کورشمک

تیمورک قهر و غلبه جهانگیرانه سی، شاهرخ مکارم و عطایای جهانخشانه سی کندیلرینه، خاندان عثمانی اعضای عالیشانک مجاهدک شرفیه ملوک اسلام نظرنده نائل اولدقلری مقبولیتک بیکده برینی بخش ایده مه مش ایدی. سلطان خلیک بالاده کی نامه سی ده بو حقیقتی کوستیر.

سلطان محمد بو قدر اوغراشدینی و حتی اجدادندن صادر اولیان اغفال و مدارایه بیه تنزل ایلدیکی حالده شاهرخ ایله قره یوسفک محاربه سی منعه مقتدر اوله مدیغندن طولایی فوق الغایه جانی صیقلمشدی. قره یوسف بوزیلور ایسه کندینه النجا ایده جکی و شاهرخ ده خصمنی آلمغه مسلط اوله جغنی لایقیله بیلردی. چونکه شهزاده لک اتلافندن طولایی سلطان محمد برنجی دفعه اوله رق یازدیغی نامه ده بیه «اگر قره یوسف و اولادی سطوت قاهره مزدن او جانینه فرار ایدر لسه همان در دست اوله رق بزم عقبگیر لره تسلیم اولنسون و اسباب محبتده قصور اولنسون. آتش فتنه نک اطفاسنه سی ایدیکز، تا که رعایا و بریانک پریشانی احوالی موجب اولماسون» سوزلریله تیمورک وارث فکری اولدیغنی کوسترمش و سلطان محمد ایسه جوابنده والد عالیشانک بی پروالغنه تماماً توفیق لسان ایتمه مکه برابر «قره یوسفک احوالنجه متحیرز. اگر حقنده درگاه دولترندن معذرتخواه اولسه ق احتمال که معرض قبولده بولنماز. اگر ملکمزه کلمسه رخصت و یرسه ک قرمان و حمید و اسفندیار



سلطان محمد بوحاده ایله مشغول ایکن شروان حاکی
سلطان خلیل طرفندن بر مکتوب آلدی که مآلی شودر: « مخلص
خیر خواهری خدمت خداوندکاریلرنده بولنغه لایق اوزمی
نصل شرح ایده جکمده و خاندان کریملرندن و علی الخصوص جناب
واجب التعظیملرندن دود مأمک نائل اولدینی مواهب جسمیه
ولطائف عمیمه نک نه صورتله شکرینی ایفایه مقتدر اوله جغمده
متحیرم. جناب حق طراز کسوت معالی وزینت ایام ولیالی اولان
دولت خداوندکاریلرینی روز افزون بیورسون. بوانساده
اعلی حضرت شاهرخ طرفندن ۸۲۳ شعباننده قره یوسفک دفعی
ایچون سمرقنددن آذربایجان اوزرینه حرکت ایلیه جکلرندن
وقره باغده قیشلاملری مقرر اولدیغندن شیروان امر اولشکر یله
قرولتای ایلیخانی یه عزیمت لازم کله جکنه دائر یرلیغ و اصل
اولدی. بونامه سعادت ختامه لرینی سوندک بهادر ایله دشت-
قبچاق و باب الابواب اوزرندن ارسال ایلمشکر کندیلری ده
خراسان طریقیه بو طرفه توجه ایلمشکر یقینده کلک اوزره درلر.
اتحاد قدیمه بناء اخبار کیفیته مسارعت ایلدک. تا که حوالی
تبریزه وصولرندن اول آداب ملوک اوزره سفیر ارسالیله رسم
خلوص و آیین یکجهتی ده اهمال بیورلمسون. چونکه دنیاده
مدارادن کوزل برشی یوقدر. »

پادشاه بر طرفدن سلانیکي تضيق ايله برابر بر طرفدن ده خصمنك
 كندينه تسليمی ایچون ایمراطوره مراجعت ایلدی . ایمراطور
 بر ملتجی بی تسلیم ایتك بر حکمداره یاقیشیر حالردن اولمادیغنی
 مقدمه ایدرك و قیاس نفس اولمسنی رجا ایلیهرك مصطفی ايله
 جنیدی تسلیم ایدمه مکه معذور اولدیغنی و پادشاه حیاتهده بولندجه
 بر طرفه صالحیورمه مکه یمین ایدمه جگنی بیان ایش ایدی . پادشاهده
 بوصورتی قبول ایتدی . چونکه شرق طرفلرنده بر طاقم
 سحائب فتنه اشعه نمای حدوث اولمغه باشلامش ایدی . ایمراطور
 مصطفی ايله جنیدی استانبوله جلب ايله اوراده توقیف ایتك
 وسلطان محمدده بونلرك وتوابعنك اداره سی ایچون اوج یوز بیك
 آجه ویرلك اوزره بر مقاوله یاییلدی ، اقتضاسی ده اجرا اولندی .



بولنديغنى اعلان ايله تحريك فتنه يه باشلادی . شهزاده لر وشيخ
بدرالدين فتنه لرندن قالمه برچوق اصحاب خلاف باشنه اجتماع
ايتديلر كنديسى ده قوتى مساعد كورمش وتكشير جمعته ده
مساعد كوردىكى ترهاله طرفلرينه طوغرى حركت ايلش ايدى .

پادشاه وقعه يي خبر آلنجه ياننه مقتدر اوله بيلديكى قدر
عسکر جمع ايلدى دوزمه جه مصطفىانك تحريسه شتاب ايتدى .
دوزمه جه پادشاهك مقابله سنه گلش ايدى . سلانيك اوواسنده
شدتلى بر محاربه وقوع بولدى . دوزمه جه مصطفىانك فرقه سى
محو وپريشان اولدى . كنديسى ده جنيد اوغلى حمزه بك وسائر
بعض خواصى ايله نفسلريني تخلص ايدرك سلانيكه فرار ايتديلر .
سلطان محمد سلانيك محافظندن دوزمه جه نك كنديسنه تسليمنى
ايستمش ايدى . محافظ ايسه پادشاهك بندكانندن ايسه ده
ايمپراطورك ده بندكانندن بولنديغنى مقدمه مقال ايدرك بويله
برشهزاده يي دكل، التجا ايدن عادى براسيرى بيله افنديسندن
امر آلمقسزين تسليمه مقتدر اوله مایه جغنى و فقط ايمپراطوره
بيان ايله جگنى افاده ايلدى .

سلطان محمد بوجواب رد اوزرينه سلانيكى محاصره ايتمش
ايدى . بزم تاريخلر بوركلوجه مصطفىانك ظهورى زماننده
پادشاهك سلانيك محاصره سيله مشغول اولديغندن بحث ايدرلر .
بوركلوجه حادثه سننى ۸۲۳ سنه سى وقايعنده ضبط ايتدكلرينه
نظراً بحث ايتدكلرى محاصره بووقعه دن غلط اولسه كر كدر .



روم تاریخارینک روایتنه کوره دوزمه مصطفی وقعه سی ۸۲۳
سنه سنده ظهور آیتکه باشلامش ایدی . وقعه نك صورت تصویری
اختراعه بکزه مز . بزم تاریخارده سلطان محمد عصرینه تصادف
ایدن مبادی فتنه دن بحث اولنماسی ایسه پک او قدر اهمیت
بولماسی جهتیه اهال اولنماسدن و بردرجه یه قدرده بورکلوجه
مصطفی وقعه سیله قارشیدیرلسندن ایلری کلشدر ظن اولنور .

وقعه نك تفصیلاتنه کلنجه محلنده بیان اولنش ایدی که انقره
حاربه سنده ییلدیرم بایزیدک مصطفی نامنده برشهزاده سی غائب
اولمش وتیمور طرفندن پک چوق تحریات اجرا ایتدیرلدیکی
حالده حیات وماتندن برائر بولنه مامش ایدی .

دوقاس وحالقو قوندیک روایتنه کوره شهزاده سلطان
مصطفی اولق ادعاسیله او صروده روم ایلیده برآدم ظهور
ایدرك افلاق بکی میرجه ایله مقدا ازمیر ملکی یدندن النان
وکندیسی نیکبولی محافظه سنه تعیین اولنان جنید اوغلی حمزه
بک طرفلرندن مظهر تأیید اولدی بوایکی خائن ایچون عثمانیلیری
اضاعاف ایده جک بروقه یه قارشامق ذاتاً قابل دکل ایدی .

دوزمه جه او یله ایکی معین مقتدره نائل اولنجه سلطان
محمدن سنأ دها بیوک اولدیغنی وبناء علیه سلطنته کندی حتی

ایچون یر تحری ایلدیکی صرهده مرمره دکزینک آناتولی طرفنده سلطان اورخان طرفندن ضبط اولنان یرلرک برطاقی تیمور فتنه سی صرهده روم ایمپراطورینک تصرفنه کچمش اولدیغندن آنلرک تکرار فتحیه خیرات جدیدیه و قتلر پیدا ایلدنی اخطار ایلدیله. سلطان محمدده بوفکری قبول ایدهرک او خدمتک ایفاسنه صولاق زاده نك قولنجه تیمور طاش زاده امور بکی کوندرمش ایدی .

امور بک، اولاجد عالیشان قره علی بک کوزینه اصابت ایدن اوقی چیقاروب آتهرق هجومده دوام ایده جک قدر اقداملرله فتح ایلدیکی هرکه نی تکرار ممالک عثمانیه به الحاق ایتدی ؛ منسوب اولدیغی خاندان جلادتک اک مفخرتلی داستان قهرمانیسی تجدید واحیا ایلدی. آندن صکره ککبوزه و داریجه و پندیک و قرتال حوالیسی کاملاً استرداد ایله ممالک مغسوبه دن روملرک النده برپارچه یر برقامش ایدی. وقف اولنان محللرک صورت ضبطنه نظرأ پادشاهک ابنیه عالییه سی ایکی جهته خیرات عنوانه استحقاق کسب ایلش اولدی .



سلطان محمد بوسفر دن عودت ايدرکن اسکيه اوغرامش و اورالره کليتي بر عشيرت اقامت ايتديکني کورمش ایدی . سؤال ايتدی ، منت بکه تابع بر تاتار قبيسه سی اولديغنی وبکلرينک ايسه صمغاد اوغلنک دعوتنده بولنديغنی خبر ويرديلر . سلطان محمد حدت ايدهرک « بوقدر غلبهک بر قوم ملکمزده او طورور ، نواب ايامدن سايه مزده امين اولورلر ، سفرده بولنديغمز سرده خدمته کلدکن بشقه بورادن کچه جکمز هر طرفه شايع اولمش ايکن قدومز زماننده دوکونه درنکه کيدرلر . بو حاللر عادتاد عوای استبداد در . شمدي به قدر تاتار طائفه سنک کافه سی تیمور ايله برابر کيتديکني بيان ايدسيورسکنز ، نه دن ايجاب ايتدی که بو افاده لر خلاف واقع ظهور ایلدی؟ » مألنده بعض سوزلره امر ايه عتاب ایلدکن صکره تاتارک روم ايلي به کچيرلسنی فرمان ايتدی ، عشيرت طاقيله نقل اولنهرق قلبه مضافاتندن تاتار بازاری طرفلرینه اسکان اولندی . تاتارلر روم ایلیده بولندقجه ایتدکلری وقت بشقه بر دولت اسلامیه طور اغنه کچمکه مقتدر اوله ميه جقلرندن بوتدير ايله اوتیه بری به تعرضدن اجتنابه مجبور ایلدکلری کچي روم ايلي سکنه سنه قلیجنه اعتماد اولنور بر فرقه اسلام دها علاوه ایدلمش اولدی .

پادشاه ینه بوسنه ظرفنده بروسه ده یشیل عمارت ناميله معروف اولان جامع و عمارت و مدرسه ايله کندی ایچونده بر تره انشاسنه مبادرت ایتدیردی . بو خیرانه وقف ایدلمک

پادشاهك ، صامسونك ضبطندن صكره بر فرقه عسكر
سوقيله جانىكى ده بو صروده تسخير ايتديرمش اولديغنى خواجه
روايت ايدر ، اكثر مؤرخلرده اتباع ايدرلر؛ يالكز صحائف-
الخبار اوصروده جانىك فتحندن بحث ايمز . بونگله برابر
جانىكى آلب آرسلان اوغلى حسين بك قباد اوغلى جنيددن
آلديغنى و بودفعهده سلطان محمد طرفندن ضبط اولنديغنى بيان
ايدن خواجه سعدالدين اوراسنك تكرار حسين بك تصرفنه
كچديكنه دائر حرف واحد سويلكسزین بو آلب آرسلان اوغلى
حسين بكدن سلطان مراد ثاينك اخذ ايلديكنى ۸۳۱ سنهسى
وقوعاتنده تفصيلاتيله برابر ايراد ايلشدر . بو حواله و بر قاچ
مؤرخك ۸۲۲ وقوعاتنده جانىكك ضبطندن هيچ بحث ايتماسنه
نظراً فتح دينيلن شى آلب آرسلان اوغلى حسين بكك پادشاهه
عرض اطاعت ايتسندن عبارت اولديغى آكلاشيلبور .
جای دقتدرکه بوسفرده اسفنديار طاقنه و آلب آرسلان
اوغلنه ايديلن معامله دن بحث اولنيورده اول شهنزاده يه التجا
ايدن حسن بكك خصمى پير عمره دائر هيچ بر معامله دن بحث
اولمايور . بوكا ايسه پادشاهك قره يوسفه مساعده پير عمره
تعرض ايمه مسندن و ياخود قره يوسفك پادشاهه رعاية حسن بكي
ارضا ايلش اولمسندن بشقه بر سبب بولنه مازكه سلطان محمد
قره يوسفه قياس قبول ايمه جك درجه لرده قوتلى و قره يوسفك
كنديسنه احتياجى ايسه كندينك اكا احتياجندن بيك قات
زياده اولديغندن شق ثاينده كى احتمال دها غالب كورينور .

اولان خرستیانلر الرنده کی قلعه نی بیقهرق فرار ایلمش ایدی . سلطان محمد بو خبری آنجه شهزاده سنه لالا تعیین ایلدیکی بیجر اوغلی حمزه بکی که اسمی تاریخلرجه بو وقعه ده یاد اولمغه باشلار، اورانک ضبطنه ارسال ایلدی . حمزه بک ایسه مأموریتنی اتمام ایلدکدن صکره اسفندیار زاده خضر بک یدنده بولنان اسلام صامسوننک ده ضبطی ایچون استدعای رخصت ایتشدی . ذاتاً اسفندیار بکک بر امتیازلی والی اولدینی حالدده رخصت آلمقیزین ملک ضبطنه قالقشمسی صلاحیتندن خارج وهله بو صورتله تزید قوت ایتسی دولتک منفعتنه مغایر ایدی . آلدینی یرلری اوغلی خضر بکه ویرمسی ایسه پادشاهه منسوب اولان دیگر اوغلی قاسم بکه بر رغم واو جهتله دولتته بر نوع حقارت عد اولندی . حمزه بکه قلعه نک تسخیری ایچون مساعده ویرلدکدن بشقه پادشاهه حمزه بکک تأییدینه عزیمت ایلدی . اردونک مرزیفونه واصل اولدیغنی خضر بک خبر آنجه اورالک ضبطی جداً مطلوب اولدیغنه حکم ایتدیکندن وقوه عثمانیه مقاومتن عجزی ایسه بدیهی بولندیغندن بالذات حضور هایونه کله رک قلعه نی تسلیم ایتشدی .

کندیسی قدرندن زیاده التفاته مظهر اولدی ، وحتی خدمت هایونده قالمسی ده تکلیف اولندی . فقط برادری قاسم بک ایله آره لرنده امتزاج قابل اولمیه جغنی بهانه ایدرک قبول خدمتن استنکاف ایتشدی .

آماسیه، طوقاد و قسطمونی طرفارندن بروسه یه قدر اولان ممالکده بر شدتلی زلزله باشلادی و امتدادی جهتیله اهالی اوج آی قدر چادرلرله محرارزده اوطورمغه مجبور اولدی. بو جهته شهزاده حدودک ازاله اغتاشاشنه کیتمکدن ایسه خلقک تسکین خوف و دفع ضرورتیه اوغراشمغی ترجیح ایلدی .

حدود اوزرنده کی تشوشات ایسه یالکز شیین قره حصارینک پیر عمره کچمسيله قلمادی ، آلب ارسلان اوغلی عنوانیه معروف بر دیکر حسن بک جانیکک حاکمی بولنان قباد اوغلارندن جنید بیکی اعدام ایدهرک قلعه سنی آلمش و اسفندیار بکده صامسون و بافره یی ضبط ایله قیمتلی اوغلی خضر بکه اعطا ایش ایلدی .

بو مملکتلرک برطاقی سلطان بایزید فتوحاتندن اولق جهتیله دولتجه ملکک اجزای متممه سندن معدود اولدقندن بشقه حدود اوزرنده بعض حکومتلرک توسعاتی دولتک منفعت و آسایشنه مغایر اولدیغندن پادشاه اورالک حالی دولتکک الجا آتسه توفیق ایتمک وظیفه سنی یالکزجه شهزاده نواقبالنه براقه مادی، بالذات ادرنه دن آناطولی یه کچرک لزومی قدر عسکرله آماسیه یه عزیمت ایلدی .

سلطان محمدک طنطنه خوارق افعالیله مالامال اولان آماسیه و طوقاته ورودی اوزرینه هیچ کیمسه ده حرکتیه جسارت قالمش و حتی صامسونک کافر صامسونی دینیلن جزئینه متصرف



سکنز یوز اون طقوز وسکنز یوز یکر می سنه لری، شیخ
بدرالدین وقه سی وقره یوسف وقره عثمان مخبر ایله کچش و ۸۲۱
سنه سنده ایسه آناتولی حدودنده بعض قاریشقلقار ظهور ایلشدر.
شو صورتله که مقدهما قره یوسف ارزنجانی، محاربه شیدیده ایله
آق قیونلیلردن آله رق پیر عمر نامنده برینه اعطا ایتمش ایدی .
بو پیر عمر حریص برشی اولدیغندن کندینک قره یوسفه وقره
یوسفک سلطان محمد اولان انتسابنه مغروراً شین قره حصارینی
صاحب اولان ملک احمد اوغلی حسن بکک یدندن اخذ ایلدی .
ملکندن محروم اولان حسن بک ایسه بدرالدین حادنه سندن صکره
آماسیه ایالتنه کلش اولان شهزاده مراده التجا ایلدی ، معاونت
ایستدی .

شهزاده، ملاذملهوفین اولمنی، لذاید سلطنت و مراتب علویتک
اک بیوکی عد ایدن بر خاندان مکارمک امجاد اولادلرندن اولمق
جهتیه حسن بکک استدعاسنی تلطفات ایله قبول ایدرک همان
عسکر لریله زدینه شتاب ایتلمر یچون سنجاغنده کی امراه خبرلر
کوندردی .

معینده پیر عمری تربیه یه کافی اوله جق قدر عسکر اجتماع
ایتمش وکندی ده حدوده طوغری حرکت حاضرنمش ایدی که

و بناءً عليه دها لایق اولوردی . فقط سلطان محمدہ کورہ کندی مشربنہ توفیق حرکت ایتک ، پدرینہ تقلیددن البتہ مرجح ایدی . علویت و شدت ویا مہارت و نزاکت طبیعی اولنجه نہ قدر محبوب قلوب ایسہ تقلید اولنجه اوقدر چرکین دوشر . سلطان محمدک مظهریتی پدری کبی شدتہ جہانداورلاک دکل ، مہارتہ ممالک پرورلاک ایدی . بو دفعہدہ پادشاہک اختیار ایتدیکی دسیسہ ایسہ بشقہسنی اضرار ایلہ جلب منفعت ایچون دکل ، دولتی اوزرندن دفع مضرت ایچون ایدی . ضرر وضرار قیدندن وارستہ اولہرق دفع مضرت ایچون حیلہیہ توسل ایسہ افراہدہ کورہ بیلہ جائز در .

بو محاکمہ لر قابلیات اجرادن نہ قدر بری اولورسہ اولسون ، مکارم اخلاقی دنیانک ہر حالنہ مقیاس ایتک ایستہین مشکلیسندان حکما ایلہ ایدیلہ جک بر بحثدر ، یوقسہ سیاست نقطہ نظر نیجہ و سائٹک مشروعیتنہ مصروف اولدینی مقصدک حصولندن بشقہ بر میزان آرانمادیغندن بویولده تعریضار لسانہ بیلہ آ نماز .




خالیشه لم عظمت الهیه یه یمین ایدرم که فائده و مضرتده مشترکز
سوزلری اثبات ایدر .

یلدیرم بایزیدک نجل نجینه پدیرینک مسلك مردانه سنی ترك
ایدوبده خصمنی اغفاله تنزل ایتک یاقیشیرمی ایدی ؟ بزه قالیرسه
پادشاهک بو حرکتی ده بحق تعریضی جالب دکلدر . چونکه
واقعا شره شر ایله مقابله اخلاق نظر نجه تجویز اولنور بر طرز
معروف دکلدر ؛ فقط اخلاقک بو قاعده نزهانه سی افرادک
معاملات شخصیه سنه منحصر در . بر ملتک حقوق و منافعی
کافل اولان ارباب حکومت، اومت نامنه اجرا ایده جکی حرکتده
دشمنلرینه قوللاندقنری سلاحه مقابل بر سلاح ایله مقابله ایتک
مجبوریتنده در . شخص ایله جمعیتک قاعده اخلاقی بر برندن
آیری اوله میه جغنی افلاطون ادعا ایتمش و بر چوق فیلسوفلرده
بو مسلکی التزام ایتک ایشتمشارسه ده نظر استدلال اوکنده
ثابت اولان دائما بو قضیه نک عکسیدر . اخلاقیوندن هیچ
کیسه بولونمازکه بر جزو مالک بشقه سنه بخشندن عبارت اولان
سخای معتدلی افراددن صادر اولنجه تقبیح ایتسونده ،
حکومتدن صادر اولنجه تقبیح ایتسون . اما سلطان محمدک
یدنده یلدیرم بایزید اولسه قره بلوکه بو معامله ده بولونماز ،
عادتا اعلان خصومت ایدردی، دینیه جک ایسه شبهه یوقدرکه
بایزیدن صادر اوله جق فعل سلطان محمد طرزنده اولمازدی :
سلطان بایزیده کوره اوله بر معامله عمومیت احوالنه ده موافق

طوتیورز ، بوندن صکرده در یغ ایتیز « سوززلیه جواب
 ویردی ، تأمینات واقعه‌یه اعتماد کوستردی . سائر حکام ایله
 امتزاج مقصدینه‌ده مساعد کورندی ؛ فقط آلدانمادی ، قره‌بلوکی
 آلداتمق ایستهدی . اغفال ایله اوغراشانلره کندی سلاحیه
 مقابله ایتک ایچون ایسه آلدانمش کورنمکدن اسلم طریق
 اوله‌ماز . بو طرزلی اختیار ایتسنه سبب ممکن اولدقجه
 شاهرخ ایله بر منازعه چیقارماق عزمنده بولماسیدر . حتی
 یوسفه کوندردیکی بر نامه‌ده « خواجه بهرام نخجوانی کلدی
 وایلخانک (شاهرخک) احوالنه متعلق شفاهاً سپارش
 ایتدی‌ککز شیلر معلوم اولدی . هر برینک جوانی کندیسنه
 سویلدک ، او طریق ایله عمل اولنسون ، اما اطاعتله حسن قبول
 سلطانی‌یه مظهر اولغه بذل سعی اولنسون که آتش فتنه بالا کیر
 اولسون » و بر دیگر نامه‌سنده « ایلخانک حالندن غفلت
 ایتیکز وقادر اولدقجه اطاعتنده بولنمه چالیشکز » کبی سوزلر
 درجیه دائماً دفع فتنه‌یه اوغراشانسندن آکلاشیلیر .

قره‌بلوکه یازدینی نامه‌ده قره یوسف طاقی ایچون تمام کبی
 تعبیر قوللانمش‌سده فکرأ وقلبأ انلرله متفق بولندیغنی قره
 یوسفک اوغلی اسکندره کوندردیکی نامه‌ده‌کی « پدر بزر-
 کوارکزه اشعاره اولندیغنی یولده حرکت ایدرک دفع فتنه‌یه
 سعی بیوریکز وهرنه وقت بر اضطراب و هجوم وقوع بولورسه
 اعلام ایدکز تابعنا‌یه اه امکان مساعد اولدیغنی قدر دفعنه





کَلْبَانِيَّكَانِ

بمختار زریب

کَلْبَانِيَّكَانِ

جلد ۲
حصہ ۲

استنبول

عمومی مکتبہ

۱۳۲۷

کلیاتِ کتابت

ایکنجی ترتیب

اسامی آئانہ

برنجی ترتیب

جلد ۷

۱۲ کتابدر



اسامی	غروش	اسامی
جلد جزؤ	۳	[۱] رونان مدافعه نامہ سی نشر اولندی
۲۵ ۵ [۱] عمائل تاریخی	۵	[۲] قارہ بلا نشر اولندی
۱۰ ۲ [۲] تاریخ اسلام	۲۰	[۳] مقالات سیاسیہ وادیہ ورویا
۰ ۰ [۳] آثار برا کنندہ	۱۰	[۴] وطن، کنہال، ما کف، زوالی { چوجق
ہر جزؤک فیثائی (۳) غروشدر	۲۵	[۵] اشعار کمال
	۱۲	[۶] جلال الدین خوارزمشاه
کتاب کتاب اولرق } برنجی ترتیب	۲۰	[۷] مکاتیب خصوصیہ دن برنجی جلد
ہر ایک آیدہ بر .	۷,۵	[۸] اوراق پریشان مجموعہ سی .
جزؤ جزؤ اولرق ہر } ایکنجی ترتیب	۲۰	[۹] منتخبات محزرات رسمیه
اولنہ بقدر .	۷,۵	[۱۰] جزمی و انتباه
ایکی ترتیب دہ بر ابر اولرق صرہ سیلہ	۲۰	[۱۱] مکاتیب خصوصیہ دن ایکنجی جلد
منتظماً طبع و نشر اولنور .	۵	[۱۲] تعقیب و تخریب خرابات رسالہ لری و سائرہ

اپونہ شرائطی

مقسطاً تادیہ ایدلک شرطیلہ اپونہ
شرائطی

غروش

۲۱۶ اثرلر اداره خانہ دن آلفق وبعین اولرق یارم
ومتعاقباً ہر اوج آیدہ بر یاریمشر لیرا تادیہ
ایدلک شرطیلہ .
۲۴۰ پوستہ اجر شدن طولانی تقسیطلر ۶۰ غروش
اولرق پشین ۳ مجیدیہ و ہر اوج آیدہ ۳ مجیدیہ
و ہرلک شرطیلہ اقامتکاہہ کہ ندرلک اوزرہ .

یکونی پشین اولرق تادیہ ایدلک
اوزرہ اپونہ شرائطی :

غروش

۲۰۰ ادارہ خانہ دن آلفق شرطیلہ .
۲۲۵ ہر سعادت و ولایات و ممالک اجنبیہ ایچون
پوستہ اجر قده داخل اولرق اقامتکاہہ
کوندولک شرطیلہ .

ہر جزؤک فیثائی (۳) غروشدر

طسره ایچون پوستہ اجر قتی ضم اولنور .

حکامه تعرض ايدلمه مك توصيه سى ده، شاهرخ كلنجه يه قدر هر برى
عثمانيلر عليهنه قورلمش برکمين خيانت اولان حکومات صغيره يي
پادشاهك سطوتندن محافظه مقصدينه مبتنى اولديغنده هيچ
اشتباهه محل يوق ايدى .

ذوالقدر اوغلى سليمان بك پادشاهك قائم پدرى ايكن
تيمور طاقيله مخبره ايدن ملوك طوائف آرسنده آنك نامى
بولنمى ده عثمان بلك نامه سى مصنوع اولديغنه دلالت ايتزدى .
چونكه سليمان بلك سلطان محمد ايله نه قدر صداقت و محبتى
اولسه تيمور اولادينه هيچ اولمازسه شرلرندن تحفظ اچون
اولسون عرض عبوديت ايتمى ضرورى ايدى . خصوصيه
پادشاه ايله شاهرخ بيننده ، بر طرفك دوستلنى ديكر طرفه قطع
مناسبتنه مجبور ايدمك بر حصومت عليهنه ده يوق ايدى .

بو جهته پادشاه عثمان بلك خيانتنه قطعاً حکم ايتدى ،
معامله سندن بك فنا مضطرب اولدى . فقط عثمان بلك نامه سنه
« سزك طرفدن دوستلقدن ، خيرخواهلقدن بشقه برشى
كورمدك . تمام سوزيله حرکت ايتيز . خاطر شريفكز متلى
اولسون . بزي محب صميمى بيلكز ، او فكري تغير ايتيكز
ودائماً خيرخواهلق مسلكنده بولنه رق اراجيفه حواله سمع
اعتبار ايليكز ، هجموار اولان حکام ايله حسن معاشرته دائر
اشعار بيورديغكز سوزلر يرنده در . اما اكثرى انلر تغير
اطوار ايديورلر . كندينه نصيحت و خاطر جويانه التفاتى مبذول

طاقم اوضاع متحکمانه به او غرامق اندیشه سنده ایکن قره بلوکه ده رماد سکون آلتنده مستور اولان آتش فتنه یی علولندیر مکله پادشاهی نهایت درجه ده دلکیر ایتمش ایدی .

واقعا قره بلوکه مکتوبنک طوتلمی اوزرینه پادشاهه بر عریضه تقدیم ایدرک « بو ائنده خواجه منصور آمدی بی پادشاه جهانکیر شاعرخه کوندرمش ایدک . قره یوسفک اوغلی جهان شاه بینمزده اولان عداوته بناء کندیسنی اخذ و قتل ایله مکتوبی بیرتدقدن صکره تبریزده محلصکزک مهرمی حکاکلره تقلید ایتدیرمش وبشقه یولده بر نامه یازهرق انی حضور شاهانه لرینه کوندرمش ، بالله العظیم حال بو منوال اوزره در .

وزم صداقت و ولادن بشقه بر تصورمن یوقدر « کبی یمینلی تأمینلی سوزلره پادشاهی اقناعه چالشمش ایدی . فقط ینه او نامه سنه « امید ایدرزه دشمن سوزیله حرکت اولنوبده حکام اطراف متفرق و پریشان ایدلر . زیرا اولر خاتان مغفور (تیمور) ک نصب کرده سی اولدقلرندن مبادا که هر برینک رنجشی شهریار کتورستان مالک ملک سلیمانی ابوالفتح شاهرخ حضرتلریله سبب نزاع اوله « سوزلرینی درج ایلمش ایدی . خال بوکه نامه کندی ادعاسی کبی قره یوسف اولادی طرفندن تصنیع ایدلمش اولسه بونده سلطان محمدک سائر حکام ایله مخصوصه سنی موجب اوله جق سوزلر موجود اولدیغنی یقیناً بیلیمک قره بلوکه ایچون قابل اوله میه جفندن کندیسنک یمین ایله تأمین ایتدیکی حکایه مخترعاتدن بولندیغنی پک ظاهر ایدی . هله صیقی صیقی به سائر

کرم و حکمتله ممزوج بر طرز حکومت اتخاذا ايتمش و عصيان ايدن بندکانه نياز لر ايده جک و بر آدمي بش آلتی کره مظهر عفو ايله جک قدر ملايمتله سلطنتی تأييده موفق اولمش ایدی. فقط حلمنک ، مروتنک بو درجه سی تیمور ايله معارض اولان خاندانلره شاملک دکلدی . حتی سلیمان و عیسی و موسی چلبیلرک و فاتاری اوزرینه چلبی سلطان محمد کوندردیکی نامه ده « برادر لر بینده بویله بر معامله قاعده ایلخانی به کوره غیر مناسبدر . بر قاچ کونلک دولتک بقاسی بو قدرکه او اغورده بو دزلو حالتلر ارتکاب اولنسون » یولو سوزلرله کویا عثمانی حکومتی ده قاعده ایلخانی به تابع اولق لازم کلیر ایتش کبی عالیناهانه بر مرجعیت و دولت دنیاده بقا اولق لازم کلسه او اغورده سائرلرینک باقی اولان حیاتی افنا ایتک جائز اوله بیلیرمش کبی جنکیزانه بر حکمت میدانه قویهرق چلبی سلطان محمد بولاشمق ایستمش و پادشاه طرفندن ده ، جمعیت غزاتدن کب بر حکومتک الحاقاتی؛ ایلخایلر کبی ممالک اسلامیه بی تخریب و غاز خاندانلرینک سلطنتی تقرر ایتمکدن بشقه کاری اولیمان حکمدارلرک درجه ادراکاتدن عالی اولدیغنی کوستیرر بر طرز ايله « اگر جوارده بولنان حکام مسلمان اولسه لر ایدی ، التزام شدت اولونمازدی ؛ فقط نمود بالله تعالی فرض کفار خاکساره دوشر » جوابی ايله آغزجه بر مقابله ده بولونباش ایدی .

ذاتاً ایکی طرف یکدیگرینه قارشى متوحشانه بر احتیاط حالنده و خصوصیه چلبی سلطان محمد بالطبیع چکیه ميه جک بر

انتظار ايديورم . قره يوسف ، بندكانكزدن برينك قليجنه قارشى طورهبيله جك قدرته مالك دكلدر . قره يوسف دكل ، بلسكه روم وشام بر توجه واقدام ايله مضبوط ومسخر اولور . زيرا حلب وشام امراستندن على الدام اطاعت عريضه لرى كليور وقرمانلى امير محمد وقسطمونلى اسفنديار بك وحמידايلى حسين بك وازميرلى جنيد اوغلى حمزه بك وذوالقدر اوغلى سليمان بك ايله قسطنطينيه وطربرزون تكفورلرندن وكرجستان ملكلردن عبوديتنامه لر مبدولدر وحكام شروان وكيلان وواليان كردستان ولرستان ده فرمان برلكه مهياذر . بناءً عليه چغتاي ميرزالرينك بر منازعه جزؤبهسى جهتيه توقف روا دكلدر « مألنده ايدى .

مكتوبدن پادشاه ايچون ايكي نوع معلومات حصوله كلدى :
بونك برى ، اطرافده بولنان ملوك طوائفك تيمورطاقيله مخبرهسى مسئله سيدركه عثمانليرك سطوتنه قارشى بقالرى مخاطره ده بولنان ملوك طوائفك تيمور طاقنه ربط اميد ايتلرى امور طبيعیه دن اولديغندن خبرك بو جهتي اهميت ويره جك برشى دكل ايدى . فقط ايكنجى معلومات عثمان بكك شاهرخ ميرزايى بو طرفاره تسليط ايله اوغراشما سيدر . ملوك طوائفك خصوصتندن ده برتأثير حصولى ، آرده ده اويله بر حادثه نك ظهورينه متوقف اولديغندن مكتوبك روحى بو خبر ايدى .

شاهرخ ميرزا مكارم اخلاق ، سجاياى عرفان ايله متحلى بر ذات اوله رق پدريتك شدت جهاندارانه سنه بدل بك زياده

اورالرك طوغریبدن طوغری به ممالك پادشاهی به التحاقی تأمین
ایتمکله برابر قاسم بککده استفاده سنه مانع اولمادی .

سلطان محمد ایچون بورالزی قاسم بک نامنه ایسته مش ایکن
اسفندیارک تکلیفی اوزرینه کندی ملکنه الحاق ایلش اولسی محل
تعریض اوله ماز . چونکه اولا دنیا ده تکلیف اولنان ملکی
قبول ایتمه جک هیچ بر حکومت یوقدر . ثانیاً اورالزی سلطان
بایزیدک فنوحاتنه داخل اولمق جهتیله پادشاه ایچون ملککنک
اجزاسندن عد ایتمک امور طبیعیه دن اولدیغنه نظراً ذاتاً قاسم بکه
ویرلسنی ایستمی والی دکشدرمک قییلندن ایدی .

۸۲۰ سنه سی ، تاریخلرده وقایعدن خالی کورینورکه چلی
سلطان محمد ایچون انقره وقعه سندن بری دور استراحت دینیه
بیله جک بر زمان وارایسه اوده بو زمان اولمق لازم کلیردی .
حال بوکه فریدونده اولان اوراق رسمیه دن آکلاشیلدیغنه
کوره پادشاهک ۸۲۰ سنه سی ظرفنده اولان اشتهغال ذهنیسی
هر وقتدن زیاده ایدی : قره یوسف اوغلی قره اسکندر .
آق قویونلیلرک حاکمی قاره بلوک عثمان بکک شاهرخه اولان
بر مکتوبنی طوته رق پادشاهه کوندرمش ایدی . ۸۲۰
سنه سنک حلول ایتمدیکی صره ده واصل اولان بو مکتوب ایسه
« مملکتکم اکثر جهتلری امرای اکراد النده اوله رق باقیسندن
دخی نه قدر قوت حاصل ایدیله جکی معلومدر . بونکله برابر
روم وازربایجان حکامندن احتراز ایتمدیکم یوقدر . قدمکزه

ایدن اراجیفه او قدر اهمیت ویرلمسینه و آتدن دوشمکله قولده برعارضه ظهور ایده رک برمدتله ده امتداد ایلدیکی کبی آتدن دوشه رک قول انجمنک تخت روان ایله عودتی موجب بر حال اولماسینه نظراً حادثه نك بر قاج سنه صکره ارتحالنه سبب اولان نزول مقدماتی اولسنه ذهنلرده بر شمه حاصل ایدیور .

اسفندیار بک اوغلی قاسم بک بوسفرده برابر بولنه رق حسن اطوار ایله پادشاهک پک زیاده توجهنی قازانمش و بردها خدمت هایوندن آیرلماغه عزم ایتمش ایدی . استعدا ایتدی ، طوسییه و کانگری و قلعه جق و قسطنیونی و باقر کورمه سی طرفلرینک کندیسنه توجهیه اولنمش ایچون پدربینه ظرف پادشاهیدن امر اصدار ایتدیردی .

اسفندیار بک بواصری آلدیغی کبی وزیر ی واکا ترفیق ایلدیکی واعظ محمد نامنده برسفری ایله « معیشت قسطنیونی ایله باقر معدنه منحصر اولدیغندن اورالینک یدمده ترک اولنمشی استرحام ایدرم . قاسم بک ایچون سائر استنیلن یرلرده خواص هایونه الحاق بیورلسون ؛ قاسمه منکسرم ، اکا ویرلمسینه راضی دکلم » یوللو خبرلر کوندرمش و بوتکلیفی نزد هایونده مظهر قبول اولمش ایدی . خواجه سعدالدینک روایتنه کوره پادشاه بوتکلیفی قبول ایله طوسییه و قلعه جق و کانگری بی الدقدن صکره کانگری ولایتی ینه قاسم بکک تیمارینه ضمیمه ایلش ایدی . بو صورتله اسفندیارک کندی اوغلنه رغماً عرض ایتدیکی تکلیف

بوحالوره نظر آ هامرك نقل ايتديكى شودرت محاربه عثمانلپاره
 قارشى غلبه يه دائر محالاتدن برسوزده ايشيدلسه يازلىق مراقندن
 بشقه هيچ بر بهانه ايله تاريخ صحائفنه كيره ميه جك فسانه لردندر.
 بالفرض برايكي قره غول غوغاسنده عثمانلى فرقه لرى موفق
 اوله سامش اولسه بيه نتيجه سفر ميدانده طور ويور . افلاق بكي
 خراجكذار ايدلى ، برنجى دفعه اوله رق طونه نك قارشى
 جهتنده بر موقع حرب اله بكي ردى ، مجارلردن مهم بر قلعه آلندى ،
 اورويانك همان هر جهتنده حكى جارى اولان امپراطور سفيرلر
 ارساليه طلب صلحه اجبار اولندى . بوموفقيتلر ميدانده ايكن
 مجارلوك غلبه سندن بحث ايتمكه محلى قالير؟ غلبه شويله طورسون ،
 نيكبولى صدمه سنك خلعجانندن قورتيله ميان سيغيزموند ، چلبى
 سلطان محمدك التى آى قدر طونه بوينده طولاشه رق كنديسنك
 وميرجه كى منسوبلرينك ملكنى تخريب وقلمه لرى ضبط ايلديكى
 حالده ميدان حربه كلمكه بيه جسارت ايدمه مشدر . تا سلطان
 مراد ثانى دورنده مشهور هونياك ظهورينه قدر مجارلر عثمانلى
 قاجينك دهشتندن قورتيله مادقلرى هامرده تاريخنك برقاچ
 يرنده اعتراف ايدر .

چلبى سلطان محمد افلاقده ايكن آتدن دوشمش و براز
 قولتى انجيتمش اولديغندن ادرنه يه تخت روان ايله كلديكى تاريخلرده
 كوزيلوز فريدونده كى مکتوبلردن اينسه حادئه نك اعظام اولندينى
 وبوكاده پادشانك جاني صقيلدينى آ كلاشيلوز . پادشاهجه تكون

او چنچي محاربه ينه پاترفينك برطاقم كوييليري سلاحلنديره رق
 بركيجه باصقيننده عثمانليره قارشي حاصل ايتديكي غلبه دركه صحتنه
 اينانق برنجي غلبه نك ثبوتنه معلقدر . ذاتاً هامرده بوايكي
 محاربه يي همان هيچ اولماش قدر اهميتسزاوله رق بيان ايدييور .
 هامر بوافسانه لرك صوك تكرلمه سي اولق اوزره « عاقبت
 ايمراطورده نيش ايله نيكبولي آره سنده تركلره قارشي برغلبه
 كليه استحصال ايلدي » دييور وبوكاده ۴ تشرين ثاني سنه ۱۴۱۹
 تاريخي وضع ايدييور كه درنجي محاربه ده بودر . اولا بو محاربه
 بالفرض واقع اولمش اولسه بيله ۸۱۹ سنه هجريه سنه مصادف
 اولان ۱۴۱۶ سنه ميلاديه سنده باشلامش وينه اوسفر ظرفنده
 سيغيزموندك طلي اوزرينه عقد اولنان صالح ايله ختام بولمش
 برسفره تعلق اوله ماز . ثانيا ۸۲۲ سنه هجريه سنه تصادف ايدن
 ۱۴۱۹ سنه ميلاديه سنده روم ايلي طرفلري هر درلو غوائلدن
 امين اولديغي جهته پادشاه اناطولي حدودنده ظهور ايدن
 غوائل دفع اچون آماسيه كيمش ايدى . نته كيم آشاغنده
 ويريله جك تفصيلاتدن بالاطراف معلوم اولور . ثالثاً وخصوصاً
 ۱۴۱۹ سنه ميلاديه سي نيكبولي و نيش آره سنده عثمانليره غلبه
 ايتديكندن بحث اولنان سيغيزموند اوسنه يي برادرينك و فائيه
 كنديسنه انتقال ايمش اولان بو همياده كچيرمش ايدى . بر آدمك
 بر زمانده ايكي مكانده بولنه مائه جني ايسه اك مشهور اولان
 بديهيات اوليه دنذر .

هامر بوسفر اثناسنده بزم تاریخدرده کورلمش درت
 محاربه نقل ایدر؛ بری ایکی بیک عثمانی ایله اون ایکی بیک
 خرسیتیان بیننده دراد کرسبورغ پیشگاهنده وقوع بولمش
 و بونده عثمانلیردن احمد بک ایله معیتنده کی امرادن یدی ذات
 و خرسیتیانلردن اوچ بک تلف اولمش ایتمش. هامر مأخذی
 اولان ژولویوس سزار نام مؤرخ بومحاربهده تلف اولان احمدک
 صدر اعظم وامرادن احراز شهادت ایدن ذواتکده اون اوچ
 وزیر اولدیغنی بیان ایدر. وقعه نکه نه درجه شایان اعتماد اولدیغنه
 بوصورت حکایه دلیل کافیدر.

ایکنجیسی بوسنده بولنان عسکرله ایفاق نامنده بر بکک طمشوار
 طرفلرینه استیلا ایتمسی اوزرینه انک ایله مجارستان بکلرندن
نیقولاس پاترفی بیننده جریان ایتمش بر محاربه درکه بونده پاترفی
 ایفاق بکی بالذات تلف ایتدکن صکره اردوی بوزمش اولیور.
 هامر ایفاق لفظنک اسمی اسلامیه دن اولدیغنی اعتراف ایله
 بونک اسحاق بک اولمق لازم کله جکنی صورت تأویلده بیان
 ایتمش ایسه ده سلطان محمد امراسندن اسحاق بک نامنده هیچ
 کیمسه بولمدیغنی و بوسنه دولت علیه تابعیتنده بولمدیغندن بر عثمانی
 قوه عسکریه سنک اوراسنی اس الحركات اتخاذا ایدوبده طمشواره
 قدر آقین ایتمسی قابل اوله میه جغنی نظر دقتدن اسقاط ایلشدر.
 بومطالع لره کوره پاترفی وقعه سی افسانه اولدیغنه بنفسها بینه
 عد اولنه بیلیر.

استمداد ایتیموبده مجار قرالندن معاونت طلب ایتسندده وهله ایکی طرفی ده عاصی علیهنه تحریک ایتمه مسندده هیج بر معنا کوریه مز . چلبی سلطان محمد افلاقه بو صورتله حرب آچه رق بالذات طونه کنارینه قدر کیتدی ، یکی صاله وایساجقی قلعه لرینی تعمیر ایتدیردکن ویر کوکی یه مجدداً برقلعه انشا ایتدکن صکره افلاقه برفرقه آقینجی سوق ایلدی .

کیمک ریاستیله کیتدیکی هیج بر تاریخده کوریه مین بو آقینجیلرله دشمن بیننده بر محاربه وقوع بولمش وسیغیزموند طرفندن میرجه یه امداد ایچون کوندریلن مجارلرک سرداری اتین لوزونه بوغوغاده تلف اولمش اولدیغنی هامر بیان ایدر . میرجه آقینجیلردن یدیکی ضربه اوزرینه موسی چلبینک میر علمی ایکن شهزاده نك ارتخالندن صکره افلاقه التجا ایتمش اولان غرب بکی اوچ سنه ک خراجیله حضور هایونه ارسال ایدرک هر سنه جزیه سنی تقدیم ایتک شرطیله استیانی قبول ایتدیرمش ایدی . پادشاهک بو سفرنده جنید اوغلمنی نیکبولی محافظلغنه تعیین ایلمش اولدیغنی روم تاریخاری روایت ایدر .

سلطان محمد میرجه نك استیاندن صکره برفرقه دها سوق ایدرک مجارلرک النده بولنان سورین قلعه سنی تسخیر ایتدیردیکی کبی آقینجیلرده بوسنه و صربستان و مجارستانی تخریب ایلدکلرندن سیغیزموند اودرجه اقتدار یله برابر بو صولته مقابله دن عاجز قاله رق . اوچ سفیر ارسال یله طلب صلح ایتمش و پادشاه بو صورتله اعاده آسایشه موافقت ایلشدر .



وقتا که ۸۱۹ سنه سی داخل اولدی، افلاق و مجارستان
سفر لری ظهور ایتمک باشلادی .

نیکبولیده یلدرمک صدمه سندن قره کوزه قدر آتیلان
و اون سکرز آی شوراده بوراده طولاشدقدن صکره پای تخته
قدر کله بیلن سیغیزموند مدت مدیده خصامی النده محبوس
قالدقدن صکره ینه حجار قرالغنه و ۱۴۱۰ سنه میلادیه سنده
ایسه آلمانیا ایمپراطورلغنه نائل اولدی . وقایعندن بحث ایتمک
ایسته دیکمز ۸۱۹ سنه هجریه سنه یعنی ۱۴۱۶ سنه میلادیه سنه قدر
ایمپراطورلغنه چیقان رقبایی دفع ایتدی . اوروباده اوچ پایا پیدا
اولمش ایکن تدابیر صائبه سیله ریاست روحانیه بی ده تعدددن
قورتاردی ، خرستیان حکمدارلرینک همان کافه سیله اتفاقلر عقد
ایلدی . آلمانلر عننده نورعالم عنوائی قزانه جق قدر مقبولیت
حاصل ایلدیکی حالده افلاق بکی میرجه بی دان نامنده کی رقبینه قارشی
حمایه قالقشدی . هامرک روایتنه کوره افلاق سفرینک سبب
ظهوری بوندن عبارتدر . فقط بو حرکت میرجه نیک شیخ بدرالدین
وقعه سنده اختیار ایتدیکي خیانته مجازات ایچون اختیار اولندیغنه
بلا تردد حکم ایدیله بیلیر چونکه میرجه ذاتاً حکومتده و پادشاهک
اطاعتنده ایکن اقرباسندن برعاصی ظهور ایدنجه پادشاهدن

صورتندہ کو سترہ جک بر قوت بولندیرہ جنی ایچون بویله بر طرز
ادارہ دن آز زمان ایچندہ جنکیزلرہ، حجاجلرہ رحمت او قودہ جق
بر تغلب ظالمانہ ظهور ایتمک مقرر ایدی .

ایشته تدقیقات تاریخیہ جہ شیخک اختیار ایندیکی خطای
فاخش علماً مسلم اولان فضائل فوق العادہ سنی تنقیص ایدہ میہ جکی
کبی او فضائل، خطاسنک ماہیتنی تغیر ایله کنندیسنی معذور ویا
حقلی کو سترمکہ مدار اولہ ماز .

فکراً بومسئلہ ده اک صکره ویریلہ جک حکم ایسه، طبیعت
بشرك بدرالدين کالندہ بر ذاتی بیله اک نیوک خطالره سوق
ایده بیله جک قدر نقایص ایله آلودہ اولماسنه حیرتدر .



معلوم اولدینی اوزره حکومتی متعلق اولان قواعد شرعیه و حکمییه هانکی مذهبدن ، هانکی مسلکدن باقلسه حکومت ایچون تمین اولنمش برچوق جهات استحقاق کورینور؛ فقط بوجهات استحقاق کافه سی حکومتک منحل بولنمی اعتباریه در . یوقسه بر حکومتک رئیس موجود ایکن ادعای رجحان ایله اکتساب حکومتی قالمشق الواضح ، اکصریح معناسیله عصیاندرکه از تکاب ایدن نه قدرته ، نه مزیتده بولنورسه بولنسون ، واجب الازاله عد اولنمقدن قورتیه ماز . اوجهته شیخ بدرالدینک فضائل علمییه سی ، کندیسنه عصیان ایله تسلطن داعیه سنده حق و یرمک ، دنیا ده هیچ بر قاعده یه کوره قبول اولنه بیله جک شیردن دکدر .

واقعا احوال سیاسییه ده استعمال اولنان وسائطک مشروعتنی حصول مقصد تعیین ایدیور ؛ فقط بدرالدین مقصدینه نائل اولمش اولسه ایدی ، ینه حرکتی صورت مشروعه یه کیره مزدی . چونکه استناد ایتدیکی قاعده ، نفسنده هر استحقاق کورنه تسلطن ایچون حق و یره جکندن حکومتی بر نقطه استناد قالمزدی . هله فوائد سیاسییه جه بیك قات شایان نفرین اولوردی . زیرا توحید ادیان و مساهلات مفرطه مسلکی ظهور و ترقییه باشلامش اولان هیئات اسلامییه بتون بتون محو ایده جکنده شبهه یوق ایدی . بوندن بشقه او یولده الهاماته مستند اوله رق تأسس ایده جک بر حکومتی سریر سلطنت اوزرنده هر کیفیتی امر الهی

کاملنه ، ادراك عال العالنه یاقیشمایه جق صورتده قبا صبا شیر
اولدیغندن مذهب جدیدده تعصب بدن بشقه برمزیتلری اولیان
نقباسنک ادراکات عامیانه لری محصولاتندن اولدیغنه حکم ایدنک
لازم کلیر . شیخ آثار متصوفانه سندهده اولیه توحید ادیان
واشترک اموال کبی شیر کورلمز .

بدرالدین وقه سنجه سبب اصلی عد اولنان جلوه قدسیه ذاتاً
راویلرنجه بیان اولنان پرده اسرار آلتندن قورتیلور ونظر
استدلال اوکنه کلیر مسائلدن دکلدرکه تاریخچه تحقیقنه محل بولسون .
یا لکز شو قدر دینیله بیلیرکه شیخ ایچون مقصد مرتبه شهادت
اولنجه اوزمان هیچ اردی ارهسی کسلمین غزاوت دینیله ،
کندیسنی او مرتبه یه وصول ایچون ، فتوای شرعی ایله آصیله جق
قدر اهراق دمایه سبب اولمق مجبوریتنده بر اقامزدی .

شیخک جان قورقوسیه عصیان ایتمش اولمسی بخشی ایسه
لسانه آله میه جق قدر ضعیف برتأویلدر . شیخک حرکتی از نبق
فرارندن عبارت قالسه ایدی ، بویله برتأویله محل اوله بیلردی .
یوقسه شیخ ایچون ممالک اسلامیه نک هانکی جهتنه کیتسه همبزم
سلاطین اولمق و بادشاهلردن زیاده رعایت کورمک اوزمانک
حکمنجه محقق بولندیغنی حالده دلی اورمانه کیدوبده فتنه تحریک
ایتمک نصل ، تخایص جان آرزوسنه حمل اولنه بیلیر؟ ذاتاً او قدر
علو ذکایه مالک اولان برداهیه جان قورقوسنه تنزلی ایدر؟

شیخک حرکتی عادتاً ادعای خلافت ایدی که اصل مسئله ،

بونده حتی اولوب اولدیغنک تحقیقنده در :

مسلمانان آرسنده بر قاج یوز اقرانی اولیان خوارق عادات معرفت واجل دهاته علم وحکستن بر ذات اولدینی کبی طریق تصوفده زمانک قطب اعظمی اولدیغندن بر چوق اصحاب علم وقلم شیخک معصومیت وبلکه مظلومیت جهتی انترام ایدرک بورکلوجهک، طورلاغک مترج عقاید واشترک اموال یوللو اعلان ایتدکلی عقاید فاسدهبی، اقوال عارفانه سنی سوء تفهمدن نشأت ایتمش شیلر اولدینی بیان ایدرلر .

کندیگک عصیانی بحثنده ایسه بعضیاری اقصابی مراتب کمال اولان دولت شهادته وصولی ایچون بر جلوئه قدسیه ایدی دیرلر . کیمی بوحرکتی بورکلوجهک عصیانی کندنن بیلنه جکی جهته افناسنه عنزم ایدلمک مقرر اولدینی بیلدیکیچون حفظ حیات ضرورتیه اختیار ایلدیکنی بیان ایدر . بر طاقمی ده او قدرتمده او مظهریتده ادعای خلافت ایتسنه بیاعی حق ویررلر .

میردلی طرفندن نشر اولنان عقاید ایسه یالکز شرعه مغایرت درجه سنده کندیسنه اسناد اولنه بیلیر . چونکه آثار متصوفانه سنده اختیار ایتدیکی مسلاک ، ظواهر نصوصه وقواعد کلامیهیه او قدر مغایردرکه یالکز علماده دکل ، متصوفده بیله اکفاری جهته کیدنلر واردر . حتی کندیسنی شیخ اکبر منزله سینه اصعاد ایتک ایسته یین طرفدارلری فک پرده اسرارده هیچ برحاله کوره تجویز اولنه میه جق درجه لره واردینی بیان ایدرلر . شو قدر وارکه بحث اولنان عقیده لر شیخک عرفان

فرقه لرینک ده محو اولدیغنی کوستردیکندن شیخک اعوانده اولکی اطمینان قلمادی ، عثمانلی اردوسیله بر میدان محاربه سنه کیریشدیلسه ده آرزمان ایچنده مغلوب و پریشان اولدیلر .

شیخ بدرالدین بعض اعوانیله دلی اورمانه فرار ایتمش واوراده مدافعه یه قیام ایتک تصورنده بولمش ایدی . حال بوکه تاج التواریخک روایتنه کوره وقتیه بایزید پاشا طرفندن بعض امرا سوق اولنهرق شیخک خواص مریدانی صرهنه ادخال اولمشنر ایدی . بونلر اغتنام فرصته بدرالدینی اخذ واسیر ایده رک اردویه کتیردیلر . اورادن ده سیروزده معسکرهایونه کوندرلدی . فضلالی دهردن وسعدالدین تفتازانی تلامذه سنندن مولانا حیدرهدی براوزون مباحثه ایله شیخی ملزم ایدرک جرمنه اعتراف ایتدیر - دکن صکره شق عصا و تفریق جمعیت اراده سننده بولنانلرک قتلی حقنده موجود اولان امرا ایله اباحه دمنه افتا ایلدی .

بعض کتابلرک روایتنه کوره شیخ پای داره قدر کمال متانتله کیتمش وچهره سننده حاصل تغیردن طولایی تعریض ایتک ایسته یلره « کونش ده غزوب ایدرکن اصررار ایدر » یوللو مقابله ایلمش ایدی . دارک یانه کلنجه الدیغنی رخصت اوزرینه ایکی رکعت نماز قیلدی ، وسلام ویرنجه انسالخ ایتمش بولندی ؛ کندیسنی او حال ایله صلب ایلدیلر .

بدرالدین هر عصرده برقاچ یوز ملیون نفوسه مالک اولان

سببي ايسه عثمانلی خوفی دکل ، دولت علیه ملکنده ادامه فتنه آرزوسی اولدینی شهه سزدر . چونکه اسفندیار بکک عثمانیلردن احترازی صحیح اولسه ایدی مریدلری فرقه فرقه عصیان عالملرنده طولاشان برذاتی تاتارملکنه دکل ، عثمانلی ملکنه سوق ایلکدن احتراز ایلسی اقتضاً ایدردی .

شیخ ، اسفندیار بکک یانندن افلاقه کچهرک افلاق بکی میرجه ایله موسی چلبی زمانندن بری الفتی اولدیغندن حسن قبول کوردی و میرجه نك مساعده و معاونتیه طوبریجه به کچهرک دلی اورمانی اس الحركات اتخاذا ایله مرید و طرفدار پیدا ایتک ایچون اطرافه آدملر کوندردی . شهرت فضائل و کراماتک برخیلی مفتونلری اولدینی کبی موسی چلبی زماننده کی قاضی عسکر لکنک همتیه بعض آمال و مناصبه نائل اولمش برچوق عنایت دیده لری ده وار ایدی . او معاد آشفته لرندن ، او دولت دوشکونلرندن یاننده برخیلی اصحاب اقتدار اجتماع ایلدی .

بو حال ایله جمعیتی کیتدی کچه چوغالمقده و عسکری بریلره طوغری ایلر یلکده اولدینی آ کلاشینجه پادشاه بالذات سیروزه طوغری کیدرک جاشنکیر باشی علوان بکی بر فرقه عسکرله شیخک استقبالنه کوندردی و متعاقباً بورکلوجه مصطفی و هو دین کمال غائهلرینی کاملاً ازاله یه موفق اولان شهزاده مراد ایله بازید پاشاده بوغاز ایچندن روم ایلی یه کچهرک علوان بک فرقه سنک تأییدینه موفق اولدیلر شهزاده اردوسنک و صولی قوه عثمانیه نی برقاچ قات تزید ایلدی کی بورکلوجه مصطفی ایله هو دین کمال

بو اشكنجه ايلك دفعه اوله رق اختيار ايدلمش برشى اولسه يدى ، شهزاده اردوسنك مبرهرا مورى اولان بايزيد پاشا مظهر نفرين اولمقدن قورتيله ماز و حلمى غضبته ، لطفى قهرينه ، عفوئى تأديينه بيك قات غالب اولان سلطان محمدك سرنامه شانى ده لكه كشمش اولوردى . فقط عثمانليد ايجنده جزاده حد معروفك خارجنه چيقيمق سيئه سنى ، هر كسدن اول دو كنجى كوينى اها ليسيله برابر احراق ايدن موسى چلبى ارتكاب ايتمش اولمسنه نظراً بادشاهك ده ، بايزيد پاشانك ده بوزكلوجه حقنده كوستردكلرى شدت يكي باشلامش بر عادت ظالمانيه اتباعدن عدم توقى كوچكلكندن عبارت قالير .

هودين كالده اوچ بيك قدر مر يديله مغنيسا طرفلرنده سلاح عصيانه صارلمشدى . بوزكلوجه ايشى ختام بولدقن صكره بايزيد پاشا هودينك اوزرينه يوريه رك فرقه سنى بوزمش كنديسيله خواصنى اسير ايدرك جمله سنى مغنيساده صلب ايلمشدر . شيخ بدرالدين ايسه بوزكلوجه نك ظهورى صره سنده ازنيقندن فرار ايدرك اسفنديار بكك ياننه كيتمش ايدى . شقايق نعمانيه ده كى « شيخ حضرتلرى بركونه فرصتله حبسدن فرار ايدوب امير اسفندياره واروب حسب حالنى بيان ايلدكدن صكره تاتار ولايته كيتمك ايترم ديو مشاوره كنان استيدان ايلدى . مير مسفور سلاطين عثمانيه نك خوفندن اكا اجازت ويرميوب زغره ولايته كيتمكه سوق ايلدى . » بوروايت صحيح ايسه شيتخك قاننه اسفنديار اوغلى كيرمش اوليور . بيان ايتديكى رايك

عقل حکیمی ، یمین اقتداری حکمنده اولان بایزید پاشایده
بانسه ترفیق ایلدی .

شهرزاده قوه قاهره سیله بوغازلی آچهرق قره برون طاغنگ
پیشکاهنه گلش وغایت خونریزانه بر محاربه ایله عصاة فرقه سنی
مضمحل و پریشان ایلدکن صکره بورکلوجه مصطفی ایله
خواصندن بر خیل سنی اسیر ایلمش ایدی .

روم تاریخلرینک روایتنه کوره بورکلوجه بی طریقت و حقیقت
نامنه میدانه قویدنی مذهب باطلدن رجوع ایتدیرمکه سعی
ایتدیلر . مفید اولمادی . نهایت آلاشهرده بر دوه اوزرنده
چارمیخه کره رک بر چوق اذیتلرله تشریدن صکره اتلاف
ایدلی ، مریدلرندن توبه دن استنکاف ایدنلرک جمله سی کوزینک
اوکنده اعدام اولمشلردر . صوفیلرک اعتقادلرنده تعصب
و ثباتلری بر درجه یه وارمش ایدی که هر بری « ایش یادده
سلطان » نعره سیله کنینجی جلاد قلیچنک اوزرینه آتاردی .

دنیاده اشکنجه یه کوستریلن لزوم ، اخافه امثالدن عبارت
اوله رق وسیله تهدید عد اولنان بومعامله سباغانه نک ایسه
قلوبه قسوت ویرمکن و بناء علیه جنایات عظیمه یه جسارتی
تزیید ایتمکن بشقه بر تأثیری اولمادنی ده اوزمانلر ثابت
اولممش و حتی خاطره کله مش اولسنه نظراً بورکلوجه حقنده کی
معامله بی یابانلرک غدارلغندن زیاده ، زمانک فکر و عادتته حمل ایتک
لازم کلیر ؛ سائر قوملرک سیئاتنه برنجی دفعه اوله رق تقلید ایدنلر
فعالرینک مسؤلیتندن حکم زمانه اتباع معذریته قورتیاه مایه جفندن

عاصیلر بووظفر اوزرینه هم تزیایدیتدیلر ، هم تزییدجسارت ایلدیلر . احکام شرعییه مخالف برطاقم بدعتلر میدانه قویقدن بشقه خرسیتیانلری اسلامه ترجیح ایتمکک باشلادیلر . سلطان محمد ، علی بك نامنده برذاتی صاروخان و آیدین سنجاقلرینه نصب ایدرک ایکی سنجاغک عسکریله بورکلوجهی ازالهیه مأمور ایتمشدی . عصاتک طریقت نوظهورلرینه ارتباط و اعتقادلری کرمی تام حالنده اوله رق علی بکک عسکری ده شجاعت فطریه و ملکات حربیه لری تعصب کبی تحریضاتدن مؤثر اولان عثمانلی قهرمانلرندن دکل ایدی ؛ اوجهته بو ایکنجی سردارده بوزلدی ، علی بك دشمنک قارشیسندن قورتیلهرق پک آز عسکرله مغنیسیایه کله بیلدی .

اوصرده پادشاهک اکبر اولادی سلطان مراد ثانی اون درت یاشنه کیرمش ایدی . بو یاش سلطان محمد ایچون عمرک اک مهم اک پارلاق بر دوری ایدی . زیرا کندیسی اجل مفاخر اولان انقره طلیعه سردارلغنی او یاشده ایکن اجرا ایتمش ایدی . شاهانه بر صنعت و فن اولان قواعد سلطنتک تطبیقاتنه او یاشده ایکن باشلامش ایدی . وطنی ، ملتنی تیمور فتنه سی کبی بر داهیة جانکدازدن او یاشده ایکن قورتارمغه عزم ایلمش ایدی . خلف نجیبینی ده ریاست مقامنه ، شان میداننه او یاشده ایکن چیقارمق ایستدی . شهزاده نی او وقتک اعظم مصائبی اولان بورکلوجه حادثه سنی دفع ایتمکک تعیین ایدی ،

اولدیغنه دائر بر فقره کوریلورکه بورکلوجه مصطفی ایله بوراھب
 آره سنده جریان ایدن معامله دن غلط اولمق لازم کلیر .
 شیخ بدرالدینک بر خلیفه سی ده هودین کال ویا خود
طورلاق کال نامنده بر یہودی ایدی که روم تاریخسارینک
 روایتنه کوزہ شیخ بدرالدینک یدنده اهدا ایتمش ایدی .
 بو آدمده ینہ روم تاریخسارینک قولنجه اصحاب طریق اره سنده
 مرعی اولان اخوت و تعاونی اشتراک اموال درجه سنہ
 چیقار مشدر .

بونلردن اول باول بورکلوجه مصطفی صاروخان طرفارنده
 عصیان ایلدی . خواجه سمدالدینک ادریسدن روایتنه کوره
 بورکلوجه مصطفی نک باشنده کی حشرات اون بیکی متجاوز
 ایدی . نثری ایسه آنک و هودین کالک عموم عسکری بش بیک
 کشیدن نقصان اولدیغنی بیان ایدر . صحائف الاخبار ایسه
 بورکلوجه نک طاقنی اون بش بیک کشی یه قدر ایصال ایلر که
 محاربه نک کسب ایتدیکی شدته کوره بو روایت جمله سنندن
 صحیح کورینور . هامرک روایتنه کوره بلغارستان قرالی اولان
 و مراد اول عصرنده ملکی الندن آلتان سرمانک اوغلی اوزمان
 مسلمان اولمش و بورکلوجه نک ظہوری صره سنده ایسه صاروخان
 و ایسی بولنمش ایدی . طرف پادشاهیدن عصاتک دفع شرینه
 مأمور اولدی و یاننده کی عسکرله قره برون جوارنده بر
 بوغازدن کچمکده ایکن اورالری محافظه ایدن التی بیک عصاة
 طرفندن احاطه ایدیلهرک کندیبی ده عسکری ده محو ایلدی .

اوزمان خلقندن اولان دوقاسک روایتنه نظر بورکلوچه مصطفی ذاتاً قره برون اهالیسندن واسافلدن بر آدم ایدی. بدرالدین نامنه اشاعه ایلدیکی طریقهده ینه کندی کبی اسافل ایچنده وصاروخان جهلترنده برطاقم طرفدارلر پیدا ایلدی. روم تاریخلرندن آ کلاشلدیغنه کوره بورکلوچه عظمای متصوفه نك اعتیاد ایلدکلری مساهلات عارفانه بی حد معروفک خارجه چیقارهرق ادیان سائره اصحابی ده مریدلکه قبول ایدر وخرستیانلرک خقه عبادت ایتملرینی انکار ایدنلر دیندن خارج قالدجتملرینی سویلر ایدی. حتی ساقزده کندینه مرید پیدا ایتک ایچون ایکی نقیب کوندرر. آنلرده باشلری آچیق آیاقلرنده برکه صاریلی اولدینی حالده طورلو تاس مناسترنده منزوی اولان برراهبه کلیرلر. ایچلرندن بری « بنده سنک کبی منزوی یم بنده سنک عبادت ایتدیکنک خالقه عبادت ایتکده یم کیجه وقتی آیاغمی ایصلاقمسزین دکزدن یوریه رک سنی کورمه کلدیم » دیر راهب منزوی ده کندیسنه اعتقاد ایدر .

دوقاس مصطفانک بو راهب ایله کورشدیکنی نقل ایدر . آنک روایتنجه راهب منزوی ، مصطفانک اعدامندن صکره ده کیجه لری آیاغنی ایصلاقمسزین دکزدن کچرک کندیسیه کورشمکه کلدیکنی ادعا ایلر ایمش .

شقایقده، ساقز حاکمی اسلامیت ارزوسنه دوشهرک شیخ بدرالدینی زدیینه جلب ایتمش و آنک برکت تلقینیه اهتدا ایلمش

بذل اقدام ايدرك حد ذاتنده ايسه فوق العاده يارادلمش دهاتدن اولمق جهتيه كالات علميه ده سيدلر ، سعدالدينلر درجه سنه واصل اولمش و بلسكه آنلره بيله تفوق ايش ايدى . حتى رفقاي تحصيلندن اولان سيد شريف دائما نامى حرمت و تفخيم ايله ياد ايدردى . فضائل باهره سى . زمانك علماسى نژندنه او درجه مسلم ايدى كه ممالك اسلاميه ده همان نه قدر فضلا وار ايسه ميانه جلب ايتمش اولان تيمورك حضورنده بر مسئله علميه بين العلما موجب اختلاف اولور ، مباحثه ايله بر درلو حل اولنه من ؛ نهايت امام جزرينك اخطاريله شيخ بدرالدين دعوت اولنور ، ويرديكي حكيمى علمانك كافه سنه تصديق ايتديرر . كالات كليسه سنه اشهر آتارى اولان جامع الفصولين دليل كافيدر .

شيخ بدرالدين ممالك عثمانيه يه عودت ايلديكي صره ده موسى چلبى طرفندن قاضى عسكر تعيين اولمش ايدى . موسى چلبى به نهايت درجه يه قدر صادق قالانلردن ايدى . مع مافيه فضائل باهره سنه حرمة سلطان محمدك عفوينه مظهر اولمش و آيده بيك آخه معاش ايله از نيقده اقامته مأمور ايدلمش ايدى .

شيخ بدرالدين اصحاب طريقت اره سنده فوق العاده بر اشتهاره مالك اولديغندن معارف ظاهره جه برخيلى تلاميذى اولدينى كچى طريقتجه دخى بر چوق مريدانى وار ايدى . بومريدانك برى و كندينك اك بيوك خليفه سى قاضى عسكر لكنده كتخداسى اولان بوركلوجه مصطفى ايدى . بدرالدين نامنه ترتيب اولنان فتنه ده ده ينه او ك آيق او بولندى .

تاريخنندن آ كلاشيليور، فقط او حادئته تك سكر يوز يكرمي اوج سنه سنه طوغري ظهور ايلديكي ينه او تاريخلرك روش افاده سيلاه ثابتدر. بو حادئته ايسه ونديك آميرالنك بحث ايتديكي مصطفى شيخ بدرالدين فتنه سنك طليعه سي اولان بوركلوجه [۱] مصطفى اولمق لازم كليور. ثالثاً ينه بدرالدينك معاصرلرندن بولنان دو قاس ده بو حادئته قرمان وقعه سني متعاقب ظهور ايلديكني تصريح ايليور. بويلاه هر برى بشقه ملتدن اولان ويكديكريني كورمليرينه سيلاه احتمال اولميان اوج راوينك اتفاقي ايسه وقعه نك ۸۱۹ تاريخنده ظهور ايتديكنه دلائل قاطعه دندر.

شقايق نعمانيه نك افاده سنه كوره شيخ محمود بدرالدين اجدادي سلچوقيه وزراسندن اوله رق پدری ده سلطان علاءالدين سلچوقينك قرداشي اوغلي ایدی. قونيه سلچوقيه سي شهزاده لريني وزارتده استخدام ايتدكلرندن شقايقده كي قارداش اوغلي تعبيري همشيره زاده معناسنه قوللايش كي كورينور.

بوزات، كه نامي اسرئيل ایدی، سلطان اورخان زماننده شمدي ساو دينلان ساونيه يني فتح ايدرك اورايه هم حاكم وهمده قاضي اولمش ایدی بدرالدين ايسه عربستان طرفلرنده تحصيل معارفه

[۱] بوايم دو قاسك صورت ضبطندن هر درلو شهباتي دافع اوله جق صورتده آ كلاشه لايغنه كوره باي موحدنه نك ضعی ورائك سكونيله تاج وكلاه معناسنه اولان بورك لفظندنر. هامر تاج وكلاه معناسنه اولان بورك لفظني بيلمديكندئيدر نه در، بولفظي رانك فتحيلاه ضبط ايدركه اولفظ اوزرينه بوركلوجه كله سندن برعنوان چيقارمق قابل اوله ميه جني ميدانده در.



۸۱۹ وقایع مهمه سندن بری ده شیخ بدرالدین حادته سیدر ،
خواجه سعیدالدین ایله تابعلری بو حادته بی سلطان محمد دورینک
خاتمه وقوعاتی اولمق اوزره ایراد ایدر لر . کاتب چلبی ده تقویم التوا -
ریخنده وقعه نك ۸۲۳ تاریخنده وقوع بولدیغنی بیسان ایدر .
حال بوکه بوضبطك یا ککش اولدیغنی دلائل متعدده ایله ثابتدر .
برنجیسی بدرالدینک شقایق نعمانیه ده اولان ترجمه حالنده ابن عرب -
شاه ، شیخک سکز یوز یکرمی سنه سنده صلب اولدیغنی عقود -
النصیحه نام رساله سنده تعیین ایلدیکی مصر حدر . ابن عرب شاه
ایسه بدرالدینک کندیسیله همجنس اولان معاصر لرندن بولمسنه
نظر آسکره دن تاریخ ضبط ایدنلرک روایاتنده انک شهادتته تعارض
ایده بیله جک قدر حکم وقوت اوله ماز . ایکنجیسی وندیك
آمرالی لورادانونک کلیبولی محاربه بحر یه سنه دائر اولان تحریرات
رسمیه سنده دولت علیه دو نمانسک سرداری وندیکلیرله محاربه یه
کلدیکنی ومأموریتی مصطفانک عسکرینه یول ویرمه مکدن عبارت
اولدیغنی افاده ایلدیکندن بحث ایلشدر . یوتحریرات ایسه بیك
درت یوز آلتی سنه میلادیه سنده یازلمشدرکه تاریخی سکز یوز
اون طقوز سنه هجر یه سنه تصادف ایدر . واقعا چلبی سلطان محمد
دورنده دوزمه جه مصطفی فتنه سنک ده باش کوستردیکی روم

جهتی مرمره و جزایر بحر سفید طرفارنده عثمانلی سفینه لری
 قورصانلق ایدر لرسه حقلارنده دشمن سفینه سی معامله سی ایتک
 ایچون پادشاهک و ندیک جمهوریتنه و یردیکی صلاحیت عهدیه در.
 واقعا کندیسی بوقاعده نك قبولندن بر نیوک فائده کورمدی ،
 فقط دکز لر او زمانه قدر هر در لو ضابطه دن بری بر حکم غالبانه
 جولانکاهی عد اولنوب طور رکن حقوق بین الامک معاملات
 بحریه جه برنجی قاعده سنی کندیسی وضع ایتش و بو جهته عالم
 انسانیتک اولیای نعمی اولان اعظم صر هسنده بر مرتبه عالیه
 احراز ایتشد در . اوروبا علمای حقوقی ده بو حقیقتی تسلیم
 ایتشدر در .



رابعاً عثمانی دو نمانسندہ فرانسرلردن ، اسپانیوللردن ، سرجلیالیلردن ، کریدلیلردن اختیاریلہ خدمتہ کلش عسکر بولمنسی اویلہ دنیانک ایکی قطعہ سنی بربرینہ چارپہجق درجہده خصوصت دینیه ایلہ متصف اولان برعصرده عثمانیلرک سباحت اسلامیہ ومہارت سیاسیہنی نہ درجہلرہ قدر کوتورمش اولدقلرینی اثبات ایدر .

خامساً سلطان محمدک بومغلویت بحر یہ اوزرینہ وندیکیلرلہ تجدید صلح ایتمسی جای نظر کورینور؛ فقط آندن زیادہ جای نظر اولان جهت وندیکیلرک او غلبہدن صکرہ صلحہ طالب اولمسیدر . حقیقت حالہ ایسہ ایکی طرفدہ مصالحہ یہ مجبور ایدی . چونکہ سلطان محمد دفعۃً وندیکنک قوۃ بحر یہ سنہ مقابل کلہجک بردونما یابدرمغہ مقتدر اولدیغندن حربدہ دوام ایدرسہ ملککنک سواحلی خراب اولور ، تجارتنہ خلل کلیردی . وندیکیلر ایسہ عثمانیلرک بوسنہ یولیلہ کندی ملکرینہ تعرض ایتملرندن قورقارلر ایدی . بوجہتلہ ایکی طرفدہ دشمننہ پک چوق خسار ویرہ بیلیردی ، فقط برطرفک ملکی دیگر طرفک حدود طبیعیہ سندن خارج اولق جہتیلہ غالب مغلوبدن ایشنہ یارایہجق صورتدہ بر آلہمیہ جغندن ایکی طرفکدہ محاربہدن استفادہ سی پک آز اولوردی . بویلہ مغلوبیتندہ حدودی غایت زیادہ ، غالبیتندہ منفعتی غایت آز اولان بر محاربہنی اختیار ایتمک حکمتلہ متصف بر حکومتک شانندن دکلدر .

سادساً بومحاربہنک اک زیادہ بحث وتذکیرہ شایان اولان

معقوله اسناد اولنه‌ماز . برکره باشلامش بولندقدن صکره بر آتم
 طوپ آتشیله حربدن ال چکمارینه‌ده بر معنی ویریه‌مز ،
 قورقمش ایدیلیر ، دینیه‌جک ایسه او حالده دخی برقاچ کون
 صکره وندیکیلیرک تعقیب ایتدیکی برجنویز کمیسنی کندیلیرنک
 ظن ایتمکه ایضاحات ایستمکی خاطره بیله کتورمکسزین بقته
 محاربه‌یه قالقشمش وطوغریجه آمیرال کمیسنک اوزرینه هجوم
 ایتش اوللری افعال سابقه‌لریله متناقض اولور . بشقه‌سنه اسناد
 ایده‌جکی افعالک‌ده کندی اختیار ایلیه‌جکی افعال کبی معقول
 اولسنی ایستمکده انسان ایچون بر ضرورت اولدیغندن اسنادات ،
 اکثریت اوزره بویله مناسبتسز افعالدن عبارت قالیر . حتی
 بویله بر محاربه‌یه سبب اولمق کبی افعال مهمه‌نک مناسبتسز اولسنی ،
 اسناداتدن اولدیغنه اک قوی دلیل عد اولنور . بوحاله نظراً
 وندیك آمیرالنک‌ده بیومکه ، بر درجه‌یه قدر اهمیت بولمغه
 باشلامش اولان عثمانلی دونماسنی ده‌ها مبادی ظهورنده ایکن
 محو ایدوب‌ده دولتتک آق دکز اوزرنده اجرا ایتمکه اولدیغنی
 حکومت منفرده‌بی ادامه ایلک ایچون بوبهانه‌لری اختراع ایتش
 اولدیغنه حکم ایتک تاریخچه امور طبیعه‌دندر .

ثالثاً وندیك آمیرالنک دونمادن آلدیغنی اسلام وخرستیان
 اسراسنی اعدام ایتمکه کوستردیکی شدت ، حرب اسراسنک
 حیات ومماتی طرف غالبک حکمنه‌عائد براقق عثمانلیلره مخصوص
 بر عادت اولدیغنی کوسترمکه کفایت ایدر .

معلومدر . عثمانلیار ایسه او زمان دکزجیلکده او قدر عجمی ایدیلرکه دونمالرینک برچوق افرادی خرسیتیان اولدیفنی هامر بیان ایتمکدهدر . حتی (چالی) ترک و مسلمان اسمی اولماسنه نظرآ چالی بک نامیله بودونمایه سردار اولان ذاتکده بشقه برقومدن اولسنه احتمال ویریه بیلیر . عثمانلیارک محاربات بحریرهجه مرتبه قابلیتنه دلیل ایستیاور ایسه بویه برعجمیاک زماننده دکل ، خیرالدین ، طورغود ، پیاله و قلیچ علی سفرلرنده آراهق لازم کلیر !

ثانیاً هامر عثمانلیار ، وندیک جمهوریه جمهورک تابعیتنده بولنان حکومات مستقانه نی برندن تفریق ایتزلردی ، دیهرک وندیکلیلری حقی کوسترمک ایستر ، عثمانلیار دکل ، دنیاده هیچ برحکومت بولمازکه معاهد اولدیفنی بردولتک برامتیازلی ولایتندن خلاف عهد اوله رق صادر اولان معامله دن او دولتی مسئول طومسون . هر زمانده جاری اولان قاعدهیه کوره ناقسو دو قه سنک حرکاتی وندیکک دولته نقض عهد ایتمش اولسنه حمل اولنق لازم کلیردی ، حتی وندیکلیلرده بوکامعترف ایدیلرکه دونمالریله برابر دولته ایضاحات ویرمک و تجدید عهد ایتک ایچون ایکی سفیر کوندرمشار ایدی . وقعه نك سبب ظهورینه کلنجه عثمانلی سفینه لری وندیکلیلرک ظهوری اوزرینه اغریبوزده حربه کیریشمیوبده کلیبولی به قدر کلش ایکن اوراده وندیک دونماسنی زهرلی او قله قبول ایتمش اولملری بر سبب

معلومات آلمش اولسه لر ویا خود ایشیتمش اولدقلری حالده اهمیتسز کورمهسلر بووقه نك تفصیلندن اجتناب ایتمزلدی .
 وقعه ایسه حد ذاتده حرب اولوق اعتباریله اهمیتسزایدی ، چونکه هامر بزم دونمائی ، افاده سنك برفقره سنده اوتوز و دیگر فقره سنده قرق ایکی سفینه دن مرکب کوستریورسه ده بوکمیلرک درمه چاتمه حکمسنز برشیلر اولدیغنی ، یکر می یدیسی دشمن النّه کچمش ایکن ایچلرندن ایکسنی استئنا ایدوب ده قصورینی یاقمش اولملری پک آچیق برصورتده میدانه قویمقده در . ذاتا محاربه نك اهمیتی اولسه ایدی وندیکیلرک مجروحلری اوچ یوز قرق کشیدن عبارت قالمزدی . فقط وقعه نك حرب اولوق اعتباریله اهمیتسزلکی تدقیقات تاریخیجه اولان اهمیت مخصوصه سنی اضعا فایده منر .
 بناءً علیه شایان دقت اولان جهتلرینی برربر نظر امعان اوکنه آلق ایسترز :

اولا بوکلیبولی محاربه سی دکز غوغا لمزک برنجیسی ایدی ، مغلوبیتله ختام بولدی ؛ مع مافیه بو حال عثمانلیلرک شان عسکر یسنه برتقیصه عد اولنه ماز . چونکه دنیاده دکز محاربه لرینه غالبیتله باشلامش هیج بر قوم یوقدر . اولکی وقتلرده مقتدر بر سرداره مالک اولان برملتک قره ده برچوق مائر عظیمه کوستره بیلمسنه شجاعت فطریه و اخلاق احرارانه سی کفایت ایدردی ؛ فقط تاریخک نه قدر یوقاریسنه کیدلسه ، ملکات راستخه اکتساب ایتمسزین دکزه حکم سورمش برقومه تصادف اولماز .
 ملکات راستخه نك ده اعتیاد و تجربه ایله حاصل اوله جفی

آغر مجروحلر اغر يپوزه کوندرلمشدى . اسيرلرک ايسه برطاقى اغر يپوزه برطاقى ده کريده کوندرلدى . وندىک دونماسى آندن صکره ينه آق دکز بوغازندن کچهرک سليمانک «لابسكى» ده انشايتديرمش اولديغى استحکامى طوپ ايله تخريب ايتديردى . فقط خارجه عسکر چيقارمغه جسارت ايدمهدى . چونکه بايزيد پاشانک برادري حمزه بك اون بيک عسکرله او جوارى محافظه ايتمکده ايدى . نهايت وندىک سقراسى سلطان محمد طرفندن قبول اولندى . دور ودراز مباحثه لردن صکره کرک چالى بکک وکرک لورادونک طوتديغى اسرا طرفينه اعاده اولتمق وايكى دولت بيننده هر درلو حرکات خصمانه ترک ايدلمک اوزره مصالحه يه قرار ويرلدى . بادشاه نيت آسايشجويانه سنى اثبات ايجون مرمره ايله جزاير بحر سفيد طرفلرنده کى دکزلرده قورصانلق ايدن عثمانلى کيمسى بولنور ايسه حقلرنده دشمن سفينه سى کي معامله اولتمق ايجون وندىکيليره مساعده بخش ايلشدر . »

بومحاربه بزم تاريخلرده کورلمز . مع مافيه وقوعنده وندىک وروم تاريخلرى متفق اولديغى کي وندىک جمهورى طرفندن بحريه سردارى اولان لوره دانونک رسمى تحريراتى ده لورثيه نك وندىک تاريخنده مندرجدر . بناءً عليه وقعته نك صحتنده اشتباهه محل اوله ماز . بزم تاريخلرک سکوتى ايسه مغلوبيت حکايه سنى ايستمه ملرندن زياده مساحه لرينه حمل اولتمق لازم کليز . لالاشاهين پاشانک بوسنه مغلوبيتنى سکوت ايله کچشديرمين مؤرخلر البته

تعاظمی ایتمشدر ایسه‌ده صرف خطادن منبعث بر حرکت کلیبولی دکزینی قان ایچنده بر اقمشدر . عثمانلیلر و ندیکیلر طرفندن تعقیب اولنان بر جنویز سفینه‌سنی کندیلرینک ظن ایدهرک کلیبولی لیمانندن چیقدیلر و ندیکیلرک پاشا کمیسنه هجوم ایتدیلر . لوره‌دانو برونیله یوزندن بر اوق ایله وصول الندن ده بر دیگر اوق ایله یاره‌لندی و اوافق تفکدها بر طاقم یاره‌لرده آلدینی خالدینه محاربه‌ده دوام ایلدی و عثمانلیلرک پاشا کمیسنه چاته‌رق آنک ایله برابر آلتی بیوک و طقوز کوچک سفینه‌لرینی ضبط ایله کیجیارینی ، کلیبولی ساحلندن محاربه‌ینی سیر ایدن قادیلرینک چوجقلرینک کوزی اوکنده تلیچدن کچیردی . عثمانلیلرک یکریمی ساگز سفینه‌سی و ندیکیلرک النه دوشمش ایدی . ایرتسی کون اسرا بر کچید رسمنده معاینه اولندی و کولکلی اوله‌رق عثمانلی خدمتنده نه قدر خرستیان بولندی ایسه جمله‌سنی اعدام ایلدیکه بونلرک آره‌سنده بر طاقم فرانمز ، قاتالان ، ساجلیالی ، کریدلی موجود ایدی . اجرای خیانته تشبث ایدن بروندیکلیده بارچه‌پارچه ایدلمش ایدی ، ترکلرک بش سفینه‌سی کلیبولی پیشگاهنده احراق اولندی . کلیبولی محافظلری و ندیگ سفاینندن آتیلان کله‌ره بیله مقابله ایتدیلر ، لوره‌دانو اورادن بوزجه آطیه کله‌رک سفینه‌لره موجود اولان اوچیوز قرق مجروحی اورایه چیقاردی ، عثمانلیلردن آلدینی سفاینک ایکی‌سنی استثنا ایدهرک قصورینی احراق ایلدی . مسلمان و خرستیانلردن پک

کلیبولیدن قبودان چالی بك قومانداسیبه اونوز سفینه چیمش ایدی . بوجز ایردن برینک بکی اولان ونديک زادکانندن بولنان پیروزلو دولت عثمانیه ایله ونديک بیننده اولان معاهدهیه صورت مخصوصهده ادخال ایلمدیکندن ترك کیملرینه دشمن سفینهسی کبی معصومه ایدردی . عثمانیلر ونديک جمهوریه بویه مختاریت ادارهیه مالک اولان تابلرینی یکدیکنندن تفریق ایتمکدکلیرینه بناء قرق ایکی سفینهدن مرکب بردونما ایله آق دکز بوغازندن چیقارق طربزوندن اغریبوزه کیدن ونديک تجار سفینهلرینی تعقیب ایلدیلر . چالی بك اغریبوزی محاصره عزمنده ایکن سردار پیروزلوره دانونک قومانداسنده اولهرق اون بش سفینهدن مرکب اولان ونديک دونماسی ظهور ایدی . بودونماده دولت علیهیه ایضاحات لازمهینی اعطا ایله قطع مناسبات اوکنی آلمغه مأمور ایکی سفیر وار ایدی . ایکی طرفنده اعلان حرب ایلمدیکندن لوره دانو ، ترك دونماسنک چکیمش اولدیغی کلیبولیه طوغری حرکت ایلدی . ترکلر ونديک امراسنک خصمانه کلهمش وبالعکس شرائط جدیده تکلیفنه مأمور اولهرق ورود ایتمش اولدیغنی خبر آلتجه ونديک سفینهلرینک اوزرینه زهرلی اوقلر آتمغه باشلادیلر . لوره دانو بوتجاوزه طوب ایله مقابله ایلدی . برنجی محاصمه ۱۴۱۶ سنهسی مایسنک یکریمی طقوزنجی کونی وقوع بولان قانلی محاربهیه مقدمه اولمشدر . هر نه قدر ایکی طرفنک قبودانلری برکون اول تأمینات دوستانه

طیب شیخینک پادشاهی معاینه ایتدکدن صکره کیفسزلکک
منشی آلام قلبیه اولدیغی وجالب مسرت اوله جق وقعه لر ظهور
ایتسه خسته یه فائده ویره جکنی بیان ایتمش اولماسی محتملدر ،
فقط خسته نك صحتی منحصرأ وقایع ساره تدارکنه محتاج اولدیغندن
بخت ایلسه کسندیسنه طیب دکل قلاش نظریله باقیله جفنده هیچ
اشتباه یوق ایدی .

نشانجی تاریخک طرز افاده سنه باقیلیرسه قره مان اوغلی
حکومتده ابقا اولندیغی صروده مقدا ضبط اولنان اقشهر
وبکشهری وسیدی شهری واولتی حصاری وسعی دایلی طرفلری
اعاده ایتمه مش اولدیغی اکلاشیلور .
ینه نشانجی تاریخی جانبک طرفلریک اوسنه فتح اولندیغی
بیان ایدر . حاکم بؤکه جانبک قاهه سنک بودعه النان یرلردن
اولمادیغی تاریخچه مثبتدر تفصیلاتی ایلریده کوریه جکدر .
هامر قرمان وقعه سنی متعاقب وندیك جمهوریه بر محاربه
بحریه مزنی نقل ایدرکه افاداتی زیرده تلخیص ایدیورز :

« سلطان محمد روم ایللیه آباق باصار باصار وندیك جمهورینک
تحت اطاعتنده بولنان ناقسو دوقه سنک وسائر جزیره لریک بوقبیلدن
اولان حاکم لری اوزرینه بردونما سوقنه مجبور اولدی . هر نه قدر
وندیکلیر پرسنه اول سلطان محمدن بر معاهده صلحیه استحصال
ایتشار ایهده بوآدم عثمانلی سفینه لرینی تعقیبدن خالی قالمزدی .
بومتجاوزی تأدیب ایله مانک اولدیغی اطهری تخریب ایچون

اولدینی تبین ایدیور. حقیقت حالده قره مان اوغلی ا کرایکنجی درجه ده نقض عهد ایتمش اولسه اودرجه سرعته مظهر عفو اوله مازدی . بوندن بشقه برنجی عصیاننه موسی چلبی ایله اتقاقی سبب اولمش ایدی . ایکنجی عصیاننه مدار فرصت و محرک جرأت اوله جق آرده بر سبب یوقدر . امور معلومه دندرکه دنیا ده هیج کیمسه یا لکنرجه نقض عهد ایتک ایچون نقض عهد ایتمز . هله اوچنجی عصیانک نامه ده بجئی اولدقدن بشقه کوگر جین حکایه سنه نظر آ غرابته حقایقدن زیاده مائل اولان عوامک افسانه لرندن اولدیفنه شبهه یوقدر .

نشرینک بو وقعه ده پک عامیانه برغرابت پرورلک التزام ایلدیکنی ایسه بایزید پاشا و شیخی حکایه لری ده اثبات ایدر . بایزید پاشایه اسناد اولنان دسیسه حربیه اکر صحیح اولسه ایدی هیج شبهه یوقدرکه اوزون سوندکک صوفیه فتحنده کی خدمتی کبی وقایع فوق العاده حکایه لرندن خالی اولمیان اوراق رسمیه ده بو وقعه نکه ده تفصیلاتی بولنوردی . قره مان اوغلنک سلطان محمد صداقت مفرطه ایله متصف اولان و خصامسی ایله هر درلو دسیسه بی اختیار ایدن بایزید پاشانک اوقدر آچیق برحیله سنه اینانمقدن ایسه پادشاهک کیفزلکی اشتداد ایدنجه اردوده طبیعی موجود اولسی لازم کلن قاریشقلقدن استفاده ایچون کیجه باصیقنی ترتیبه قیام ایلسی بیک قات معتولدر . نامه هایبونده ده وقعه نکه تغیر اولمسنه احتمال ویرمک ایچون دنیا ده هیج بر سبب تصور اولنه ماز .

تلاق صفین واقع اولدی . اول حنده ده دشمنی بر باد و پریشان ایلدک . محمد بك اوغلی مصطفی بك ایله قونیه حصارینه التجا ایتدیلر . عسکر مزده قلعه‌نی محاصره ایتدی . برمدت صکره اسیرلردن خبر آلدق که محمد بك طاش ایلنه فرار ایتمش و اوغلی مصطفی بك قلعه‌ده محصور قالمش بو خبر اوزرینه بازید پاشانک اون بیک زرهلی سواری ایله طاش ایلی‌یه عزیزمتی تقرر ایتمش ایدی . وجودمن ایسه مغایرت هوادن طولاینی محتاج تداوی اولمشدی . ناکاه بازید پاشا محمد بکک شبخون ایچون اوجواره کلدیکنی استخبار ایدرک هر طرفده دشمنک تشبثانه حائل اوله جق اسبابی تدارک ایلدکن صکره مسابقت ایدرک محمد بکی باصمش و کندیسنی اسیر ایتمشدر . علی الصباح دشمنی دست بسته و بازو شکسته تخت هایون پیشگاهنه کتورمش و بحال ایسه عاجلاً صحت بولمق لغمزه سبب اولمشدر . بوندن صکره قونیه‌نک صلحاسیله محمد بکک اوغلی مصطفی بك کندیسنک عفوینی استرحام ایتدیلر . بزده العو ذکاة الظفر حکمنه اتباعاً جرمنی بخش ایدرک حکومتی ده ینه کندیسنه تودیع ایلدک »

نامه‌نک روشنه باقیلیرسه قونیه صحرا سنده بر محاربه وقوع بولمش اولیور، آره‌یه جانیک سفری قارشمیور . نامه‌ده خسته لقدن صحت عاجله دن بحث اولمسنه و نثرینک روایتنه کوره خسته‌لک و شفای عاجل وقعهری ایکنجی سفرده وقوع بولمسنه نظراً نامه‌نک برنجی سفرله ایکنجی سفر آره‌سنده یازلمش اولمسنه احتمال قالمیور . احواله ایسه قرمان سفرینک تعددی ده صحیح

تأدیب ایلهده او قدر مألوف اولان سلطان محمد بو ایکنجی نقض عهد اوزرینه یالکزجه، عاقبت کارده بر بلایه او غرامق نقض عهدک مقتضیاتندن اولدیغنه دائر بر کشف حکیمانہ ایرادی ایله اکتفا ایتمز، محمد بکک بنیان حکومتی بر کره دها زیرو زبر ایدردی. ثالثا و خصوصا نسرینک روایتی بو وقعیه دائر پادشاه طرفندن قره یوسفه کوندریان فتحنامه ده کی نقله مغایردر.

فریدونده کی اوراق رسمیه نک عنوانلرنده، تاریخلرنده بعض یا کلشلمقره تصادف اولنیوسه ده اکثریت اوزره سهوناسخه محمول اولمق لازم کان اودرلو یا کلشلمقار اوراق رسمیه نک حقیقت حاله داللتجه اولان قوتی قطعاً تنقیص ایده مز. (هوضوء) عباره سی حتمنده کی مطالعه لر، ذهنده بر نقطه تردد عد اولنسون که او عباره یه تعارض ایدن دلائلک برنجیسی ینه بر نامه هایونک تاریخیدر.

قره یوسفه کوندریلن نامه ده قرمان سفری شو صورتابه تعریف اولنیور:

«هنوز روم ایلیده موسی چلبینک زمشنی ارسال ایله مشغول ایدک که قرمان اوغلی محمد بکک علی الغنابه روسه یه کله رک تخریبات کلیه یه ابتدار ایتدکن صکره ینه محلنه عودت ایلدیکی روسه محافظی حاجی عوض پاشا طرفندن اخبار اولنشدی. در حال کمال سرعته روسه یه کلدک و تخریب ایتدیکی یرلرک اعمارینی امر ایلدکن صکره قونیه اوزرینه حرکت ایلدک. اورته جای دنیلان موقعه ده

النی کوکسنه قویه رق «بوجان بدنده طور دوجه صداقتدن آریلیرسه م شویله بویله اولسون» دیه اغراغر قسملر ایتدی . حدمعروفک بیله فوقه چیتقان مروت پادشاهیدن برک ره دها مظهر عفو اولدی ، مملکتته کوندرلدی .

یولده کیدرکن قویندن برکوکرجین چیتقارهرق صالیویرمش وبو صورتله یمنی اسقاط ایدرک پادشاهک حیوانلرینی غصب ایله ینه نقض عهد ایش وسلطان محمد بو حوادثی الدینی صروده «بوخلف وعد اعتیادی وار ایکن البته برکون اولور بلاسنی بولور» دیمش ایدی .

نشرینک بو روایتی بر قاج جهته جالب نظر کورینور . اولا پادشاهک اوزمانلر بر قاج اولادی اولدینی وایچلرنده شهزاده مراد اون ایکی یاشنه کلش بولندینی حالده کیفمنزلکنک آغرلشمسیله بایزید پاشاکی عثمانلیر ایچنده وزیر اعظمک نفوذینه غلبه ایتمش و بیاغی پادشاه ثانی موقعی طومش برذاتک عثمانلی خدمتندن چکامک ایستمنسه قرمان اوغلی قدر دساس بر آدمک احتمال ویرمسی قابل دکلدیر . هله بایزید پاشانک موسی چلبی به التجاسنده اختیار ایلدیکی دسیسه لر معلوم ایکن بیکانه لکده موسی چلبی به قیاس قبول ایتمن قرمان اوغلنک کندیسنندن وفلامید ایتمش اولماسی بتون بتون امکانک خارچنده کورینور . ثانیاً قرمان اوغلی طوتیلوب عفو ایدلکدن صکره ینه نقض عهده ایش اولسه اوزمانلر بشته هیچ بر مشغولیتی اولمیان واسترحامه قارشی عفو نه قدر مائل ایسه عصیانه قارشی

ويرنجه بايزيد پاشانك اخطارنى اقبال پرستلکه حمل ايتدى ،
 کال مسارعتاه آنقره يه يقين بر محله عزيمت ايلدى . بايزيد پاشا
 محمد بکک ترتيب ايلديكى دامه طوتلديغى خبر آلنجه بولنديغى
 محله شتاب ايده ريك برکيجه باصقیننده کنديسيه اوغلى مصطفى
 بکى اسير ايتشدور . بو خبر مسرتک ورودى اوزرينه پادشاه
 کال انبساط ايله کسب افاقت ايش و بايزيد پاشايه وزارته
 روم ايلي بکار بکليکنى احسان ايتديكى کي مولانا شيخى سناني ده
 تشخيص مرصده ابراز ايتديكى حذاقتدن طولايى کنديسنه
 حکيم باشى تعيين ايتدى که دوات عليه ده حکيم باشلىق منصبنک
 سبب ظهورى و برنجى صاحبي ده او ذاتدر .

قرمان اوغلى اوخيانتيله برابر ينه پادشاهک مکارم عاليه سندن
 پک بيوک اعزاز و حرمتلره نائل اولمشدى : برکون کنديسنى
 حضور هايونه چاغرتدى « بونه قدر عهدشکنلکدر ؟ ده
 قليجميزک قانى قوريمعدن ينه حربى تجديد ايتمکدن کرى
 طورمادیکز . دائما لسانکزده توبه واستغفار ، قلبکزده نقض
 پيمان بولنيور . پنجه مزدن قورتيلور قورتماز بر فتنه ده
 ايتديکز . بوندن صکره سزه نه درلو معامله ايدهم ؟ » يوللو
 عتاب ايتدى . قرمان اوغلى کال خشيت و مسکنتله اجداد عظام
 پادشاهينک بنده آزاد کره سى اولديغندن بختلر آچهرق تکرار
 تکرار صداقت و عبوديت ايچون عهدلر ، يمينلر ايليه ريك
 برکره ده مظهر عفو و احسان اولمق نيازنده بولندى . حتى

اطبانك تدبيرلرندن برفائده كورلمدى ، علت كيتدكجه شدت بولمغه باشلادى . كرميان اوغلى يعقوب بكك حكيمى اولان مولانا سنان ، كه (شينجى) مخلصيله معروف اولان شاعردر ، اوزمانك اك مشهور اديبي اولديغى كې فن طبعده دخى صداقت كامله ايله متصف اولديغندن يعقوب بك طرفندن پادشاهه تداوى ايچون كوندردى . شينجى خسته سنىك نبضنى معاينه وحالى تحقيق ايلدكدن صكره بوكيفسزلك انفعال و غيرت نتايجندن اولق جهتيه دفع الم ايدى ، تفريح قلب ايله جك خبرلر تداركسندن بشقه هر نه ياپلسه فائده ويرميه جكنى بيان ايلدى .

شيخينك بو تدبيرى اوزرينه بازيد پاشا سردار اوله رق قرمان اوغلك اوزرينه عزيمت ايتمش ايدى . كنديسنىك اولدن برى قرمان اوغليه آشنالغى اولديغندن او كا صورت خفيه ده « پادشاه بك آغر خسته در ، صحت بولماسندن اميدلر منقطع اولدى ، بو طرفه ايلچى كوندريكز ، مصالحه طابنده بولنكز ، كنديكزده يقين يرله طوغرى كليكز . پادشاه خلاصندن نا اميد اولديغندن صلحه مساعده ايدى جكنه شبهه يو قدر . اكر افاقت بولورسه مسالمت حالنده بولنورسكز ، افاقت ميدر اولمازسه دولتى عثمانيلر انندن آله بياه جك بر موقعه كمش اولورسكز . » مألنده خفى خبرلر كوندردى . قرمان اوغلى اول امرده بو خبرك بر خدعه حريبه اولديغنه ذاهب اولديسه ده احتياطاً تحقيق احواله كوندرديكى آدمار پادشاهك فى الواقع آغر خسته بولنديغنى خبر

انتقال ايلدی . قاعده سز بر معامه نك ايسه البته بروقت مضرتی
ظاهر اوله جفندن بيجاره آقشهر اهالي سي ده عثمانلی حكومت
عادل هسندن آريلوب ده قرمان ليلرك دست قهر بنه چكارندن ترتب
ايتمی طبيعي اولان بلایا اصل تیمور وقعه سندن صكره فعله
چيقمغه باشلا تشدی . چونكه سطوت عثمانیه او حادته ايله انكساره
او غرامدن اطرافنده کی مملكتارك سکنه سنی كندی حكومتارینك
بيله تعديسندن محافظه ايدردی .

قرمان ليلردن بودرجه بيزار اولان آقشهر ايلار پادشاهك
اوزايه ورودینی كوردكاری كبی همان اوكون قلعه ك تسليمه
سبب اولديلر . سلطان محمد آقشهر دن صكره بك شهرینی وسیدی
شهرینی و اوقاق حصاری وسعيد ایلن ده كمال سهولته تسخير
ايتدی وقونیه بی محاصره ایلدی .

قرمان سفربنك بوندن صكره کی وقایعی نشری شو یولده
تفصیل ايدر :

قونیه محاصره اولنديغی صروده قرمان اوغلی استدعا ایامان
ايتمش وسلطان محمد سجایای عالیه سی جهتیله دشمنك خیانتنی
غفو ایش ایدی .

اورادن جانیک طرفلرینك فتحنه عزم ايدرك مقصودینی
استحصال ایلدیکی صروده قرمان اوغلنك ینه نقض عهد ایتدیكنی
خبر آلدی ، ۸۱۸ سنه سنده ینه قرمان اوزرینه یوریدی .
پادشاه آنقره یه واصل اولدیغی اثناده كيفسز لشمش ایدی ،

برچوق خلق وطنلرینی ترك ایله اطرافه طساغدیلر . اکثر اوجاقلرده دومان کورلمز ، اکثر کویلرده خروس سسی ایشیدلمز اولدی . ارباب حراثت وطنلرندن کچکدیر وزراعتدن ال چکدیلر ، مکان ومسکنلری مأوای وحوش وسباع اولدی . وجوه معاملاته سکتته وانکسار کلدی . ملکده خلل فاحش ظهور ایتدی ، اطرافدن شکایات عظیمه یاغمغه باشلادی . ظالمار لندن مظلوملرک فریادی آسمانه ایرشدی . اسایش الدن کیتدی ، بچاق کمیکه طیاندی . ولایتدن امنیت زائل وظلم مستولی اولدیغندن قافلهلر منقطع اولدی ، بلیهلهر اجتماعه باشلادی ، اسافل یوزه چیقدی . هر قبیاهدن مجتمع اولانلر هر کسک خانهلرینه نزول ایتدیلر . ایستدکلری حکمی اجرا اییدیورلر . نظرلرنده حاجی وکلخنجی مساویدر . دعای دولتله اشتغال ایچون مرحوم ومغفورله سلطان مراد غازی عصرنده ودور پادشاهیده مستحقانه تعیین اولنان وارداته تصرف ایدوب عزلت نشین اولان اعزه نك حالی خراب ایلدیلر . حضرت پادشاهدن آقشهرک اجرای عدالت ایده جک حاکمه ویرلمسی استرحام اولور . اکرینه حکومت آنلرده قاله جق اولورسه نتیجه وخیمدر « مآکنده بر عرضحال تقدیم ایتشلر ایدی . آقشهرک سلطان مراد اول زماننده جهاز اوله رق قرمانلیلره اعطا اولندیغنی محلنده بیان اولنمش ایدی . صکره برقاچ کره لر دولت علیه یه کچمش ایسه ده وسائل متنوعه ایله قرمانلیلره یه



سلطان محمد جنید اوغلی فتنه سنی امام ایتدکن صکره
قرمان اوغلیک تأدینه عزم ایتمش و ملوک طوائفدن تابعیتده
بولنان کرمان حاکمی یعقوب بکی اردونک کذرکاهنده ذخیره
بولندیرمغه مأمور ایتدیکی کبی قسطمونی حاکمی اسفندیار بکی ده
عسکریله یابالذات کله و یاخود اوغلی کوندرمکه مأمور ایلش ایدی.
ایکیسی ده بوصداقت امتحاننده بادشاهک حسن نظرنی قازانمغه
اعتنا ایدرک یعقوب بک لزومی اولان ذخیره نی مع زیاده تدارک
ایلدیکی کبی اسفندیار بک دخی اوغلی قاسم بکی عسکرینک اک
کزیده سیاه خدمت هایونه اعزام ایتشدر .

بادشاه بوصورتله تدارکاتی اکل ایلدکن صکره سیدغازی
بولندن قرمان اوزرینه یورویه رک اولا آق شهری محاصره
ایلدی . آقشهر اهالیسی قرمان حکومتندن فوق الغایه بیزار
اوله رق آناتولی بکلر بکیسی محمدپاشایه شو مآلده بر عرفضال
ویرمشل ایدی :

« آقشهر خلقنه مرحمت بیورلسون که قرمان حاکمی
اهالینک اوزرینه حکومت نه دیمک اولدیغنی قشما بیلمز واستحصال
مطالبدن بشقه برشی دوشونمز برطاقم ارادلی حاکم مطلق تعیین
ایلشدر . ملک معمور لرلنده خراب اولدی و فقرا واغنیایا
دور اداره لرنده مغموم و منفعل اوله رق مسکنت حالنه دوشدیلر .

ياپدقلىرى قلعەنىك انشاسى ايچون موزوله [۱] ناميله معروف
 مقبرك خرابه لرندەكى تصاوير بديعه يى ياقه رق كيرچ پيدا ايتمش
 وبو مرمرلك برطاقنى ده قلعەيه تمل ويا ديوار طاشى مقامندە
 قوللامش اولدقلىرى تاريخجه ثابت اولان عجببه لرندەر .



[۱] بوموزوله ميلاد عيساىك ۳۷۷ سنه اولندن ۳۵۳ اولنه
 كلنجه يه ندر اوزمانلر قاريا دنيان منتشاطر فلرينه حكيم ايتمش اولاز . موزول
 نامندە برقرال ايچون هم قز قرداشى هم زوجه سى بولونان اريتس
 طرفندن ياپدپرلش ايدى . فن تصوير ومعمارى نقطه نظر نجه او قدر
 بديع ايدى كه اكثر علما عندندە عجايب سبه عالمك برى بوضاردرد .
 انقلابات حوادندن وخصوصيله شواله لرك كيرچ بايق مراقندن
 قورتيلان بعض بارچه لرى انكلتره نمونه خانه سنه نقل اولنه رق اوراده
 بدايع پسندانك نظر كاه تحبيرينه رضع اولمشدر .

اولسه کرکدر . چونکه اولا بایزید پاشا کبی رجال دولت ایچنده اک زیاده جدیت و مکانتله متصف برذاتک پادشاه نزدنده مظهر اولدینی امنیت تامه نیک زائل اوله جغنی دوشونم یوبده جنید کبی حالی مشکوک و بلکه خیاتی محقق برآدمه داماد اولمق ایستمنی عقل قبول ایتمز . ثانیاً بویله خفت عاشقانه ایله شدت وحشیانه دن مرکب انتقام لرله اوغراشمق اوموقمه او اخلاقده برصاحب اقتداره یاقیشماز . معلومدرکه اوفطرته بولنان اعظمک معشوقه سی غلبه ، منکوحه سی اقبالدر .

پادشاه ایله ردوس شوالیه لری بیننده جریان ایتمدیکندن بحث اولنان محاوره او زمانک حالته ، فکرینه و پادشاهک مشربنه موافق اولدینی ایچون عباره لرنده برچوق تغیرلر وقوع بولدیغنه شبهه اولماقده برابر اساساً صحیح کورینور . شوالیه لرک غران متری نیکولی محاربه سنده بولنمش و مجار قرالی سیغیزموند ایله برابر فرار ایتمش اولان فیلیر دونیلا قدرک شمشیر عثمانینک نه جوهرده اولدینی ییلدیرم بایزیدک بازوی جلا دنده کورمش اولدیغندن پادشاهک احسانیه اکتفا ایتمکدن بشقه چاره بوله مادی . کندیسنه ویریلن یر حالا منتشا سنجاغی داخلنده بولنان بودروم اسکله سیدر . بزی وحشیلکه یاد ایدن اوروپالیرک اک تربیه لی ، اک نجیب شوالیه لری بودرومده

ایمک ایسترم . چونکه پادشاهلر ایچون فنالره مجازات ، اییلره مکافات لازم ایسهده کندی تبعه مک سعادت حالتی نظر دفته آلمق و عموم مسلمانلرک مطلبنی اسعاف ایتمکده الزمدر . تیمور آسیایی تخریب ایتمکله برابر از میرک قلعه سنی بیقیدیندن طولانی شایسته شکران اولدیندن بحث اولنیور . چونکه بزدن فرار ایدن اسیرلر مزهپ از میره صاقلانمقده اییلر . بوندن بشقه قرهده ، دکزده سیاحت ایدن برطاقم احرارده اسیر ایدیله رکه از میره کتورملکده وبو ایسه اسلام ایله شوالیلهر بیننده محاربه نیک استمرارینی موجب اولمقده ایدی . تاتارک حکمداری اولان دینسز تیمور از میر قلعه سنی بیتمق تدبیر عاقلانه سندن طولانی عمومک ستایشنه مظهر اولمشدر ! نم تیموردن دها آزمی دیانت پرور اولدیغمی ایسترسک ؟ اما اسلامک مطلبنی اسعاف ایله برابر سنیده ممنون ایتمک ایچون منتشاده بریر ویررم ، برقله یابه بیایرسک « دیمش وشوالیلهرک رئیس بویرک مالک پادشاهیدن اولسنی واجنبی برملکده بولنمسنی طلب ایده رکه پادشاهدن « ویردیکم یر بکا عاندر چونکه منتشا بکی نم وکیلدر » جوابی ویرمشدر .

جنید بک مظهر اولدینی مساعده اوزرینه خاکپای هایونه یوز سوردی ، فقط یالکیز جان ومالنه امان ویریه رکه بوقدر دفعه لر سوء استعمال ایلدیکی حکومتمندن محروم ایلدی .

جنیدک دامادی حقنده بایزید پاشا طرفندن وقوع بولان معامله وقایع صحیحهدن زیاده افسانه به مائل اولان عوامک اختراعاتدن

رئيسنى اوراده تيمور طرفندن بيقيلان استحكامك جنيد اوغلنك منع وتنبينه مغاير اوله زق تعميريله مشغول بولدى . سلطان محمد از مير جوارنده نصب خيمه آرام ايتديكي كبي اطرافنده بولنان جزاير وممالكك حاكملى عرض عبوديته كلديلر ، ويركوليرنى كتيرديلر . ديكر بعض جا مكرده پادشاهك عدالته استناداً جنيد اوغلندن شكايته كلديلر . فوجهلر ومدلولو وساقر بكلرى وردوس شواليهلرينك رئيسيله گرميان وتكك ومنتشا بكلرى مشتكلر آره سنده بولنيورلردى . سلطان محمد بونلر طرفندن عرض اولنان اطاعت وخصم عمومى عليهنه وعدمعاوتى مع الممنونيه قبول ايلدى . از مير محاصره سندن اون كون مرور ايدنجه جنيد اوغلنك والدهسى و حرمى و چوچقلى قلعهدن چيقديلر ، پادشاهك اياقلىرینه قبانهرق مرحتنى نياز ايلديلر . پادشاه ، قلعه بلاقيد تسليم اولنق شرطيله جنيد اوغلنك جرمى عفو ايلدى . پادشاه از ميرى آلنجه برنجى ايشى استحكامنى تخريب ايلك اولدى . ردوس شواليهلرينك غران مرمى يعنى رئيسى ، ليمانك مدخلنده انشا ايتديردىكي قلعهنك بركيجه ايچنده هدم ايدلمش اولمى جهتيه پادشاهك حضورينه كيدهرك بوقله آيدن اوغلى زماننده شواليهلرك مصرفيه ياپلمش اولديغنى وبوصورتله تخريب اولنمى بهمه حال بابا ايله وبللكه دهها برچوق خرستيان حكومتلريه محاربه يي انتاج ايدهركىني بيان ايلدى . سلطان محمد بو افاداتى كمال سكونته استماع ايلدكدن صكره « عموم خرستيانلره پدرانهمه معامله ايتك وآنلرى نائل تلطيف واحسان

ایلدی ؛ فقط بریکی قبول ایتمدی و آنده اولان مملکتلری تحکیم ایتمدی . سلطان محمد کیمیا (Kyma) بی هجوم ایله آله‌رق اهاالیسنی عفو ایتمش و محافظلرینی قلیچدن کچیرمش ایلدی . اندن صکره منمن اووه‌سنده بولنان قاجیق قلعه‌سنی و انی متعاقبده نیف طرفلرینی عنوةً ضبط ایلدی . نیف ، جنید اوغلنک دامادی اولان عبدالله نامنده [۱] بر آرنادک اداره‌سنده ایلدی . وقتیه بایزید پاشا جنید اوغلنک قیزی ایتمش و خطبه‌سنه وکیل ایتمدیکی آدمه خطاباً جنید اوغلی «عبداه بوده سنک افندک کبی آرناووددر آره لرنده او قدر فرق وارکه بودها کنج وودها درایتلدر» دهرک قیزی اکا ویرمش ایلدی . بو وقعه‌ده ایسه عبدالله ، بایزید پاشانک الله دوشمش ایلدی . پاشا اخذ ناز . ایچون آلت تناسلی قطع ایتمدی .

سلطان محمد جنید اوغلنک عصیاننه بر نهایت ویرمهک قطعاً عزم ایلمدیکندن جنید اوغلی طرفندن استحکام اوزرینه استحکام یاپیله‌رق آلماناز برحاله کتیرلمش اولان از میرک اوزرینه یوریدی . قلعه‌ده جنید اوغلنک برادری بایزید ایله والده‌سی قالمش ایلدی . سلطان محمد از میره واصل اولدینی زمان ردوس شو الیه لرینک

[۱] بواسم اودولاس طرزنده یازلمش ایسه‌ده او یله مسلمان اسمی اولدیفندن و جنید اوغلنک دامادی مسلمان اولوق طبیی بولندیفندن بونامک تلفظه اک قریبی اولان عبدالله اولسنه وروم لهجه‌سیله تلفظ ایدیله ایدیله بوشکله کیرمش بولمنسنه احتمال ویرلدی .

نامه هايونده از مير اوغلي حمزه بك مرحوم موسى چلبى غوغاسنك
 دفعنده خير خواهلق رسمنى يرينه كيتريدىكندن كنديسنى زمرة
 مخلصاندىن عد ايليكز « دىندىكندن ارطغرل وقهسى بىترىتمز
 حمزه بكك اوزرينه كىلدىكنه دائر هائمرك روايتى خلاف
 واقع كى كورپنور ؛ فقط موسى چلبى ايله قرمان اوغلك
 بيننده اويله بر اتفاق وقوع بولوبده آرده بر فرصت خيانت
 ظهور اينجه حمزه بكك انى فوت ايتسى قابل دكل ايدى .
 حال بوكه حمزه بك عصيان ايتدىكى صورتدهده اويله خيانت
 وجسارته اقرانز عد اولنه بيله جك بر دشمنى ارقده
 بر اقوبده قرمان اوغلك تادينه كىتمك جائر اوله مازدى ؛
 پادشاهك قرمان اوغلكه كوندردىكى نامه ايسه ذاتا اغفال
 يولنده يازلمش اولديغندن حمزه بكه متعلق اولان عبارده سنه
 جدى نظر ايله باقق لازم كليه چكى كى جدى اولسه بيله حمزه بكك
 خيانتى نامه دن صكره ظاهر اولقده احتمالاتندز . بناء عليه هائمرك
 روايتى تدقيقات تاريخيه معاير عد اولنه ماز . ذاتا نقصاندىن خالى
 اولمادقلى بيك دليل ايله ثابت اولان عثمانلى تاريخلرنده وقه نك
 بولنامسى ده دائره صحتدن خارج طوتلسنى مستلزم دكلدر .
 مطالعات مشروحيه بناء هائمرك نقلنى قبول ايله برابر قرمان
 سفرينه تقديماً ايراد ايدلك .

سلطان محمد اناتولى به واصل اولدينى كى طوغرى بجه برغمه به
 كىده رنك جنيدى (يعنى جنيد اوغلى حمزه بكى) اطاعته دعوت

وقایعندہ اورالرد دائر ویریلہ جک تفصیلات بو حقیقتی اثبات
ایدہ جکدر .

سلطان محمدک ایمراطوره قلعہ ویرمسنه دکل ، سفیرلریلہ
او قدر تطفکارانه خبرلر کوندرمش اولسنه بیله احتمال ویریلہ مز.
پادشاهک سلطان مصره کوندردیکی نامه ده ایمراطور طرفندن
برادرینه معاونت واجرای تحریکات ایدلدیکندن طولای ایراد
اولنان سوزلر روملر حقنده اولان حسیاتی کوستر مکده در .
شہزاده ارطغرل وقعه سی ده انفعالی اقتضا ایدر . چونکہ
ایمراطورک پادشاه ایله معاہدہ سی اولدیغنی بیان ایدرک موسی
چلبی وقعه سی بیتز بیتمز شہزاده بی ملکک برطرفنه قاپوب
صالیویرمسی حقیقت حائلہ خدمت دکل، پک ماہرانه بر خیانت
ایدی . سلطان محمدک ایسه منفعل اولغنه برابر ملک ویرمکہ ،
جعلی تلطیفلر ایتمکہ تنزل ایتمہ جکی پک میدانده در .

بزم تاریخلر سلطان محمدک ارطغرل بک فتنه سی دفع ایدر ایتمز
قرمان اوغلنی تأدیبه کیتدیکندن بحث ایدرلر . حال بوکہ ہامیر
قرمان اوغلندن اول ازمیر اوغانک تشکیل اولندیغنی بیان
ایدیور .

بو ازمیر اوغلی اکثر تاریخلرده جنیدبک نامیہ یاد
اولمقده در . فقط اوراق رسمیه دن آکلاشدیغنه کوره جنید
اوغلی حمزہ بکدر .

واقعا چلبی سلطان محمد طرفندن قرمان اوغلنه یازیلان

روم ایمپراطوریه اولان معامله به متعلق هامرک بیان ایتدیکی
 روایت صحیح کورمز : اولا قره دگز سواحلنده بولنان یرلرک
 روم ایمپراطورلغنه سلیمان چلبی طرفندن ترک اولندیغی ینه هامرک
 نقلیه ثابتدر . ثانیاً مرمره کنارنده بولنان یرلرک تیمور فتنه سی
 اثناسنده دشمن اننه دوشدیکنی ؛ بو یرلرک سلطان مراد ثانی
 زماننده استرداد اولندیغی حکایه ایتدکاری صروده بزم تاریخلر
 صراحتاً بیان ایتمکده درلر . حقیقت حالده او مرکزده اولوق
 لازم کلیر . چونکه روم ایلیده بتون سواحل الده ایکن
 اناطولیده ساحلرک ولو بر جزوئی اولسون بر دشمن دولته
 تسلیم ایتک سلطان محمدک فکر حکمتنه توافقی ایدر حالردن
 دکلدر . شاهرخه کوندردیکی جوابنامه ده « سلانیک کی اکثر
 بلاد مفتوحه قبضه اسلامیاندن چیقدی ، او سببندزکه امور
 سلطنت و خلافتده تقدی اختیار ایتدک » قولیه برادرلریه
 اولان معامله سنه ، برطاقم مالیک اسلام الندن چیقمسنی سبب کوسترن
 بر ذات روم ایمپراطورینه محاربه سزیرمی ویرر ؟

بو مطالعاته باقنجه روم ایمپراطوریه آردهده قره دگز
 ویکیشهر جهتلرنده فترت زمانی یا شهرزاده لر طرفندن ویرلش
 ویاخود روملر جانبندن آلمش اولان یرلرک ایمپراطور یدنده
 ابقاسنه دائر بر مقاوله جریان ایتش اوله بیایر .

بونکدها ایلیسنه عقل قائل دکلدر . حتی بومقاوله
 مرمره کنارنده کی یرلره شامل اولماق لازم کلیر . ۸۲۲ سنه سی

اكتفا اولميه جغنده شبهه اقتضا ايمز . بومطالعاته نظراً قرن آباد
وقعه سنده بولنان شهزاده نك ارطغرل بك اولمى اغلب احتمال
كورونبور . بو حادثه نك تاريخچه محامه سنه كلنجه : حق اولان
فاجعه يي سلطان محمدك اخلاقندن زياده زمانك افكارينه و حكومتك
خرستيانلره قارشى هر درلو شدنه قواى حكومتى زييد ايمك
اعتقادينه محمول اولماسيدر .

هامر ديركه : چلبى سلطان محمد پادشاه اولور اولماز
ايمپراطور ايلچيلر ارساليه جلوسنى تبريك و خدمتارينه مقابل
اولان تعهداتك اجراسنى اخطار ايلدى . سلطان محمد اسلافندن
دها پولتيقه لى طورانهرق قره دكز و مرمره سواحلنده متصرف
اولديغى قلعه لرله ييكيشهرى روم ايمپراطورينه تسليم ايتدى .
وايلچيلره برچوق هدايا توديع ايمش و «ايمپراطوره سويليكيز ،
معاوتى سايه سنده اجدامك مالمكنه نائل اولدم . بو خدمتلىرى
تخطراً بر يدرك اولاده اولان ارتباطى كچي كنديسنه صادق
قالير و هر مناسبتله ممنون ايمكه چاليشيرم » ديمش ايدى .

سلطان محمد اوصرده صربستان و افلاق و بلغارستان
حكمدارلرله يانيه ويونانستان طرفلرنده بولنان كوچك
برنسلركده سفيرلىرى قبول ايدرك جنه سيه تايد و تجديد صلح
ايتديكى بيان ايمشدر . و نديك جمهورى ده سلطان محمدك
تمايلات خير خواهانه سندن استفاده ايدرك بر معاهده عمدينه
موفق اولمشدى . راغوزه جمهوريتى ينه اوسنه و ديكر بر روايته
نظراً ايكي سنه صكره معاهده سنى تجديد ايتديردى .

روايته كوره ايسه قرن آباد وقعه سنده بولنان و كوزلرينه ميل چكيلن شهزاده نك اسمى مصطفىادر . صولاق زاده ايله نخبه التواريخ ايسه شهزاده نك اسمنه دائر هيچ برشى سويلز . حالبوكه هامر قرن آباد وقعه سندن هيچ بحث ايتديكي حالده ايمپاتور مانول كندى نزدنده بولنان و سلطان بايزيد اولادندن اولان قاسم چلبىي سلطان محمده تسليم ايتمش اولديغنى و كوزلرينه ميل چككدكن صكره آق حصارك تملكيله تطيب ايديلن وهمشيره سى سنجاق بكارندن برينه ويريلن قاسم چلبى اولديغنى بيان ايدر . برديكر محله ده سليمان چلبينك ايمپاتور طرفندن سلطان محمده تسليم ايديلن اوغلنى زغنوس معرفتيله اعدام ايتديرديكى نقل ايلر .

هامر قاسم چلبى حقنده اولان روايته برماخذ كوسترمز . سليمان چلبينك حقنده اولان نقلده عاشق پاشادن آلدوغندن بحث ايدر . عاشق پاشا زاده نك نقليله سائر عثمانلى تاريخارى بيننده كى اختلاف ايسه شهزاده نك كوزلرى كور ايدلسيله اعدام اولمىي بيننده قاليركه بونده اكثر تيك قولنه اتباع طبعيدر . هله بوشهزاده سلطان محمدك برادرى اولديغنه شهزاده نك نامى مصطفى بولنديغنه دائر اولان روايتلر خبر واحد اولمق جهتيله حكمدن ساقط عد اولمق لازم كلير . شهزاده ، سلطان بايزيد اولادندن اولسه يدى برفته فرقه سنك ياننده طوتلقدن صكره سائر برادرلرينه رفيق فنا اوليوب يالكوز كوزلرى چيقارلمق

برغائبه چیقارماق مقصدینه مبنی اختیار اولمش ایدی . چونکه
استانبولده بولنان خاندان عثمانی شهزاده لرندن برینی روم ایمپراطوری
سلطان محمدله اولان اتفاقنه بناء اورادن اخراج ایلدیکندن
بیچاره افلاکه کچمک ایچون قرن آاده کیتدیکی صروده باشنه
برطاقم حشرات اجتماع ایدرک چوجغک نامنه برفتنه احداتنه
قالقشدیلر . پادشاده بالطبع بو حادثه نك دفعنی اناطولی ایله
اشتغاله تقدیم ایلدی . جمعیت شقاوت ایسه پادشاهک یالکز آوازه
هجومیه تارومار اولمشدی ، چوجنی ، لاله سی اولان درزی باشی
ذغوس پادشاهک اردوسنه کتیردی . اوزرندن وسیله فساد
اوله بیلمک استعدادینی رفع ایچون بیچاره نك کوزلرینی قیزغین
میل ایله کور ایتدیلر . تاریخلرک روایتنه کوره سلطان محمد
شهزاده یه پک زیاده آجیمش ایدی ، هر نه زمان بروسه یه کلسه
زدینه جلب ایله اکرام ایدردی .

بزم تاریخلردن خواجه وصولاق زاده و صحائف الاخبار
ونخبه التواریخ وقره چلبی زاده بوشهزاده نك سلیمان چلبینک
اوغلی اولدیعنی بیان ایتمکده متفقدرلر ، خواجه سعیدالدین
۸۳۴ سنه سنده وقوع بولان طاعونک و فیاتی تعداد ایدرکن
سلیمان چلبینک اوغلی ارطغرلده او سنه ارتحال ایلدیکنی
سویلر . صحائف الاخبار ایسه ارطغرلک اوسنه وفات ایلدیکندن
بحث ایتدیکی صروده مقدمات کوزلرینه میل چکلدیکنی ده بیان
ایدر . قره چلبی زاده عبدالعزیز افندینک (روضه الابرار) نده کی

مأخذ اوله رق سعدالدین و نثری و عالی و صولاق زادینی
 کوستریبور . حال بوکه تاریخردن کوریه بیلنارنده سلطان بایزیدک
 قبری آچلدیغنه و نمشی احراق اولندیغنه دائر حرف واحده
 تصادف اولماز . بتون بتون مأخذسز برروایتک صحیح اوله بیلمسنه
 عقلا دخی امکان کوریه مز . چونکه قرمان اوغلی برمدت صکره
 سلطان محمدک الله اسیر دوشدیکی حالده عفو اولندی : هیچ
 پدر عالیشانک قبرینه اوله برحقارتده بولنش اولسه ایدی جزاسز
 قالمسک احتمالی اولوردی ؟

پادشاه ایسه بروسه و قعه سنی ایشتیکی سردهده اهمیت بیه
 ویرمدی . حتی موسی چلینک ارتحالی اوزرینه قرمان اوغلی
 طرفندن کویا آردهده هیچ برحادثه یوق ایتمش یولو کوندریان
 نامه یه یازدینی جوابده بروسه و قعه سندن طولایی ایدیلن حرکت
 معفو طوبتش کی بتون بتون تجاهل کوستردک قرماندن عرب
 ویرلی آتی اشترایتمک اوزره کوندردیکی پولادسراجه معاونت
 اولمسنی طلب ایتمک و از میر اوغلی حمزه بکک موسی چلی
 و قعه سنده خدمتی کورلدیکندن طولایی زمیره مخلصاندن عد
 اولمسنی توصیه ایتمک کی بی تکلفانه و دوسه تانه مامله ل اظهار
 ایلدی .

شبه یوقدرکه بومامله ل هپ شره شره ایله مقابله قیلندن
 اوله رق ، قرمان اوغلی کندیغنی اغفال ایله مشغول ایکن آنی
 اغفال ایدرک روم ایلینک آسایشی تأمین ایدنجه قدر آناطولیده

بوحال ایله مملکتک محاصره سی اوتوز درت کون امتداد ایلدکن صکره موسی چلبینک تابوتی قابلیجه طرفندن کوردندی. قرمان اوغلی شهزاده نك وفاتنه اعتماد ایتمک ایسته مدی، تابوتی آچدیردی. یوزینی کورنجه داناً آره لرنده الفت اولدیغندن بیلدی. آکا آجیدیفندن ویاخود مقاصد خائانه سنک حصوله امکان قلمادیفنی کوردیکندن آغلامغه باشلادی. ایرتسی کونی مسدود اولمادیغندن امین بولندیغنی کرماستی دربنددن ینه قرمانه طوغری فرار ایلدی.

قرمان اوغلنک (خرمان طانه سی) لقبی بر ندیمی اوله رق کندیمی بروسه دن فرار ایدرکن «عثمان اوغلنک اولوسندن بویه قاجیورسک دیریمی کلسه نه یاپه جقسک؟» دیمش. قرمان اوغلی ده بیچاره بی بوسوزینه مجازات اوله رق بر آغاجه صلب ایلمش اولدیغنی حکایه ایدرلر. ندیمک سوزی واقعا برلطیفه در؛ فقط ابتدای خصومتدن بری آل عثمان علیه نه هیچ بر محاربه قازانمغه مقتدر اوله میان قرمان خاندانی ایچون بولطیفه بر بیوک درس عبرت عد اولنمغه لایق ایدی.

خیرالله تاریخنده، قرمان اوغلی طرفندن سلطان بایزیدک نهمنه بر بیوک حقارت اولندیغنی بیان اولنمش وهامر قرمان اوغلی پدرینک انتقامنی آلمق ایچون بایزید مرحومک قبری آچه رق جنازه سنی احراق ایتمش اولدیغنی روایت ایلمش در. خیرالله تاریخنده کی نقلک مأخذی کوسترلیور. هامر ایسه نه غریبدرکه روایتنه

قارشی ایچلرندن طوتدیغی اسیرلری قلعهدیوارلرینه صلب ایدرلردی .
 قرمان اوغلی قوتک استحصال مقصده کافی اولمادیغنی
 کورنجه برحیاه حربیه ترتیب ایتمک ایسته دی : یاننده کی حشراته
 تنبیه ایستی ، ایرتسی کونی کندیلرندن امداد کله جکندن
 وقلعه یی زور ایله آله جقلرندن طوتدیره رق بروسه خلقنه اظهار
 شفقت یولنده اکر عرض تسلیمیت ایتمزلرسه هبا اوله جقلرینی
 قارشیدن قارشیه فریادلرله افهامه قانقشدیلر . عوض صو باشی ،
 اراده الهیه نه مرکزده صدور ایتمش ایسه تخلف ایتمیه جکنی
 وایشیدیلن سوزلر عادی براخافه دن عبارت اولدیغنی سویلر
 هر کسه تسلی ویرر ایدی .

قرمانلیلر اوکیجه بروسه یه مشرف برطاغک تپه سنه
 چیقدیلر ، آتشلریاقدیلر ؛ خارجدن امداد کلدیکنه کویا اماره لر
 کوستردیلر ، حاجی عوض صوباشی حقیقت حالی خبر آلمش
 ویاخود حس ایلمش اولدیغندن رایکی آدم کوندره رک قرمانلیلرک
 اردو موقعنده کیمسه اولمادیغنی تحقیق ایتمکدن صکره عسکربله
 خارجه چیقمش وچادرلرده بولنان اشیانک برچوغنی اغتنام
 ایلمش دره .

ذخیره سزلکدن محصورلرک حالی پک فنالشمش و حاجی
 عوض صوباشی خارجه وقوع بولان مهاجمه لرنده برقاچ یرندن
 یاره لشمش اولدیغنی حالده جریحه لرینی کتم ایدرک وپادشاهک
 امداده کلک اوزره بولندیغنه دائر خبرلر اختراع ایلیه رک
 محاصرلری صبر و ثباته تحریص ایتمکده ایدی .



موسی چلبی امراسنک افتراقندن صکره یاننده قالان سکز
بیک آتلیسی ایله آناتولی یی کچمک وقرمان اوغلی ایله برلشمک
تشبثده بولندیغنی یوقاریده کورمش ایدک . بوتشبث نتایجندن
اولوق کرکدرکه قرمان اوغلی اوئانلرده بردن بره حدودی تجاوز
ایله راست کلدیکی طرفلری یغما ایدهرک بروسه یه قدر
کلش ایدی .

بروسه ده محافظ اولان و اوزمانه قدر عسکرلکجه سوابق
فاخره سی اولمیان حاجی عوض صو باشی اک بیوک عثمانلی
قهرمانلرینه غبطه بخش اوله جق برمتانت کوسرتدی ، قلعه نك
هجوم ایله حتی محاصره ایله ضبطنه کیمسه نك مقتدر اوله مایه جغنی
حسن ایتدیدی .

قرمان اوغلی بوحدتله بروسه نك بهمه حال تسخیرینه عزم
ایدرك شهره کنن صولری چویرمک ایستهدی . عوض صو باشی
بوتشبثاتی کورنجه قلعه ده بولنان ارباب جرأته خارجه متعدد
هجوملر ایدرك قرمانلیرلی اجرای مقصددن منع ایتمش ایدی .
عوض صو باشی ضرورت سائقه سیله باشلادیغنی بوخرو و جلرده
برسه ولت برموفقیت کوردیکندن همان هر کون چیقمنی اعتیاد
ایلشدی . قرمانلیرک اطرافده ارتکاب ایتدکلی ظلم و غارتنه

باری فرمان ہایونی تحریر ایدن ذات سہو ایلہ حسابک
 ابجد حسابندہ مساوی بولندیغنی اولسون دوشونہ سیدی زیرینہ
 «تحریر آ فی ہذا تاریخ» دیہ جکنہ سنہ بی برکرہدہ کلماتک معنای
 لغویسیاہ یازمیش اولسہیدی ، بوترددلرہ میدان قالمزدی . برکرہ
 سہو قبول اولنورسہ حمزہ بکہ وقبرمان اوغلنہ یازیلان نامہ لڑک
 تاریخی ہوضوہ ترکیبنہ امنیت اولنہرق آنک بیان ایتدیکی سنہ یہ
 توفیق ایچون تصحیح نیتیاہ بوزلمش اولدیغنہ حکم ایدلمک اقتضا
 ایدر ، شاہرخ میرزادن کلن نامہ نک تاریخی ایسہ آردہ کی
 مسافہ نک بعدینہ وایکی دولتک مجاور اولمامسی جہتیاہ مناسباتک
 قمتنہ نظراً ۸۱۸ سنہ سنہ تصادف ایتک استقلالک او سنہ وقوع
 بولمش اولمسنی جرح ایدن دلالتہ تعارض ایدہ بیلاہجک قدر
 قوتلی بر امارہ دکلدیر . ایشتہ بالادہ کی مناسباتہ بناء بزده چلبی
 سلطان محمدک تاریخ استقلالنی ۸۱۶ سنہ سنہدہ معتبر طوتمقدہ
 جمہور مؤرخینہ اتباع ایلدک ..



ابجد حسابی استعمال اولمغه باشلايه لی بويله بر مسئله فنيه ده مدار تمسك اولماش و بووقعه ده ايسه حقیقی اثبات ایده جگنه برقات ده اشکال ایلشدن .

چونکه هوضو تعبیرینه دائر فرمانده مندرج اولان صراحته قارشى الده اولان دلیل یالکیز مصر سلطانه یازیلان نامه هایون دکلدزکه انک تاریخنده بریا کلاشلق وقوعنه حکم ایدلکله حل مشکل قابل اولسون . دولت علیه تاریخاری بالاتفاق سلطان محمدک استقلالى ۸۱۶ تاریخنده واقع اولدیغنی بیان ایتمکده اولدقلى کبی روم مؤرخلرندن حانقونديل ودوقاس موسى چلبینک وفاتی و سلطان محمدک استقلالى ۸۱۶ تاریخنه مصادف اولان ۱۴۱۳ ده وقوع بولدیغنی تصریح ایتمکده در . روم مؤرخلرینک شخمساری ، کندیلرینی کورمدکاری عثمانلی مؤرخلریله بریا کلاشلقده اتفاق ایتملرینه وهله بويله مخصوص یاپار کبی سنین شمسیه میلادیه ایچنده سنین قمریه نك سکز یوز اون آلتنجیسنه تصادف ایدن ۱۴۱۳ تاریخنی نقطه غفلت اختیار ایلملرینه عقلاً امکان ویريله مز . بوحاله کوره « هوضو » ترکیبنک حسابنده بریا کلاشلق وقوعنه حکم ایتک ضروری کورینور . اما بر فرمان هایونک تحریرنده اويله براهال قابیلدر ؟ باقلسه اوزاق رسمیه آره سنده ابجد حسابی قارشیدرلمسی ده قابل اولماق لازم کلیدی . مادام که فرمانک منشیسی او وظیفه سزلیکی اختیار ایده جک قدر لابلالی ایمش ، حسابده ده او قدر مهملاننه طورامش اولسنی پکده استبعاد ایتک اقتضا ایتمز .


عشر وثمانمائه وینه موسی چابینک وفاتیہ ختام بولان شہزادہ لر
 وقعہ سنہ دائر شاہرخ میرزا طرفندن سلطان محمدہ کلن برنامہ دہ
 « اواسط شہر ذی الحجۃ الحرام سنہ ثمان عشر وثمانمائه » تاریخ لریاہ
 مؤرخدر وموسی چلبینک ہانکی سنہ دہ وفات ایلبدیکنی چلبی
 سلطان محمد ذن ای بیہ میہ جکلرینہ نظراً (ہوضوء) تعبیرینک مبین
 اولدینغی ۸۱۸ سنہ سنی سلطان محمدک مبدأ استقلالی اولہرق قبول
 ایتمک ضروری کبی کورینور .

فقط ینہ فریدون منشأتندہ چلبی سلطان محمدک مصر سلطانی
 ابو النصرہ کوندرلمش وفقط یا کلش۔ اقلہ سلطان بایزید نامنہ نشر
 اولمش برنامہ سی واردرکہ سلطان مصرک تبریک جلوسنہ دائر
 اولدینغی خالدہ ہم « مخبارہ دہ سبب تأخیر وقوع فترت واخوان ایلہ
 بینمزده امتداد منازعہ وباخصوص استانبول ایمپراطورینک آنلرہ
 اجرا ایلبدیکی معاونت وتحریکات ایدی بواننادہ ایسہ نصرت
 وفرصت بزہ میسر اولدی » مألندہ برعبارہ نی حاوی وہم زیرندہ
 « صدر فی اواخر شہر ذی الحجۃ الحرام سنہ سبع عشر وثمانمائه »
 جملہ سی مندرجدرکہ ۸۱۸ سنہ سنک حولندن اول چلبی سلطان
 محمدک برادرلرینہ ظفر بولمش وسلطنتندہ مستقل قالمش اولدینغی
 کوستریبور .

اوراؤک ایسہ جملہ سی محررات رسمیدن اولدینندن ایکیسی
 برقوتندہ اولان بوشہادت متضادہ نک ہانکیسنی قبول ایتمک لازم
 کہہ جکی صورت مخصوصدہ شایان تدقیقدر .

بوخبر مسرت اثرله قدوة الاعيان كنعان چاوش زید مجده ارسال اولندی . کر کدرکه وصول بولدقده باب اشاعت و اعلانی منتوح طوتوب رعایا و برایتک امن و امانته ساعی اولقده دقیقه فوت ایلمهسن . شویله بیله سین ، علامت شریفه مه اعتماد ایدهسن ، تحریر آ فی شهر ربیع الاول من هذا التاريخ » عباره سنه تصادف اولنیور و « هوضوء » تعبیری ده ابجد حسابیه ۸۱۸ چیقیور . بو حالره نظراً دنیله بیلیرکه چلبی سلطان محمد مؤرخارجه سنه جلاوسنه متعلق برخطا وقوعبوله جفنی کشف ایتمش اولسه یدی اخلافنه تبیین حقیقت ایچون دهها واضح دهها ناطق بر دلیل براقه مازدی .

مؤرخلرک نهوینه دلالت یالکز بو فرمانده قانیور ؛ موسی چلبینک ، میخال اوغلی محمد بک و تیمور طاش زاده انور بک و سکز بیک سواری ایله صوفیه طاغردنه بولندیغنه و کلیبولدن آناتولییه کچرک قرمانلیلر ایله اتفاق فکرنده اولدیغنه دائر کوندردیکی عریضه اوزرینه موسی چلبینک او طاغردن خلاصی معلوم اولدیغنی و قورتیلوبده قرمان اوغلیله برلشده حرکاتلرینک بر نتیجه و یرمیه جکفی مبین اولهرق یازیلان و مندرجاتنه نظراً موسی چلبینک دهها وفات ایتمدیکی تحقق ایدن جوابنامه هایون « اواسط شهر ربیع الثانی سه شمان وعشر وثمانمائه » و موسی چلبینک اتلافیه سلطان محمدک استقلالنه دائر قرمان اوغلی طرفندن کلن تاریخه بر تبریکنامه نك جوابی « اوائل رجب المرجب سنه ثمان



چلبی سلطان محمد

899074

تاریخچر بالاتفاق موسی چلبینک فناسیله چلبی سلطان محمدک

استقلالی ۸۱۶ تاریخنده وقوع بولدیغندن بحث ایدرلر ، حتی DR

خواجه سعدالدین پوروايته او قدر امنیت کوستیررکه موسی 440

چلبینک ایام حکومتی ایکی ییل یدی آی یکریمی کون اولدیغنی K4

بیان ایلر ؛ حالبوکه یالکیزجه ساعتی ، دقیقه سی کوسترله مش V.3

اولان بومدبتک کونندن قطع نظر ، سنه سی بیله موقع اشتباه

وترددده در . عصر مزده چیقان آناردن « خبر صحیح » ده سلطان

محمد طرفندن او وقت بروسه قاضیسنه یازیلان فرمانده موسی چلبی

وقعه سنک تاریخی « هوضوء » عباره سی اولدیغنی تصریح ایدلمسنه

نظراً وقعه نك ۸۱۸ تاریخ هجریسنده وقوع بولمش اولمسی و بناء

علیه چلبی سلطان محمدک استقلالی ده او تاریخندن معتبر طوتلمسی

اقتضا ایده چکینی بیان ایدیور .

فی الحقیقه ذکر اولنان فرمانک فریدون منشأ تنده مندرج

اولان صورتنده « زمرة عباد و اهل اسلام صداقت نهاد آنک

فسادندن خلاص و آزاد اولوب ظلمت عداوت انوار نصرت

الهمیه ایله ضیاداده اولدیغنی سببدن تاریخی هوضوء ۸۱۸ دوشوب

kemal, Namik

کلیاتِ کمال

عسجدی زربیب

Osmanlı tarihi

عثمانی تاریخ

جلد
۲



استانبول
محمود بی مطبعہ

۱۳۲۷





کتابتِ کمال

بیتِ نبی زینب


عَمَّالِیُّنَا سَیِّدِی

جلد ۲
۱۸۰
جزء ۱

استانبول

مجموعہ کتب مطبوعہ

۱۳۲۷



DR
440
K4
v.3

Kemal, Namik
'Osmanli tārīhī

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
